中國哲學中 鍾 泰編

本書據商務印書館1934年版影印

登非 思 所以爲賢首出摹倫包三才育萬物廓然性分之天者其視諸子猶鯤鵬之於蠛蠓焉嗚呼章制密而儒道衰考據精 軒之蹐之於孔會思孟之左最近學風扇播總其略墨名而荀性爲世大宗賢聖微矣抑不知夫聖之所以爲聖賢之 為求學之方師師相承而其術益密乃近於名法家之所爲是故今之學者移治經之心力以治子往往自暱 就我。夫以古人之迹之傳於今寫遠而莫見銀語而不相合固矣其不可強同也因而疑之信與疑不相 而 而做屣儒術儒術之中有荀卿焉陽儒而陰法崇名而絀性其書倍蹻不同往往出於其徒李斯雖之所竄易言 不務蓄德而以求知求知者必求勝於人求勝於人之心不已將谿刻以求古人之失或先立章制而以古人之言行 屑砥柱東流之實可謂愛世之深矣且夫古今能爲學者不出高明沈曆之兩途沈曆者移涵泳高明者喜創 想旣 名法 鍾 馭古之迹是以毀轅折筴而其道大窒窒則愚通則哲嗚呼鍾子其幾於哲矣戊辰三月吳江金天翮。 高 選積理積而後體用備內足以簽吾心外之足以理天下國家充實光輝儒術乃以見貸於世創闢者之於學焉。 子鍾山為教授之江大學三年纂中國哲學史竟督余爲之序鍾山富於理性純於學其爲書立例謹嚴愾乎獨 勝因不與果期而卒與之相赴一孔之士南面撰呵硜然獨訂賢聖之得失而高下其名位蓋三十年來學術。 明者之過與鍾山之擇術焉醇其觀古焉涵泳反覆久而得其通儒者經世之體也世之爲學者大都握今之明者之過與鍾山之擇術焉醇其觀古焉涵泳反覆久而得其通儒者經世之體也世之爲學者大都握今之 不 得保 其統緒雅頌政教且隨之以傾然而倡此者家自以爲哲學人自以爲真理理不必眞而橫流滋 害也以 於名法 關涵泳 學者題 疑古

此者以史傳之體裁述流略之旨趣故上下則詳其源流彼是亦辨其同異。

史家之例或以事爲題或以人爲目此書述一家之言則著其人總一代之變則標其事。

史家紀傳有合有分或以附從或以連及此實亦兼四體蓋事有取其相實說亦便於互緣惟是人之重輕文隨 **静略附從以上著之章目連及之者但見本文**。

一派之說詳於魁率至其徒衆具在範圍一一敍之祇增重複故非於先說有發明於師傳有改易並從省汰以

人之編次一準時代惟附從者以其類連及者隨其宜先後參差並難例限。 門戶之爭自古不免然言各有宜理無相悖此當於各家同異時附平亭既欲見學備之全亦以爲溝通之助。 中西學術各有統系强為比附轉失本其此舊命名釋義一用舊文近人影響牽扯之談多為葛藤不敢妄和。

曹中人物或稱子或稱君或稱生或稱公或稱名或稱號或稱諡或稱封一從常習意無抑揚。

此當上下兩卷略分四期一自有史以迄贏秦是爲上古史二自漢迄唐是爲中古史三自宋迄明是爲近古史。 四有清一代是爲近世史惟光宜以後雜糅新說雖關蹊徑未睹旨歸編錄之實讓之來者。

A.

鍾山鍾 泰鼠

_

中國哲學史卷上目錄

B	第九章	第八章	附論	第七章	第六章	第五章	第四章	附老	第三章	第二章	第一章	第一編
^	孟子 附曾于子思 又告子附見四八	莊子 附列子四二	附論管商同異	商君 尸子附見三五	楊子	墨子 附宋鈃	孔子一九	附老子天地不仁以萬物爲獨狗解	老子 所管子	王官六藝之學,	上古之思想—	上古哲學史•••••••••

自鎮	第二十三章	第二十二章	第二十一章	第二十章	第十九章	第十八章	第十七章	第十六章	第十五章	第十四章	第十三章	第十二章	第十一章	第十章	第九章 牟
	- 柳宗元劉禹錫	- 韓 & 李 鯛	- 隋唐佛教之宗派	王通	范謨 用重稱	南北朝儒释道三教之争	陶淵明************************************	葛洪 開鮑生	傳玄	 	到砂	魏晉談玄之風	徐幹	荀悦	牟融
E		一七九		一六九	一六五		一五九	五四		五〇	一四八		一三七		

中國哲學史卷上

第一編 上古哲學史

第一章 上古之思想

間無可參驗過而予之以誣古人所不敢也。 執中之說固堯之所以命舜也今雜錄上古以來先民傳說見於戴籍者撮為此章其不曰哲學而曰思想者會關有 中國哲學至周代始有統系可言然其淵源所自則甚遙遠如孔子贊易易固聲增於伏羲之八卦也子思傳中庸。

一本天

牧也曰「欽哉惟時亮天工」(堯典) 臯陶之陳謨也曰「無曠庶官天工人其代之天敍有典勅我五典五惇哉 天秩有禮自我五禮有庸哉。」又曰「天命有德五服五盘哉天討有罪五刑五用哉」(並臯陶謨)工曰天工而 典體命討一推其源於天此後世法天畏天賭說之由來也於是箕子陳洪範則曰「天乃錫禹洪範九疇」周公作 取籍之舊無過尚書今文尚書始堯典職之以臯陶謨或謂典謨出夏時追述顧其說則可據矣舜之命九官十二

第一篇 上古哲學史

無逸則曰「昔在殷王中宗嚴恭寅畏天命」(舊以天命連下自度句絕誤)其在於詩皇矣之篇曰「不識不知、 順帝之則」所以稱文王也烝民之篇曰「天生烝民有物有則民之秉彝好是懿德」(並大雅)所以美仲山甫 非天不能生人者託體於天則當以天爲父是以古之王者自稱天子而郊祀上帝著之醴經謂之報本之祭觀其制 也蓋自唐奠逮於三代詩書之所稱說若斯之類不可勝引竊原其故則古初以來當窮人物之本以爲非地不能養、

名知有深義非同偶然者矣。 王孝經亦曰、「周公郊祀后稷以配天宗祀於明堂以配上帝」夫郊禘之祭由來尙矣而以祖考配之是人鬼不必 項而宗堯夏后氏亦稱黃帝而郊蘇祖顓頊而宗禹殷人稱譽而郊冥祖契而宗湯周人稱譽而郊稷祖文王而宗武 三統之所以立不可誣也專陶稱天敍天秩即曰、「天工人其代之」」武王稱天降下民即曰「其助上帝龍之四方」 **捍大患則配之(亦見禮配祭法)是故配棄以爲稷配后土(共工氏之子)以爲社配黎(顓頊氏之子)以爲** 降於天神也不獨是也聖王之制祭祀也法施於民則配之以死勸事則祀之以勞定國則祀之能禦大災則祀之能 **武融肥昧(少昊氏之子)以爲玄冥其爲天神。即皆人鬼吾觀祭祀之事**知古之不欲以天而蔑人也明矣而或乃 (見孟子今偽古文尚書泰晉與此稍異)人可代天助天則豈不重乎且禮記祭法載有虞氏稱黃帝而郊譽祖顓 惟以人爲本乎天故親人亦與天等盡人之性則可以參天地而育萬物古稱天皇地皇人皇說雖荒渺而天地人 二盘人

三首孝

教則父子有親在君臣有義夫婦有別長幼有序明友有僧之前周官六行則孝居友睦媳任邱之首(見周官大司 下是以尙同。」(見太炎文錄)章氏之說自可信顧吾觀變典四岳舉舜曰『瞽子父頑母歸象傲克諧以孝燕恭 徒)禮郊特牲曰。「萬物本乎天人本乎賦」,夫本乎天人與物之所共也本乎諷則人之所獨也人不知孝是謂忘 义不格姦」帝曰「我其武哉」孟子言孝首推大舜曰「舜盡專親之道而瞽瞍庭豫瞽瞍庭豫而天下化瞽瞍庭 身愼行恐辱先也」然則孝之爲殺與古人之重宗法隆祭祀蓋俱起者矣抑古之所謂孝者非僅孝於父母之謂也。 **副忘祖則不得爲人也故古者宗廟之祭自稱孝孫(詩小雅楚猆魯頌陶宮)而孝經曰『宗廟致敬不忘親也修** 黎而天下之爲父子者定此之謂大孝」使堯舜之事爲不妄孝治天下之說固有先乎夏世者矣自是以後契敷五 孝經曰「夫孝始於事親中於事君終於立身」禮祭義曰「居處不莊非孝也事君不忠非孝也涖官不敬非孝也。 安義可謂用勞吳博施備物可謂不匱矣」夫此孔子會子之言其出在後然而當甘晉曰『用命賞於雕』非以戰 朋友不信非孝也戰陳無勇非孝也』又曰『孝有三小孝用力中孝用勞大孝不匱思慈愛忘勞可謂用力矣尊仁 『釋文引鄭氏說「禹三王先者以先王屬禹必有所據而墨子用夏道漢書藏文志序墨家者流即曰以孝靚天 孝經作於孔子然其曰先王有至德要道以順天下民用和睦則孝之由來遠矣近人章太炎著孝經本夏法說以

陳之勇爲孝乎。大雅旣醉曰、『孝子不匱永錫爾類』非以不匱爲孝乎若是舉行己待人臨事爲國之道而一賅之

Z

於孝之中故曰、『夫孝徳之本也』曰、『人之行莫大於孝』(並孝經)由孔子以上稽詩書之傳知所謂先王有 「您要道者聖人之言固眞實而無有假託也。

四 用

以 典)皐陶之贊禹曰『寬而栗柔而立愿而恭亂而敬擾而毅直而温簡而廉剛而塞彊而義彰厥有常吉哉』(臯 謨疑不足信然論語既載之矣曰『堯曰「咨爾舜天之曆數在爾躬允執其中四海困窮天祿永終」舜亦以命禹。 陶謨)其言德皆必舉兩端而不欲有偏勝之過是亦中而已矣孟子曰「陽執 孔子亦曰、「舜其大知也與舜好問而好察邇言隱惡而揚善執其兩端用其中於民其斯以爲舜乎」(中庸 堯舜禹執中之傳、果不誣也不獨是也帝堯之命變曰、「汝典樂教胄子直而温寬而栗剛而無虐節 子武王之中 模稜 自 用 [宋以來儒者有所謂十六字之心傳者曰『人心惟危道心惟徼惟精惟 | 允執厥中』此 皇極。 兩可為中以多方遷就為中此自後世之失不得以為先民罪更不得以為中道罪。 也由是而 」註謂皇極大中也。 老日守中(老子多言數窮不 又其言曰、 無偏無黨王道務為無黨無偏王道平平無反無 如守中)孔曰中庸。 蓋吾先民之訓無有或離於中道者至若 中立賢無方」則湯之中也洪範曰、 側王道正 出梅氏僞古文大禹 而 無傲。 頂。 則箕 **今** 則

五 上民

敢侮其尚猶有奴使其民者乎且古人之所敬事者天也而臯陶曰《天聪明自我民聪明天明艮自我民明威》(臯 逸)其稱文王曰「惟乃丕顯考文王克明億愼罰不敢侮鰥寡庸庸祗祗威威顯民」(康誥)夫至於鰥寡而不 故周公稱殷王祖甲曰。【其在祖甲不義惟王畓爲小人作其卽位爱知小人之依能保惠於庶民不敢悔鰥寡】(無 之」(國語發語)師曠日「天生民而立之君使司牧之勿使失性天之愛民甚矣豈其使一人肆於民上以從其 陶謨)武王曰、「天視自我民視天聽自我民職」(孟子引泰智)以民為天意所寄託故畏天者亦畏民召酷曰、 樂民事民旁有廛無由省之益邪多矣若以邪臨民陷而不振用善不肯專則不能使至於參減而奠之恤也將安用 不足盡信而民本之義非上古所能曉則何其厚極先民之甚也。 證乎是以君貨民賤特起於戰國以後暴君代作一時之邪說而近人好以後世之事推論三代以前遂疑詩書所載 翟而乘天地之性必不然矣。」 (左傳襄十四年中有節文) 夫孤寡不穀賤名也而侯王以爲稱非自卑而上民之 「古我前后問不惟民之承」再則曰「恭承民命用永地于新邑」(曹盤庚)立君所以爲民古之人早知之矣。 【用顧畏于民碞】是也斯義也春秋士大夫獨或館道之里革曰、『君也者將牧民而正其邪者也若君縱私回而 孟子曰『民爲貴社稷次之君爲輕』夫民貴之義非自孟子始發之也盤庚之遷於殷也所以告其民者一則曰、

六大天下

公羊家有言曰大一統(公羊體元年)此意亦非始於公羊也禹之稱舜也曰「光天之下至於海隅蒼生萬邦

以天下爲量不欲以一國自限其來固已久矣且禹思天下有獨者由己獨之也稷思天下有飢者由己飢之也伊尹 思天下之民。匹夫匹婦有不與被堯舜之澤者者己推而納之溝中(並見孟子)大之推於天下者亦細之不遺於 天下中庸之德必極之於舟車所至人力所通天之所覆地之所載日月所照霜歸所隊凡有血氣莫不奪親古之人 不免託之空官然即規度而論則何其恢鄭也是以孟子曰、人有恆言皆曰天下國家,而大學之數必極之於平不免託之空官然即規度而論則何其恢鄭也是以孟子曰、人有恆言皆曰天下國家,而大學之數必極之於平 奄有四方』(周頌)所以言武王也而周禮職方氏辨九服之邦國自王畿以外有侯甸男采衞蠻夷鎮藩其制政 矣又非獨舜禹爲然也長發之詩曰『上帝是祗帝命式於九團』(商頌)所以言湯也執鏡之詩曰『自彼成康、 禹之時疆域之廣不盡九州然而其言若是者非徒爲夸辭也蓋其函括寰宇之量固以爲一君之所治莫有能外者 黎獻共爲帝臣』(皐陶謨)夏人之稱禹也曰『東漸於海西被於流沙朔南鹽擊數乾於四海』(禹貢)夫舜 一夫嗚呼此視彼局於國家主義或侈官民族平等而不惜殺人以救人者不亦遠乎。

第二章 王官六藝之學

盛孔子曰「夏禮吾能言之杞不足徵也殷禮吾能言之宋不足徵也文獻不足故也足則吾能徵之矣」又曰「周 盛於二代郁郁乎文哉吾從周」則文獻之盛二代非周比也雖然周之盛文武開之而周公實成之孔子曰、『文王 孔子曰「天子失官學在四夷」(左傳昭十七年)上世之學掌於王官無可疑也然王官之學孰爲盛曰周爲

公仲尼之道」(孟子)此則謂周公也是以清章實務(名學賊會稍人乾騰進士)作原道而謂周公集前王之 焉不學而亦何嘗師之有』此謂文武也孔子又曰『甚矣吾衰也吾不復夢見周公』(以上並論語)孟子曰『周 氏遺書文史通義)夫隋唐以前學校皆並配周孔以周公爲先聖孔子爲先師其制蓋始於漢漢人所見猶爲近古。 成斯乃所謂集大成也。」又曰『自有天地而至唐奠夏商迹旣多而窮變通久之理亦大備周公以天縱生知之皇、 大成日「周公成文武之德適當帝全王備殷因夏監至於無可復加之際故得藉爲制作典章而以周道集古聖之 既沒文不在茲乎』子買曰『文武之進未監於地在人賢者職其大者不賢者職其小者莫不有文武之道焉夫子 而適當積古留傳道法大佛之時是以經輪制作集千古之大成則亦時會使然非周公之聖智能使之然也』(章 由是論之章氏之說不得爾之鑿空也是故言中國哲學必當斯自周公爲始。

之周禮其經綸大體必出於周公而非餘子所能代爲也又不獨禮而已也周禮春官大卜掌三易之法一曰連山二 曰歸藏三日周易則易在禮之中矣大師教六詩曰風日賦日比日典曰雅曰頌則詩在禮之中矣大司樂以樂舞教 周公制周禮』(文十八年)此所謂周禮者固不必即今之周禮一書然即周公制禮推之禮之大者無過政教今 國子舞製門大卷大成大響大夏大漢大武則樂在體之中矣小史掌郭國之志外史掌四方之志掌三皇五帝之書 周公居攝三年制體作樂」體記明堂位稱「周公朝諸侯於明堂制體作樂」而左傳引太史克曰「昔者先君 周公制作英著於禮令傳儀禮十七篇其為周公舊制已無異論惟周禮一書則疑之者多然伏生 尚 書 大 傳稱

而亦即曰、 語)夫嚮使周之學校未嘗以詩書禮樂爲教則晉楚之士如趙袞申叔時安得有是言乎是故子所雅言、 明 之詩而爲之期 申 風 執禮 干戈秋冬學羽篇皆於東序小樂正學干大肾贊之篇師學戈籥師丞贊之胥鼓南春誦夏弦大師詔之瞽宗秋 立四四 萴 以其德而 叔 餘 書 、時权時日、 韻、 者 教順先王詩書禮樂以造士春秋教以禮樂冬夏教以詩書」而文王世子曰『凡學世子及學士必時。 興 %有存存. 韶之多讀書典書者韶之禮在醫宗書在上庠」則常時六藝之教行於學校其制固可考見而春秋 森 知先王之務用明德於民焉教之故志使知廢與 在 秋 述而不作』曰『好古敏求』(並論語)章實齋曰『六藝周公之典章』(文史**通義**經解 魯矣吾乃今知周公之德與周之所以王也』 廣 者晉趙衰腐卻穀爲帥稱其說禮樂而敦詩書 (左傳僖二十七年)楚莊王使士麈傅太子箴問。 --- 教之春秋而爲之聳善而抑惡焉以戒勸其心教之世而爲之昭明德而廢幽昏焉以休懼 顯 德以耀明其志教之體使知上下之則教之樂以疏其 者而戒懼焉教之訓 (左傅昭二年) 穢而鎮其浮教之令使訪物官教 是可證 典使知族 也如 類行比義焉。 兘 王制 日 البعه 樂正 静 $\overline{}$ 之世流 之語、 工共動教 鏄 阈 春 崇 豈不 學醴、 夏學 執禮。 **胜九** 秋。 四 於 楚 使 日、

亦六經之支與流裔」(並漢皆藝文志)近人詆之以爲附會揣測全無憑據然莊子天下篇言『古之人其備乎。 班 固 因 劉 歆 七 略 寫 漢 書藝文志而謂 儒道陰陽名法墨縱橫雜農九流之學皆出於古之某官又謂「合其 要歸、

之學戰國時人多知之者不得謂七略藝文志無所憑據也且淮南要略以爲諸子皆起於敷世之弊而論論者之學 則曰「崇天子之位廣文武之業」夫儒家無論矣老子爲周守藏室之史莊子有孔子西藏書於周室繙十二經以 齊法世傳之史尚多有之其在於詩書禮樂者鄒魯之士縉紳先生多能明之詩以道志書以遺事禮以武行樂以遺 配神明醇天地育萬物和天下澤及百姓明於本數係於末度六通四辟大小精粗其運無乎不在其明而在數度者、 之春秋宋之春秋齊之春秋周之春秋云云)而呂覽稱『魯惠公使宰讓請郊廟之禮於天子桓王使史角往惠公 得於六藝也墨子之書多引詩書又曾吾見百家春秋(唐劃知幾史通六家篇引墨子佚文又墨子明鬼篇亦稱燕 說老聃之文(見莊子天道篇)而含子問禮孔子所以告之者每日吾聞諸老聃(見禮配會子問)是老子之有 則曰『修成康之道逃周公之訓』論墨子之學則曰『學儒者之業受孔子之術背周道而用夏政』論管子之學、 和易以道陰陽春秋以道名分其數散於天下而設於中國者百家之學時或稱而道之』則百家淵源於王官六藝。 仁義禮樂者皆出於法』(任法)又弟子職者禮之曲禮少儀之類也而今在管子之書是管子之有得於六藝也。 ıĿ 而所為作內政以寄軍令者實本之周禮鄉遂之制(小匡)且其書言法而曰『法出於禮』(樞宮)曰『所謂 有日修先玉之術除禍難之本明堂篤有日度於往方觀於先王其稱引孔子之言尤衆)則映與非卽亦不能無聞 一之其後在於魯墨子學焉。」(當染精)是墨子之有得於六藝也管子以禮義康恥爲國之四維(管子牧民) 設詩書以為國之注畫者惟商鞅與韓非耳然商君師尸佼韓非師荀況佼況皆尊先王稱孔氏〈尸子貴言篇〉

非謂諸子之學皆六藝之所已備也又非謂諸子之學其義無有能出六藝之外也譬之江水諸子者其下流之播爲 於六藝之教故苟使取諸子之書而硏窮之明其異同詳其得失之所在其與六藝分合之迹蓋可得而覆案也夫此 九江三江而六藝者則其濫觴之始也今言中國哲學而不本之於六藝是無卵而有時夜無父祖而有曾彌也惡乎

第三章 老子 附管子

以自隱無名爲務故其行迹多不可考而世或言其百有六十餘歲或言二百餘歲皆誕妄不足信然孔子適周問禮 **遂去至關關令尹喜曰『子將隱矣彊爲我著書』於是迺著書上下篇五千餘言而去今所傳道德經是也老子旣** 老子時關陳司馬遷史記老子列傳以其後追述之故以屬於楚實非楚人也實爲周守藏室之史久之見周之衰迺 諸老聃者窮極顧之節文**今老子書乃謂『禮者忠信之尊而亂之首』其言不類疑道德經出於後人之手非其舊** 近人廉江江瑔著讚子卮言有論老子之姓氏名字甚為可據)則其事爲必有而後人或以禮會子問孔子所言聞 於老子見於史記見於莊子之書而論語記孔子自言亦曰『述而不作信而好古編比我於老彰』(老彰卽老子、 矣不知禮有本末天下之衰也逐末而忘本於是節文益繁而禮之本意轉失忠信之薄而亂之首云云老子亦爲彼。 老子姓李名耳字聃其曰老子者則古稱聲考者之號(禮記會子問鄭注)生於楚之苦縣厲鄉曲仁里苦縣當

之辦並疑老子其人爲不必有而謂莊子所載老聃事皆出於周之寓言夫論語一書如長沮桀溺晨門荷黃之流其 非融之禮言之耳不然孔子執禮者而亦曰「禮云禮云玉帛云乎哉」此豈有悖乎又近人以史記言老子多游移 當史公時此豈可誣者至云老子莫知所終則隱者往往如此尤不足異也(莊子養生主篇言老聃死秦佚弔之則 迹皆不顧然即不得謂無其人且老子列傳詳敍老子之子孫而八世孫假仕漢孝文帝假之子解為**廖西王太傅皆**

非道道不可名可名者非道故曰「道之出口淡乎其無味視之不足見聽之不足聞」又曰「道可道非常道名可非道道不可名可名者非道故曰「道之出口淡乎其無味視之不足見聽之不足聞」又曰「道可道非常道名可 莫知所終云云亦出之一時之傳說〉 名天地之始有名萬物之母常無欲以觀其妙常有欲以觀其微此二者同出而異名同謂之玄」又曰『有無相生』 名非常名」惟其不可見不可名也故又名之曰無曰、「天下之物生於有有生於無」又曰、三十幅共一般當其 知其名字之日道。」又曰「道生一。一生二二生三三生萬物萬物負陰而抱陽沖氣以爲和」然道不可見可見者 又曰「有之以爲利無之以爲用」有與無並言明無之即有有之卽無也故其所以爲道之形容者曰「道之爲物 惟恍惟惚惚兮恍兮其中有象恍兮惚兮其中有物窃兮冥兮其中有精其精甚其其中有信。三曰恍惚曰窈冥非無 無有車之用。埏埴以爲器當其無有器之用。擊戶牖以爲室當其無有室之用。一無即道也然曰無而實有故曰「無 老子以道爲天地萬物之本故曰「有物混成先天地生寂兮寥兮獨立而不改周行而不殆可以爲天下母吾不

身、由 是之謂虚 獎。 五 得 偽而偽則生於知也故曰、 然 知 先明吾心之本體故曰『致虛極守靜篤萬物並作吾以觀其復夫物芸芸各歸其』 之

本 無 耶。 常 有三死之徒十有三人之生動 身吾有何 人之不明 不 日 5見素抱: 一味令人 多方以 有 體宇宙之本體、 有 日 知 見胡 象、曰 明。 而 何言乎以 不 八口爽馳 忠。 無 | 樸皆本老子語) 由私欲而 喻之而又恐 有 夫心之本體何 知常妄作凶知常容容乃公公乃王王乃天天乃道道乃久沒身不殆。」在人心曰命在宇宙曰道一也。 氏中國哲學史大綱)亦可謂不善讀老子者矣雖然所謂道者何耶。 知以道言之則損矣故曰「爲道日損」老子之言道,非空談宇宙之本體也必以吾心之本體、 物、 此 日 其 身之患也身之爲患何也曰以其私欲私欲所以生生 **1**1 騁田獵令人心發狂難得之貨令人行 即吾心之本體非有二也故曰『道者同于道德者同于德失者同于失』 有知。 精 人之執 ---- 有信非有耶。 智慧 其言曰『削識者道之華而愚之始也』 也曰以其有身以其有知何言乎以其有身其言曰『吾所以有大患者爲吾有身及吾。 之死地 出有大偽。是故欲免於知之患必自見素抱樸始矣見素抱 實以 求也故义不得不閃 而合而 進於虛由偽而進於靜以學言之則 者亦十有三夫何故、 "言之則曰 **—** 無狀之狀紀 妨。 爍 (其詞) 以 <u>_</u> 是故欲免於身之患必自少私寡 其生生之厚。又曰 而 此知之患也知之爲患何 無物之象」 胡適之以爲哲學初起名不完 屯、 《益矣故曰》 而不 知其所以皆生也故曰『生之徒 (根歸根日靜 道者宇宙之本 蓋道者變動 『五色令人目盲。 為學日益。 不居無 也。日、 樸、 静日 欲知 是之謂 欲始 體 「復命復命」 以 字 備 也。 矣少私 由 其 宙 何 枚 五音令人耳 有方所故不 之本 偽。 以 靜。 說 有 知 知 ÐÜ 寡欲、 日常。 合字 不必 少私 宇宙 不能 而 體、

宙之本體以宇宙之本體發吾心之本體故曰「修之于身其德乃其」此道德之所以可貴也

二無為

於無為無為而無不為矣」自夫無無為之本而一以有為為事於是天下多害事矣故曰「天下神器不可為也為 者敗之執者失之。」又曰「以其上之有爲也是以難治」又曰「聖人無爲故無敗無執故無失」然則老子之言 易行天下莫能知莫能行」此亦莫能知之一端矣。 事為無為也自夫世之不明老子之意而以無爲爲不事事於是遂强指老子爲消極主義老子曰一吾言甚易知甚 無為為夫吳其私智而一以生事爲能者言之也爲夫執滯於有爲之迩而不能行其所無事者言之也非曰以不事 蓋有之矣。未有能無爲而不能有爲者也故曰、「爲無爲」又曰、「道常無爲而無不爲」又曰、「損之又損之以至 道之何以言無爲也日有爲者用也而所以用夫有爲者則無爲也故無爲者有爲之本也能有爲而不能無爲者、

三三文

生之徒。」又曰、「天下之至柔馳騁天下之至剛。」又曰、「天下莫柔弱于水而攻堅彊者莫之能先以其無以易之 器非君子之器不得已而用之恬澹爲上勝而不美。又曰『鴯莫大于輕歡輕敵幾喪吾實故抗兵相加哀者勝矣』 也」人知慈柔之爲慈柔而不知慈柔之爲勇強也故曰「夫慈故能勇」斯其道見於戰爭其言曰「兵者不祥之 老子曰、「我有三寶實而持之。一曰慈二曰儉三曰不敢爲天下先」惟慈故柔其言曰、「整強者死之徒柔弱者

之賊不以智治國國之關」愚也正其所以爲智也又曰「小國寡民使有什伯之器而不用使民重死而不遠徙雖 哉」人知愚之爲愚而不知愚之爲知也知嗇之爲嗇而不知嗇之爲積也知儉之爲儉而不知儉之爲廣 下」下也正其所以爲先也老子之道如是豈果無爲也哉。 大國則取大國故或下以取或下而取大國不過欲彙使人小國不過欲入事人夫兩者各得其所欲故 大 者 宜 為 取天下其言曰「大國者下流天下之交天下之牝牝常以靜勝牡以靜爲下故大國以下小國則取小國小國而下 下莫能與之爭。」人知後下之爲後下而不知後下之爲先上也故曰、「不敢爲天下先故能成器長」,斯其進見於 以爲廣也惟不敢爲天下先故後故下其言曰「江海所以能爲百谷王者以其善下之故能爲百谷王是以聖人欲以爲廣也惟不敢爲天下先故後故下其言曰、「江海所以能爲百谷王者以其善下之故能爲百谷王是以聖人欲 民至老死不相往來」嗇也正其所以爲徵也又曰「聖人不積旣以爲人己愈有旣以與人己愈多」儉也正其所民至老死不相往來」嗇也正其所以爲徵也又曰「聖人不積旣以爲人己愈有旣以與人己愈多」儉也正其所 有舟車無所用之雖有甲兵無所陳之使民復結繩而用之甘其食美其服安其居樂其俗鄰屬相望難犬之音相聞。 慈也正其所以為勇也惟儉故嗇故愚其言曰「治人事天莫若嗇」又曰「衆人皆有而我獨若遺我愚人之心也 上人以其言下之欲先人以其身後之是以處上而人不重處前而人不能害是以天下樂推而不厭以其不爭故天 「儉故能廣」斯其道見於治國其言曰「古之善為道者非以明民將以愚之民之難治以其智多故以智治國國 心也故日

四嬰兒

老子言道則尙無名樸言治則尙小國寡民言爲道則尙守難尙嬰兒其義一也其言嬰兒者凡三日『專氣致柔.

其所以尙嬰兒何也日為其無心也故曰「聖人無常以百姓心爲心善者吾善之不善者吾亦善之德善矣信者吾其所以尙嬰兒何也日爲其無心也故曰「聖人無常以百姓心爲心善者吾善之不善者吾亦善之德善矣信者吾 嬰兒姹女之說以首養生則得於老子而失老子之意者未可以混同而論也。 其出彌遠其知彌少』漢家用黃老以清淨治而班固以爲道家君人兩面之術蓋皆有見於此至後世神仙家託爲 下有始以爲天下母旣得其母以知其子旣知其子復守其母。」又曰、「明道若珠」又曰、「盧其心實其腹」有知 能嬰兒乎」曰「衆人熙熙如享太牢如春登臺我獨怕兮其未兆如嬰兒之未改」曰「常德不難復歸於嬰兒」 而不用何也日用則有不用矣不用則無不用也故曰、明白四達能無知乎。」曰、不出戶知天下不窺牖見天道。 知者有知而不用非不知之謂也故曰『知不知上不知知病』又曰『知其雄守其雌知其白守其黑』又曰『天 信之不信者吾亦僧之傳信矣聖人在天下憔悚爲天下渾其心百姓皆注其耳目聖人皆弦之』無心故無知然無

言)言『恬愉無爲去智與故其應也非所散也其動也非所取也』(心術)言『功成者聽名成者虧』(白心) 吾謂實務之言為得其實今管子樞宮心術白心內業諸篇言『日益之而患少者惟忠日根之而患多者惟欲』(樞 綴輯古人著書不必定成於一人之手類多有其徒附益不得執此以爲僞(文史通義詩數言公等篇擬其意如此) 游談聲及韓非李斯肇襲商君之法借管氏以行其說者而章實齋則謂管子之述其身死後事出於習管氏法者所游談聲及韓非李斯肇襲商君之法借管氏以行其說者而章實齋則謂管子之述其身死後事出於習管氏法者所 際恆(際恆字立方仁和人諸生與閻岩珠毛奇齡同時)作古今偽書考爾管子多偽大抵戰國周末之人如稷下 志道家首伊尹太公而有管子八十六篇伊尹太公之曹令不傳管子八十六篇之目皆具而其闕者十篇清姚

王初 日『桓公九合諸侯、 原其 政之所廢在逆民心』(並牧民)即百家所不能易而亦三代以來之所恆言自隋志列管子於法家後人因之莫 題其所以有異者老子多言治道之體而管子則於用為詳此觀其作軍令制财用大抵本之周禮可以見也若其曰、 固有非道冢所可盡者老子曰【執古之道以御今之有】管子亦曰【疑今者察之古不知來者視之往】(山高) 日「明法而 記管晏列傳)而今管子之書論治必以法爲主曰【法立令行】(法法)曰【聖君任法而不任智】(任法) 以後之人所託爲亦不察之甚矣然史公稱管子獨謂讀其牧民山高(今形勢)乘馬輕重九府詳哉其言之(史 與老子絕坐棄智少私 於易之哪 倉廩實則 本而道 年亦僅憑臆測 赈、 術之裂其迹乃益淆而 知禮節衣食足則知榮辱」曰『國有四維一曰禮二曰義三曰廉四曰恥』曰『政之所興在順民心 :固守之。』(同上)曰、『法者天下之儀也所以決疑而明是非也百姓所縣命也』(禁藏)則管子 一謙而四益然則管老之同亦其俱同於易也耳而或者以管子之會其言多無殊於老氏遂謂必老氏 此等處無事闕疑 不以兵車管仲之力也。」本周襄王七年蓋先老子云(老子生卒不可考胡適之謂當生周蠶 [寡欲而功成不居之旨正同孔子曰、[絜靜精微易教也] (禮記經解)七略以爲道家合 | 莫辨矣吾故附管子於老子後而論之管子名夷吾字仲潁上人相齊桓公孔子

附老子天地不仁以萬物爲獨狗解

老子曰『天地不仁以萬物爲芻狗』胡適之作中國哲學史盛稱其言而謂天地不仁者言其不是人也古者

治思想史亦沿胡說並謂與詩之言昊天不惠昊天不平正同指爲當時神權觀念之動搖然吾統觀老子全書, 打破古代天人同類之髎說而立後來自然哲學之基礎故擬老子之說為思想之革命其後梁任公撰先奏政打破古代天人同類之髎說而立後來自然哲學之基礎故擬老子之說為思想之革命其後梁任公撰先奏政 **注而** 其下句「聖人不仁以百姓爲芻狗」斷章取義而爲之說又安得無誤乎雖然此不能以怪胡氏也自王弼之 但稱「天地不仁以萬物爲芻狗」而不顧「天網恢恢疏而不失」不顧「天道無親常與眷人」 子果信天為無神無知者乎抑信天爲有神有知者乎夫讓一家之言當合觀其前後而後可論其主張 神以見天道之果無知耳然「天網恢恢疏而不失」老子之言也「天道無親常與善人」亦老子之言也老, 百姓爲芻 是人乎,且果如胡氏之意亦只得云非仁不得云不仁非字之與不字其意固有殊矣況下文云「聖人不仁以 者人也」二言不知此二人字皆言人之所以爲人非便指人身而言以今邏輯論之則二人字乃抽象名詞、 知其說之出於穿鑿未足據為定論也夫胡氏以仁為人其所引以為據者則中庸「仁者人也」孟子「仁也 管視天爲有意志有智識有喜怒之主率故以天爲與人同類是爲天人同類說而老子則關天地不與人同性**。** 不足以備載 具體名詞 已誤矣王注曰「仁者必造立施化有恩有爲造立施化則物失其異有恩有爲則物不具存物不具存、 為。」以天地不仁爲不是人亦可謂聖人不仁爲不是人乎推胡氏之心不過欲說老子不信天爲有 也故以人爲仁之訓則可而以人易仁則不可然則老子曰天地不仁豈得引此爲散而謂不仁卽不。 矣地不爲獸生芻而獸食獨不爲人生狗而人食狗無爲於萬物而萬物各適其所用。 則 乃至不 莫不 如 何。 則

乎且獸食獨人食狗云云似言獨狗者不啻言草芥耆茶毒天地且勿論老子嘗疾民之饑以其上食稅之多矣。 夢必且數眯焉』(天運)然則獨狗者芻靈之類耳獨狗之爲物當時則貴過時則棗焉是故言天地以萬物、 以將之及其已陳也行者踐其首脊蘇者取而歸之而已將復取而盛以篋衍巾以文繡遊居寢臥其下彼不得 古之能明老子之意者莫過莊子莊子之曹載師金之言曰「夫芻狗之未陳也盛以篋行巾以文稿尸祀齊戒 而乃曰聖人以百姓爲獨狗謂草芥其民茶毒其民者爲聖人不幾於率獸食人之獎乎是尚得爲老子乎哉夫 為人生狗而人食狗則天地自天地人獸自人獸勢狗自勢狗天地之於萬物會無與爲於其間豈得官以言爲 則正言若反也胡氏讀老子不知正言若反之義而又中於王氏獨狗之說益之自不信天硬牽老子以就己意 易」生生仁也然故者不去新者不生故有生則有殺矣自其殺而言之非不仁而何然而不仁即所以爲仁是。 也而莊子曰「虎狼仁也」(天運)知虎狼之可以言仁則知天地聖人之可以言不仁矣易曰「生生之謂 **為獨為潛稽言功遂身退天之道也而已然其言不仁者何居曰老子不有言乎曰「正言若反」夫虎狼非仁** 而黎氏不察以爲胡氏之創解此其所以俱失也至若詩人言昊天不惠昊天不平正見呼天而語詞意之迫尤 」夫以不仁為無恩則是矣若其所以解芻狗者則未爲得實也信如王氏之言地不爲獸生芻而獸食芻不

不得以爲神權觀念動搖之證當另爲文辨之茲不復贅。

第四章 孔子

委吏為乘田定公時為司空繼為司寇相定公會齊使於夾谷齊人歸魯使地後顯行相事魯國大治齊人歸女樂季 **虚於魯孟公綽數稱臧文仲柳下惠銅鞮伯華介山子然孔子皆後之不並世」孔子之學之所自蓋可見也少舊爲** 及學舉於師襄事而仲尼弟子列傳稱『孔子之所嚴事於周則老子於衡濫伯玉於齊晏平仲於楚老萊子於鄭子 **今其說可見者自六經外有論語孝經爱丼而論之。** 作春秋晚而喜易序象繁象說卦文言弟子三千人身通六藝者七十二人蓋自來私門傳業之盛未有邁孔子者云。 桓子受之孔子知魯之終不能用也去而之衞由是歷遊各國及歸魯年六十八矣乃敍書傳藏州詩正樂因史記而 公三年茲猛恭故鼎銘云「一命而使再命而促三命而俯循牆而走亦莫余敢傳體于是粥于是以糊余口」其恭 十三史記孔子世家載孟僖子之言曰『孔丘聖人之後滅於宋其祖弗父何始有宋而嗣属公及正考父佐戴武宣 如是吾聞聖人之後雖不當世必有達者今孔丘年少好禮其達者歟。歷敍孔子之先德甚詳又載邁周問禮老聃、 孔子名丘字仲尼魯人也生於魯襄公二十一年即周震王二十年卒於魯哀公十六年即周敬王四十一字年七

仁

孔子言仁獨老子之言道也老子言『吾言甚易知甚易行天下真能知真能行』而孔子亦曰『仁遠乎哉我欲

仁斯仁 **首得之矣**。 道。 日 宏後漢紀卷三巳先有此語)或曰『愛曰仁』(周子通書)皆只言其一偏非仁之全也至近人引鄭氏(玄) 之兼攝勇也子張問仁曰『 仁為美擇不處仁焉得知。」曰『仁者安仁知者利仁』是仁之兼攝知也曰『仁者必有勇勇者不必有仁』 也或問仁於程子(伊川)程子曰、「當合孔孟言仁處研窮之二三歲得之未晚也」(見二程語錄、 子無終食之間 相 也。 (非道弘人。) (論語)論語言仁之言甚多曰、「人而不仁如醴何人而不仁如樂何」是仁之彙攝禮樂也。 道以人言之則曰仁不言天而言人其事尤切故曰、 後之釋仁者或曰『仁者 人偶之言謂通彼我斯謂仁(見淸陳澧東塾讀聲記梁任公先秦政治思想史蓋又襲陳氏之說者)而 「至矣」又曰、『有能一日用其力於仁矣乎我未見力不足者』 (並論語) 此 達仁造次必於是顚沛必於是」「仁者不愛」(並見論語)不必對 能行五者於天下爲仁矣』請問之曰『恭寬信敏惠』是仁之彙攝恭寬信敏惠諸德 |功施於人』 (何晏論語集解依於仁注) 或曰「博愛之謂仁」 (韓愈原道然晉袁 **—** 人之為道 而遠 人不可以爲道。 其言甚 人而始有仁雕 **L** rþ 庸 相 頫。 叉曰、 但以 近思 人 (天言之則 ifii 不 知 錄。 ėp 日、 是仁 一君 能 シ斯 三里 弘

二忠恕

由忠以求仁也仲弓問仁子曰『 仁之全體難 見。而 其所從入之路則惟忠與恕樊遲問仁子曰、「居處恭執事敬與人忠。 出門如見大賓使民如承大祭己所不欲勿施於人在邦無怨在家無怨」(並 雖之夷狄不 可棄 也。 此

不盛何有於推苟不能推又何所盡故忠恕多並言或單言恕而忠卽在其中單言忠而恕卽在其中不得歧而二之 子曰『夫子之道忠恕而已矣』(論語)亦可見也抑忠則未有不恕恕亦未有不忠者忠者盡己恕者惟己己之 於右毋以交於左所惡於左毋以交於右此之謂絜矩之道」大學爲孔氏之遺書其所稱述必出於孔子無疑觀會 從之』而卽續曰「君子有諸己而後求諸人無諸己而後非諸人所藏乎身不恕而能喻諸人者未之有也」又曰、 【是以君子有絜矩之道也所惡於上班以使下所惡於下毋以事上所惡於前毋以先後所惡於後毋以從前所惡 此言由恕以求仁也而其言之最詳且盡者英過於大學大學言「一家仁」國與仁堯舜帥天下以仁而民

子衍之日、 子即曰「入則孝出則弟」仁者上遂之事故以由之可使治賦求之可使爲宰亦之可使與資客言皆曰「不知其子即口、入則孝出則弟」仁者上遂之事故以由之可使治賦求之可使爲宰亦之可使與資客言皆曰「不知其 您不敬其親而敬他人者謂之悖禮」明忠恕之反於孝弟也又曰『事親者居上不願爲下不亂在醜不爭』 為仁之本歟』(論語) 孝經曰『愛親者不敢惡於人敬親者不敢慢於人』明孝弟之推於忠恕也又曰『不愛其親而愛他人者謂之悖 忠恕之施何始乎。日始於孝弟孝弟者人之性也天之德也由孝弟而充之忠恕由忠恕而極之仁。一貫之道也故忠恕之施何始乎。日始於孝弟孝弟者人之性也天之德也由孝弟而充之忠恕由忠恕而極之仁。一貫之道也故 「『其爲人也孝弟而好犯上者鮮矣不好犯上而好作亂者未之有也君子務本本立而道生孝弟也 明孝弟之極於仁而仁之本於孝弟也孔子曰『下學而上達』孝弟者下學之事故敎弟 而有

仁。 以上並見論語)上達極高明而下學道中庸此孔子所以立人道之極而凡有血氣莫不拿親也。 以令尹子文之忠陳文子之清皆曰『未知焉得仁』而曰『回也其心三月不遠仁其餘則日月至焉而巳矣。

四五倫

之交也五者天下之達道也」(中庸)然契但立其品至孔子則定其界何者謂之界君盡君之道而不以 朋 目, 盡臣之道而不以責君父盡父之道而不以責子子盡子之道而不以**責父**至夫婦昆弟朋友亦然此所! 也有親不能報有子而求其孝非恕也有兄不能敬有弟而求其聽亦非恕也」(見荀子法行篇)其在文王世子。 人交止於信』止之云者卽止於其界也不特此也知夫爲子之難則父無不慈矣知夫爲父之難則子無不孝矣知、 人之界故望人不敢不奪由前言之謂之忠由後言之謂之恕是故五倫之道統之於忠恕其始爲孝弟而其極則爲 友先施之未能也」(中庸)其在大學曰「爲人君止於仁爲人臣止於敬爲人子止於孝爲人父止於慈。 -7 Ŧī. 君子之道四丘未 |倫之教始於舜之命契而儒者實出於司徒之官故亦曰、「天下之達道五君臣也父子也夫婦也昆弟也朋友 知爲人子然後可以爲人父知爲人臣然後可以爲人君知事人然後能使人』知己之界故實躬不得不 臣之難則君無不仁矣知夫爲君之難則臣無不敬矣故子曰『君子有三恕有君不能事有臣而求其使非恕 能一焉所求乎子以事父未能也所求乎臣以事君未能也所求乎弟以事兄未能 謂 界也。 也。 實臣臣 所 厚知 與國 水平

力战己成物

之用也有體有用故曰合外內之道此豈腐儒徑徑自守或貌爲大言者所可得而冒驕者哉。 非斯人之徒與而能與天下有道丘不與易」(以上並論語)聖人之情殆見乎辭矣而中庸言之尤爲詳盡日「誠 欲達而達人。」又曰「一日克己復禮天下歸仁焉。」言仁必以立人達人天下歸仁爲究竟非務爲高遠也不如是、 者非自成己而已也所以成物也成己仁也成物知也性之德也合外內之道也」成己曰仁仁之體也成物曰知仁 即不足盡於仁也故子之言志曰『老者安之朋友信之少者懷之』而極栖皇皇席不暇暖曰『鳥獸不可與同羣吾 極仁之量萬物皆吾懷抱之內故匹夫匹婦有一不得其所即於吾仁有所欠缺子曰、夫仁者已欲立而立人己

六富教

六七十如五六十。求也爲之,比及三年可使足民。子路之言曰。千乘之國攝乎大國之間加之以師旅因之以饑饉。 何加焉」曰『教之』富之教之後之言治國平天下者蓋莫能外也富之道奈何道千乘之國一章盡之矣曰『節 由也為之比及三年可使有勇且知方也」(並見論語)觀於冉有子路而能若是孔子不益可知乎。 而愛人使民以時』教之之道奈何道之以政一章盡之矣曰「道之以德齊之以禮有恥且格」冉有之言曰「方 成物非託諸空言也昔者子適衞冉有僕子曰「庶矣哉」曰「旣庶矣又何加焉」曰「富之」曰「旣富矣又

七小康大同

第一概 上古哲學史

諸己力惡其不出於身也不必為己是故謀閉 不獨子其子使老有所終壯有所用幼有所長矜寡孤獨廢疾者皆有所養男有分女有歸貨惡其 必由 也將以爲天下也爲天下者大同之事也爲魯者小康之事也而爲天下不得不有望於魯者魯一。 君 為家各親其親各子其子貨力爲已大人世及以爲醴城郭溝池以爲固醴義以爲紀以正君臣以篤父子以睦兄弟。 西 謂 以 見之世見治昇平內諸夏而外夷狄至所見之世著治太平夷狄進至於爵天下遠近大小若一。一(公羊隱元 南 子者未有不謹於禮者也以著其義以考其信著有過刑仁講讓示民有常如有不由此者在勢者去衆以爲殃是。 和 夫婦以設制度以立田里以賢勇知以功爲己故謀用是作而兵由是起禹湯文武成王周公由此。 小康而進未可一蹴幾也斯其意見於醴運曰『大道之行也天下爲公選賢舉能講信修睦。 北之人也。 康」而公羊家本之乃有春秋張三世之說曰「於所傳聞之世見治起於衰亂之中內其國而外諸夏於所。 之施 先 於一 禮檀弓)曰『苟有用我者期月而已可也三年有成』(論語)故其欲用魯者非爲魯 國 而後及於天下孔子去魯遲遲吾行曰『去父母國之道也』(見孟子) 嗚呼以天下爲一家以中國爲一人(本禮運語)聖人懷抱之大如此豈易及哉。 而不與盜竊亂賊而不作故外戶而 不閉是謂大同今大道 而又曰『丘也束 寒於地 故 變可以至道、 人不 **其選也**: 既隱、 也不 獨 親 此六 天下 大同 必藏 丽 其 L

知 之學

子猛師卒下何休解詁)

孔子之志在天下然天下用我與否未可知也豈惟未可知固將莫我容矣(子路曰夫子道大故天下莫能容見

言者矣。 子嘗阨於公伯寮矣曰『道之將行也與命也道之將廢也與命也公伯寮其如命何』當畏於匡矣曰『文王旣沒文 家語) 莫我容而有怨尤之心則是其志益大其心亦益苦果仁義之爲析楊桎梏也若是豈得爲聖人之學哉且孔 之象曰【君子以正位疑命】巽曰【君子以申命行事】繋鲊總之曰「柴天知命故不憂」說卦申之曰「窮理盡 尤人下學而上達知我者其天乎。(以上並見論語)斯其意於易屢發之訟之九四曰『復卽命谕安貞不失也』 不在茲乎天之將奧斯文也後死者不得與於斯文也天之未奧斯文也匡人其如予何」皆絕糧於陳矣曰「君子 之樞要苟命之理有所未明欲以臆測聖學之精傲奚以異於不由其戶而冀升其堂入其蜜哉其不能至固有不待 聞者不知君子三長首畏天命不知命無以爲君子皆載之論語然則知命之學固聖人造道之極功而亦君子修身 性以至於命」聖人之於命蓋不啻反復言之說者以子罕言利與命與仁之一言逸以爲命之義微雖門人有不得 否之九四日,「有命無咎志行也」,姤之九五日,「有隕自天志不合命也」,而困之象日,君子以致命途志」鼎 固躬小人窮斯濫矣」蓋自五十而知天命之後固無入而不自得者是故九夷可居疏食飲水可樂曰『不怨天不

第五章 墨子 附宋蚜

墨子名霍一曰宋人,一曰魯人其生略後於孔子呂覽謂墨子學於史角之後而淮南要略則曰「墨子學儒者之

世稱其受業於子夏則儒之於墨其學時有出入蓋可推而知也漢志墨子七十一篇个存者僅五十三篇。 業受孔子之術以為其禮煩而不說厚葬糜財而貧民久服傷生而害事故背周道而用夏政」墨者鉅子有禽滑盤、

一氣愛

室以利: 子自爱不爱父故虧父而自利弟自爱不爱兄故虧兄而自利臣自爱不爱君故虧君而自利此所謂亂也雖父之不 治聖人以治天下爲事者也不可不察亂之所自起當(同當)察亂何自起起不相愛臣子之不孝君父所謂亂也。 自起焉能攻之不知疾之所自起則弗能攻治亂者何獨不然必知亂之所自起焉能治之不知亂之所自起則 治天下為事者也必知亂之所自起焉能治之不知亂之所自起則不能治譬之如醫之攻人之疾者然必知疾之所治天下為事者也必知亂之所自起焉能治之不知亂之所自之則不能治譬之如醫之攻人之疾者然必知疾之所 者不然曰、爱無差等施由親始」(見孟子墨者夷之之言)故儒者多非之然其說亦自有故墨子曰、 已矣察此何自起皆起不相愛若使天下無相愛愛人若愛其身猶有不孝者乎視父兄與君若其身惡施不孝猶有 然大夫各爱其家不愛異家故凱異家以利其家諸侯各愛其國不愛異國故攻異國以利其國天下之亂物具。 慈子兄之不慈弟君之不慈臣此亦天下之所謂亂也父自愛而不愛子故虧子而自利兄自愛而不愛弟故虧弟而 自利君自爱而不爱臣故虧臣而自利是何也皆起不相愛雖至天下之爲盜賊者亦然盜愛其室不愛異室故竊異自利君自愛而不愛臣故虧臣而自利是何也皆起不相愛雖至天下之爲盜賊者亦然盜愛其室不愛異室故竊異 墨家之言兼愛猶儒家之言仁也然仁者由親以及疏其間自有差等故孟子曰『親親而仁民仁民而愛物。 其室贼爱其身不爱人身故賊人身以利其身此何也皆起不相爱雖至大夫之相亂家諸侯之相攻國 聖 者亦 弗能 此 人以 墨

此也」(彙愛上)蓋深原當時禍亂之本思惟彙愛可以治之莊子所謂以繩墨自矯而備世之急者也(語見莊 **諸侯之相攻國者亡有若使天下兼相愛國與國不相攻家與家不相亂盗賊無有君臣父子皆能孝慈若此則天下** 賊故盗賊亡有猶有大夫之相飢家諸侯之相攻國者乎視人家若其家誰亂視人國若其國誰攻故大夫之相亂家、 孟子之距之而廢其說也。 治故聖人以治天下為事者惡得不禁惡而勸愛故天下彙相愛則治交相惡則亂故子墨子曰不可以不勸愛人者。 不慈者乎視弟子與臣若其身惡施不慈故不孝不慈亡有猶有盜賊乎視人之室若其室誰稱視人之身若其身難 子天下篇)夫雞囉豕零時相爲帝儒墨之道各有其宜故昌黎欲彙用孔墨以爲治(昌黎集贖墨子)正不得因子天下篇)夫雞囉豕零時相爲帝儒墨之道各有其宜故昌黎欲彙用孔墨以爲治(昌黎集贖墨子)正不得因

為攻國則弗知非從而譽之謂之義此可謂知義與不義之別乎殺一人謂之不義必有一死罪矣若以此說往殺十 馬牛此何故也以其虧人愈多苟虧人愈多其不仁滋甚矣罪益厚當此天下之君子皆知而非之謂之不**義**今至大 **阉鷄枕李是何故也以虧人愈多其不仁滋甚罪益厚至入人欄廐取人馬牛者其不義又甚攘人犬豕雞豚此何故**。 也以其虧人愈多苛虧人愈多其不仁滋甚罪益厚至殺不辜人也地其衣裘取戈劍者其不義又甚入人欄廐取人。 人園圃竊其桃李衆聞則非之上爲政者得則罰之此何也以虧人自利也至攘人犬豕雞豚者其不義又甚入人園、 《愛見墨家之仁非攻見墨家之義。墨子以救亂而言兼愛郎以兼愛而唱非攻道固然也其言曰。『今有一人入

天下之君子也辨義與不義之亂也』「非攻上)且孔子曰「善人爲邦百年亦可以勝殘去殺矣」孟子曰「爭 世哉今有人於此少見黑曰黑多見黑曰白則以此人不知白黑之辨矣少嘗苦曰苦多嘗苦曰甘則必以此 。 人十重不義必有十死罪矣殺百人百重不義必有百死罪矣當此天下之君子皆知而非之謂之不義今至大爲不 城以戰殺人盈城爭地以戰殺人盈野」又曰「善戰者服上刑」蓋自春秋以至戰國攻戰之禍亟矣然則墨子之 **義攻國**則弗知非從而譽之謂之義情不知其不義也故書其言以遺後世若知其不義也夫奚說書其不義以 **含又惡得而已乎。** 知甘苦之辨矣令小爲非則知而非之大爲非攻國則不知非從而譽之謂之義此可謂知義與不義之辨乎是以知知甘苦之辨矣令小爲非則知而非之大爲非攻國則不知非從而譽之謂之義此可謂知義與不義之辨乎是以知 人為不 遺後

之無積委城郭不修上下不調和是故大國耆攻之」(節葬下)故公轍盤爲楚造雲梯之城成將以攻宋)。 之自魯往袈裳裹足日夜不休十日十夜而至於郢見公轍盤而解之墨子解帶爲城以慄爲城公轍盤九設攻城之 機變墨子九拒之公轍盤之攻械盡而墨子之守圉有餘楚於是乃不敢攻宋(見公轍篇)今觀其備城門備高臨、 墨子非攻而未嘗不主嚴守備其言曰『凡大國之所以不攻小國者積委多城郭修上下調和是故大國不耆攻 多不可曉然亦以見墨子之非攻不專恃口舌必其有不可攻之具足以待人之攻而後攻戰之事可免以視 墨子開

三節用

和平者固有間

諸加費不加於民利者聖王弗為』(節用中)曰『其爲衣裘何以爲冬以圉寒夏以圉暑凡爲衣裳之道冬加温 此不足為墨』(見莊子天下篇)荀子曰「墨子蔽於用而不知文』(荀子解蔽)知用而不知文墨子之所以 以節用故不得不非樂不得不薄葬。而其自處也則以裘褐爲衣以跂躅爲服日夜不休務以自苦爲極曰『不能 輕以利堅而難折者則止不加者去之其爲舟車何以爲車以行陵陸舟以行川谷以通四方之利凡爲舟車之道加輕以利堅而難折者則止不加者去之其爲舟車何以爲車以行陵陸舟以行川谷以通四方之利。 五兵何以爲以圉寇亂盗賊若有寇亂盗賊有甲盾五兵者勝無者不勝是故聖人作爲甲盾五兵凡爲甲盾五 夏加凊者則止不加者去之其爲宮室何以爲冬以圉風寒夏以圉暑雨有盜賊加固者則止不加者去之其爲甲盾 者聖王制爲節用之法曰凡天下羣百工車輪鞭匏(同鞄)陶冶梓匠使各從事其所能曰凡足以奉給民用則止。 輕以利者則止不加者去之凡其爲此物也無不加用而爲者是故甲財不費民德不勞其輿利多矣』(節用上) 異於儒也(又荀子富國篇言墨子之言昭昭然為天下憂不足夫不足非天下之公患也特墨子之私憂過計也一 攻戰何自起乎起於爭爭起於不足故無術以弭不足之患攻戰卽未可止也此墨子所以言節用也其言曰「古 長加 如

四天志

子曰「視人之室若已之室視人之國若已之國」則親疏厚薄之倫失矣人之不能不有哀樂也亦性也今墨子曰、 莊子之論墨子也曰『其道大殼反天下之心天下不堪』 (天下篇)夫人之不能不有親疏厚薄也性

之別矣是故子墨子置立天志以爲儀法』(以上兼愛下)此可見墨子之意也以言天志則不得不尙同不非命。 不察義之所從出然則義何從出義不從愚且賤者出必自貴且智者出然則孰爲貴孰爲知曰天爲貴天爲知而已 志明鬼諸篇所陳蓋甚凊後其於天人之故曾不如儒道兩家之言爲能盡其精微以此爲宗教取其貌而不原其實、 非攻節用節弊非樂上欲以堅愛愛之信則尚賢尙同明鬼非命近人不察以爲墨子尊天鬼有宗教之意然吾觀天非攻節用節弊非樂上欲以堅愛愛之信則尚賢尙同明鬼非命近人不察以爲墨子尊天鬼有宗教之意然吾觀天 蓋命之既行即鬼神無以爲賞罰同之義不立即天無以範羣倫是故墨子之道彙愛其本也下欲以必象愛之行則 力正」而總之曰『子墨子置立天志以爲饑法若輪人之有規匠人之有矩也今輪人以規匠人以矩以此知方圓 矣然則義果自天出矣。」(彙愛中有節文)曰「順天之意者景也反天之意者別也兼之爲道也義正別之爲道也、 **彙相愛交相利必得賞反天意者別相惡交相賊必得罰」(彙愛上)曰『今天下之君子之欲爲仁義者則不可** 墨子非不知之也故推之於天志申之以鬼神之賞罰曰「天欲人之相愛相利而不欲人之相惡相賊也順天意者、 生不歌死不服。」(見莊子天下篇即非樂節葬)則哀樂之情失矣故以人之性言之則墨子之道未可必行也。

胚屋五

未爲其知墨子者也。

動之弟子對文故以屬下爲是舊連上實誤)俱誦墨經而倍譎不同相謂別墨以堅白同異之辨相訾以觭偶不仵 莊子天下篇謂「墨子之後相里勤之弟子五侯之徒兩方之墨者苦獲己齒鄧陵子之屬(南方之墨者與相里

之學果出於墨子莊子必有言及之者令莊子不言則魯勝所謂惠施公孫龍亂逃其學者特以二子之說與墨經多之學果出於墨子莊子必有言及之者令莊子不言則魯勝所謂惠施公孫龍亂逃其學者特以二子之說與墨經多 名本惠施公孫龍亂逃其學以正刑(同形)名顯於世』近人因此遂謂惠施公孫龍皆墨學之支流然觀莊子天。 之辭相應以巨子爲聖人皆願爲之尸冀得爲其後世至今不決。而晉魯勝墨辨注序曰『墨子著書作辯經以立 非墨家宗旨所在故不復群述爲(別有名家不出於別墨論見後) 皆與墨者分別言之莊子與惠子游惠子之死莊子曰「自夫子之死吾無以爲質矣」(見莊子徐無鬼)使惠子 下篇言「桓国公孫龍辨者之徒飾人之心易人之意能勝人之口不能服人之心」言『惠施日以其知與人之辨』 相似遂爲揣測之詞未足爲信也墨經有上下篇各有說共四篇近世勘校墨經者有多家要仍多錯脫不可考且以

榮子卽釿也)意 辯之宜多看)其所謂優差等不足以容辨異縣君臣者更不可詳考然莊子逍遙遊稱「宋榮子舉世而譽之而不 民之關禁攻喪兵救世之戰。」曰『以情欲寡淺爲內以禁攻寢兵爲外』(莊子天下篇荀子正論 **断之書已佚(漢志小說家有宋子十八篇而隋唐志皆不著目則其佚已久)其散見各家者但曰『見侮** 加勒舉世而非之而不加沮」榮子即斬(韓非顯學言朱榮子之機散不關爭取不随仇不羞囹圄見侮不辱故知 荀子以墨子宋鈃並言曰『不知壹天下建國家之權稱上功用大儉約而侵差等(侵無也)曾不足以容辨異、 (同懸殊也別也) 君臣然而其持之有故其言之成理足以欺惑愚衆是墨翟宋鈃也』(非十二子篇) 今宋 其人必有等視貴賤非名與分所得而羈紮者故荀子嘗然歟抑宋鈃言禁攻變兵雖與墨子同而 亦同此 不辱救 並從 面

所用爭矣是則宋鈃之說也而世或以墨翟宋鈃並主寢兵途據荀子之言歸之一派則亦未原其立說之異也。 人之情欲寡見侮不辱以心言也人情欲寡亦以心言也惟心不以侮爲辱故無所用關矣惟心欲寡而不欲多故無人之情欲寡見侮不辱以心言也人情欲寡亦以心言也惟心不以侮爲辱故無所用關矣惟心欲寡而不欲多故無 者置心以爲主也(舊注謂請得若此之人立以爲物主誤)是故使人不關先之以見侮之不辱救世之戰先之以者置心以爲主也(舊注謂請得若此之人立以爲物主誤)是故使人不關先之以見侮之不辱救世之戰先之以 其所以為禁攻寢兵之說者則與墨子異墨子非攻本之天志宋鈃禁攻寢兵本之人心故莊子道宋師之 術首 稱、 「語心之容命之曰心之行以脈(從郭校脈軟也)合購以調海內請欲體之以爲主』(天下篇)置之以爲主

第六章 楊子

寓言)或曰居朱同音陽子居即楊朱也今觀其弟子孟孫陽與禽滑釐問答之言禽子曰『以子之言問老聃關尹、 樂四。(注秉公孫龍字見徐無鬼) 一時其說之盛可見也朱之事蹟不可考莊子有陽子居學於老子。(見應帝王、 則子言當矣以吾言問大禹墨翟則吾言當矣』(列子楊朱篇)是則朱之學出於老子爲無疑也其說散見各書。 而列子有楊朱一篇最詳備。 與墨子同時者有楊朱孟子曰、楊朱墨翟之言盈天下。」又曰「天下之言不歸楊則歸墨」莊子亦言儒墨楊與墨子同時者有楊朱孟子曰、楊朱墨翟之言盈天下。」又曰「天下之言不歸楊則歸墨」莊子亦言儒墨楊

楊朱之說與墨子正相反孟子曰『楊子取爲我拔一毛而利天下不爲也墨子兼愛靡頂放踵利天下爲之』然楊楊朱之說與墨子正相反孟子曰『楊子取爲我拔一毛而利天下不爲也墨子兼愛靡頂放踵利天下爲之』然楊

子為我非夫人之為我也其言曰「古之人損一毫利天下不與也悉天下奉一身不取也」又曰「智之所貴存我 墨子曰「國家務奪侵凌卽語之彙愛非攻」(墨子魯問)楊子之爲我蓋亦欲正務奪侵凌之失特所言之方有 為貴力之所賤侵物爲賤」嚴人己之界絕侵奪之萌故曰「人人不損一毫人人不利天下天下治矣」(並列子)

楊子蓋惜世人之沈淫於名利為所束縛而不得一日自適其性故言之弔詭若此非果以縱欲為養生也故其言又 然以俟死一日一月,一年十年吾所謂養拘此廢虐之主錄而不舍戚戚然以至久生百年千年萬年非吾所謂養。 所欲安者美厚而不得從謂之閼適意之所欲爲者放逸而不得行謂之閼性凡此諸閼廢虐之主去廢虐之主熙熙 為我而已也而惜乎其書之不盡傳也。 荷箠而隨之則不能前矣。(劉向說苑列子楊朱篇字句稍異)其所操以爲治天下者要必有其具固不僅區區 於管夷吾管夷吾曰「肆之而已勿蹇勿閼」晏平仲曰「其目奈何」夷吾曰「恣耳之所欲聽恣目之所欲視恣 異耳觀其見梁王言治天下如運諸掌曰『百羊而羣使五尺童子荷箠而隨之欲東而東欲西而西使堯牽一羊舜 者美色而不得視謂之閼明鼻之所欲向者椒蘭而不得嗅謂之閼頗口之所欲道者是非而不得言謂之閼智體之 鼻之所欲向恋口之所欲言恣體之所欲安恣意之所欲行夫耳之所欲聞者音聲而不得聽謂之賜聰目之所欲見 我非不利天下而已也而必有以自得於己此楊子之學之本也是故託爲管晏間答之言曰『晏平仲間養生

各守其分而不相使害而爲我之說立後人只知楊子爲我而豈知爲我亦不易哉。 可活制命在外不逆命何羡慕不矜貴何羡名不要勢何羨位不貪富何羨貨此之謂順民也天下無對制命在內」 曰「生民之不得休息爲四事故一爲壽二爲名三爲位四爲貨有此四者畏鬼畏人畏威畏刑此謂之遁人也可殺 夫曰不逆命曰制命在內此豈縱欲者之言哉唯其有得於此故不以天下之率爲樂不以天下之率爲樂故能人我

三論生死

身非愛之所能厚且久生奚爲五情好惡古猶今也四體安危古猶今也世事苦樂古猶今也變易治亂古猶今也旣 日「有人於此貴生愛身以斬不死可乎」曰「理無不死」「以斬久生可乎」曰「理無久生生非貴之所能存。 得所志矣』楊子曰、不然旣生則廢而任之究其所欲以俟於死將死則廢而任之究其所之以放於盡無不廢無 聞之矣旣見之矣旣更之矣百年猶厭其多況久生之苦也乎」孟孫陽曰「若然速亡愈於久生則臟鋒刃入湯火、 不任何遠遲速於其間乎。」楊子又曰『太古之人知生之暫來知死之暫往故從心而動不違自然所好當身之娛、 夫人之所以不能自適其性者蓋有多端而惟生死之見爲尤甚故不通生死即不足以養生故孟孫陽問於楊子 」在莊子一死生齊彭殤之先而能爲此言宜其與墨子相抗衡而從遊者之中分天下也。 去也故不爲名所勸從性而游不逆萬物所好死後之名非所取也故不爲刑所及名譽先後年命多少非所量

四 一論名實 之賓也而後不守名而累實執此以往夫何之而不適哉此養生之極致也。 脫之名安所立哉是故名之所立非其實也實之所在名之所不得加也名與實難而後知名者實之賓也知名者實 生齊死齊賢齊愚齊貴齊賤』(以上並列子楊朱篇)其言如此夫齊生齊死齊賢齊愚齊貴齊賤則生死賢愚貴 貴賤非所能也臭腐消滅亦非所能也故生非所生死非所死賢非所賢愚非所愚貴非所貴賤非所賤**然而萬物齊** 是矣故楊子曰『萬物所異者生也所同者死也生則有賢愚貴賤是所異也死則有臭腐消滅是所同也雖然賢愚。 也」夫生死名也生爲暫來死爲暫往論生死之實則生死固無異矣然又豈徒生死而已哉一切賢愚貴賤固皆如 欲知生死之不殊須知名實之有判楊子之言曰「實無名名無實名者偽而已矣」又曰「名者固非實之所取

第七章 商君 尸子附見

樂也漢實藝文志雜家有尸子二十篇謂商君實師之。尸子名俊其舊个猶有存者其言『臣天下一天下也。一天下 君太史公作商君傳稱其天資刻薄而受惡名於秦爲有以然國家當百度廢弛之時若商君之術者亦其起弊之良 帛多者復其身事末利及怠而貧者舉以爲收孥卒以此強秦國霸諸侯及孝公死貴戚怨望者告商君反秦乃殺商 告姦之律民有二男以上不分異者倍其賦有軍功者各以率受上爵爲私關者各以輕重被刑傷力本業耕織致粟 商君者衞之庶公子也名鞅姓公孫氏以相秦孝公封於商故曰商君商君少好刑名之學旣相秦定變法之令行

為義分天下以生為神。 物以生益天下以財不可勝計 者令於天下則行禁焉 修先王之術除嗣難之本使天下丈夫耕而食婦女様 則 《止桀紂令天下而不行禁焉而不止故不得臣也』又言、 也」與商君之崇法介重農戰頗多合者然則商君之說固 而衣、 (皆得戴 『盆天下以財 亦 共 有所師? で首父子に 為仁勞天下 承 相 乐歎漢志 保此 其 · 以力 分萬

下者、 戰 曰, 不 誠 用 二十九篇今存二十四篇實亡五篇。 餬 Ŀ 能 角、 П 也。 死 商君之所以強秦者首爲農戰其言農戰条何曰『有土者不可以言貧有民者不可以言弱地誠任不惠無財民 然意 不可不由之道也故其言曰、 |矣然其必兼言戰者何也人知戰之所以定外也而不知戰之所以安內也其言曰『彊國而不戰、 也民見此三者之便且利 制 明君修政作壹 不畏強暴」(錯法)又曰「地大而 心以其旦暮從事於農夫民之不可用也見言談游士事君之可以會身也商賈之可以富家也技藝之足以 猶不僅 茈。 去無用止浮學事從之民壹之農然後國家可當而民力可摶也。 夫國之所 也則必避農避農則必輕其居輕其居則 患者民之散而不可 **—**3 聖人知治國之要故令民歸心於農歸心於農則民棲而 不墾者與無地同民衆而不用者與無民同』(算地)此其所以言農 摶 心民之詐 無有不從矣是處彊國兵爭之世 而不可用 必不爲上守戰也』(農戰)觀此、 也而農者著於土則不 -農戦 可正 而 欲 一易散少於 叉曰、 自存 也。 毒輸於內醴 以 --夫民 農戦 得志 、則農之 知 之親 於天 慮則 文叉

然其招三晉之民農耕於內而出秦民攻戰於外卒以區區之秦雄於天下彊國請服弱國入朝則民之失正國之得 怠而國弱(用弱民原文)觀此則戰之用見矣老子曰聖人不仁以百姓爲獨狗若商君者與可謂獨狗其民者也。 則輕死故戰事兵用而國彊民有私榮則賤列彊則卑官富則輕賞是以以刑治民則羞辱以賞戰民則畏死故兵農 者富富者貧貧者富富者貧國體」〈說民〉蓋民辱則貴虧弱則尊官貧則重賞是以以刑治民則樂用以賞戰民者富富者貧貧者富富者貧國體」〈說民〉蓋民辱則貴虧弱則尊官貧則重賞是以以刑治民則樂用以賞戰民 **令貧者富富者貧則國多力多力者王』(去彊)曰、『貧者益之以刑則富富者損之以賞則貧治國之學貴令貧** 之所樂民彊民彊而彊之、兵重弱民之所樂民彊民彊而弱之、兵重彊」(弱民)國欲其富而民欲其貧曰『治國能 力也以事敵勸民也是故國欲其彊而民欲其弱曰『民弱國彊國彊民弱故有道之國務在弱民』(弱民)曰『民人、 樂蝨官生必削國遂戰毒輸於敵國無禮樂蝨官必彊」(去彊)又曰「能生不能殺日自攻之國必削能生能殺、 日攻敵之國必彊」(去彊)又曰『夫聖人之治國也館搏力能殺力』(壹言)其搏力也以富國彊兵也其殺日攻敵之國。

開寒

也

之也民之所以不樂於農者爲學問技藝商賈可以富也民之所以不樂於戰者爲遊宦談說私門可以貴也今不貴 利。 死則計名名利之所出不可不審也今使利一出於地則民莫不盡力矣名一出於戰則民莫不致死矣此所以開 夫農民之所苦而戰民之所危也然犯其所苦行其所危而民羣趨之而恐後者則有關塞之道也且人情生則計

子人間 生。 威 辨智者貴游宦者任文學私名顯之謂也三者不塞則民不戰而事失矣故其賞少則聽者無利也威薄則犯者辨智者貴游宦者任文學私名顯之謂也三者不塞則民不戰而事失矣故其賞少則聽者無利也威薄則犯者 於重法故其言曰、民之外事莫難於戰輕法不可以使之奚謂輕法其賞少而威奪淫道不塞之謂也奚謂淫道爲 4 則欲國之無當不可得也故曰欲農富其國者境內之食必貴而不農之徵必多市利之租必重則民不得無田。 輕法不可以使之奚謂輕法(舊作治以意校正)其農貧而商富故其食賤者錢重食賤則農貧錢重則商富末事不 也。 禁則技巧之人利而游食者衆之謂也故農之用力最苦而贏利少不如商賈技巧之人苟能命商賈技巧之人無繁、 矣故民之力盡在於地利矣。 (外內)夫國之所與立不僅在農與戰也商君必欲驅其民於**農**戰之一途於是以 不得不易其食食貴則田者利田者利則專者衆食貴糴貴不利而又加重徵則民不得無去其商賈技巧而事 **證樂詩書舊修孝弟康辯爲國之蝨而盡屏詩書文學之士不取莊生有言『知有用之用而不知無用之用』** 間重商 故開淫道以誘之而以輕法戰之是謂設鼠而餌以狸也不亦幾乎(幾殆也)故欲戰其民者必以重法賞則必多。 一賞使之忘死而威使之苦生而淫道又塞以此遇敵是以百石之弩射飄葉也何不陷之有哉民之內事莫苦於農。 則必嚴謹道必塞爲辯知者不貴游宦者不任文學私名不顯賞多威嚴民見戰賞之多則忘死見不戰之辱則苦 則求貴者必出於戰矣此所以塞之也(以上撮取算地農戰二篇文章)開塞之道在於實罰賞罰之行在 世)故其功至於富強而其嗣至於終秦之世以嚴酷慘毒爲厲於天下吾觀其賞刑篇言『登賞壹刑壹教』 賈之征而技藝之民不用則求富者必出於農矣令國之大臣諸大夫不得進談說之士絕遊宦之途屏私 (莊 地 無害 無田 利

深知禮樂之事者豈其專幫農戰者特以急一時之利而待至功成治定固將有以易之數而情乎其死於惠文之黯、 而 盛道 『獨武旣破桀紂海內無害天下大定築五庫藏五兵偃武事行文教倒載干戈曆笏作樂以申其德」亦若

加未盡所施設也。

三更法

法。此 立中正設無私而民說仁當此時也親親廢上賢立矣凡仁者以愛爲務而賢者以相出爲道民衆而無制久而相出 私則 為道則有(同叉)亂故聖人承之作爲土地貨財男女之分分定而無制不可故立禁禁立而奠之司不可故立官。 弊、而 官。 官設而莫之一不可故立君旣立君則上賢殷而貴貴立矣然則上世親親而愛私中世上賢而說仁下世貴 龍杜摯之爭而曾不之稍移也(險民兼而以別險爲務則民亂當此時也民務勝而力征務勝則爭力征則訟訟而無正則莫得其性也故賢者 ,其意商君知之矣其言曰「天地設而民生之當此之時民知其母而不知其父其道親親而愛私親親則 治國之有法也猶醫人疾者之有方也醫之用方必中其疾國之用法必當其宜故醫無定方而國亦無不易之 先刑 所重 賢者以道相出也而立君者使賢無用也親親者以私爲道也而中正者使私無行也此三者非事相 易 丽 也世 法。 此 俗之所惑也。 事變而行道異也」(開塞)又曰『古之民模以厚今之民巧以僞故效於古者先德 <u>___</u> 見史記商君列傳)又其言曰『今世之所謂義者將立民之所好而廢其所惡也。 同 前) 惟其深明於古今之宜德刑之用故毅然爲孝公變法 5而不顧。 而雖 而 反 治效於 心民道 貴 別愛 有廿 而奪

其所謂不義者將立民之所惡而廢其所樂也二者名質實易不可不察也立民之所樂則民傷其所惡立民之所惡、 **言)若大有逕庭然而民之好惡正自難言有一時之好惡有本心之好惡其好治而惡亂者本心之好惡也而貪於** 民者以其所惡必終其所好以其所好必敗其所惡」(同前)此其言與儒者民之所欲與聚所惡勿施(孟子之 姦則民安其所樂以義教則民縱民縱則亂亂則民傷其所惡吾所謂利者義之本也而世所謂義者暴之道也夫正 則民安其所樂何以知其然也夫民憂則思思則出度樂則淫淫則生佚故以刑治則民威(同畏)民威則 左傳)使必徇一時之好惡則有相與姑息而已矣是故商君之刻深商君之過也若其法必令行而不搖於一國之 目前之安苦於守法之不便則一時之好惡也故仲尼有臍裘之謗(見呂氏春秋樂成篇)子產有孰殺之歌(見 無姦無

誇議則非有高人之行獨知之盧者亦不足以幾之矣。 之長十連爲鄉鄉有良人以爲軍合五家爲軌故五人爲伍軌長率之十軌爲里故五十人爲小戎里有司率之四之長十連爲鄉鄉有良人以爲軍合五家爲軌故五人爲伍軌長率之十軌爲里故五十人爲小戎里有司率之四 世多以管商並稱然管仲相齊桓公作內政以寄軍令制五家以為軌軌有長十軌爲里里有有司四里爲連連爲 商君令民爲什伍而相收司(同同)連坐(即改告姦之律見史記本傳)不侔也牧民以禮義康恥謂之四雜。 里為連故二百人爲卒連長率之十連為鄉故二千人爲旅鄉良人率之五鄉一帥故萬人一軍五鄉 之 帥 (管子小匡) 其法蓋本周官鄉途之舊而使人與人相保家與家相受祭祀相福死喪相卹居處相樂行作 附論管商同異 相和。

法、

不足當! 然今觀仲書若 **賣之以忠臣孝子難能之事則勢有所不行故其言曰「國皆有法而無使法必行之法。** 故退道 諸侯 子恆 **诛之約而反魯侵地。(見左傳)與商君之欺魏公子卬。見本傳)又不侔也蓋春秋之世周之禮未盡廢當時** 卽 含嚴刑 與商君之百縣之治一形民不貴學問(並墾令篇語 鼬 也。 一仲之力亦時爲之也及夫戰國兵禍 聘使往來揖讓折衝猶不必恃兵力故召陵之師楚以空言而屈(見左傳)孔子稱桓公九合諸侯不以兵 「爲士農之子恆爲農工之子恆爲工商之子恆爲商而制國以爲二十一鄉商工之鄉六士農之鄉十 與 先易 徳而 商 尺地寸兵之用商君所謂 商君之以 維 君 合。 重誅無他道。 絕則 而 幷刑力廢詩 蓋以法治者 梭 法禁篇云『昔者聖王之治人也不貴其傳學也欲其人之和同以聽令也』 難久而 禮樂詩書修善孝弟誠信貞廉仁義非兵羞戰之十二者爲六蝨(見斬令)又不侔也。 傾二維絕則危三維絕則覆四維絕則滅傾可正也危可安也。 不勝其 其以農戰彊國而以 **書而言農戰**。 必革姑息之政故子產猛以濟寬而孔子歎爲古之遺愛(見左傳)諸葛武侯 嗣。 ---民愚則 法者先難而後易久而不勝其福故惠者民之仇讎也法者民之父母 然力者世主之所重。 日烈各國惟以兼幷是務苟可以強國 知可以王世知則力可以王 刑法弱民者此也由是言之商君之與管仲治有不同: 而戰者、)重關市之賦而驅商工一歸於農又不侔也。 忠臣孝子之所難素 (開塞) 若戰國 益地無不可為其視忠信仁 覆可起也滅不可復 無仁 費策 固以 法法篇云『 義 忠 信 力王之時 蓋皆因 使 安也。 以 法 耤 也。 惠者多 使士之 必行之 À. 民 一義會 亦言 二其 時 也是 へ枚 心。 へ 小 而 面

民

而

者彊貧者富聖人復起即亦有不可盡廢者商君曰、「凡世奠不以其所以亂者治故小治而小亂大治而大亂」 易者也夫管商皆遭時得用與孔老空言無施者不同雖其急一時之效不必悉軌於王道而齊民以法使國之弱 **愼法)今言法者紛紛藉藉於天下而致治無分毫長亂如丘山不又爲管商之罪人也乎。 威之以法法行則知恩限之以舒舒加則知榮』(答法正書見三國志註)此則爲治之體要又非隨時代而**

第八章 莊子 附列子

終不相 出 教入中國於是援莊老而入佛謂其有出世之思然七篇終之以應帝王而天下篇明明謂內聖外王之道則與 頗難知史記謂周掊擊儒墨而如人間世德充符諸篇其所以推崇孔子者甚至所爲掊擊者豈其然乎魏晉以來佛 (二家而又益之以恣肆天下篇曰『以天下為洗濁不可與莊語以卮言爲曼衍以重言爲真以寓言爲廣』 牽而入 世 莊子 范 固 開可 益遠則甚矣讀書之難也(胡適之哲學史大綱創爲此說然萬物必不同形相禪句下卽職之以始卒若環 於大廟雖欲爲孤犢其可得乎」」史記以楚威王當之未知信否然卽此莊子之爲人可知矣其學實 者宋國蒙人也名周衡爲蒙之漆園吏惠施相梁惠王而莊子與惠施友計其時當與孟子相先後而兩 迴殊矣至近人摭拾其萬物以不同形相禪之一言(見寓言篇)又取與達爾文之天演論相比附去莊子 異也列禦寇篇謂『或聘於莊子莊子應其使曰「子見夫犧牛乎衣以文稿食以芻叔。 (同菽 故其意)及其 佛之 孔老

而內 莫得其倫夫言天演言進化有始卒若環者乎卽此胡氏之說不攻自破)漢志莊子有五十二篇今存者三十三篇。 七篇前後連貫當出周手若外篇雜篇或多其門下附益要亦七篇之羽翼也。

一大宗師

傳而不可受可得而不可見自本自根未有天地自古以固存」此與老子有物混成先天地生吾無以名之強名之 及萬世而不爲仁長於上古而不爲老覆載天地刻雕衆形而不爲巧』明道也眞人也大宗師也名雖有三而及萬世而不爲仁長於上古而不爲老覆載天地刻雕衆形而不爲巧』明道也眞人也大宗師也名雖有三而 日道蓋同一意然其日大宗師者何也蓋道者處名也惟實證者得而有之故曰『有異人而後有異知』異人卽大 處順哀樂不入此豈無所得而能致然耶(並見本篇)今人談莊子不於此等處求之而樂其洸洋之辯散於萬物 而不厭抑所謂棄照乘之珠而寶空棲者非數。 而萬物無足以撄其心者觀其所稱道如子配子與子犂子來子桑戶孟子反子琴張之倫類皆當生死之際而 莊子之眞實學問在大宗師一篇所謂大宗師者何也曰道也故於本篇明揭之曰、「夫道有情有信無爲無形可莊子之眞實學問在大宗師一篇所謂大宗師者何也曰道也故於本篇明揭之曰、「夫道有情有信無爲無形可 也天下篇曰『古之所謂道術者果惡乎在曰無乎不在』曰、『不離於宗謂之天人不離於其謂之聖人』而本 也特以其本體言之則謂之道以其在人言之則謂之眞人謂之大宗師耳莊子惟得乎此故能齊生死一 一語卽曰「知天之所爲知人之所爲者至矣」而終又引許由之言曰「吾師乎吾師乎點萬物而不爲義澤 安時 所指

二齊物論

第一編 上古哲學史

也謂之以明。 是之妄即以 非道之城· 見天 物 則。 非 果 非 師。 終 Ħ. 相 謂之而然 響之昭 妄 彼。 官 H 身 因 夫 役 随 合獎 有、 ŀ 聖 m 有 物 (他是乎哉) 無 役 則 知 篇此莊子 人 其 《也通於物質 井之蛙、 是 以顯 然。 非 和 卽 天下之實有者、 不 成 之以是非而 **深惡乎** 其。 非 心 是自彼則不見自知則知之故曰彼出於是是亦因彼彼是方生之說也』 其順也謂之因是知夫以明因是之說而 知 道 然 故其言又 共 ifi 然然于然惡乎不然不 樞 用 可之本 果 而 所 師 我是非、 之真。 之. A 論四 艜 惠子以明己 者、 無彼是乎哉彼是 何物哉。 ||休乎天均|| 蓋因其是非而是非之我無容心焉因其然可而然可之我無容心焉則 其 海 然 Ħ, 獨 則 也。 即物我是非道之用也故齊物 之大 日 H _ 【因是因非] 以 而 無師 執 意也) 總之曰、 明 於物 是則 也此莊子齊物 呼奚必知: 者以 萬 我 世之後而 英得 然于不然物 因非 真 此言彼是之無定也又曰「是亦 之分。 樞始 明 安即以 因是。 其偶、 代 ---得其 而心自 則 論之所以 謂之道 亂 妄顯 此言 物論無不齊矣而道無不明 於是 環中以應無 固 遇大 取者有之愚者 有所然物固有 八聖知其 樞。 是 稐 真 作 菲 心然真 也然物 者始 之論。 非之. 此以彼是之無定而 **派房」曰『唯**治 於破物 故物 相因 解 者婚旦 旣 我 所可無物 與有爲(是 也。 明 我 **亥** 我是非 矣、則 彼也彼亦是也彼 非果可 之見不 幕遇之者也(達 一可乎可不可 安亦 者知通爲一爲是不 **九之爭終於** 矣。 用 泯 不然無物不可。 註 是非之 非 乎夫囿於物 齊物 知彼是之非 物物 妄何 **톩得而論之其言** 論 可乎不 齊物 亦一是非此亦一是非 原文 也、 方生方死本惠子之說、 順 稐 妄 物 不 實有也。 無 稐 我 泯、 我 ·可。 道 此 是非、 定、妄 語) 而以言 顧 是 甪 愚者 則 菲 iffri 辽 之應。 葕 是 夫 則 無 日、 寓 是非之 彼是 實。 之 故 **─**~] 夫 有 岉 有 之、而 m 雛 破 物 其 我是 大宗 彼 無 真 旣 破

之得 可以壽、 是、非 焉。 也 其 者。 知 m 而有无 乎殤子然彭祖 其所非未爲得也妄歸眞則是者非之非者是之未爲亂也是故其言曰【 有未始有始也 其環 是非 未 有 始 所至矣惡乎至有以爲未始有物者至矣盡矣不可以加矣其次以爲有物矣而未始有封也。 有是非也是非之彰也道之所以虧 未 中 《矣而未知有无之果孰有孰无也』此以自有而之無言也自有而之無而妄歸其矣其發妄則、 也。 答 有 有 可以夭則於是非無留滯。 也有然可、 而 ||不有用|)者有未始有夫未始有始也者有有也者有无也者有未始有无也者有未始有夫。 為天天地與我並生。 而然 而不用是則 河未 · 皆有 而萬物與我爲一』(以上並本篇) 和 此不齊之齊齊物論 也其有是非然可者庸也以應 也。 也」此以自無 天均之休也今觀齊 而之有言也自無而之有而眞發妄矣。 物論 也。 篇其言有無之序者有二一曰、 無窮也而未嘗 天下莫大於秋毫之末而 知秋毫可以大而泰山可以小殤子 有是非然可 其 其 次以 者、 未 ||泰山爲小。 始 曰、 不用 古之人 為有封 是其所 有 -有 也。 无 也 始 檻

養 生主

而彭祖

之極

軌

以 也。 七大宗師 以 其知之所 保 生 身可以全生可以養親。 主 篇日『 者、 知以 主於養生 殺生者不死生生者 養其知之所不 心養生奈何欲知養生之說當先知生之爲何物生者大宗師之謂 可以盡 知」而養生主篇亦曰、「天也非人也天之生是使獨也人之貌有與 不生。 年』此 又曰、" (其合者一也大宗師篇曰『知天之所為 善吾生者乃所以善吾死 也」而養生 者天而生也。 也。 何以 主篇 日、 知生之爲 知 ---1 **人也以是知** 綠督 人之所 大宗師 以 爲者、 爲經。 其

硼其刀同、 天理批大郤導大統因其固然』其工夫之熟也爲何如『雖然每至於族吾見其難爲愧然爲戒視爲止行 何 天也非人也』(也夫楊朱言養生而莊周亦言養生然楊子之言疎而莊生之言實若莊生者可謂體明而用備。 其意之愼 其宗主言之其實一也然生何以須養夫族庖月更刀折也良庖歲更刀割也而庖丁之刀十九 E. 如『三年之後未嘗見全牛也』其理之明也爲何如『方今之時臣以神遇而不以目視官知止而 同、 大宗師日、 傗 注以 也爲何如臨之以專心持之以愼意理 而巧拙之異若此者養與不養之別也今觀其言曰『始臣之解牛之時所見無非牛者』其心之專 獨指足言全誤)皆於天人分合之故言之甚詳此其合者二 ----與與獨對文外篇田子方孔子見老聃老聃熱然似非人孔子稱 其為物無不將也無不迎也無不毀也無不成也其名為攖寧攖寧也者攖而後成者也」是之謂 明而工夫熟豈必解牛哉固無住而不善矣へ以上須 也是故生者以其本來言之大宗師 其遺物 雛 人而 者 年而 也。 立 於獨、 刀刃岩新 | 参看 神欲 與 為遲。 行。 本文全 此 依乎 也為 發於

四應帝王

式義度爲欺德(並見本篇)此其意於天道篇實發之曰『古之明大道者先明天而道德文之道德 次之仁義已明,而分守次之<u>分守已明,而</u>形名次之形名已明,而因任次之因任已明,而原省次之原省已明 樊以應帝王旣養生之實,其言曰、『聖人之治也治外乎。正而後行確乎能其事者而已矣』 莊子天下篇言內聖外王之道此莊子之眞實語也故其養生也所以爲己也卽以爲天下也以人間 惟以治外為末故以經 已明 世 入養生之 Mi 而

安能治人 名可舉九變而賞罰可言也驟而語形名不知其本也驟而語賞罰不知其始也倒道而言迕道而說者人之所 **次之是非已明而賞罰次之。』曰、『書曰、「有形有名」 形名者古人有之而非所以先也古之語大道者五變而形** 以物物不可以為物所物也能物物能物夫物也語見在宥篇)故貴以身於為天下則可以託天下愛以身於為天 欲而天下足无爲而萬物化淵靜而百姓定。且夫帝王者大物也有大物者不可以物物而不物故能物物(不可 天下之君正以道觀分而君臣之義明以道觀能而天下之官治以道汎觀而萬物之應備」曰『古之畜天下者无 為內故以治天下爲不足威於其心此其意於天地篇實發之曰「玄古之君天下無爲也天德而已矣以道觀言而 篇曰「道之其以治身其緒餘以爲國家其土苴以治天下」者莊子者其土苴治天下者哉嗚呼遠矣。 王明矣若是獨往獨來出入無旁處乎無響(同嚮)行乎無方其於治天下獨一映也(一映語見則陽篇)讓王 下則可以寄天下。(本老子語而莊子在宥篇亦稱之)今日應帝王則其視帝王會不若蚊宜之過目其不物於帝 、驟而語形名賞罰此有知治之具非知治之道可用於天下不足以用天下。惟以正而後行確乎能 其事

事而稱无人爲先生(見田子方)今所傳列子卽言其師壺丘子林而友伯昏无人(仲尼篇)又其黃帝一篇謂 列子師老商氏友伯高子其言信否皆未可知然觀其載列子所自言謂『自吾之事夫子友若人也三年之後心不 敢念是非口不敢言利害始得夫子一眄而已五年之後心庚(同更)念是非口庚言利害夫子始一解顏而笑七 先乎莊子者有列子。列子者鄭人名禦寇莊子之舊多稱之謂其學於壺子。(見應帝王)又載其爲伯昏无人射

與物化 華胥氏之國藐姑射之山(華胥氏之國見列子黃帝篇藐姑射之山見莊子逍遙遊蓋莊列以自託者)蓋有相 卽 與莊子合其言『有生不生有化不化不生者能生生不化者能化化』(列子天瑞)即莊子所謂『生生者不生。 知風之乘我邪我乘風平」道其學之進親切若此疑非後人所能託爲則其書之或真或僞難臆定矣要其所言概知風之乘我邪我乘風平」道其學之進親切若此疑非後人所能託爲則其書之或真或僞難臆定矣要其所言概 矣而後眼如耳耳如鼻鼻如口無不同也心疑形釋骨肉都融不覺形之所倚足之所履隨風東西猶木葉幹殼竟不。 而笑而莫逆於心者豈獨南郭子連牆二十年而得慮無言目若不相見哉(事見列子仲尼篇、 口之所言亦不知我之是非利害與亦不知彼之是非利害與亦不知夫子之爲我師若人之爲我友內外進口之所言亦不知我之是非利害與亦不知彼之是非利害與亦不知夫子之爲我師若人之爲我友內外進 年之後從(同経)心之所念庚無是非從口之所言庚無利害夫子始一引吾並席而坐九年之後橫心之所念橫 莊子所謂 者 一不化者也』(上句大宗師已見前下句知北游)其言『有太易有太初有太始有太素』(天瑞 知大一知大陰知大目知大均知大方知大信知大定』也(徐無鬼) 是故附列子於莊子後以見 同 視

第九章 孟子 附骨子子思 又告子附見

於子思之門人然其自謂『乃所願則學孔子』又曰『子未得爲孔子徒也予私淑諸人也』 孟 『誠者天之道也思誠者人之道也』與子思之中庸合而亦未明言出於子思卽不得必其爲子思之徒史書 子名軻字子輿鄒人也生於周烈王四年卒於赮王二十六年年八十四(據清狄子奇孟子編年)史稱受業 則其學實上接孔子。

雖不見用於齊梁之君而其言性言仁義唐宋以來儒家蓋不能出其範圍韓昌黎且謂求觀聖人之道必自孟子始。 子時楊墨之道與縱橫長短之說並盛曰『楊墨之道不息聖人之道不著』於是距楊墨放淫辭景春(春孟子弟 日、 稱公孫衍張儀為大丈夫而孟子則曰『以順為正者妾婦之道也』曰『今之所謂良臣古之所謂民賊也』 盡 無據未可知矣歷游梁齊宋魯滕諸國今七篇所載與梁惠王齊宣王滕文公之言多稱述堯舜湯武而論書則、 信 害不如 無 則曰『說詩者不以文害僻不以辭害志』信古而能斷孔子以後蓋一人而 巴當孟

柘権 即性 此二說也曰「有性善有性不 名不害疑亦非是)一篇常時言性者蓋有三說曰『性無善無不善』此一說也曰「性可以爲善可以爲不善」 然以與孟子問答之言觀之知決非弟子也要是當時一大家至以後盡心篇浩生不害與告子認爲一人而謂 懿德』作於尹吉甫實在宣王之世則天命性善之說其由來蓋久矣令觀告子(告子事迹不可考或曰孟子弟子、 昌黎集送王塤秀才序)非所謂豪傑之士耶茲撮其榮犖大者如左。 孔子言性相 不西也」即2 有不善旣又言『性猶湍水也決諸東方則東流決諸西方則西流。 近而子思曰『天命之謂性』至孟子則言性善然烝民之詩『天生烝民有物有則民之秉彝、。)性可以爲善可以爲不善又曰「生之謂性食色性也」則又似性無善無不善蓋反復其說總歸 ·善】此三說也而告子始言「性猶杞柳也義猶桮棬也以人性爲仁義猶以杞柳爲。 人性之無分於善不善也 橮 水之無 告子

指之 幾希。 於 彩。 非 難 而 記 曰、 矣。 之於 君 明。 静 語 隨 夫 性實 子不 爲 非 盡 乃 子有不能 性之 命 堯舜 日 方 性故 心 以 故 性 指 也。 非 帽帽 篇 E 威 其 有。 難 即 點。 惻 於 是 日 同 隱 性 E 羧 情、 可 無以見性之善亦即無以 而 如 内日 物 物蓋吿子之言性、 剘 **—** 以 及 衆 也仁之於父子 챮 - 之心仁之端 此、 仁 **藏其心** Mi 可 其 道 其 故 人 義禮 本心。 (性者 以 動 義 性 其 所 為 者 外 善 與 以 心者知其性也。 善矣乃所 矣。 必以 (以上) 爲 智 恆 爲 言、 性。 非 性 也。 人 古、 (堯舜為) 推 也義之於君 由 故 羞 言、 者、 惡之 外 日、 75 知 並告子) 君子不謂之 不 。 口之於· 岐 也。 决 謂 白 鑠 言蓋 於 我也。 諸 故孟子駁之日、 ڪ 善 心 見性之爲性此孟子之微意也今人只知孟子言性善而於其所謂 性、 則不 也。 義 東 物 丽 臣 味也目之於色也耳之於聲也鼻之於臭也四 是故告子之言性也、 我 方 之端 丽 惟堯舜性之(孟子曰、 曰 性衆 欲 盡其心性有不可得而 則 也禮之於賓主也、 固 動 -社之欲 良知 有 知 東 也。 之也。 流、決 解 孟子之說 人所 被之心禮· 良能。 心之性孟 人性之善 Ü 諸 ٠... 故 西 爲 ---- 方 曰 非 日、 與告子之說之所 之端 (性之所) 其辭難 則 ----智之於賢者 **—** 堯舜性之也又曰 也層 天之降 其 一子之言性乃 西 知者矣日『『 日 流。 也是非之心智之端 夜之所 曉、 故曰、 水 得而 之就 而性易見孟子之言性 才。 義 也聖人之於天道也命 <u>---</u> 爲 外故 下也。 者、 息平旦之氣 人 以 日 君子所 生 異、 君子則謂之性尤其 _ 堯舜性 當 認生之為 而 人 不 知孟 無 忍 靜 天之性 有不 人之心。 肢之於安佚 性仁義禮智 也。 者 子所 其 هـــا 也並見盡 性、 善。 皆從性之本源 好 指之性 食色為 也 惡與 也 水 <u>__</u> 之性。 其 無有 曰 也。 彰 有 也、 根 觪 人 一心篇) **芣下。** ► 性所謂的 於心。 性。以 心之 朗 性 性 相 奥 易 用 知。 告 較 也。 近 有命 不原 君子 所 而 也 蘢 流 人 又 則 生 所 性 者 樂 同 者

者弗思耳見告子篇、 深察而 明 《辨之或且疑其不如告子之言爲近人則甚矣有貴於己而弗思者之衆也(孟子曰人人有貴於己

擴

也。

提之童 與之行道之人弗受蹴爾而與之乞人不屑也萬鍾則不辨禮義而受之萬鍾於我何加焉爲宮室之美妻妾之奉所 之實無所往而不爲義也」皆是也而其言之尤剴切明著者則如曰「一簞食一豆羹得之則生弗得則死哮爾而 之於其所爲義 爲所識窮乏者得我而爲之是亦不可以已乎』蓋人惟 識窮乏者得我與鄉爲身死而不受今爲宮室之美爲之鄉爲身死而不受今爲妻妾之奉爲之鄉爲身死而不受今識窮乏者得我與鄉爲身死而不受今爲宮室之美爲之鄉爲身死而不受今爲妻妾之奉爲之鄉爲身死而不受今 老 語 顧孟子之言擴充有二一者由小而擴充之大如曰『 | 吾老以及人之老幼吾幼以及人之幼。| 又如曰、『人之所不學而能者其良能也所 | 充之足以保四海。荷不充之不足以事父母。 | 又如曰、『人皆有所不忍達之於其所忍仁 並見告子)欲其不以小而至於梏亡故曰『 無不知愛其親也及其長也無不知敬其兄也親親仁也敬長義也無他達之天下也」皆是也而 以惻隱羞惡辭讓是非爲仁義禮智之四端則非擴充即不足以盡其性此擴充之說所爲機性善之說而作 心人能充無欲害人之心而仁不可勝用也人能充無穿窬之心而義不可勝用也人能充無受爾汝。 立乎其大者則其 明於小而暗於大放養一指而失屑背養樲棘 凡有四端於我者知皆擴而充之矣若火之始然泉之始達。 小者不能奪也」 者由近 不 虚 而 也人皆有所不爲達 而擴 知 者、 充之遠。 其 而 良 其言之尤 知 如日、 也,孩

沉痛 忍於觳觫之靈牛而忍於肝腦塗地之士臣不宥於失伍之戟士而宥於立而視民之死之大夫(上句見梁惠王下 見公孫 丑)欲其不以近而爲之陷溺故曰「鲁推其所爲而巳」由前之說則體立由後之說則用全程子曰『孟 則 如曰、 仁者以其所愛及其所不愛不仁者以其所不愛及其所愛』蓋人惟察於近而忽於遠故不

言性也。 害則塞於天地之間。」其始充之一身而其極塞於天地非擴充何以至此。 大至剛。 之所 不能 於集義則本體在是工夫亦即在是知言以辯之持志以守之而義無不集矣此所以知言與養氣並提也抑養氣雖 孟子之其實學問在知言養氣而知言養氣卽擴充之功何以言之孟子曰『氣體之充也』又曰『以直養而』 ;有二矣雖然氣之同於性者其生也而氣之異於性者其智也居移氣養移體斯氣有非其性者矣氣有非其 **擴充其功不在禹下』信夫** 無惑焉是故公孫 有也言浩然之氣 固 一就心言則曰性就身言則曰氣。 三知言餐氣 無以見性故特區而別之曰浩然之氣而於其徼之徼也則曰平旦之氣曰夜氣然言平旦之氣言、 而卽 實以案之曰「其爲氣也配義與道」曰「 丑問何謂浩然之氣而孟子亦曰難言難言而不得不言於是先虛以象之曰、 則非盡人之所得有也於其所有而實以指之雖愚者易明焉非其所有而虛以象之雖 盡心章曰「存 其心養其性所以事天也」於氣曰養於性亦曰養明氣 是集 **乘**新生者。 顧擴充以性言而此以氣言何也言氣猶 非義製而 取之也。 夫知浩然之氣之本 其 夜氣、 為氣 性則 與 智者 也至

文熟玩之不然不易曉也 節者吾嘗言莊孟同時而所言多合惜其不得一相印證道術之裂往而不反豈非天哉(宜取孟子不動 卽 力於勿忘勿助之間。 喻曰『天下之不助苗長者寡矣以為無益而舍之者不耘苗者也助之長者揠苗者也非徒無益而又害之』致 擴充而言養亦與擴充有別擴充如火之然如泉之達養如雨露之潤如草木之長擴充見其力養不見其力故擴 可以氣魄承當可以意見湊迫而餐則須義精仁熟渣滓俱融故擴充未必能養而養則無不能擴充觀其宋人 而守約於自反而縮之內以此不動心亦卽以此踐形其與蒙莊之養生主德充符蓋有若合符 心 章本

四義利之辨

天下者曰『交相利』(墨子之言已見前)曰『利物不由 國戰必克』循此而不變勢非至率獸食人而人相食不止當時如墨翟楊朱之徒未嘗不思有以捄之而 非孟子之必異於孔子也蓋至戰國之世、 **孳**為善者舜之徒也雞鳴而起孳孳為利者跖之徒也欲知舜與跖之分無他利與善之間也』 君子喻於義小人喻於利與言君子懷德小人懷土君子懷刑小人懷惠一意注誤)至孟子則曰『 孔子罕言利而曰『君子喻於義小人喻於利』意謂義可以喻有德而利可以喻齊民則未始絕人 以言 水以火救火益多而已未見其有濟也故孟子首絕言利之萌其答梁惠王利國之問則曰『王曰、 言利之風益盛或曰「我能爲君辟土地充府庫」或曰「我能 於義』(楊子之言見列子楊朱篇)以利 辨義利之嚴如此是 何以利吾國。 雞鳴而起擎 止利、 為君 其所 利也。 循以 號於 約

朱鈃 利以 之至明故言之至切而奈何齊梁之君見以爲迂闊而遠於事情卒不果用一薛居州獨如宋王何(本孟子語) 大夫日 事 以罷三 欲以 ,其兄是君臣父子兄弟終去仁義懷利以相接然而不亡者未之有也』(見告子篇)於當時功利之害見 何 以 軍之師是三軍之士樂罷而悅於利也爲人臣者懷利以專其君爲人 利 利 吾家士 說 <u>ı</u>Ł 秦楚之兵孟子則曰、 庶 人日 何以 和吾身上下兖征利而國危矣。日『亦有仁義而已矣何必 س 先生之志則 大矣先生之號 則 不可先生以 子者懷利以事其父為人弟者 利說秦楚之王秦楚之王 日 利而 摼 見膝 ğĮ. 懷

五十 文公)一孟子又獨如天下何哉。 者不負 足以 十者可以食肉矣<u>百畝之地勿奪其時數</u> 盂 田一日、野九一而 ·而貢殷人七十而助周人百畝而徹其實皆什一也』曰『方里而井井九百畝其中爲公田八家皆私百畝、 事父母俯足以畜妻子樂歲終身飽凶年免於死亡』曰『有恆產者有恆心無恆產者無恆心』曰、 子之言王政一 相友守望相 戴於道路矣」所以教民 五王政 印,疾病相 孔子之言富教也其曰、 助國中什一使自賦卿以下必有圭 扶持、 則百姓親睦。 也然而孟子之言尤詳於制民之產與通功易事之道曰、 口之家可以無饋矣。 『五畝之宅樹之以桑五十者可以衣帛矣雞 雖曰此其大略而仁政必自經界始得是猶足見聖王之制。 田圭田五十畝餘夫二十五畝死徙無出 سا 所 以富民 也。 **謹庠序之教申之以孝** 豚 明 狗彘 君 之畜、 制民之産 鄉。 **で悌之義**に 無 · 失其時、 鄉 _ 固 田 夏后 必 同井、 非託 使仰 頒 氏 七

呼、 不齊未三 下下罷極則以殘賊怨望於上於是視治人治於人之名同於蠱毒之足以禍人至乎近世乃欲盡撤貴賤上下之防 而猶 舆 之空言 取之於民者稍稍得以自肆則攀起而辨擊之曰是何得獨享其富厚卽言報施之道是亦不能謂平 而 相 事 耕、 去之使更無治與被治之別或且疑孟子之言為據亂之制而非大同之道奉許行並耕之說以爲足以治天下嗚 兩賤不能相使(荀子語見王制篇)使天下之民無有須待人而治者也則上下之等信可廢也使天下之民 有須待人而治者也則上下之等如之何其廢之自後世在高位者多驕淫不仁阻法治之威而以貢賦督責於 械 可强 粟 也然孟子雖 相 易不爲相厲。今賢者居民之上憂民之憂事民之事旰食而宵衣勞苦百倍於農夫而 比 iffi 烈矣(參看有為神農之言者許行 同之故曰、『或勞心或勞力勞心者治人勞力者治於人治於人者食人治 一貫民而欲使天子公侯下而與齊民同其勞苦氓上下之等廢治養之別則又其所 一章全文) "人者食於人。 末 ·矣。 且 止。 不然。 丽 兩 衣食之睾 貴 夫 蓋物 不能 閵 冶 有

之賤儒。 子』(昌黎集送王塤秀才序、 儒。 有孫 論 韓 語有孟懿子孟 非 、氏之儒。 則 釽 仲尼既沒弟子分散諸侯之國源遠而末益分宜其相遠異矣韓昌黎謂、 4 篇言、 有樂正氏之儒』 一角孔 武伯安知非其人耶。 子之死也有子張之儒有子思之儒有顏氏之儒。)而宋儒乃推大學中庸以繼論語然大學果否出會子之手世多疑之今大戴禮 說者多謂孟氏之儒卽指孟子然列於漆雕氏仲良氏之前似當受業於孔子之門 荀卿非十二子篇罪子思孟子而言子張氏之賤儒子 有孟氏之儒。 『孟子師子思子思之學蓋 有漆雕氏之儒。 夏氏之賎儒 有 仲 子 良氏之 游氏 出 有

仁義

充塞之禍

作中庸自比於文王之囚羑里而演易孔叢子偽書、 謂子思居於衞有齊寇子思曰、如伋去君誰與守。則子思固當仕於魯衞者至今傳孔養子載子思困於宋兔而謂子思居於衞有齊寇子思曰、如伋去君誰與守。則子思固當仕於魯衞者至今傳孔養子載子思困於宋兔而 母全而生之子全而歸之可謂孝矣」之言觀之可謂行践其言者矣然孟子語勇而謂孟施舍似曾子又道: 大戴曾子十篇本孝立孝大孝事父母占其四及其死也曰『而今而後吾知免夫』(見論語)合禮祭義所 傳孔子之學事有足據初不必大學一會之出於會子之手也又史記稱孔子以會子能通孝道授之業作孝經。 配二書所載會子語甚衆會子曰『傳不習乎』而孔子之語會子則曰參乎吾道一以貫之會子曰唯然則會子之配二書所載會子語甚衆會子曰、傳不習乎。而孔子之語會子則曰參乎吾道一以貫之會子曰唯然則會子之 身皆孔門之微言大義孟荀書外可見孔門之正學者惟此而已會子名參字子與魯人少孔子四十六歲个論 會子立事等十篇與大學不類而孟子之會稱道會子亦無引及大學之文要之大學言正心誠意與中庸言 二十三篇个不可考而子思作中庸見於史記孔子世家史公近古言自可信孟子稱魯繆公之時子柳子思爲臣又 ?亦散見諸儒章中茲不具述而僅識曾子子思之大略如左骨子年七十子思年六十二。 『自反而 (見哲學史大綱) 縮雖千萬人吾往矣』 **豈直失言而已乎子思名佼孔子孫孔子生伯魚(名鯉)伯魚生子思漢志儒子有子思** (見不動心章)是戰兢惕厲之功乃發揚蹈厲之本而胡適之乃譏曾子爲 其說出於附會顯可見也大學中庸得宋明諸儒發明而始著故 明 含子之 稱 而今 「父

第十章 惠施公孫龍 附尹文子

得自施 **有鈎有須卵有毛則與公孫龍同龍之書漢志八篇今存六篇而跡府一篇記龍與孔穿問答疑後人所集錄以冠其** 子產同時實在墨子之前則名家自有淵源本末尤不得謂墨家之後始有名家也至墨經與施龍之說多同者墨之 成理足以欺惑愚衆是惠施鄧析也漢志名家首列鄧析有書二篇今其書傳者蓋出僞託然其篇名或有所本惠子 荀子非十二子謂「好治怪說玩琦辭甚察而不急辨而無用多事而寡功不可以爲治綱紀然而其持之有故首之 入然莊子天下篇言墨者不及施龍乃置施龍於周之後且惜其才駘蕩而不得逐萬物而不反引之與己相近而徐 發則龍與蒙叟之相聞為無疑矣又漢志以施龍列之名家而胡適之則謂名家出於別墨蓋以其言多與墨經。 指喻指之非指也以馬喻馬之非馬不若以非馬喻馬之非馬也」即對龍物莫非指而指非指與白馬非馬之說而 君容莊子秋水篇載公孫龍與魏公子牟問答之言謂「龍困百家之知窮衆口之辨自以爲至達而閒莊子之言則 無鬼篇對惠子言「儒墨楊乗四與夫子爲五」惠子亦自言其與四者相拂以鮮相鎮以聲則安在其爲墨之徒也。 無所開其喙」胡適之非之以爲公孫龍實不及與莊子相見然吾觀莊子齊物論言『以指喩指之非指不若以 『無厚不可積也』 而鄧析亦有無厚之說所**言甚廣淺**疑名是而靜竄易矣吾意當與惠子之言相近夫鄧析與 與莊子同時者有惠施公孫龍惠施相梁惠王莊子與之友其相爲辨論散見於莊子各籍公孫龍趙人嘗爲平原與莊子同時者有惠施公孫龍惠施相梁惠王莊子與之友其相爲辨論散見於莊子各籍公孫龍趙人嘗爲平原 龍耶施龍之得自墨耶要未可以定矣惠子書漢志一篇今佚而見於莊子天下篇者有十事荀己 子不苟篇別 相 出

其所知 地 王曰「未諭也」「於是更應曰「彈之狀如弓而以竹爲弦」 生言事則直言耳無嘗也」惠子曰『今有人於此而不知彈者曰「彈之狀何岩 反人 環可 之見齊異同之分如曰、「至大無外謂之大一至 物天地一 輿 所 莊子天下 地 也。 楚越 秋水)非即是說乎如曰、 《為實而》 班子曰「 以不墜不陷風雨雷霆之故惠施不辭而應不慮而對偏爲萬物說說而不休多而 而告來』皆所以破時之見也蓋時無來去則旦暮一 解 卑。 同 諭其所不 也自 也」皆所以破空之見也蓋空無局量則大小厚薄一也空無方位則高下中邊一也空無分際則遠近斷續、 體一皆所以 - 篇言 『· 一欲以勝人爲名」今其書已佚所謂偏爲萬物說者不知何若吁可惜也說苑載梁王謂惠子曰、 比 其同 天下莫大於秋毫之末而泰山 山 ·知而使人知之今王曰· 者視之萬物皆一也」 惠施多方其書五車』又言『惠施之口談自以爲最賢』又言『 [典澤平] 又曰、 齊異同之分也。 一【大同· 也、 我知天下之中央燕之北越之南是也』又曰『南方無窮而有窮』又曰、 蓋物 而 「無嘗則」 (德充符)非卽是說乎然而莊子與惠子 奥 小同異此之謂 無 為小』非卽是說乎如匕『日方中方睨物方生方死』又曰『今日 是非、 小無內謂之小一。」又曰、『無厚不可積也其大千里』又曰、『天 不 可矣』惠子之嘗其猶 則 、異同、 小同異。 也時無久暫則今昔一也莊子曰「時無止終始 一也物無彼是則 則知乎」王曰『可知矣』 萬物畢同 莊子之寓言乎故其言十 畢 物 異 我、 應日「彈之狀如彈」則諭 此 (之謂大同異. 也莊子曰、 異者莊子明宗以破相惠子破 菛 無已猶以為寡益之以怪以 方有倚人焉曰黄繚問天 惠子曰、 自 <u>L</u> 事要 **叉** 曰、 **—** 其 夫 異 省破 說 者視 汎愛萬 者、 願先 -固 時 之肝 連 夲 以

言、 以見也是故吾於惠子終謂其與莊子近而與墨子遠。 及施之死乃曰『自夫子之死吾無以爲質矣』則施之去周亦只一問觀「 又言道之所以虧 地之 相 m 道觀 未 不 成乎 Ľ 明宗。 惠 施之能 ٠Ľ، 夫由 而有是非是今日適越 愛之所以成有成卽 本以 其猾 之末 蚁 不也順而 。 **重之勞者也其於物也** 而昔至也一 有虧、 由 末 故以未 以尋本也逆故莊子天下篇日「 成乎心而有是非 未成乎 何 庸。 心 蓋深惜之也然莊子齊物論員「彼是方生之說也」 顺 有 B 是非舊注誤莊子言一 至此莊子之意也) 其道舛駁其言也不中」又曰「由天 愈貴道幾矣」之言(見天下篇 受其成形不亡以待盡 皆引施說以明己意而

括。 言而 列子 以 人 公孫子亦曰『天下之辯有五勝三至。 · 發發相及矢矢相屬前矢造準、 相 舆 之引烏號之弓綦衞之箭射其目矢來注眸子而眶不睞矢墜地而塵不揚」(並見列子仲尼篇) 天下篇謂『桓團公孫龍辯者之徒飾人之心易人之意能勝人之口不能服人之心』 移引人 以爲尤也尤其在子矣」此與莊子逍遙遊肩吾問連叔接 仲尼篇載樂正子 知 爲 不務相 聲使不得及其 迷也故 奥畿公孫 勝 者不 意。 如此害大道」(見宋謝希深公孫龍子序) 失其所守不勝者得 龍好怪而妄言而公子牟乃曰、 而無絕落後矢之括猶衡弦視之若一焉」又曰『逄蒙之弟子曰 三而辭至爲下於 辯者別殊類 其所 水岩 足故辨可為 (輿之詞) 使不 -智者之言問 相害序異端使不相 何以 異也。 由是首之信乎龍為辯 也及至頃文以 『非愚者之所曉。 心觀其言『立 亂抒意通指、 而鄒衍過趙與平原君言 善射 相 假飾鮮 _ 又曰、 者、 |鴻超 能 者 可謂 令後: 之囿 明 以 相 其 怒 子 所謂 鏃 不 惇、 其 也。 然今 巧醬 妻而 中 諭 使 至

稜 鏃 白 難三足之說見於莊列者注解甚明。 馬指物堅白名實之論今故詳之若所云有意不心有指不至有物不盡有影不移髮引千鈞輪不 中前括者約後於前 也矢注眸子而瞩不睞者盡矢之勢也(本龍之言)則其理何嘗不至顯哉。 可 按而 知 也。 龍 儴 之所操尤 地以 及

一白馬輪

白馬非 飛 可」曰「以有馬爲異有黃馬是異黃馬於馬也異黃馬於馬是以黃馬爲非馬以黃馬爲非馬而以白馬爲有馬此。」、 之非馬審矣」」又曰『以有白馬爲有馬謂有白馬爲有黃馬可乎(此龍問與前殼爲他人問龍者不同)曰 [非 馬、 曰「求馬黃黑馬皆可致求白馬黃黑馬不可致使白馬乃馬也是所求一也所求一者白者不異馬也」 馬之全· 同 其 兩馬 以 者 别 而 言 衪 !) 黄黑馬有可有不可何也可與不可其相非明故黃黑馬一也而可以應有馬而不可以應有白馬! 馬」曰「有白馬不可謂無馬 Ē, m 亂 土也白馬 四足 全將 「白馬非馬可乎曰「可」曰「何哉」曰「馬者所以命形也白者所以命色也命色者、 而棺槨異處此天下之悖言亂觪 也一馬馬也二馬馬也馬或白者二馬而 逐於萬物而 馬之別 也。 使謂白馬為馬 不反此龍之所大懼 也」不可謂無 色]]: 則全別 也墨子小取篇云 n之差失矣。 其言大略 馬者非馬也(同耶) 或白也非一 如此夫馬之名一也而或以命馬之全或以命馬之別。 夫失全別 一一馬馬克 馬而或白 之差可也然以全泯別、 「有白馬為有馬白(馬)之非馬 也二馬馬也。 其說亦與龍同然墨之意、 馬四 前可以 足 者、 P非命形. 馬而 別亂 所 來 是白馬 仼 全、 也。 四 不 何 衎 則不 足 異如 也。 其 末

非碧」(見通變論)可以見也然則說雖同而意違矣(通變論曰「兩明者昏不明非正學也非正學者名實無。 當驪色章焉故曰兩明也」是故兩明者卽一名兩解之失) **兼愛之旨觀言「盗人也多盗非多人也無盗非無人也」又「愛盗非愛人也不愛盗非不愛人也殺盗非殺人也」** (亦見小取)可以見也而龍之意在發夫兩明之非觀言「羊合牛非馬牛合羊非雞」又「靑以白非黃白以青、

二指物論

下之所有也以天下之所有為天下之所無未可。」指何以言天下之所無也夫指若爲有則指亦一物耳指亦一物、 指者我以所指言之即物莫非指以能指言之則我非物卽指非指矣故其言曰「指也者天下之所無也物也者天 物莫非指者一也只不下無指而物不可謂指者非有非指也非有非指者物莫非指也物莫非指者而指非指也】 者即承上指也者天下之所無而言)不可謂指者非指也非指者物英非指也」(物旣非指則物英非所指)此解 則物不特指而有而物莫非指之說不且破乎抑觀其言之等蓋有三曰「天下無指而物不可謂指也(天下無指則物不特指而有而物莫非指之說不且破乎抑觀其言之等蓋有三曰、天下無指而物不可謂指也(天下無指 指也」(指之言非指者以其與物爲指)此解非指之指亦非非指者三也一者標能以別所二者因所以見能三 謂無指)不可謂無指者非有非指也非有非指者物莫非指指非非指也(物莫非指指自成其爲指)指與物、 物奠非所指而指非所指)此解指之非指者二也曰「天下無指者物不可謂無指也(指雖不指物而不可便 指物之說二語畫之矣曰「物莫非指而指非指」雖然指者何也指者我之指物也我之指物則所指者物而能

理致然惜乎未能見及此也(指物之說不易明故逐句粗爲解釋、 明 指不 能 不從所 若以 非指喻指之非指且如指固自爲非指云云龍不亦自知以非指喻指之非指乎謝希深注指物論違 起亦即不隨所亡故終之曰「指固自爲非指奚待於物而乃與爲指」莊子作齊物論謂以指喻指。

三壁白論

其堅也 故離。 曰「無堅得白其舉也二無白得堅其舉也二」曰「得其所白不可謂無白得其所堅不可謂無堅而之石、 堅焉不定其所堅不定者兼惡乎其石也」莊子曰「合異以爲同散同以爲異今指馬之百體」 然. m 無 有馬石者何也馬石之無有者在馬石而有馬石者在人也故其言又曰「且猶白以目以火見而火不見則 :者立其百體而謂之馬也』(則陽)夫析馬之百體而馬無有則析石之堅白而石無有其理一也然馬石 也非三也」(同耶)曰「視不得其所堅而得其所白者無堅也拊不得其所白而得其所堅者無白也」曰、「天。 堅白之論略似白馬非馬而其剖析則益精曰『堅白石三可乎曰「不可」曰「二可乎」曰「可」曰「何哉」 省不 雕 而 也者藏也」曰「石之白石之堅見與不見二與三若廣修而相盈也其非舉乎」曰物白焉不定其所白物 神見神不見而見離堅以手而手以捶是捶與手知而不知而神與不知神乎是之謂離爲離也者天下故 石必得以相盈(盈猶劑也)盈其自藏奈何」曰「得其白得其堅見與不見離見不見離」一不相盈、 可以視石天下無堅不可以謂石堅白石不相外藏三可乎」曰「有自藏也非藏而藏也」曰「其白也、 而不得馬而馬 也 保

E

哉。

四名實論

產皆物 雖 IE 此、 即以 應。 以 |然名何以正夫使物物各當其物則名無不正矣故其言曰「謂彼而彼不唯乎彼則彼謂不行| |其所不正疑(同擬)其所正其正者正其所實也正其所實者正其名也。| 夫知以正名者正實、 則 楊朱嘗論名實矣曰『實無名名無實名者僞而已矣』此一邊之見也公孫之說則進乎此曰『天地 此 即物 而當也以當而 此 也物以物其所物而不過焉實也實以實其所實而不曠焉位也出其所位非位位其所位焉正也以其所正。 謂不行其以當不當也不當而亂也故彼彼當乎彼則 顯宗由吾觀之龍 而 冥惡有狂舉 當止也故彼彼止於彼此此止於此可彼此 非施之比也而太炎章氏作明見乃揚施 而昏不明者哉公孫子惟以 此 說 往故能持白馬 唯乎 而彼且此此彼而此且彼不可」信 而抑龍、 彼其謂行彼此此當乎此、 ·非馬堅白石二而指之非指以 何哉(明見見國故 則唯乎 綸 謂 衡、 則名何可廢也。 此。 此、 如 是則 其謂 而 此破相。 此 奥 不唯 通 行 (其所 此。其 杨 亦 丽

言形名之分曰『名者名形者也形者應名者也然形非正名也名非正形也則 志名家又有尹文子一篇注云說齊宜王先公孫龍。 相 無一又曰、 ,善名命善惡名命惡故善有善名。惡有惡名聖賢仁智命善者 而仲長統撰定尹文子獨謂學於公孫龍疑非是也今其書 7也 頑囂 形之與名居然別矣不可相 凶愚 命 惡者也今卽聖

之說並起雖各有宗主而不能不稍稍糅雜故惠施有氾愛萬物之談公孫龍有偃兵之對而尹文亦與宋钘見侮不之說並起雖各有宗主而不能不稍稍糅雜故惠施有氾愛萬物之談公孫龍有偃兵之對而尹文亦與宋钘見侮不 治獨治者也聖法之治則無不治矣』(莊子天下篇以彭蒙與田駢愼到並稱)又頗類法家之言蓋當其時百家 不如巳也。則與施龍之日以其知與天下辯皦然有別而其言『名定則物不競分明則私不行物不競非無心由 以尹文與朱鈃並稱謂其『接萬物以別宥(同囿)為始曰君子不爲苟察不以身假物以爲無益於天下者明之以尹文與朱鈃並稱謂其『接萬物以別宥(同囿)爲始曰君子不爲苟察不以身假物以爲無益於天下者明之 賢仁智之名以求聖賢仁智之實未之或盡也即頑嚚凶愚之名以求頑嚚凶愚之實亦未或盡也使善惡盡然有分、 將孟荀亦墨之支流歟天下有舉一端以論人而往往乖剌者此類是也。 辱教民之鬭禁攻蹇兵教世之戰胡適之乃據以為此三人者皆所謂別墨若然孟子斥善戰荀子醜鬭(見榮**辱篤)** 也」又稱『彭蒙之言曰「聖人者自己出心聖法者自理出心理出於己己非理也己能出理理非己也故聖人之。 名定故無所措其心私不行非無欲由分明故無所措其欲然則心欲人人有之而得同於無心無欲者、 以通稱隨定形不可窮極者也設復言好馬則復連於馬矣則好所通無方也設復言好人則彼屬於 非 「未能盡物之實猶不患其差也」 此與公孫龍之審名實相似也又曰『 :好也則好牛好馬好人之名自離矣故日名分不可相亂也』此與公孫龍之白馬非馬相似也然莊子天下篇、 語曰好牛好則物之通稱牛則物之定形。 人也則好非人。 制之 有道

附名家不出於別

晉魯勝作墨辯註序曰『墨子著書作辯經以立名本惠施公孫龍祖述其學以正刑(同形)名顯於世』孫仲晉魯勝作墨辯註序曰『墨子著書作辯經以立名本惠施公孫龍祖述其學以正刑(同形)名顯於世』孫仲

莊 蒙莊自作·未敢應定要為戰國時人之言必有所本非如後之隔世論人多憑想像得之也其言首及墨子中間歷 墨之徒其見有過人者然指施龍皆爲別墨而謂古無所謂名家並力詆劉子政父子以名家別於儒墨道法爲觀 所闡陳乃今觀之其敍惠施公孫龍與墨子竟若風馬牛之不相及是不亦可異乎且惠施者莊子之友也施之死、 **般宋鈃尹文彭蒙田駢愼到關尹老聃之流而以周繼之後乃言『惠施多方其曹五車其道舛駁其言也不中而** 壁虛構不能不惜其於兩家之旨猶有未盡釋然者也夫當時能言各家之流別者莫過於莊子天下篇此其是否 容因之於其墨子閒酤頗牽合施龍之談以較釋經與經說至近人胡適之乃辯墨經非墨子自作而成於所謂別 惠子曰「可」莊子曰「天下非有公是也而各是其所是天下皆堯也可乎」惠子曰「可」莊子曰「然則儒 使施龍果出於墨者即應列之於墨翟禽滑釐之後而與所謂別墨者相次比即不然亦應於其源流授受之迹有 周之言必係後 水篇記公孫龍與魏牟問答謂龍聞莊子之言泣然異之胡氏考周龍二人年月斷周與龍二人不同時龍安得聞水篇記公孫龍與魏牟問答謂龍聞莊子之言泣然異之胡氏考周龍二人年月斷周與龍二人不同時龍安得聞 墨楊秉四與夫子爲五果孰是耶」』施之學之異於墨莊子明言之而惠子明受之乃必謂其出於墨何哉又秋 語稱及於墨子之學者乎不獨是也徐無鬼篇載『莊子曰「射者非前期而中謂之善射天下皆羿也可乎」 「子嘆曰「夫子之死吾無以爲質矣」則其與莊子言宜無不盡令施周往復辯難之詞多見於三十三篇會有 「團公孫龍辯者之徒(之徒猶言之流也胡氏謂徒是後輩可謂曲解)勝人之口不能服人之心」區別甚悉。 人偽作購入然莊子齊物論云『以指喻指之非指不若以非指喩指之非指也以馬喩馬之非馬、

之字。 聞、 其述 之實荀子非十二子篇云『治怪說玩琦餅甚察而不急辯而 析能之」屢以惠施鄧析並稱與七略名家首鄧析正合情析之書已佚今存者不足信然呂氏春秋記析之持論、 故言之成理足以欺惑愚衆是惠施鄧析也」不苟篇亦云「山淵 目, 此。 無 ・若以 可。 困 實未 與施 「安之人必莫之賣 可髣髴其面 厚。 使此 陰陽儒墨名法道德與劉氏父子豈異乎然司馬淡者固胡氏所與向歆並斥者也此姑不論試 達其意而 目是而僻則非矣今惠施猶有「無厚不可積其大千里」之論竊疑其本之鄧析則名家之起實自鄧析始。 足據秋 (非馬喩) 百家之智窮衆 蓋至膚淺荀子 之以反人為實而龍 爲不誤龍之非墨尤彰彰矣夫劉氏父子九流之分亦有所自來矣漢初司馬談 師 水之言亦難定其必偽矣夫龍自稱「 馬之非馬也。 目其言曰、 悸 其 曾言っ 矣。 時各家之學猶有存者故談智遺論於黃子學天官於唐都於諸家本末概 口之辯。 一即對公孫「白馬非馬」與「 洧水甚大鄭之富人有溺者人得其死者富人請贖之其人求金甚多以告鄧 得死者患之以告鄧析鄧析又答之曰、 之然不然可不可者寧有遠乎今傳 | 堅白異 ģp 同 秋水篇所記) 有厚 無厚之察非 則又豈似爲別墨者乎莊子言儒墨楊秉四、 少學先王之道長而明仁義之行合同異雕堅白然不 不察 物 無用、 英非指而指非指」而 也然而君子不辩 鄧 平天地比齊秦襲是說之難持者也。 析 多事而寡功不可以爲治綱紀。 「安之此必無所 書 |有無| 厚 一篇所 止之也。 更買 ||發則周龍| 言 矣。 論六家要旨謂 意 天於 其 不同 乎蓋 舊注 析 然 說 人 之解 更徵之荀子 必甚 無厚 Mi 時、 答 謂 而 其 愍學 無 析。 付之有 有 惠施 秉 難。 君 之詭 聞者。 然可 由相 13 鄧 民 如 析

別

苦獲己齒鄧 論。 而 之政 算卑 子言彙愛上推之於天志以爲『上之所是必皆是之所非必皆非之』又謂『義者政也無從下之政上必從上 字之譌孫 子言關者不若狗彘卽孟荀亦出於墨矣莊子言萬物與我爲一言至仁無親卽莊子亦出於墨矣然乎否乎且墨 志士仁人思救民之患莫不以弭兵愛人為言正不獨墨者云爾也若執此一端爲論則孟子言善戰者服 施則曰 取以 未足以爲兩家同條共貫之證當戰國時爭地以戰爭城以戰原野塗膏血溝壑滿骸骨民之苦於兵禍 與子產同 个。 別 出於是人而 施龍 齊上 墨者乃指斥 為詞 |校謂脫不字非)|而龍曰 則 『日方中方睨』墨經言『堅白不相外』而龍曰 下與墨子之意且背道而馳矣故墨經言、厚有所大 其尊卑之辨甚明也而呂氏春秋愛類篇匡章謂惠子「公之學去傳」 · 陂子之屬俱歸墨經」此墨經應如胡氏之說指兼愛非攻諸篇非今曹之墨經也而倍調! 在無差異上立論雖經說往住摭拾施龍緒餘冀以自圓然絕相之談與執相 者謂惠施言泛愛萬物而公孫龍有與趙惠王燕昭王言偃兵之事會無殊於墨之兼愛非攻 時先墨子且數十年胡氏哲學史於時代先後認之最嚴令謂名家出於墨則何解於鄧析乎然胡氏 處處與之立異者乎吾嘗細究天下篇之文以爲其云「相里勤之弟子五侯之徒南: 他方之辭言 言其不如己所傳之正非自稱爲別墨也胡氏謂其自己相稱爲別 『火不熱』墨經言『狗犬也』 一堅白 也。 雕。 而龍 而施則曰『 墨經言「火熱」(日『狗 非大 無厚」墨經 按之施天地一體之說信其冺 者固 蓋墨經多 舊作 有別矣夫天 言. 暴實誤其云以 在 必熱 中正 不同相謂 差異 方之墨者 必 深矣故 上 也。 南也」 下世 為火 Ŀ 刑。 然此 立 荀

Im

固

家為墨之支流不亦因果倒置乎哉是故吾謂名家自有宗趣決不出於墨若必求其相似亦與莊子近而與墨子 則其所假以爲攻救之具者也由是論之歷經與施龍之說時有出入者亦墨之得於名非名之得於墨而轉抑名 堅白同異之辯相訾以觭偶不仵之辭相應相營者攻彼之過相應者救己之失而堅白同異之辯觭偶不仵之騂、

乎動靜端而言雙而動一可以爲法則」(勸學篇)一孟子粹面盘背之功也至其言俗儒雅儒大儒之別而謂『大 之論者以其主性惡而言富國强國大異於孟子又韓非李斯之徒世所詆斥皆出於其門下遂幷歸罪於荀子之持 而荀子三爲祭酒焉入秦見昭王應侯昭王謂儒無益人之國荀子乃極明儒效蓋自孔子沒而儒術分散能振其業 為季路也其書三十二篇而大略以下數篇頗配孔門師弟問答之言必有所受之即其學之出於仲弓無疑矣而後 者在前惟孟子在後惟荀子言雖不同而其粹然爲聖人之傳則一也荀子書每道仲尼子弓子弓卽仲弓猶子路之 知者不怨人知命者不怨天」(榮辱篇)一中庸居易俟命之願也其言『君子之學入乎耳箸乎心布乎四體形 論不慎然以今觀之其言『君子養心莫善於誠順命以愼其獨』(見不苟篇)一大學愼獨誠意之旨也其言『自 逡。 荀子名況亦曰荀卿或稱曰孫卿趙人也以齊襄王時游於稷下距孟子至齊五十年矣是時齊尚修列大夫之缺。 第十一章 荀子

老莊孟之數聖人者所遇皆如此故曰「君子能爲可貴不能使人必貴己能爲可信不能使人必信己能爲可用不 主下遇暴秦當是時也知者不得慮能者不得治賢者不得使故君上蔽而無賭賢人距而不受』吾觀春秋以 而荀子已老矣及春申君死乃廢居臟陵列著數萬言而卒堯問篇云『孫卿迫於亂世魋(同蹟)於嚴刑上 子之為荀子豈淺見寡聞者所可得而妄識者哉旣不遇於齊秦乃歸趙趙亦不能用去而之楚春申君以為蘭陵令。 儲者法先王統禮義一制度以淺持博以古持今以一持萬芍仁義之類也雖在鳥獸之中若別白黑倚物怪變所未 |聞也所未瞥見也卒然起一方則舉統類而應之無所傑您張法而度之則隨然若合符節』(見儒效篇)是荀 一無賢

能使人必用己』(荀子非十二子篇語)嗚呼傷已 兄子之代乎父弟之代乎兄此二行者皆反於性而悖於情者也然而孝子之道禮義之文理也故順情 休此人之情性也今人飢見長而不敢先食者將有所讓也勞而不敢求息者將有所代也夫子之讓乎父弟之讓乎 爲然則從人之性順 辭讓亡焉。生而有疾惡焉順是故殘賊生而忠信亡焉。生而有耳目之欲有好聲色爲順是故淫亂生而禮義文理亡 矣 辭讓則悖於情性矣用此觀之然則人之性惡明矣其警者偽也』 (偽非虛偽之偽猶言爲也)顧荀子所言之 荀子與孟子不同者厥爲性惡之說其言曰。「人之性惡其善者僞也令人之性生而有好利爲順是故爭奪生而 性惡 人之情必出於爭奪合於犯分亂理而歸於暴」又曰『今人之性飢而欲飽寒而 欲暖 性則不 勞而欲

繑 及知 性、 理。 內不可 以 以 此 所云「性也有命焉君子不謂之性」者也荀子譏孟子為不知性僞之分以荀子觀之則固如是矣若以孟子觀之、 子曰『乃若其情則可以為善矣乃所謂善也』故孟子之所謂性幷荀子之僞在其中而荀子之所 所 以知之質其可以能之具其在塗之人明矣今使塗之人者以其可以知之質可以能之具本夫仁義之可以知之質其可以能之具本夫仁義之可 法 知 與孟子 事 不 Ī. 為 能仁)夫荀子以可學 也所不慮而能者其良能也」耶特荀子鑒於當時學者之縱情性安恣睢而慢於禮義欲以矯飾擾化爲教故不 人之 不 禹 知性僞之分者或且在此 加 成者也。 **輚**法正之具然則 《其可以爲禹明矣』(性惡篇) 以知父子之義外不可以知君臣之正今不然逢之人皆內可以知父子之義外可以 能仁義法正 者以其爲仁義法正也然則仁義 性. 所言之性蓋各有所 而 不可學不可事、 不 察乎人之性僞之分者也凡性者天之就 也。 而能可事 將 以其可以 使塗之人固無 m 指。 而不在彼然荀子亦非不知性之善者也曰「塗之人可以爲禹曷謂也曰凡禹之所 m 在人者謂 爲禹明矣今以仁義法 成者謂之偽而此偽者誰爲之非我爲之乎我何以能爲此 觀荀子駁孟子之言可見也孟子曰『人之學者其性善』荀子曰『是不然是不 夫此可以知之質可以能之具非卽孟子所云「人之所不學而 可以知仁義法正之質而 法正有可知可能之理然而塗之人也皆有可以知仁 "之性可學" 而能可事而 正為 也。 固 不可學不可事。 無可 固 成之在人者謂之偽是性 無可以能仁義法正之具 知可能之理 禮義者聖人之所生也。 **作那然则** 唯 知君臣之正。 偽。 偽 郭然 同 義法正之質皆有 非我之性有 之分 雖 謂 人之所 則 也。 J 禹不 性則 逸之 知可 知 然 是乎孟 者 孟子之 知仁義 學 則 人 並 其良 能之 也且 其可 性惡 而 미

上古哲學史

也然而 不肯為君子君子可以爲小人而不肯爲小人。小人君子者未嘗不可以相爲也然而不相爲者可以而 可以爲然則能不能之與可不可其不同遠矣」(性惡篇)觀於此言則荀子之所以謂人之性惡者爲人之不肯 天下者也夫工匠農賈未嘗不可以相為事也然而未嘗能相為事也用此觀之然則可以為未必能也雖不能 **塾之人可以爲禹則然塗之人能爲禹未必然也雖不能爲禹無害可以爲禹足可以獨行天下然而未** 荀子而得性惡則君子有不敢以自恃者矣天下之言有相反而實相成者若孟荀之論性是也。 為善而發非爲人之不可爲善而發其貶性也正所以反性也是故於孟子而得性善則君子有不敢以自諉者矣於 為性而以爲偽曰『人無師法則隆性矣有師法則隆積矣性也者吾所不能爲也然而可化也積也者非吾所有 ·可爲也』(儒效篇)又曰『聖可積而致然而皆不可積何也曰可以而不可使也故小人可以爲君 當有能 不可使 字而 也。 無害 福行

以

趨行、 則 由禮則雅不由禮、 禮則治通不由禮則勃(同悖)亂提慢食飲衣服居處動靜由禮則和節不由禮則觸陷生疾容貌態、。 子言性善故有擴充而已矣荀子言性惡則取矯飾擾化而矯飾擾化之用莫大於禮故曰『凡用血氣 論篇稅斂也 之以 易 良勇膽猛戾則輔之以道順齊給便利則節之以動止狹隘褊小則廓之以廣大卑溼重運貪利則。)惟始乎稅故曰、 則夷固僻 |遠庸衆而野』(修身篇) 『治氣養心之術莫徑由禮』(雖然禮者始乎稅成乎文終乎悅恔者 修身篇 **三**日、 ب 血 氣剛 娅、 則柔之以調 也。 一本 荀 度進退 志意知 和。 子語、 知慮

功之祸矣男女之合夫婦之分婚姻妈內送逆無禮如是則人有失合之憂而有爭色之祸矣』(富國)由是觀之、 如是則老弱有失養之憂而壯者有分爭之關矣事業所惡也功利所好也職業無分如是則人有樹事之息而有爭如是則老弱有失養之憂而壯者有分爭之關矣事業所惡也功利所好也職業無分如是則人有樹事之息而有爭 而無分則爭窮者患也爭者禍也救患除禍則莫若明分使羣矣彊脅弱也知懼愚也民下違上少陵長不以懲爲政。 欲給人之求使欲必不窮乎物物必不屈於欲兩者相持而長是禮之所生也」(禮論)曰「離居不相待則窮事、 欲欲而不得則不能無求求而無度量分界則不能不爭爭則飢亂則窮先王惡其亂也故制禮義以分之以養人之欲。 天下有禮則治無禮則亂故曰「天地者生之始也禮義者治之始也」(王制)且其言富國也必歸於節用裕民。 no 所以養財也勢知夫恭敬辭讓之所以養安也勢知夫禮義文理之所以養情也』(同上)於性之可化而久以擾之。 於性之所偏而矯以飾之而性由醴而立矣惟終乎悅惔故曰「孰知夫出死要節之所以養生也孰知夫出費用之 就之以高志庸衆稱散則劫之以師友怠慢僳弃則炤之以禰災愚款端慇則合之以禮樂通之以思索』(同· 性由 見藏兵篇)舉一 見宮國篇)言彊國也必歸於節威反文(見彊國篇)言樂則曰謹爲之文(見樂論篇)言兵則曰妙之以節。 ,禮而成矣此荀子首禮之精也而由是而推之所以爲治於天下者亦不出此曰『禮起於何也曰人生而有 切而納之於禮之中而莫之敢過故曰『禮者法之大分類之綱紀也』(勸學篇)嗚呼荀子 上

之於禮可謂至矣。

三解蔽

一志

而不

則

死

則

足

者以

之而已矣心之官則思思則得之不思則不得也」此其同者二也荀子曰『凡人之取也所欲未嘗粹而』 是之謂天官心居中虛以治五官夫是之謂天君」(天論)而孟子固曰『耳目之官不思而蔽於物物交物、 死者非獨賢者有是心也人皆有之賢者能勿喪軍』此其同者一也荀子曰。耳目口鼻形能各有接而 欲 也故欲過之而動不及心止之也心之所可中理則欲雖多奚傷於治欲不及而動過之心使之也心之所可失。 也所欲未嘗粹而 心為甚。此其同者三也夫性而善也則思何以率其性含心而性不 寡奚止於亂故治亂在於心之所可亡於情之所欲」(正名)而孟子固曰『所欲有甚於生者所、 :社也故· |人無動而可以不與權俱。| (正名)而孟子固曰『權然後知輕重度然後 ·達也性而惡也則思何以 矯其 性。 知 不相能。 惡有 長 來 短物皆 心也其去 **理**。 則引 甚於 而性

非馬 聖人不愛己殺盜非殺 者之制名名定而實辯、 醴 ííg 也(上句有闕誤下句卽公孫龍白馬非馬之說)此惑於用名以亂實者也惑於用名以亂名驗之所爲有名、 朱鈃之言見上)芻豢不加甘大鍾不加樂、 以明分而分之明,則自正名始故孔子曰「必也正名乎名不正則言不順言不順則事不成」而荀子亦曰、『王 也性之途歧而心之用一此苟孟之所以不得不同 四正 道行而志通 人也(墨子之言見上)此感於用名以亂名者也山淵平(卽惠施山與澤平之說)情欲 即愼率民而一焉』(正名)夫名之所以亂者三見侮不辱(宋鈃之言見上) (卽墨子非樂之說) 此惑於用實以亂名者 也。 屯。 非而 謁 楹 有牛馬

楚然 道而辨姦猾引縄以持曲直是故邪說不能亂百家無所寫(以上用原文)曰『君子之言涉然而精俛然』 指 無勢以臨之無刑以禁之則不得已而有辨說實不喻然後命命不喻然後期期不喻然後說說不喻然後辩故 禁之以刑其有析辭擅作名以亂正名使民疑惑人多辨訟則謂之大姦其罪猶爲 而齊彼正其名當其僻以務白其志義者也彼名辭也者志義之使也足以相通則舍之矣苟之姦也故名足以 **辦足以見義則舍之矣外是者謂之訒』(同上)夫如是則君子之辯豈與彼名家爭爲難持之說者比哉。** 正名篇)夫民易一以道而 不可與共故故聖王有作則臨之以勢道(同導)之以道申之以命章之以論、 将節 度量之罪也。 聖王不作君子 而 以正 類、差

然重 其天功如是則 夫是之謂能參舍其所以參而 一天下之功於是就也」(禮論篇)重人而未始以爲人之可以敵天也故亦曰『天有其時。 荀子之言天猶其言性也言性不**重性而重**偽故曰性惡言天不重天而重人故曰惟聖: | 偽而未始以爲僞之可以滅性也故亦曰 | 論篇 應 時 五. **芸天論** (1) 是故: m :使之因物: 知其所為知其所不為矣則天地官而萬物役矣其行曲治其養曲適其生不傷夫是之謂知天』(以 其言、「大天而思之孰與 而多之孰與騁能而化之思物而 | 願其參則惑矣』曰『聖人清其天君正其天官備其天養順其天政養其天情以全 物畜而制裁之從天而頌(同 無性則 物之孰與理物而勿失之也願於物之所以生孰與有物之 「偽之無所加無偽則其性不能自美性偽合然後聖· 訟)之孰與制天命而 人為 地 不 用之望時而待之、 有 水知 其 (天) (天論: 財。 人 介其治。

孰與

所 今人自不信天乃假此以攻孔孟天命之說不知人之命在天 (見天論**篇**) 史公作荀 命 意 也。 修德 Ű 摝 成. 行 人 卿傳、 入知命、 厚、 知慮 同 上 謂 其道未嘗悖 **必明生於今** 其嫉濁 所 빓 盡 也不然荀子譏 人也。 世之政亡國亂君相屬不遂大道而營於巫祝信機祥。 而志乎古則是其在我者 其言、 楚王後車千 莊子為蔽於 乘、 也。 天而 莜 非 知也君子啜菽飲水非愚 君 不知人令乃以 子敬 其 在己者。 荀子固自言之此所謂 人而 而不 ||奪天不為 . 惡 其 _ 是則 也是 在 (其為論) 節 天者。 蔽 同 於 **L** 適 固 人 说 倚其所私 、 有 同 而 然 爲 上 不 而 知 也。 發者矣。 若 天 所 **谷。** 大 以觀 以 夫 知

觀聖王之 則 小 也。 法 而 不岩周 術、 謂 荀 m :之先王自上古言之則謂之後王其實皆指周 後王、 不 子 而 因 非 知 E, 六 一謂之不 之察 跡 法 以失其正求者非耶(倚其所私以觀異術本 其大也』(同 相 『禮莫大 後王 簱 則 也。 叉曰、 於其粲然 非 無美政 於聖王聖王有 衣 五五 服 **灬者矣後王**5 :上)此荀子所以法後王也然荀子之言後王輿孟子之言先王、 有制。 以也久故 帝之外 宮室 **以也傳者久則於** 是也。 無傳人非無 有度人徒有數喪祭械用皆有等宜聲則凡非雅聲者、 百吾孰法焉曰、 彼後王 論 賢 者天下之君 八也、 文久而 也。 略。 近則 故曰「王者之制道不過三代法不貳後王道過三代謂之舊。 人故也。 一荀子語見解蔽篇、 息。 稐 群。 也。 節 略則舉大詳則舉小。 五帝之中 含後王而道 族 $\overline{}$ 同 奏 無傳 \smile 久 上古譬之是猶含己之君、 政非 丽 絶守 患者聞 (無美 法數之有司 一會無以異常 政也、 舉廢色則 其 略 人 故 而 (蓋自戰) 也。 極 凡非舊文 不 知 禹 而 丽 其 湯 事 褫。 國 群。 有 故 人 言之、 窗、 之 聞 傳 君 欲

界一個人 上古哲學史

子也、曰、 子之書、 統禮 旁)皇 先王以 旜 息。 義謂之姦言。 義 用 | 欺愚者而求衣食焉』(儒效篇)亦責其欺愚者求衣食非貴其呼先王也不然其稱大儒乃亦以法先王 略略 一稱先王 周 一制度為言何哉後人不察以為荀子之法後王爲對孟子之法先王而起則何不於荀子全書而熟考之。 則 挾 法 非 同 雖辞、 先王而不知其統。 舊器 後王亦至不一曰『將原 |浹)於天下動 |君子不聽』(非相篇)日『先王之道仁之隆也』(儒效篇)日『古者先王審禮、 者舉毀夫是之謂復古是王者之制也」(王制篇)夫謂之復古則何以異於稱先王也且荀 』(非十二子篇)亦過其略而不知其統非過其法先王也其譏 無不當也」(君道篇)言先王言後王隨宜而言之非有定也是故其 先王本仁義則禮正 |其經緯蹊徑也] (勸學篇)曰『言不合先王不 俗儒也曰、 買方 非子 思孟 呼 同 順

第十二章 韓非 申子傾子附見

之所 外儲 以 名譽之人急 鸖 說、 非 著 諫 說林、 韓王。 書 者韓之諸公子 也。 則用介冑之士以爲所養非 韓 說難十餘萬言。 秦因急攻韓韓王始不用非及急乃遣非使秦秦王悅之未用會李斯讒之曰、 王不能用於是韓 也。 好刑名法術之學而 人或傳其實至秦秦王曰『嗟乎寡人得見此 非疾治國不務 所用所用非所養悲廉直不容於邪枉觀住者得失之變而作孤 與李斯同學於荀卿非爲人口吃不能道說而善著書見韓之削弱數、 修 叨 其 〈法制、 而以求人任賢反舉浮淫之蠢加於功實之上寬 人與之游 死不恨矣』 ر--- 非終爲韓不爲秦今 李 斯 日. 憤、 此 五 韓非 蠢、內 則寵

塗之人、 爭其數不勝 王不 不得見當塗之人乘五勝之資而且暮獨說於前法術之士焉得不危』然則非之死非自知之矣而太 知 說之難爲說難書甚具終死於養不得自脫』(史記韓非列傳)若譏貶之者何哉非之實五十五篇今具存而 崩、 久留 不可 也以輕賤與貴重爭其數不 兩存之仇 而歸之此自遺患也一王信之下吏治非李斯 也。 **叉** 曰、 ---以疏 勝也以 **遠奥信** |愛爭其數| ----П 與 國 使人遺非藥非遂自殺非孤憤之篇曰「智法之士與當 不 [爭其數不勝也法 勝 也以 新旅 《與智故爭於 術之士操五不 其數不勝也以 下勝之勢以長 /反主意 史公謂 嵗 數 奥 同 **二**非 而

威之所以立者恭儉聽上也而嚴居非世者顯倉廩之所以實者耕農之本務也而綦組錦 利 初 攻取之士勞而賞不霑卜筮視、 以成 也夫 主利 在有 見秦見於戰國策以爲張儀之詞存韓乃具載李斯奏亦不類疑有後人附會入之者矣。 天下之患在欲治而惡其所以治惡危而喜其所以危(姦劫弑臣 以下、 能而 地之所以廣者戰士 、社稷之所以立者安靜也而躁險讒諛者任四封之內所以聽從者信與德也而陂知傾覆者使命之所以行、 有度 任官。 孤憤原文)由前之道則所以治也由後之道則所以危也然而天下之爲人臣者莫不欲 臣 利 在. 無能 心而死之孤飢餓乞於道優笑酒徒之屬乘車衣絲賞 胹 手理狐盤為順辭於前者日賜上握度量所以擅生殺之柄 得事主利在有勞而 舒祿。 臣 利 在無 原文) 功而 富貴主利 惡其所以治而喜其所以危何也夫主 **滁所以盡民力易下死** 在豪傑使能。 續刻畫為末作者富名之 也而守度奉量之士欲以 臣利 無 在朋 也。 能 而戰勝 黨 而 得事 用 私。

上古哲學史

忠婴上而 絡施順 治能去私行行公法者則兵強而敵弱」(同上)又曰「明主使其羣臣不遊意於法之外不爲惠於法之內」。 為人上者莫不樂於任夫躁險讒諛者也蓋利於公者法便於己者私私者所以亂法也而立法令者以廢私 有上下內外不知奉公守法而可以治者哉即安見儒之與法之必有二說也。 私 於公私道 民則天下歸之然後明分職序事業材技官能奠不 荀子不云乎『 枉 法所以遏溺外私也』(同上)夫巧匠目意中縄然必先以規矩爲度上智捷舉中事必以先王之德爲比故、 事 翼 木斵準夷而 有治人無治法。法不能獨立類不能自行。」(荀子君道)今韓非一以奉法爲言亦異於其所受之者矣雖然、 無常強無常弱率法者強則國強率法者弱則國弱」(有度)又曰「當个之時能 者飢治、法者治。上無其道則智者有私詞賢者有私意、上有私惠下有私欲(故曰下說使原文) 也不 意 法之間 · 比 周 從欲以危世 不得見巧言 高科削。 隆 不朋黨倜然莫不明通而公也古之士大夫也故四世 抑何其斤斤爲且荀子之入秦也、 禮至法則國有常尚賢使能、 |者近習(社稷以下詭使原文)由前之道則所以治也由後之道則所以危也然而天下之 利辭行姦 權衡縣而重益輕斗石設而多益少(以上有度原文)若法者亦治國之度已或曰荀子之言 一軌以 (倖偸 |世者數御據法直言名刑相當循繩墨誅姦人所以 則民知方纂論公察則民不疑賞免(同勉)罰偸則 治理、 一种其 士大夫日 則公道達 而 有勝、 出於其門入於公門出於公門歸 私門塞矣公義明而 非幸也數也。 _ 去私曲就公法 私事 (荀子彊國) 夫天下世 息矣。 爲上治也而 民不息。 -是故韓 者民 於其家 同 上) 其 安 兼聽齊 動 也。 縄 而國 無有 無非 直 而 日、

三柄

於子者十二 公謂 食相惠以佚樂天饑歲荒嫁妻賣子者必是家也故法之爲道前苦而長利仁之爲道偸樂而後窮聖人權其輕重出 矣】(二柄)何謂信於參驗人皆寐則盲者不知皆嘿則暗者不知覺而使之視問而使之對則暗盲者窮矣不聽。 君見惡則 反)又曰『今家人之治產也相忍以饑寒相強以勞苦雖犯軍旅之難饑饉之患温衣美食者必是家也。 原文)故 功不當其事事不 大利。 術也取信於參驗者法也術得於道德法合於形名得於道德則以忍行其慈故曰「母之愛子也倍父父合之行 非不說於大功也以爲不當名也害甚於有大功故罰」 也則無術者不知不任其身也則不肖者不知聽其言而求其當任其身而實其功則無術不肖者窮矣。(六反 之所以行 子 故用法之相忍而棄仁人之相憐也』(同上)合於形名則因任而不過故曰「功當其事事當 日一臣 母吏之於民無愛命之行於民也萬父母父母積愛而令窮吏用威嚴而民聽從嚴愛之策亦可決矣』(六 口「盡思慮揣得失智者之所難也無思無慮挈前言而實後功愚者之所易也」 奉臣匿端君見好則羣臣誣能(君見惡二句原文)故曰、去好去惡羣臣見素羣臣見素則大君不 者曰刑與德殺戮之謂刑慶賞之謂德是治之二柄也二柄者飢於好惡而信於參驗何謂飢於好惡。 當其言則罰故羣臣其言大而功小者則罰非罰小功也罰功不當名也羣臣其言小 聞服 禮辭讓全之術也修行退智慾之道也今先生立法術設度數臣稱以爲危於身而殆於軀何 (二柄) 若是故明主之治國也衆 (八說)不亂於好惡 其守而重 而 其罪。 其言則賞。 功大 相憐以衣

憚飢主關上之患禍而避乎死亡之害甸明夫身而不見民萌之賢利者貪鄙之爲也臣不敢嚮貪鄙之爲不敢 以爲立法術設度數所以利民萌便衆庶之道也故不憚飢主關上之患滿而必思以齊民萌之資利者仁智之行也。 以効之』韓子曰「夫治天下之柄齊民萌(同氓)之度甚未易處也然所以廢先生之數而行賤臣之所取者稱 子也產男則相賀產女則殺之此俱出父母之懷衽然男子受賀女子殺之者盧其後便計之長利也故父母之於子 智之行』(以上問田)由是觀之司馬遷謂非之慘徼少恩者(見列傳)豈其實哉雖然非之言曰『父母之於 故李兌傅趙王而餓主父爲人主而大信其妻則姦臣得乘於妻以成其私故優施傳麗姬殺申生而立奚齊夫以妻 之近與子之親而猶不可信則其餘無可信者矣」(備內)賊天恩害人倫則非之言亦太甚矣哉。 **也豬用計算之心相待也而況無父子之澤乎」(六反)又曰「爲人主而大信其子則姦臣得乘於子以成其私。** 傷仁

益吾面用脂澤粉黛則倍其初矣(顯學原文)是故非之言曰「明主學實事去無用」(顯學)又曰「力多則 亡之術有必滅之事必不亡之佛若何曰『明其法禁必其賞罰盡其地力以多其積致其民死以堅其城守天下得。 其地則其利少攻其國則其傷大萬乘之國莫敢自頓於堅城之下而使強敵裁其弊也此必不亡之術也」(同上) 夫不能具美食而物餓人飯不爲能活餓者也不能辟草生栗而貨施賞賜不爲能富民者也善毛嬪 力寡則朝 3於人故明君務力』(同上)又曰『治強不可實於外內政之有也』(五蠹)然而天下有必不 加之美無

黨。 務本作 且當 之言曰。『且夫世之愚學皆不知治亂之情臟挾多誦先古之書以亂當世之治智慮不足以避穽井之陷又妄非有 農夫之利此五者邦之蠹也不除此五蠹之民不養耿介之士則海內雖有破亡之國削滅之朝亦勿怪 御者積於私門盡貨賂而用重人之謁退汗馬之勞其商工之民修治苦窳之器聚弗靡之財舊積待時、 必滅之事若何曰『其學者則稱先王之道以籍(同藉)仁義盛容服而飾辯說以疑當世之法而貮人主之心其言 則非之去先王退仁義而尙嚴刑峭法豈非論世之事因爲之備者乎(論世之事因爲之備本非語見五靈) 世之民猶無轡策而御駻馬此不知之患也故古者有懿曰爲政猶沐也雖有棄髮必爲之(以上皆用原文意 益於人之國 術之士」(有仇讎之忠而借力於國事成以權長重事敗而以富退處七國皆然此亦可謂極敵矣夫欲以寬緩之政治急 l非之時儒以文亂法而俠以武犯禁士民縱恣於內而言談者爲勢於外故羣臣之言外事也、 俗 於理者舍之夫是之謂中說』(儒效)又曰「略法先王而足亂世術繆學雞舉呼先王以 而 者也。 好 姦劫 末 稱借於外力以成其私而遺配稷之利。其帶劍者聚徒屬立節操以顯其名而犯五官之禁其思(同 也故荀子亦曰、 事。 ·知道虛 (同上)如非所云亦俗儒而巳耳雖誦先王之**智治世之所棄也**則非以其無 弑臣) 又曰「 一聖以 『凡事行有益於理者立之無益於理者廢之夫是之謂中事凡知 說 民」(**今學者皆道書筴之頌語不察當世之實事」**(六反)又曰、 八說 夫所貴於學者為其言必當理事必當務智足以 說 「今學者之言也不 | 欺愚者| 有益 /應當 用 非有分於從 M 矣」(同 於理 時之變而有 而体(同 **掊之豈不宜** im 一者為之。 求 抑非 機之 衣 F 车 串

哉而世或以此謂非之與儒爲仇抑可謂不能知非者矣.

四難勢

齓 不肖 仲 數 則 **肖者用之則天下亂人之情性賢** 之言勢寄於 背 治 亂 Ħ, 上 天下者寡 也故 者也夫堯舜生 為 亂。 法. 九於韓非者、 岩 車、 丽 良馬 與治 m 吾所言謂• 不能 Ħ, 能 待 勢治 服 堯舜堯舜 固 於 矣」(成 法。 車、五 m 者不 有愼 貿 — 輪。 劉 惟勢與法分故得而難之曰「 者、 人之所得設也若吾所言謂人之所得勢也而已矣」(以上 Thi + 千也是猶 可亂而 無慶賞之樹、 則 到。 同上) 在 里 至 超人 上位、 權 乃 而 重 治、 八也漢志亦 乘驥駬 置。 惟勢寄於法、 勢亂者則不 雖 位 是千 使中 有十桀紂 尊 者寡 刑罰之威釋勢委法堯舜戶說而 也。 世 吾以 手 m 飢 任 分馳 御 而不肖者 而 可治 法家然其書存 故得 不 此 之追速 能亂 知勢 治 也相 勢者非能必使賢者用己而不肖者不用己也賢者用之則天下: 也此自然之勢也非人之所得設也夫棄隱栝之法、 m 也。 位之足 者則 抱 致 應之日了 衆。 去 亦 而以威 遠、 法 (勢治也) 速 處勢、 可 者、 以及 特而賢智之不 矣。 五篇而 勢之利 吾所以爲言勢者中 而 桀紂 《也而千里》 待桀 同 亦生 、科集村 人辯之不能治三家故抱法處勢則治。 已。 濟亂世之不肖人則 上 〕 慎子日、 而 E 到 可 在上 慕 奥非同 日致 至 也。 他且夫 位、 贀 也。 並難勢)愼子之言勢與 **-**韓非 中者、 雖有十堯舜 人 爲法家然非之言益密矣且 是千 而眦於不肖 應之日、 是以 堯舜桀紂 世 上不及堯舜、 治 勢亂天下者、 胹 --mi 者則 去度量之數、 勢 亦 亂 Ŧ 者名名 不 世 也。 丽 能 權 下 且 而 《法分韓子 多矣。 背法 治 輕 亦 夫 位 者、 出。 不 袻 治 ·治。 不 使奚 卑也• 去勢 則勢 為桀 到 千而 廢勢 以 * 無

者不 法 知所 雖不 以惡此所以蹇願 善猶愈於無法所以一人 望也。 心也夫投鈎以分財投策以分馬非鈎策爲均也使得美 **/**\ 慎子)然法之爲用豈塞願望而止哉則宜乎莊子之笑之而以到之道。 者不知所以美使得惡

五定法

人之行

而

至死人之理也(見莊子天下篇)

他審莫由窺其全也而韓非稱『申不害言術而公孫鞅爲法術者因任而授官循名而實實操殺生之柄課摹臣之世之言刑名者輒曰申韓申不害相韓昭侯與商鞅相先後蓋去韓非百餘年漢志有申子六篇今已佚雖或見於 不益 能者也法者憲令著於官府刑罰必於民心賞存乎愼法而罰加乎姦令者也』(定法)然徒術 法未 不休逐敵危而 不勤飾於官之患也公孫鞅之治秦也設告坐而實其實連什伍而同其與實厚而 害不擅其法不一其意合則姦多故利在故法前合則道(同導)之利在新法後令則道之利在故新相反前 **悖則申不害雖十使昭侯用循而姦臣猶有所譎其辭矣故託萬乘之勁韓十七年而不至於霸王者雖用術於上法** 椭、 皆有所不可故曰、「韓者晉之別國也晉之故法未息而韓之新法又生先君之令未收而後君之令又下。 败 尺之地乃 心也而 張 後以 不卻。 成其陶邑之封應侯攻韓八年成其汝南之封自是以來諸用秦者皆應穰之類也故戰勝則 秦殉 故其國富而兵強然而 韓惠王死武王 即位甘茂以秦殉 無術以知姦則以其富強也費人臣而已矣及孝公商君死、 周武王死昭襄王即位穰侯越韓魏 信刑重而必是以其民用力勞而 Mi 而 東攻 無法與 惠王 齊。五 徒 即位、 後相 申不 大臣 而

拿。 益 治不識官謂之守職也可知而弗言是謂過也人主以一國目視故視莫明焉以一國耳聽故聽莫聰焉今知而 流如 是以 齊樂也而以斬首之功爲之則不當其能今治官者智能也今斬首者勇力之所加也以勇力之所加而治 之官」官爵之遷與斬首之功相稱也今有法曰「斬首者令爲醫匠」則屋不成而病不已夫匠者手巧也而醫者、 則 人主尚安假借矣商君之法曰「斬一首者虧一級欲爲官者爲五十石之官斬二首者爵二級欲爲官者爲百石 者亦才士也夫。 於官主 地 商 · 斬首之功爲醫匠也』(同上)非學於荀卿而顯學篇言儒墨之流別甚晰又有解老喻老之作其於法家者。 則 歡 私 ;申不害慎到之徒又皆用其長而救其所不足故吾謂法家至非而集大成儒道名墨亦至非而冶一爐若。 |無術於上之患也||(同上)又曰「申子未盡於術商君未盡於法也申子言「治不踰官雖知不言」 封立主無術以知姦也商君雖十飾其法人臣反用其資故乘強秦之資數十年而不至於帝王者、 智能之官。 法雖

第十三章 秦滅古學

而 其是非亦有可得而 1秋以來百家諡起及秦混一天下遂有焚書阬儒之禍舊時學術一時斬焉中絕稱嘗考秦滅古之故蓋有數端。 年初有史以紀事(史記秦本紀)則其時之草昧未盡開也即其後之強亦率以用客卿之故奏土未始有傑 論者泰本僻在西戎不與中邦之文教襄公之後徙居岐豐之地漸與諸國往來然史稱 文公

獨 育飾 **今飾虛言以亂實人善其所私學以非上之所建立今皇帝幷有天下別黑白而定一尊而私學相與非法** 皇本紀)蓋漢之罷黜百家所以尊儲而寨之焚瞀阬儒則以申法此其忍於滅古者二也稱帝之後所爲多不師古。 本在學字下以意移上,人配合下則各以其學議之入則心非出則巷臟夸主以爲名異取(同趣)以爲高、 而舉者以其所聞時相嘗議不能不疑亂天下故李斯曰「古者天下散亂奠之能」是以諸侯並作語皆道古以害 以致成焚膏之眾者則博士淳于越也始皇東行郡縣上泰山登之罘議刻石頌秦德議封禪望祭山川 亦類 得 | 表) 今見於藝文 志者儒家有羊子四篇凡書百章名家有黄公四篇皆秦博士而僕射周靑臣用面 辭、 、造誇如: 法治之力而法家之意惟知近功故商君謂「 詩 故其自言亦曰『吾召文學方術士甚衆欲以興太平』(始皇本紀)徒以諸生非議法令不當其意又盧生 一个一个 統觀戰國以至秦始稱帝秦人之好士尚文藝者惟有一呂不韋而不韋本陽翟人(陽翟屬韓)且其所著 而 本此其忍於滅古者三也然其先亦嘗重用諸家之士矣漢書秦博士之官員多至數十人掌通古命(見百 書百家語又曰、 無實用。」固以爲法令之外皆可廢絕故異時既焚百家之學猶曰「欲學法令以吏爲師。 此 不足當一家之說秦旣素不知學其親諧家之存廢固不足以措意此其忍於焚書者一 弗禁則主勢降於上黨與成乎下。(同上)當時是古而非今者以儒者爲盛故儒之罹 『有敢偶語詩書者楽市以古非今者族』(同上)蓋其視儒者之道仁義稱先生皆將不 明君修政作壹去無用止浮學事淫之民。又謂「 」(見史記始 也。 說 一腴面斥其過、 皆 秦之強霸、 教(而 者 禍 典 成伍煩 最 酷。 率 字 旣

己抑 誹謗而逃之遂一怒而阬者四百六十餘人亦酷已然吾以爲當時之士卽亦不能無過不通時變之宜好執古以非 今一也姦利相告不惜自潰二也侯生盧生皆類知道者而乃爲始皇求仙藥終亦不。 之廢後世學術途不如古此豈爲明於當時之勢與古今之變者哉。 破海內統一曩時所持以應世者已無所用此譬之病起人愈雖有良藥亦將斥去故百家之傳至秦而絕猶王官六、 天下分裂憂時之士各出其所尚以救當世之急此譬之人有疑難之症為之子者奇方異術無所不搜及夫六國旣 藝之學至春秋戰國而分斯二者皆勢之所必然非人力所得而爲也。 者更益之以神仙之說易老聃長生久視之道而爲海上不死之方此雖無始皇之焚阬其亦不能不自隱滅矣且當、 人已成風氣而又昧於道術之全不明損益之爲用鶩空談而遺實際以是言多失中往往繆盭於理其好怪、 一而昧者不察專以滅古爲秦之罪或以爲百家 驗三也蓋自百家爭 鳴 以 來尊 異

第二編 中古哲學史

第一章 兩漢儒學之盛

害法』(五蠹)即其力攻仁義文學知其時爲仁義文學者之多也及始皇院儒生於咸陽長子扶蘇諫曰『天下 過魯即不得不以太牢洞孔子(漢書高帝本紀)魯爲項羽守當園城之中而諸儒講誦習禮樂絃歌之音不絕即 初定遠方黔首未集諸生皆誦法孔子今上重法繩之臣恐天下不安」(史配始皇本紀) 泰韓非以儒與墨為當時之顯學而一則曰『行仁義者非所譽譽之則害功』再則曰『工文學者非所用用之則。。 奔走天下之王侯致身富貴而儒者獨與世鑿枘未嘗得憑權勢而有所為可謂窮矣然而及六國之滅信儒術奔走天下之王侯致身富貴而儒者獨與世鑿枘未嘗得憑權勢而有所為可謂窮矣然而及六國之滅信儒術 儒林傳)當百家並爭如申不害商鞅法術之士旣得志於韓秦而縱橫家之蘇秦張儀陰陽家之騶衍亦以其口辯、 亡其事至微淺然而搚紳先生之徒負孔子禮器往委質爲臣者何也以秦焚其業積惩而發憤於陳王也」(史記。 亡去至是亦歸涉爲博士卒與俱敗死太史公曰『陳涉起匹夫歐瓦合適(冏譎)戍旬月以王楚不滿半歲竟滅亡去至是亦歸涉爲博士卒與俱敗死太史公曰『陳涉起匹夫歐瓦合適(冏譎)戍旬月以王楚不滿半歲竟滅 至慮及天下不安非儒之重於天下者然乎是故以漢高之不好儒見輒解其冠洩獨其中(漢書勵食其傳) 秦之焚書惟儒生受禍最酩故及秦之飢而陳涉起魯諸儒乃持孔氏之禮器歸之孔甲爲秦少傅會李斯議焚書、 夫以殺儒生數百 而行 人而 者益

之禁孝文帝立欲廣遊學之路於是論語孝經孟子爾雅皆置博士是時民間藏書漸出而賈生方日以仁義之說、 不得不爲之歎息(漢書儒林傳)其於陸生馬上不足以治天下之對而爲之有所惭色者(漢書陸賈傳 弊此儒之得與於漢者二也秦之遇儒至虐故儒之處境至苦而惟其處境之苦乃以成其自守之堅秦禁偶 秦終不悟途以亡其社稷於時賈生論案亦推言其過在於仁義不施(過秦論)漢與懲秦之亡故不得不反秦之 善政不如善教之得民也』故語近功則儒不及百家而言長效則百家不及儒此儒之得與於漢 六極而已決知者矣蓋自七國之世儒之道雖不見用儒之說則深中於人心孟子曰『仁言不如 以前儲爲九流之一漢以後屬爲百家之宗嚮使無儒則中國學術之亡久矣而尙有今日哉。 存 於天子之前(賈誼傳 而伏生之尚書即以口授而傳詩三百篇亦以觀誦而得不絕禁藏詩書百家語令下三十日不燒者黥爲城旦。 於儒 :而不失一皆儒者之力而他家不與焉此儒之得與於漢者三也不特此也自是以 秦禮義其效至於富強而其弊則至於君臣父子不相顧故荀卿所以策奏者曰、 向父子安帝時之劉 說、 非一日矣既卽帝位用叔孫通制朝儀張蒼定律令是二人者皆秦博士故儒生也及孝惠四年遂除挾 逸書即出於壁中蓋當秦漢之交儲者之抱殘守缺出入於死生之際者不知其幾何人矣故三代古籍之 |珍順帝時之伏無忌黃景即皆儒者是不獨六藝由儒者)雖曰公卿皆武力功臣薄太后又好黃老術皆不知重儒然儒 丽 -復 **一力術止**。 後其校定諸子者如 顯。 術之與有不待武帝之表 即諸子亦賴! 義術行。 者、 仁义之入八深也。 儒者而 一也秦尙首功 』(荀子彊國) 成哀 語詩書。 蓋斯 時之 而異 書

之宗者此

也。

法(漢書 父偃學長短縱橫術著書二十八篇與鄒陽徐樂嚴安聊蒼所著之書皆見於藝文志是漢有蘇張縱橫之學矣田粉 講授徒衆常數 武帝以後黃老之學猶存也路温舒學律令于定國少學法於父(漢書各本傳)郭躬父弘習小杜 學黄 秦張儀之言亂國政請皆罷奏可(武帝本紀)此史所稱武帝之表章六經罷黜百家者 中有陰陽矣董君(卽仲舒)以春秋決事比張湯決大獄欲傅古義乃請博士弟子治尙 、特盛其顯名於時者又彬彬皆儒學之臣百家遂不能不墮乎其後矣抑吾觀董仲舒以春秋災異推陰陽所以。 (本傳)高相專說陰陽災異(漢書儒林傳)京房長於災變翼奉好律曆陰陽之占(漢書各本傳)則儒之 武帝 孟書爲雜家而淮南內外篇與東方朔所著音亦見於志是漢有雜家之學矣不過國家以五經立學緣是 老之為(漢書楊王孫傳)耿況學老子於安丘先生(後漢書耿弇傳)矯愼少學 國 以來儒 志亮傳 [湯傳) 時董仲舒以賢良對策律孔氏而抑百家(見漢書董仲舒傳)丞相衞綰奏所舉賢良或治申商韓、 百人(後漢書躬傳)陽球好申韓之學(球傳 則儒之中有法矣劉向有說老子四篇(藝文志)則儒之中有道矣是故諸葛亮以 者不必皆治道德名法而治名法道德則無不儒者故吾謂漢以前儒爲九流之一漢以後儒爲百)未嘗謂亮爲法家而非儒也范升習老子教授諸生(後漢書升傳 〉則武帝以後申韓刑名之學猶存也。 未嘗謂 **唐春秋補廷尉史**平亭疑 黄老(後漢逸 也然觀前後漢書楊王孫、 升為道 律躬、 不 申 少傳 獨此 家 韓 民 教 傳 丽 也。 主 父棠 非儒 太子 而 一則 錯

術

叉用三德 然呂氏 氣 以五 武王陳洪範(尚書)初一曰五行次二日敬用五事次三曰農用八政次四曰協用五紀次五曰建用皇極次六曰 黑。 丹 則 義和之官(漢書藝文志)以今考之殆古巫祝之遺也都衍之書四十九篇又終始五十六篇(見藝文志)皆佚。 蓋本陰陽終始之理自是以後儒者莫不通陰陽之學而劉向爲洪範五行傳儒與陰陽一合遂不可分稱考箕子爲 而論六家要旨則謂『陰陽之術大群而衆忌諱使人拘而多所畏』(見史記太史公自序)劉歆以陰陽爲出古 五 木及湯之 勝。 其事則水。可謂怪迁者矣而漢與賈生首謀改正朔易服色悉草具其事儀法色尙黃數用五(史記賈 書集於周 荇 行何以配之荀子非十二子篇斥子思孟子案往舊造說謂之五行而孟子七篇令具存無有道及五 本紀卽言「宰予問五帝德及帝繫姓儒者或不傳」則其言孔子所傳者固未可信矣司馬談學天官於唐都。 土氣 春秋 配之 次七曰明用稽疑次八曰念用庶徵次九曰嚮用五福威用六極以五行與五事八政並列未嘗舉一 衆 應同 也且五事五 、社文王曰「火氣勝」火氣勝故其色尚赤其事則火火者必將水天且先見水氣勝水氣勝、。 時天先見金刃生於水湯 勝故 流 丽 篇獪存其說曰『凡帝王之將輿也天必先見祥乎下民黃帝之時天先見大螾大 爲一而儒之道乃益大然漢志九家惟陰陽之言爲最誕雖五德終始之說亦見於大戴記而史公。 其色尙黃其事 紀庶徽、 五福、 則土及禹之時天先見草木秋冬不殺禹曰「木氣勝」木氣 其數皆 Ħ, 「金氣勝」 Ī. 問典 金氣勝故其色尚白其事則金及文王之時天 五行 配矣而 八政則八皇極則一三德則三 勝故 稽疑 先見 其色尚 **蟻**黄帝曰「土 知七六! 火赤 行 故 誼 者且 其色尚 靑。 列傳) 極 切而 鳥 其 論 則 專 衝

中古哲學史

記

申

奇物震動的 託於子思孟 以山 月之有蝕風雨之不時怪星之黨見是無世而不常有之上明而政平則是雖並世起無傷也上關而 偶之類。 有奇 折入 其後張衡 至者無益也。又曰、「夫星之隊木之鳴是天地之變陰陽之化物之罕至者也怪之可也而畏之非也」 流 而漢 怪虚 於儒 於貌。 【崩地動由於二后之黨滿朝(見漢書各本傳)並言『人氣內逆則威動天地天變見於星氣日蝕。 行。 時、 光武 盡 亦言 叉曰 儒則以爲休咎之敵與政事之得失相應如京房以日月失明星辰逆行所有災異皆由於信任石顯翼奉、 者終乃儒爲陰陽所奪以鄭康成 所以然者陽用其精陰用其形猶人之有五藏六體五藏象天六體象地故藏病則氣色發於面。 譚 信書不 子苟子未察乃以爲二賢罪耳顧荀子亦儒家荀子而不取五行卽五行不出。 紹復 (翼牽傳 獨以非識 識者 舊物 **讖出河圖洛書但有股兆而不可知後人妄復加增依託稱自孔子誤之甚也』(後漢** 如 無 亦以赤符自累。 虚偽之徒以要世取資或復采前世成事以爲證驗譬猶畫工惡圖 見放今觀其言曰、凡人情忽於見事而貴於異聞觀先王之所記述咸以信義正道爲本。 書」書之有者不肯盡信況肯為書之所無者乎荀子之言殆非其實不然則 此與萬物之怪書不說者蓋大異矣(萬物之怪書不說荀子天論 至正 五 玄)東漢大儒而 經章句皆命從識於是以陰陽穿鑿說理以圖 解經時取諸緯叉爲諸緯作法。 l 於儒明矣# 犬馬而 語、 緯 附 其他又何說乎當 降 好作鬼魅 會 至哀 政險、 徵 荀 妄者為之而 子 信。 始 則 日、 平之際識 地變見於 書 體 之陰陽 誠以 是 譚 病 並天 數 則欠 夫日 傳 隻 非

九十四

事難形而虛偽不窮也』(衡傳 **儒術之盛漢儒之功而陰陽識緯之行亦漢人之罪**。)夫問人者其害小而賊理者其害大以陰陽臟緯言學而學乃不得不晦矣是故

第二章 賈生

所欲出諸生於是乃以賈生爲能文帝說之一歲之中超遷至大中大夫於是天子議以誼任公卿之位絳濂東陽侯、 篇高帝未嘗不稱善者不類又漢志有平原君(朱建)七篇劉敬三篇皆與賈同時而書並佚故言漢之儒者自賈 事』於是帝亦疏之不用其識以為長沙王太傅人之文帝徵賈生入見因威問鬼神之事至夜半前席旣罷曰『吾 諸家之書文帝召以爲博士是時賈生年二十餘最少每詔令議下諸老先生未能言賈生盡爲之對人人各如其意 秀才召置門下文帝初立聞河南守吳公治平第一故典李斯同邑而當學專焉徵以爲廷尉廷尉乃言誼年少頗通 生始生洛陽人名誼醬從張蒼受左氏春秋蒼故秦博士也誼年十八以能顯詩書屬文稱於郡中河南守與公閱其。、 年三十三漢志其書五十八篇今所傳新書五十六篇所爲過秦論治安策世多知之者治安策雖不見用然其後體 馮敬之屬盡害之(絳絳侯周勃灌灌將軍嬰東陽侯張相如也)迺毀誼曰「洛陽之人年少初學專欲擅權紛亂諸 久不見賈生自以爲過之今不及也」然終莫能用拜爲梁懷王太傳後懷王墮馬死賈生自傷爲傅無狀歲餘亦死。 漢初以詩書進說者首陸賈然觀其使尉佗事頗似縱橫家所爲今猶傳陸賈新語而多庸廓不切與史稱每奏一

道術

物 謂 無私平靜而 事个行者、 謂、 有端 民英 必則合行周聽則不蔽稽驗則不惶明好惡則民心化密專端則人主神術者接物之隊(同途)凡權 也動靜之數也。 也。 放 人主仁而境內和 随之物物 **养敬也**。 生之說莫精於論道術之分蓋合儒道兩家而一之者也其言曰『數聞道之名矣而未知其實也請問道者何 至人之用 敢 其士民夷弗 對曰 必謹於言則過敗鮮矣此術之接物之道也」」(以上皆新書 處輕重學懸各得其所明主者南面而正清處而靜合名自宜命物自定如鑑之應如衡之稱有產。 人主有信而境內貞矣故其士民莫弗僧也人主公而境內服矣故其士民莫弗戴也人主法、 荀子 心若 其極、 道者所從接物也其本者謂之虛其末者謂之術盧者言其精微也平紊而無設施也。 凡此皆道也」曰「請問虛之接物何如」 輔也舉賢則民化善使能則官職治英俊在位則主尊羽冥勝任則名顯操德而 矣故其士民莫弗親也人主義而境內理。 所謂、 鏡不將不迎應 而以當施之此 原清則 而不敷故能勝物而不傷也」 **雌之接物也」」是卽** 流濟原濁則 流濁上好禮義尚賢使能無食利之心則下亦將養鮮 老子所謂、 對曰「鏡戲而居無執不臧美惡學至各得其常衡虛 矣故其士民莫弗顧也人主有禮、 (應帝王)『曰「 我無 道術)是即孔子所謂 為而 民自化我好靜而 請問 術之接物何 而境內 間則 政 民 育正。 侑 者正 篇矣故 成成立。 也者、 I 如」對日、 者必謹於 也。 而 莊子所 所從 教順 忠信 子帥以 境 內 其 和 士 之。 M 而 軌

謹 於臣子 見前 ·韓疑非其實矣。 也。 賈生之言術欲以好惡公之天下故曰『明好惡則民心化』此儒之與法之大不同 君 道 買生之言術與法家之言術異法家之言術不欲以好惡示人故曰『去好去惡』 (也而史公乃謂) 季臣見素」 賈生

明

申

化

存

離

期 之 〕 謂 德、 則 也。 性立 無 神者道德神氣發於性 乎所生之內。一(六術 賈 嗜 有輝於外矣。日『光輝之謂明』曰『明生識而通之以知』此莊子所云「立之本原、 im 生之說尤有 之有。 則 欲 E, 者也何謂性。 (道 取捨然也其受此具也響然有定矣不可得辭也故曰命」曰『命者不得毋生生則有形形而道德性 『命者物皆得道徳之施以生 神氣曉曉然 德 日、 **「** 說 與道家相似者其言德有六理日、 百一性 道雖神。 此 礼莊子所云、 發而 也上日了 何謂 通行於外矣』(同上) 者道德造物、 必載於德而 道曰『道者無形』 「一之所起 物理及諸變之起皆神之所化也」何謂明。 则 物有形而道德之神 **頌乃有所因以** 澤潤性氣 有一而 此莊子所云「形體 道、德、 神明及形體 未形し 日『未變者道之頌(同容)也』日『 一發動 性神明命此六者德之理也六理無不生也已生而六 專(者也。 變化 之位分數度各有極量指奏矣此皆所受其 同 illi 何謂德曰『道冰 爲變。 摶 $\overline{}$ 保神各有儀則謂 而 二(同· 爲 氣。 台「明 于 $\overline{}$ の者神氣 日『性神氣 此莊子所云、 同疑)而為德』曰『 之性、 變及諸生之理皆道之 而 在 知通 內、 者也。 之所 一物得: 則 於 無 光 會 何謂神。 一者 以生 丽 也。 德者 寫 知、 理

非

何

皆禁· **空虚**。 天立論故曰『下學而上達知我者其天乎』先天者本體也後天者工夫也以本體而賅工夫過之者或不免墮於 經。 醴。 之 樂與則六此之謂六行」(六術)則又與儒者之言合又曰「人雖有六行微細難識唯先王能審之凡人樂與則六此之謂六行」(六術)則又與儒者之言合又曰「人雖有六行微細難識唯先王能審之凡人 天 阴 歪。 八地籍 立 治醴義之化然後皆出於治合於善』(見性惡篇)更無以異故荀子重禮謂食飮衣服居處動 是故必待先王之教乃知所從事』(同上)此與荀子謂「聖人積思慮習僞故以生禮義而起法度必待聖王 「陰陽天地人盡以六理爲內度是以陰陽各有六月之節天地有六合之事人有仁義禮智信之行行和則樂興。 囟 此老莊之所以難學也以工夫而造本體不及者猶能循其塗轍此孔孟之所以無弊也吾觀於賈生之書而知 修身已見前)而賈生亦曰『 也』蓋儒本出於道惟道家多從先天立論儒家多從後天立論從先天立論故曰『天法道道法自然。 坐行趨莫不有容曰『立而跂坐而騙體怠懈志驕傲趮視數顧容色不比動靜不以度妄欬唾、 載於物形故碧堅謂之命」(並同上)此莊子所云、「未形者有分且然無閒謂之命」者也(莊子語並見)先乎性以道德明性之所受也繼之以神明明性之用也終之以命明性之有定也此賈生言性之精也。 動有文體謂之禮反禮爲濫容服有義謂之儀反儀爲詭』 (道 疾言嗟氣不順、 術) 靜 無 且制 (弗能 二從後 可不 為容 由 自 丽

三蚤諭教與胎教

漢初之學之殙近古

也。

賈生於儒實與 荀子爲近惟 未嘗言性惡耳其曰『胡越之人生而同聲嗜慾不異及其長而成俗 也累數譯而不 之世固爲能推見爲治之本原者矣然賈生又不僅言数太子然也其言教常人亦然『曰「古者年九歳入就小學曝之世固爲能推見爲治之本原者矣然賈生又不僅言数太子然也其言教常人亦然『曰「古者年九歳入就小學曝 關之誹謗深爲之計者謂之妖言其視殺人若艾草皆然豈胡亥之性不善哉其所以道之者非理故也夫存亡之反、 曰「少成若天性習慣如自然」是殷周之所以長有道也及秦而不然其俗固非貴辭讓也所上者告託也固非貴 不能無不正也猶生長於楚之不能不楚言也故擇其所嗜必先受業乃得當之擇其所樂必先有習乃得爲之孔子 以禮使士負之有司齊肅端冕見之南郊見于天也過誤則下過廟則趨孝子之道也故自爲赤子而數固已行矣昔。 為天子二世而亡人性非甚相遠也何殷周之君有道之長而秦無道之暴也其故可知也古之王者太子初生固學 治亂之機其要在是矣。且孟子言政必首曰格君心之非賈生言政必首曰早諭教太子此在天下爲家君主世及 禮義也所上者刑罰也使趙高傅胡亥而教之獄所習者非斬劓人則夷人之三族也故今日卽位明日射人忠諫者、 事即正言行正道左右前後皆正人也智典正人居之不能無正也猶生長於齊之不能不齊言也習與不正人居之、 去邪人不使見惡行於是皆遭天下之端士季弟博聞有道術者以衞奠之使與太子居處出入故太子初生而見正 於是爲置三少皆上大夫也曰少保少傅少師是與太子燕者也故孩提有藏三公三少因明孝仁禮義以道習之逐 **清周成王幼在襁褓之中召公爲太保周公爲太傅太公爲太師保保其身體傅傅之德義師道之數訓三公之職也。** 命縣於太子太子之善在於蚤論教與選左右曰「殷爲天子二十餘世而周受之周爲天子三十餘世而秦受之秦 能相通行有雖死而不相爲者則數習然也」(保傳)即荀子勸學篇意惟視習尤重於性故治安策極陳天下之

則太師撫樂而稱不習所求滋味者非正味則太宰荷斗而不敢煎調而曰不敢以待王太子」」曰『周妃后妊成 銅而御戶左太宰持斗而御戶右太卜持蓍龜而御堂下諸官皆以其職御於門內比三月者王后所求聲音非禮樂、 五十七篇注曰古史官配事也)曰「古者胎教之道王后有身七月而就宴室(本作蔞室從大戴禮改)太師持 十倍邪辟無由來。」古之人其謹於所近乎。」(容經)又不僅言論教之宜早也更進而言胎教之要曰『謹爲子 王於身立而不殺坐而不差笑而不誼獨處不倨雖怒不爲胎教之謂也』(並胎教)蓋賈生言性雖本之道德而 孫婚妻嫁女必擇孝悌世世有行義者如是則其子孫慈孝不敢淫暴」曰「青史氏之記(漢志小說家有靑史子 小節爲業小道爲束髮就大學蹍大節爲業大道爲是以邪放非辟無由入之爲諺曰「君子重襲小人無由入正人 亦不認其可以自善故曰、《似練絲染之監則青染之緇則黑》(連語)以爲人之書惡惟教實操其樣而教必施之 其有類於告子也。 於豫故由蚤諭教更推之於胎教而其說益密矣至其曰『有上主者有中主者有下主者上主者可引而上不可引 而下下主者可以引而下不可引而上中主者可引而上可引而下』(同上)雖分三等而實取中者爲論不得疑

第三章 董仲舒

薏子名仲舒廣川人景帝時以治春秋爲博士下帷講誦弟子傳(同轉)以久次相受業或真見其面蓋三年進

第二編 中古哲學史

退容 及上疏條教凡百二十三篇而說春秋事得失聞舉玉杯蕃露清明竹林之屬復數十篇』今傳春秋繁露八十二篇。 陰陽入隱實自仲舒始而卒以所爲災異之記有刺譏幾死則不能無譏爲漢書仲舒傳稱『陰陽入隱實自仲舒始而卒以所爲災異之記有刺譏幾死則不能無譏爲漢書仲舒傳稱『 位歸 而闕文者三篇實七十九篇然以漢書觀之玉杯繁露似各自爲篇而令以繁露名書疑出後人掇拾篇第有非其舊 見賢良策)粹然皆儒者之言惟以春秋災異之變推陰陽所以錯行以爲求雨閉諸陽縱諸陰止雨反是漢儒 帝初立、 [仲舒發之其言『天不變道亦不變王者任德而不任刑與仁人者正其誼不謀其利明其道不計其功』(並 正、 居 非禮 終不問家人產業修學著書為事以壽終於家當仲舒在家朝廷有大議使使者就其家問之其對皆有 魏其武安侯(田蚡)爲相而隆儒矣及仲舒對策推明孔氏抑黜百家立學校之官州郡舉茂才、 學士皆師尊之武帝元光元年以賢良對策天子異焉至於三策之以爲江都相復相膠西王及去 仲舒所 著明 經 衠 7孝康、 明法。 之援

天人合一說

苔也哀冬之苔也天之副在乎人。人之情性有由天者矣』(爲人者天篇)又曰、『天地之精所以生物者莫貴於 所以乃上類天也人之形體化天數而成。 喜怒化天之寒暑人之受命化天之四時人生有喜怒哀樂之荅春秋冬夏之謂也喜春之荅也怒秋之荅也樂夏之 **董子之學之精在** 其天人合一之說日。『爲生不能爲人爲人者天也人之人本於天天亦人之會祖父也。 人之血氣化天志而仁人之德行化天理而義。 人之奸惡化天之暖清。 此人之 人之

陽 本於天故不可不循天之道如天之爲其言曰『君子法乎其所貴天地之經生至東方之中而所生大養至 身與人俱生比而偶之弇合於其可數也副數不可數者副類皆當同而副天一也是故陳其有形以著其無形者。 副畫夜也下剛乍柔副冬夏也乍哀乍樂副陰陽也心有計戲副度數也行有倫理副天地也此皆暗 此見人之絕於物而參天 三百六十節偶天之數也形體骨肉偶地之厚也上有耳目聰明日月之象也體有空竅理脈川谷之象也心有哀言 m 中、 其可數以著其不可數者以此言道之亦宜以類相應猶其形也以數相中也」 人之身故小節三百六十六副日數也大節十二副月數也內有五臟副五行數也外有四肢副 凡物之形莫不伏從旁折天地 **喜怒神氣之類也觀人之體,一何高物之甚而類於天也物旁折取天之陰陽以生活耳而** 人人受命平夫也故超然有以倚物疢疾莫能爲仁義唯人獨能爲仁義物疢疾莫能偶天地唯人獨能偶天地。 止於北方之中陰陽之道不同至於盛而皆止於中其所起始皆必於中中者天地之大極也日月之所至而卻也。 有 所 也其氣 養大成。 不中者必止之於中而所爲不失是故陽之所行始於北方之中而止於南方之中陰之所 最 一歲四起業而必於中中之所爲而必就於和故曰和其要也和者天(天下當有地字)之正 良物之所生也誠擇其和者以為大得天地之奉也天地之道雖有不和 地。 而行人獨題直立端尙正正當之是故所取天地少者旁折之所取天地多者、 人副天數篇)又曰「身猶天也數與之相參故命與之相連也天以終歲之數成 (同上)其言人之本於天如 者 人事爛然有其文理是故 必歸之於和、 四時數也。 行、 始於南· 周(官視乍以、 同 而 正當之。 方之中。 西方之 刑 所 此。 人有 也。 陰 惟 拘 著

惡以平意。 之大者乃在愛氣氣從神而成神從意而出心之所之謂意意勞者神擾神擾者氣少氣少者難久 其意 道而美於和是故物生皆貴氣而迎養之孟子曰「我善養吾浩然之氣者也」謂行必終禮而心自喜常以陽 進者節天之制也(舊作節者以意乙改)陽者天之寬也陰者天之急也中者天之用也和者天之功也。 時。 之 喜 長 秋 。 短之隆不得過中天地之制也兼和與不和中與不中而時用之盡以爲功是故時無不時者天地之道也順天之 心修義而: 1亦立行方致清之時見大善亦立舉之方致寬之時見大惡亦立去之以效天地之方生之時有殺也方殺之時有 恣 以 則i 其欲 心泰實則氣不通泰虛則氣不足熱勝則氣口寒勝則氣口秦勞則氣不入秦佚則氣宛(讀鬱)至怒則氣高。 正。 氣散憂則氣狂懼則氣懾凡此十者氣之害也而皆生於不中和故君子怒則反中而自說以和喜則反中而收氣散憂則氣狂懼則氣懾凡此十者氣之害也而皆生於不中和故君子怒則反中而自說以和喜則反中而收 **燙則反中而舒之以意懼則反中而實之以精氣不傷於以盛通而傷於不時天幷不與陰陽俱;** 求惡多修刑而致清夏修德而致寬此所以順天地體陰陽然而方求善之時見惡而不釋方求惡之時見 平意以靜神靜神以養氣氣多而治則養身之大者得矣』(循天之道篇有節文)又曰、 而 不 顧 天數謂之天幷君子治身不敢違天天氣之於人重於衣食衣食盡尚猶有問氣靈而 《矣故君子》 一个春 修仁 立終故養生 往來謂之不 學天地之 ,閑欲止 而 水誊。

一也是故志意隨天地緩急做陰陽然而人事之宜行者無所鬱滯且恕於人順於天天人之道兼舉此謂執其。 如天之爲篇)又曰、「天地之間有陰陽之氣常漸人者若水常漸魚也所以異於水者可見與不可見耳其濟濟 中。

人常漸是潛濟之中而以治亂之氣與之流通相殺也故人氣調和而天地之化美」(同上有節文)易傳言、

一聖

也。

易然觀其所言抑何與易理之相合也吾以爲仲舒之明陰陽惟此言中和養氣通於道家而與儒者之旨不悖若其 則火不炎上而秋多電聽不聰則水不潤下而春夏多暴雨心不能容則稼穡不成而秋多雷」(五行五事篇)此 推以廣說萬事至謂『王者與臣無禮貌不肅敬則木不曲直而夏多暴風言不從則金不從革而秋多霹靂視不明、 陰陽家之瞽說吾所不取故不贅述焉。 人之作易也將以順性命之理是以立天之道曰陰與陽立地之道曰柔與剛立人之道曰仁與義』史不言仲舒通

二性

的中之與(同飲)旣不能中矣而尚謂之質善何哉性之名不得難質難質如毛則非性已不可不察也」(深察 之善此孟子之善循三欄五紀通八端之理忠心而博愛敦厚而好禮乃可謂善此聖人之善也是故孔子曰「善人 名號篇)又曰『或曰「性也善」或曰「性未善」則所謂善者各異意也性有善端動之愛父母善於禽獸則謂 世關於性言之者不同胡不試反性之名性之名非生與如其生之自然之資謂之性性者質也詰性之質於善之名、 吾不得而見之得見有恆者斯可矣」由是觀之聖人之所謂善未易當也非善於禽獸則謂之善也使動其端善於 (清汪中荀子通論考證甚詳)故劉向謂仲舒作書美荀卿婆之賈遵之學皆出於荀子爲無疑也董子之言曰「今 **禽獸則可謂之善善奚爲弗見也夫善於禽獸之未得爲善也猶知於草木而不得名知萬民之性善於禽獸而不得** 董子言性亦與荀子爲近賈生學左氏春秋於張蒼蒼受之於荀子董子治公羊春秋而公羊春秋亦 荀 子 所 傳

教於 所至而· 善。此 後 内 未 有善質而不可謂 與荀子巽董子亦然其言性不得謂善與荀子同而謂善出於性則與荀子異其言曰「性比禾善比於米米出禾中。 m 能自至必待先王之教乃知所從事』(新書六術)與荀子同而言人生而有仁義禮知信和(同上已見前)則 於人道之善則民性弗及也』 為無王之世不教之民莫能當善善之難當如此而謂萬民之性皆能當之過矣質於禽獸之性則萬民之性善矣質 ,貧之氣兩在於身身之名取諸天天兩有陰陽之施身亦兩有貪仁之性天有陰陽禁身有情欲恠與天道一也」 管謂性 見當其未覺可謂有見質而不可謂見今萬民之性有其質而未能覺譬如瞑者待覺教之然後善。 ·禾末可全爲米也善出性中而性未可全爲善也善與米人之所繼天而成於外非在天所爲之內也天之所爲有 王王承天意以 之謂眞天天生民性有善質而未能善於是爲之立王以教之此天意也民受未能善之性於天而退受成 使得發於外者心也故心之爲名枉也。 止止之內謂之天性止之外謂之人事事在性外而性不得不成德』又曰『性有似目目臥、。 「為惡也蓋董子之說一本之陰陽天不能有陰而無陽人性卽不能有惡而無善故其言亦曰「惟衆惡於 舊作 知以意改正) 善與目之瞑而覺一槪之比也』又曰『性如繭如卵卵待覆而爲雛繭待鏁而爲絲。 成民之性爲任者也。」(以上皆深察名號篇)曰善出性中曰性有善質是雖不以性爲善。 之名乃取之聖聖人之所命天下以為正正朝夕者視北辰正嫌疑者視聖人聖人以 (同上)董子不從性善之說非近於荀子乎然與荀子亦有不同賈生謂『凡人 人之受氣苟無惡者心何椎哉吾以心之名得人之誠人之誠有。 幽而瞑待覺而 當其未覺可謂 性待 資有仁。 数而1 而亦 爲 弗

謂其說雖 **義**。 然 而能 義與利者人之所兩有也雖堯舜不能去民之欲利然而能使其欲利不克其好義也雖桀紂亦不能去民之好 上)惟以性爲兼有貪與仁故不認性爲純惡而亦惟以性爲兼有貪與仁故不謂性爲能自善然荀子不亦云 殊其意可以相 使其好義不勝其欲利也』(大略)卽荀子亦不能定言人性之有惡而無善故吾囊於孟荀之言性而 通觀於賈生董子之審乃益信古人之或取於此或取於彼意皆各有所爲若必執其。 而

三仁義

強分之,豈為能知言者之意者乎。

爲也。 義者、 誹諸 IE 人也義之爲言我也』(仁義法)而尤莫精於以人我言仁義之分其言曰「仁之法在愛人不在愛我義之法在 言。 我不在正人我不自正雖能正人弗予為義人不被其愛雖厚自愛不予為仁」曰「夫我無之求諸人我有之而 以此 人人之所不能受也其理逆矣何可為義義者謂宜在我者宜在我者而後可以稱義故言義者合我與宜以爲 一子以陰陽言性亦以陰陽言善故或仁智並言或仁義並言曰【仁而不智則愛而不別也智而不仁則知 謂之不自好以此參之義我 』(必仁且知篇 後主: 操之義之爲言我也故曰有爲而得義者謂之自得有爲 我也。 故曰仁者人 曰『春秋之所治人與我也所以治人與我者仁與義也以仁安人以義正我故仁之爲言 也義者我也此之謂也君子求仁義之別以紀人我之間然後辨乎內。 也明 矣是義與仁殊仁謂住義謂來仁大遠義。 而失義者謂之自失人好義者謂之自好。 大近愛在· 人謂之仁宜 外之分而 在我謂 人不好 之義。 著於 而不

論。謂 明白者鮮矣此其醇粹以精之言深有得於儒之精神命脈者而世之談童子者往往遺之反糾纏於其陰陽五行之明白者鮮矣此其醇粹以精之言深有得於儒之精神命脈者而世之談童子者往往遺之反糾纏於其陰陽五行之 之情稱人之惡謂之賊求諸己謂之厚求諸人謂之薄自黃以備謂之明實人以備謂之惑是故以自治之節治人是。 順 弗貸則弗敬仁義之處可無論乎」(以上皆仁義法)自孟子言仁義而仁義之言遍天下然如遺子分析若是之弗貸則弗敬仁義之處可無論乎」(以上皆仁義法)自孟子言仁義而仁義之言遍天下然如遺子分析若是之 居上不寬也以治人之度自治是為離不敬也為禮不敬則傷行而民弗尊居上不寬則傷厚而民弗親弗親則弗信。 (本論語孔子語)不攻人之惡非仁之寬歟自攻其惡非義之全歟此謂之仁造人義造我何以異乎故稱其惡謂 《逆之處也是故內治反理以正身據禮以勸福外治推恩以廣施寬制以容衆』曰『「君子攻其惡不攻人之惡」 | 非栗周鼎而寶康瓠者耶。

第四章 淮南王安 附劉向

名譽招致資客方術之士數千人作爲內書二十一篇外書甚衆又有中篇八卷言神仙黃白之術亦二十餘萬言』 曰『鴻大也烈明也以爲大明道之書也』又曰、『其義也著其文也富物事之類無所不載然其大較歸之於道』而 二十一篇而如 (安本傳)則固非出自一手漢志雜家有淮南內二十一篇外三十三篇師古曰『內篇論道外篇雜說』今所傳 南子者言淮南王安所作漢書曰『淮南王安爲人好嘗鼓琴不喜弋獵狗馬馳騁亦欲以行陰德拊循百姓流 說山說林等訓皆雜說之類疑內外篇已錯亂不盡當時內二十一篇之舊也其書亦名鴻烈。

个原道 之言然當漢時儒道雜糅即諸家不免淮南如是又無足異也淮南王安後坐謀反誅其事甚冤而世或傳其仙。 末 於 世 縄 人、 加肥 譋言『大丈夫恬然無思澹然無慮天下之事不可爲也因其自然而推之』修務訓又言『自天子以下、 、、 縄乎唯恐失仁義」秦族訓又言『善言歸乎可行善行歸乎仁義仁義者治之本也』先後乖迕不 不動思慮不用事治水澹(通贍)者未之或聞』繆稱訓言『上世 體道 而 不德中世守德而 皆道家 弗 丢則 懷也。

一原道

固挺妄不足道。

先唱成而 而獨 者不先物爲也所謂無不爲者因物之所爲也所謂無治者不易自然也。 淮南 必以柔守之欲強者必以弱保之積於柔則剛積於弱則强觀其所積以知禍竊之鄉」(原 而 。强心盧而應當所謂志弱而事強者柔毳安靜藏於不敢行於不能恬然無慮動不失時與。 ,知守其根百事有所出而獨知守其門故窮無窮極無極照物而不眩響應而不乏此之謂天解; 南之言道一本於老莊觀其原道訓可見也然亦有發老莊之蘊而爲老莊之所言之而未盡者曰『所謂無爲 則柔剛並言焉又曰「先唱者窮之路也後動者達之原也所謂後者非謂其底滯而不發疑結而 而合於時也夫執道理以無變先亦制後後亦制先是何則不失其所以制人人不能制也時之反側間不容息。 應之所謂其事強者遭變應卒(同猝)排患扞難力無不勝敵無不凌應化揆時、 |所謂無不治者因物之相然也萬物有所生。 道訓 莫能害之是故欲 (萬物) 老莊只言柔而 回 故得道者志弱 不流。 周 旋 轉 **、胸者、** 不爲 、其周

爱悲多志 喜怒者 無有 平之至 之效在先 先之則太 之、則 之舍也氣者生 典 者、 也、 道之本 則 非 履 物 外能牧之。」(並同上)此與孟子稱「養心莫善於寡欲寡欲不存焉者寡多欲存焉者寡」合曰、 失是則淮南爲老莊之功臣也又其言 異於柔之謂也柔以 接、 遺 i也不與: 道之邪 而好情 III 原 病乃 也是故得淮南之言而後老莊尚柔主後之意乃明而後爲老莊之學者乃於剛柔先後之間知所以 弗取 過。 則 後之則不 無二。 同 生焉好僧 冠 成積好情繁多嗣乃相隨故心不憂樂德之至也通而不變靜之至也嗜慾不載虛之至 之充 物散粹之至也能此五者則通於神明通於神明者得其內者也是故以中制外百事不廢中能得之、 也憂樂者德之失也。 挂 觀於淮南 m 此 也神者生之制 ·速夫日 弗顧非爭其先 與孟 成 成剛剛之用在柔柔之道在剛也其言先者亦非異於後之謂也後以處先先之要在後、 形而 而益信吾之所見不妄也。 子 回 稱 而月周時不與人游故聖人不貴尺之壁而重寸之陰時 知誘於外不能反躬而 好情者心之過也嗜欲者性之累也人大怒破陰大喜墜陽薄 也。 持志養氣」 也。 形者、 而 爭其得時也」 (同上) 非其所 日、 **一人** 亦 八生而靜下 合吾囊: 安也 天理滅矣』(而 論 天之性也感而後動性之容也。 處之則廢氣、 莊孟謂其有極相似處因以爲儒道 老莊只言後而淮 此文 不當其所充而 小 戴樂記· 南 用之則泄。 亦 枥 難得而易失也禹 有之但文稍 則先後並言焉然 至 Mi 氣發瘖、 神 神、 用 應 非 有 也。 異、 其所 知之 不同 夫形 無所 熱怖 日、 動 之趨時 其言剛 丽 宜 好僧、 者、 用 其於 也。 īliī 後 知 而

二損益

敗之或備之適足以致之或遠之而近或近之而遠或貪生而反死或輕死而得生。」反覆於人事倚伏之無常繁徵 明易者九人所作號九師易若人間訓者亦九師易之流也且常人惟不知禍福之門故求福而福愈遠避禍 為知人之所行則有以任於世矣。非深通於易者能言之乎今漢志易十三家有淮南道訓二篇以爲淮南王安聘 夕惕若厲以陰息也因日以動因夜以息唯有道者能行之」曰「所以貴聖人者以其能龍變也」曰「 博引而爲之說可謂深切著明者矣而其歸則仍反之於易曰「君子終日乾乾夕惕若厲無咎終日乾乾以陽 弦 君子居易以俟 M 皇皇然而莫知所以措此亦人世之大苦也而觀人間訓所稱「近塞之人有善術者馬無故亡而入胡人皆弔之。 Ħ, 道之運見於消息消息之應在於損益損益之理易之幾也老子知易者也故曰「物或損之而益或益之而損」 戰。近 良以意 『事或欲以利之適足以害之或欲害之乃反以利之事或奪之而反與之或與之而反取之事或爲之適足以 嗣兮福所倚福者嗣所伏。孔子知易者也故讀易至於損益未嘗不嗤(同喟)然而歎曰『損益者其王者 敏』(見淮南人間訓亦見說苑家語) 夫欲明道而不通消息損益之故道未有能明者也善乎淮南之人間 塞之人死者十 此何遠不爲關乎」居數月其馬將胡駿馬而歸入皆賀之其父曰「此何遠不能爲禍乎」家富良馬(舊 ·乙改)其子好騎墮而折其髀人皆弔之其父曰「此何邈不爲福乎」居一年胡人大入塞丁壯: 命。 而 班子亦曰「知其不可奈何而安之若命」(莊子人間世) 嗚呼此知命之學儒與道之 九此獨以跛之故父子相保』 則禍之爲福福之爲禍豈人之智所可盡測 哉 是以 知天之所 動也。 者引

所共之者也。

三天文地形

精爲萬物積陽之熱氣生火火氣之精者爲日積陰之寒氣爲水水氣之精者爲月日月之淫氣精者爲星辰天受日 地南妙之合專(同 水月內景吐氣者施合氣者化是故陽施陰化天之偏氣怒者爲風地之合氣和者爲兩陰陽相薄或而爲雷。 月星辰地受水液塵埃天道日圓地道日方方者主幽圓者主明明者吐氣者也是故火日外景幽者含氣者也是故 異冥洞洞獨獨故曰太始太始生虛默虛戰生宇宙宇宙生元氣元氣有涯垠清陽者薄驟而爲天重濁 中土多聖人皆象其氣皆應其類。一日,東方川谷之所注日月之所出其人兌(同銳)形小頭隆鼻大口處肩企 天寒氣多壽谷氣多痹丘氣多尪衍氣多仁陵氣多貪輕土多利重土多遲清水音小濁水音大湍水人輕遲水人重。 類生是故山氣多男澤氣多女水氣多暗風氣多聾林氣多騙木氣多偏岸下氣多爐石氣多力險阻氣多壞暑氣多類生是故山氣多男澤氣多女水氣多暗風氣多聾林氣多騙木氣多偏岸下氣多爐石氣多力險阻氣多壞暑氣多 蠢。 亂 **籔通於目筋氣腦焉蒼色主肝長大旱知而不霽其地宜麥多虎豹南方陽氣之所積暑溼居之其人** 南之當於備道外亦難有陰陽之說然其言天地生成人物變化之理頗有足紀者天文訓曰**「** 而 **吡竅通於耳血脈腮焉赤色主心早壯而夭其地宜稻多咒象西方高士川谷出焉日月入焉其人末僕修** 爲霧陽氣勝則散而爲雨露陰氣勝則疑而爲霜聲」此其言天地之所 摶)易重獨之疑竭難故天先成而地後定天地之襲精爲陰陽陰陽之專精爲四 以生成也地形調 百, 一 天 (地未形) 者發滯 時四時之散 土地 修形兌上大 各以其 激 觀測 而爲 套

四達風氣之所通雨醇之所會也其人大面短頤美獨(同蠶)惡肥竊通於口庸肉屬焉黃色主胃慧聖而 **蟄蟲之所伏也其人翕(讀齊)形短頸大屑下尻竅通於陰骨幹屬焉黑色主腎惷恩而毒其地宜菽多犬馬中央** 地宜 而不可考矣至其說有合有不合固不得以今日之學術例之。 大沙土之人細息土之人美耗土之人醜。而呂氏春秋園道畫數等篇說亦略同意者淮南之論亦述而非作數然、 景等說以爲會子之言(荀子解蔽亦有精明外景濁明內景云云)易本命篇亦言『堅土之人肥虛 |天多牛羊及六畜||此其言人物之所以變化也考大戴記骨子天圓篇已有天道日圓地道曰方火日外景金、 仰)行竅通於鼻皮革屬焉白色主肺勇敢不仁其地宜黍多旄犀北方幽晦不明天之所閉也寒冰之所 好治其 土之人

略班 成間所上封事與京房翼奉蓋相類(見漢書本傳)然說苑反質篇謂「信鬼神者失謀信日者失時」 周 之務民之義近鬼神而遠之者不同也而向之論如此則獨與儒爲近成帝時向領校中五經秘書子歆繼之遂傳七之務民之義近鬼神而遠之者不同也而向之論如此則獨與儒爲近成帝時向領校中五經秘書子歆繼之遂傳七 稱孔子之言曰「存亡漏鶥皆在己而已天災地妖亦不能殺也」夫陰陽家舍人事而任鬼神(見藝文志)與備 在外戚故卒不至柄用向所著書有洪範五行傳說苑新序列女傳等而五行傳已佚大抵其學頗難陰陽。 宗室能著書立說者淮南王安外有劉向向字子政本名更生事宣元成三朝前後居列大夫官者三十餘 古文 間因以 〈倘書而 爲藝文志者也而志有向說老子四篇諸子之書得以不墜者向之功爲多其後子歆好左氏春秋、 古文之學遂顯於世故治漢學者輒稱向父子云向之說性見後王充荀悅章茲故 而敬慎篇 觀 年值 其元

第五章 揚雄

君山、 容貌不能動人故輕其實若使遭遇時君更閱賢知爲所稱善則必度越諸子矣」(並見雄傳)今法言十三卷太 桓譚曰『子常稱揚雄書豈能傳於後世乎』譚曰『必傳顧君與譚不及見也凡人賤近而貴遠親見揚子雲祿位 審稱 三公權傾人主所薦莫不拔擢而雄三世不徙官及莽篡位談說之士用符命稱功德獲封爵者甚衆雄復不侯。 好詞 卷具存然玄文詞艱深不如法言之大行也。 著有新論已佚)雄以成帝時游京師給事黃門與王莽劉歆並哀帝之初又與薫賢同官成哀平間莽賢皆爲 雄字子雲蜀人少而好學不爲章句訓詁通而已傳覽無所不見簡易佚蕩口吃不能劇談默而好深沈之思當、 其不汲汲於富貴不戚戚於貧賤用心於內不求於外(雄本傳)非耀言也雄旣死大司空王邑納言嚴尤謂 赋、 既而 小之以爲壯夫不爲也於是作太玄以擬易作法言以擬論語然時人皆忽之惟桓譚以爲絕倫。 (譚字 故漢

一太玄

方日州1 轉故有九州。部三而轉故有二十七部家一而轉故有八十一家一爲天二爲地三爲人故有天玄有地玄有人: 玄挺易之膏也易以八八為敷故其卦六十有四玄以九九爲數故其首八十有一易卦之爻三玄首之位四曰、 日部日家最上爲方順而數之至於家易之爻分陰陽玄之位分一二三方二十七首而轉故 k有三方州· 九而

之說是玄取意於易取象於洪範以洪範言易者蓋自雄始矣。 下相因醜在其中。」玄數既以三八爲木四九爲金二七爲火一六爲水五五爲土向贊辭亦象金木水火之形而爲 者易言陰陽而不言五行而玄首有九贊所以擬易之爻辭者也則以五行配之故玄瑩曰、鴻本五行九位施重上者。 也君子日彊其所不足而拂其所有餘則玄道之幾矣』然則極深而研幾者其唯易與玄乎雖然玄亦有與易不同。 子其始庶幾乎有不善未嘗不知知之未嘗復行也」而玄亦曰『人之所好而不足者善也人之所醜而有餘 名本於老子老子曰『玄牝之門是謂天地之根』而其所以狀玄者曰『迎之不見其首隨之不見其後』曰、『從 地其難知者吉凶之幾而易知者善惡之應故易繫曰「善不積不足以成名惡不積不足以滅身」又曰「顏氏之地。 之在前忽焉在後仰之彌高鑽之彌堅」孔子與老無二則易之與玄亦無二也且易之崇高也如天其卑近也之在前忽焉在後仰之彌高鑽之彌堅」孔子與老無二則易之與玄亦無二也且易之崇高也如天其卑近也 者失亦得之。」此揚雄之所本也然孔子繫易亦言。易之爲書也不可遠爲道也屢遷。而顏子之歎孔子則曰、 事於道者道者同於道從事於得者得者同於得從事於失者失者同於失於道者道亦得之於得看得亦得之於失事於道者道, 若天蒼蒼然在於東面前面西面北面仰而無不在焉及其俛(同俯)則不見也天豈去人哉人自去也」蓋玄之若天蒼蒼然在於東面前面西面北面仰而無不在焉及其俛(同俯)則不見也天豈去人哉人自去也」蓋玄之 天名之。一是故 而望之在乎前 二十七玄告曰『善言天地者以人事善言人事者以天地』玄罽曰『夫玄也者天道也地道也人道也兼三道而二十七玄告曰『善言天地者以人事善言人事者以天地』玄罽曰『夫玄也者天道也地道也人道也兼三道而 · 棄而忘之在乎後欲違則不能默則得其所者玄也」又曰『近玄者玄亦近之遠玄者玄亦遠之譬 [言天地人則三而言玄則一也雖然所謂玄者何也玄辮曰。] 仰而視之在乎上俯而窺之在乎下企 亦如 瞻

二法言

行)其論諸子也一折衷於孔氏故曰、『萬物粉錯則懸諸天衆言淆亂則折諧聖』(吾子)曰、『莊楊蕩而不法。 所以求爲君子也求而不得者有矣夫未有不求而得之者也歸驥之馬亦驥之乘也歸顏之人亦顏之徒也」(學 曰『山經之蹊不可勝由矣向牆之戶不可勝入矣曰「惡由入」曰「孔氏」孔氏者戶也」(吾子)曰『學者、 舉姜儉而廢禮申韓險而無化都衍迁而不信」 (五百)或閩「公孫龍龍幹數萬以爲法法與」曰「籔木爲基、 又或問「鄒莊有取乎」曰「鶴則取愆則否」「何謂德愆」曰「言天地人經德也否愆也」(問神) **桃草為鞠亦皆有法焉不合乎先王之法者君子不法也」(吾子)或問『儀秦舉乎鬼谷術面習乎縱橫言安中** 或曰、「孫卿非數家之會免也至於子思孟軻詭哉」曰、「吾於孫卿與見同門而戶也惟聖爲不異」(君子)董 言有合於聖人則取之言有背於聖人則弗取故其於老子亦然曰「老子之言道德吾有取爲耳及搥堤仁義絕滅 [) 然雖過諸子而亦未嘗無所取之故或曰「莊周有取乎」曰「少欲」「鄒衍有取乎」曰「自持」(問道) 「者各十餘年是夫」曰「詐人也聖人惡諸」曰「孔子讀而儀案行何如也」曰「甚矣鳳鳴而驚翰也」(淵 學吾無取焉耳』(問道)抑雄雖言必稱孔子而亦非墨守孔子之道而不知變者或曰『以往聖人之法治將 雲之學雖兼孔老而作法言則以孔顏爲歸故曰、「有教立道無心仲尼有學術(同述)業無心顏淵」(學行) 子荀子可以見其意或曰、「子小諸子孟子非諸子乎。」曰、「諸子者以其知異於孔子者也孟子異乎不異。 此親其

所自得其所宗不敢與前人建其所自得亦不嫌與前人異此所以能成一家之學而不同人云亦云也數。 則爲善人修其惡則爲惡人氣也者所以適善惡之馬也與』(修身)大抵古之學者於道必有所宗而於學必有 矣』(先知)故其稱孟子以爲知官之要知德之奧(君子)而言性則與孟子異曰「人之性也善惡混修其善矣。」 關於表焉,昔者堯有天下舉大綱命舜禹夏殷周屬其子不膠者卓矣唐虞象刑惟明夏后肉辟三千不膠者卓矣堯 響猶膠柱而調瑟有諸」曰『有之』曰『聖君少而庸君多如獨守仲尼之道是漆也』曰『聖人之法未嘗不 九族協和萬國過武桓桓征伐四克由是言之不膠者卓矣禮樂征伐自天子所出春秋之時春晉實予不膠者卓、

第六章 王充 附王符仲長統

欲也不以其道得之不居也貧與賤是人之所惡也不以其道得之不去也」案其語氣本於不以其道句斷卽謂人 為象類之驗終不免陰陽之戰說而問孔刺孟所以証機二聖者又皆不會孔孟之意如孔子言「富與貴是人之所 則有變虛異虛歧虛膈虛漏虛調時譏日難歲之作可謂不惑於流俗者矣然盛稱瑞應又以董仲舒設土龍 可聽不務深迂而難賭」(自紀)故其書務在露文不以深覆典雅爲尙當東漢時學者奠不言陰陽貸識緯而充 其其乃閉門潛思著論衡八十五篇二十餘萬言而謂『筆著者欲其島晚而難爲不貴難知而易造口論務解分而 王充字仲任會稽上處人嘗受業太學師事扶風班彪好博覽不守章句博通衆流百家之言以爲俗儒守文多失 以 招雨、

遂 道 TITE 政 轉 伽 不 "得富貴" 欲富貴。 易. 務 書養性 充不 詳 μĴ IÍIJ 也。 書。 審、 茍 不以 不以 乃謂 見漢 貧賤當言去不當言得以爲孔子吐辭未 ,其道而得貧賤如何 (本充語) 不知 書本傳) 今惟 論 衡具存章帝時公車徵充以 此 自當時 悉信己太過、 說論 病不行和帝永元中卒於家蓋七十 ?疑古太甚此則充之失也。 語者誤以不以其道 連 下得之為 m 充又作 充 疑 餘 不 譏 句、 俗 其

宗之命 物之生含血之類知 此 故 ifn 仲 是 子自生矣天動不 天之 生 謂 任之學亦 自長。 星 五 天 當 穀 動 爲 自然 同 経験服以 行 非關桑穀之存亡也一 自 人作農夫桑女之徒也不合自然故其義疑未 本之黄 去。 聚 也、 施氣 来 於人心 景 衣食 飢 老故故 ·欲以生: 自不 知寒見五 也。 其道雖欲富貴不可終處人無不惡貧賤而苟不以其道雖惡貧賤不可卒去。 體 人由 (同猶) 其有災變不欲以譴 矣如 說天 死。 動、 氣 非 物、 天瑞 一穀可 (万出、 地生 而物 以 善 食取而 異虚 自生、 物、 物 爲 言可 故。 乃生 出 此 自然焉在無爲何 使)杞梁之妻嚮城而 一矣。 於自然日、 則自 食之見絲麻可衣、 星 卻 然也。 也。 人動 _ 施氣 $\overline{}$ 氣 -4 天 變虛 可從也」(也、 居。 不欲 告人也物自生而人衣食之氣自變而 體 地 合氣萬 取 ||哭而城爲崩充日 || 動 桑穀生朝、 為物、 而 (自然) 氣乃 衣之或說以爲天生五穀以 【物自生》 同上) 出、子 而物 自為此則 高宗 故熒惑守心宋景有三善言、 亦生 推此 獪 也。 夫 側 城適自崩 身行 以释災變威應則 夫人之施 婦合氣子自 無為 道. 而桑穀亡。 也。 **杞梁妻適哭下** 氣 食人生 生矣。 也、 (同上) 人畏懼之以若 非 充口、 日、 欲 叉曰、 而 絲 以 夫天之 自 星 麻 生 子。 然 世好 是高 一 徙。 充 以 萬 衣 氣

不

日.

施

曰、

以言天人之際者也此 以 父之於子用意 之書 人、 蚓 孔 歎 虚、 羲始嘗草木可食者一日而遇七十二毒然後五穀乃形非天本爲人之生也蚊蚋食人蚓· 叢子、 入物 創 À 而 不 る 蟲 生 土 |晚出不能 原 見而附致之優勝劣敗之說若然則傳言強凌弱衆暴寡不尤遠在仲任之前 丽 7之所生以 載孔 其 配天者終乃以天而 下 誠如 則 實。 也。 季彦見劉公客適有獻魚者、 鄒 故崩城之名至今不滅 至厚而! 必爲列子之言)蓋自上 」季彥孔僖之子見後漢書僖傳蓋亦章和時 公教」季彦曰『愚意編與 行歎之致 為二 凡風雨 亦一 一者肾 也。 時 秉 沒 <u>___</u> 人。 論之必至固非獨 氣於 雷霆星流 越 也。 天 H 虚 地。 **缚於天人威應之** ب 世以 公孰 充 ar. 但 H 一智力强 蝕之變以及草木 自紀、 術見拘、 衆君子不同以爲萬物之生各稟天地未必爲人人徒以 Á 視 仲 魚數曰、 與天 謂 當夏而 弱、 任 -9 更相役 地 浮 珍女 人識 тþ 「厚哉天之於人也生五穀以爲食育鳥獸以 華 虛 ım 歎天爲隕霜。 。 屬置其 偽之語、 視 人而所言與充甚相似(列子說符亦有 能見及於此也。 鳥獸奇生異類之出沒變現一皆爲人 無復可以 人不與物 在己而 莫不證定』 光日、 「 自 主勢極 比故漢儒自董仲舒皆以為天之於人如 慕其 一个人罕見季彥之書見仲任所作、 衍 耶。 則 在 觀此、 Ŋ 反故 天、 枸 信 Iffi 本荀 說 **数**数 蟲食土非天 11 者逐託 能 子語: 時 為實 霜 見 意 而 知、 適自 綸 於自 有於是始之 天 此論然列子 故 得而 為之 者 論、 爲蚊 矣。 下。 然、 然 食 肴。 世 乃詫 湾。 伏 非 蚋生 瞯 <u>ب</u> 吾 所 窮 觀

二命義

伸 名 非 儒 者。 丽 言 命則獨 有取於儒曰。 「墨家之論以爲人死無命儒家之議以 《爲人死有命子夏曰、 死

第二編 中古哲學史

何故 同 其禍乃以壽 於外而得凶 以 成、 生 而吉自至於 者。 陶 遭凶顏 善當得 可 自、 冶 言之、 富貴 小 傳 大。 《淵困於學以才自殺伯牛空居而遭惡疾及屈平伍員之徒盡忠輔上竭王臣之節而楚放其身吳烹其『終夫如是隨命之說安所驗乎又若顏爛伯牛之徒如何遭凶顏淵伯牛行善者也當得隨命福祐隨至。 百、 二 人 随 嗣故曰遺命夫行惡者嗣隨而至。 故曰正命隨命者戮力操行 人 在 命 、體已定不 命之福乃觸遭命之禍、 天。 說命有 短 長可得 A 稟元氣於天各受壽天之命以立長短之形猶陶者用土爲簋廉、 可 三一日正命二日 論 減 也。 堨。 用氣 」(富貴 何 爲 哉言 性、 而吉福至縱情施欲、 随 Œ 性 命三日遺命。 随命 天上 而盜跖莊蹻橫行天下聚黨數千攻奪人物斷斬人身無道甚矣宜 成命定體氣典 則 見命義以下 無遭命言遭命則無隨命儒者三命之說竟何所定乎」(命 」正命謂本稟之自得吉也性然骨善故 (形骸相) 河区 見無 綱到。 抱生死與期節相 形 故曰隨命遭命者行善得惡、)此其取儒家 冶者用銅爲枠杆矣器 有命之說 須。 形不可 變化命不可 也。 非所 不 然亦有與 假 冀望逢 操 行以 儒 遇 遇 朱 加。 不

祿雕。 當富貴遭當盛之祿常安不危以命當 遭遇幸偶遂以成完遭遇不幸偶遂以 談命之書莫過於易易大有之象曰 賃銭. 敗傷是與命祿 遇當衰之祿則 - 君子以 過惡 并者: 揚善順天休命』 禍 殃 乃至、 也中不遂成、 常苦不 命在 善轉 樂。故 江天而順命 為惡若是與 夫遭遇幸偶或 者在 命 人故命 祿 典 雛 命 者 臊 者天興 井、 也。 或 舆 命 仓

其樣之半者也今充以行有善惡不能移命。

而謂『命吉之人雖不行善未必無肅凶命之人強勉操行未

必

無

充不取

随

命、

而

取

心遺命故其言。

命机、

日、

人

有命

有験。

有遭遇、

汽有幸偶命者

貧富貴賤也祿

者、

盛衰

舆

廢

也。

以

刻意 其久也。』稱孔子戒愼已甚(見幸偶)使人之力無與於命則孔子之趣而疾行不已怯乎且古之說命者有三墨子 奥旨充亦未之能及也。 子)充於有命無命舍墨而取儒而於隨命遭命則舍儒而取道蓋以自然爲宗連類必至於此然老莊歸根復命之子)充於有命無命舍墨而取儒而於隨命遭命則舍儒而取道蓋以自然爲宗連類必至於此然老莊歸根復命之 尚行故主無命道家因任自然故言有命儒家雖言有命而實在道墨之間故曰【求之有道得之有命】 (孟 (命義)其亦異於易之云矣且充書引魯城門久朽欲頓孔子過之趣而疾行左右曰『久矣』孔子曰『惡

三本性

孩子始生未與物接誰命悖者孟子之言情性未爲實也然而性善之論亦有所緣一歲嬰兒無爭奪之心畏大之後、 無親非是莫滅羊舌氏。」遂不肯見(見左傳昭二十八年國語晉語))紂之惡在孩子之時食我之亂見始生之聲。 之性性惡不出長大爲亂不變故云也羊食我初生之時叔姬視之及堂閒其唏聲而還曰「其聲豺狼之聲也野心之性性惡不出長大爲亂不變故云也羊食我初生之時叔姬視之及堂閒其唏聲而還曰「其聲豺狼之聲也野心 之言人幼小之時、無有不善也微子曰、「我舊云孩子王子不出」(見尚書微子)村爲孩子之時微子賭其不善 之徒亦論情性與世子相出入皆言性有善有惡孟子作性善之篇以爲「人性皆善及其不善物亂之也」若孟子 則善長惡性養而致之則惡長」如此則性各有陰陽善惡在所養焉故世子作養書一篇宓子賤漆雕開公孫尼子則善長。 **論孟荀以下言性之不齊而獨以世碩之說爲正其言曰「周人世碩以爲「人性有善有惡舉人之善性養而致之、** 仲任言命謂『性與命異性自有善惡命自有吉凶』(命義)其性有善惡之論蓋本之周人世碩故本性驚歷

其 移。 遠 分 戴 也。 於東 慚 利 上智下 夫中 西、 稻 狂 人之性在所 愚不 人 'n, 無 悖 分於善 移放知告子之言未得實 行, 由 JH, **乃智焉習善** 惡也。 生也告 無分 子與孟子同時其論「性 而爲善習惡而 (於善惡) 也夫告子之言亦有綠也詩曰「彼姝之子何以與之」(詩腳風干旄) 可推 移者謂 為惡也。 無善惡之分譬之湍 至於極善極惡非復在習故孔子曰「惟 中人也不善不惡須 水决之東 教成 者也孔子口 則 東決 Ħ, Ż νb 上智與下愚不 性 则 相 近 西。 夫 也 小水無 習相

以爲 莊 傳 性 同 未 日「譬婚す 爲得 勵 惡 人 者、 性 為善 實。 雖 愿。 能 然 其善者 矣。 練 察之猶背醴 而 陸賈 絲染之藍則靑染之朱則赤」夫決水使之東 性 虚之言有: 僞 Ħ, 也。 「天地: 畔 若孫 義。 緣 生 義挹 也。 論賢性惡不爲何益於善陸賈之言未 卿 A 歲嬰兒、 之言、)於惡(也、以 人幼 禮 原作善誤)不能爲也。 無推 義之 小無有善也稷爲 性人能察己所以受命、 讓之心見食號欲 左西猶染: 兒以 《食之睹好啼》 故貪者能言廉亂者能 種樹 爲得實董仲舒覽孫孟 則順。 爲戲。 傾之謂 欲玩之長· 孔子 能行、 道。 言治盗! 夫性 以 大之後禁 俎 萰 <u>ज</u>. **马為弄夫孫** 跖 者 不 悑 非 待 割 人 八之竊也。 察 欲 卿之 勉 m 曰、 自 厲

天之大經一陰 踞 刺 人之盗 也。 明 能察己口能 陽人之大經一情一性性生於陽情生於陰陰氣 鄙陽氣仁曰性善者是見其陽 之書 作情 也。 謂 惡 性 之說。 者、 是見

於陰者也。 悑 性 雨 生 於 若仲舒之言謂孟子見其陽孫 **冷陰陽情** 性 於陰陽 安能 純 善。 **"卿見其陰也**。 仲 ·舒之言、 未能 處二家各有 得實。 割 子 見可 政日、 也不處 性、生 A mi 之情性。 然 者 也。 情性 在 一於身 有 善自 m 不 惡未 發。 也。 接 於

物 而 然者 也。出 形於外形外則謂之陽。 不 發者則謂之陰」 夫如子 政之言 乃謂情爲陽性爲陰 也惻 隱不 忍卑

以為 焉。 之善惡爲有定是故上智下愚不移者乃其不肯移非不可移也荀子曰、「小人可以爲君子而不肯爲君子君子可之善惡爲有定是故上智下愚不移者乃其不肯移非不可移也荀子曰、「小人可以爲君子而不肯爲君子君子可 然充作率性篇謂『人性善者固自善矣其惡者故可教告率勉使之爲善』又謂『人之性善可變爲惡惡可變爲 善』又謂『堯舜之民可比屋而封桀紂之民可比屋而誅如此竟在化不在性』則充雖主性有善惡、。 上)充之意世碩言性有善有惡足兼三家之義故獨取之而於孟荀之主性善性惡卽亦謂其言有緣不盡非之也。 者又充曰『孟子言人性善者中人以上者也孫卿言人性惡者中人以下者也揚雄言人性善惡混者中人也』 (同 著於志而公孫尼子註亦云七十子之弟子令其書皆佚以充之所言推之要守孔子性近習遠上智下愚不移 考漢志儒家有世子二十一篇注名碩陳人也七十子之弟子又漆雕子十二篇宓子十六篇公孫尼子二十八 不 讓、 也。 性之發也有與接會故形出於外謂性任內不與接恐非其實且子政之言以性爲陰情爲陽夫人稟情竟有善惡、 性 小 |者多矣然而於可相爲之道則皆莫能非充之書載論性之言最備而大旨亦不離此故比而 自孟子以下鴻儒博生聞見多矣然而論情性竟無定是唯世碩公孫尼子之徒頗得其正』(本性有節文) 人而不肯為小人小人君子者未當不可以相爲也然而不相 爲者可以而 不可使也』(荀子性惡)古今 述之以為學者觀 而 亦 非謂 篇皆 之說 性

四訂鬼

仲 既非墨家 **水之無命** 而亦不取墨家之有鬼墨子明鬼篇具引杜伯殺周宣王莊子儀殺燕艄公(論衡死僞作

所以生者 萬滿 復 爲 謂 無 若 簡 耳 鬼。 犯 中 公、 堂 年夭 目、 Ā ٨ 死 爲 盈 則 之事。 廷塡 鬼有 t. 精氣 何 無 故 以 所 以為 塞巷 獨 知 億萬 知。 也。 能 能 死 枚 害人。 路。 磐盲之人比 為 鬼神之有 數 而 鬼。 計。 精 不宜徒見 个 世 試 氣 人之數 以 能 滅。 能 別人 不 物 於草 為精 可 二二人 類 (物不能) 驗之死 疑。 不若 木夫 氣 而仲任則 也。 者、 死 人不為 為鬼則爲鬼不爲 _ 精 ÍL 者 叉 脈 多。 氣 謂、 曰、 加 去 也。 入死 鬼 ___ -人、 人 似是而 量徒 死輙 無知不 天 Ń. 地之 爲 與 脈 一能害人。 鬼。倘 性能更 非、 鬼則 竭。 無 F 竭 盘 **漁馬** 難 目 道 而 精氣波 分明如不能 何以 笙 路 同 之上、 火不 哉。 驗之驗之以 _ ها 叉曰、 能 滅 死 丽 使 步 偽) 别、 滅 形 ---7 ---鬼 體 則 火 天 朽。 亦 物。 其 也。 地 復 無以 人物 然。 营 開 朽而 人 無 關、 H 鬼之說 知 也。 死 成 人 更 皇以 其能 物、 生 灰 見 鬼、 人。 士。 亦 惎 不能 來 為 物 宜 何 鬼 見數 随壽 辩。 用 也。 Ħ, 物 令 爲 他。 鬼人 死不 人之 死 Mi 百 世 人 F

以 然 也。 思 何 效之傳 見能 世 念存 赮 由。 由 題 者 H於疾病。 有 使 困 想、 Ħ, 生而 滅 劆 自 灰 身 見 人病 更為 體 異 伯 見鬼者何也充又爲之說曰『 痛、 物 樂 然火吾乃頗 則 則 也。 學 謂 入 柏 憂 懼。 嶈 鬼 馬。 愛惟見 持 見 뗊 簊 鬼、 玩 杖 所 疑 獪 鬼出。 殿 伯樂之見馬、 見、 死 (撃之者) 無 λ. 能 凡 非馬者宋之庖丁 人不 復爲 凡 見鬼把 形案火滅 病則不畏懼。 庖丁之見 天地之間 椎 鏁 學解牛三 有鬼非人 4 不 縕 故得病 能 墨立 也。 伯樂庖丁 復燃以況之死 守 寢 年不見生 死精 其 旁。 杆、 :畏懼鬼 神爲之也。 病 所 見 痛 牛。 人 恐 非 **全畏懼** 催妄 馬興 不 所見皆死牛 皆人 能復 見 牛。 (思念存 爲鬼、 之也。 則 則存 亦 也。二 想存 明 初 知乎 矣。 疚 想之所致 畏 病 想 則 簱 者、 者 以上 用 見 所 目 虛 鬼之來。 也。 見 精 絈 至矣。 見何 致之 死 鬼

疾困

恐

死見鬼之怒身

自

疾痛、

見鬼之擊皆存

想虛

致未

必

有

其質

也。

| 夫精念存

想.

或

洲

於目。

或泄

於

或

卌

於耳。

口。

氣疑爲人冰釋爲水人死復神其名爲神也猶冰釋更名水也人見名異則謂有知能爲形而害人無據以論之也』 鬼者歸也神者荒忽無形者也或說「鬼神陰陽之名也」陰氣逆物而歸故謂之鬼陽氣導物而生故謂之神神者、 於目、 謂、 有 弗 能 **畏懼則夢見夫人據案其身哭矣覺見臥聞俱用精神畏懼存想同一實也」(訂鬼)雖然充之言無鬼者特言無** 見聽之而弗閒。 緰 也申復無已終而復始人用神氣生死復歸神氣陰陽稱鬼神人死亦稱鬼神氣之生人猶水之爲冰也水疑爲冰。 如 為人形之鬼至於陰陽鬼神之論.... 固不廢其言曰、『鬼神荒忽不見之名也人死精神升天骸骨歸上故謂之鬼。 鬼者、 後 死)且易言『精氣爲物游魂爲變是故知鬼神之情狀』(繫辭) , 目見其形泄於耳耳聞其聲泄於口口言其事畫日則覺(原作思誤)見暮臥則夢聞獨臥空室之中若有所 世之稱 老物 精 面目衣履與人 也鬼者本生於人時不成人變化而去天地之性本有此化鬼者甲乙之神也甲乙者天地之別氣。 體物而不可遺」(中庸)禮祭義言『以其偽惚以與神明 無殊 者 也充以鬼神爲陰陽而謂 人所見之鬼非死人之精神其說正與儒者合若又 孔子曰『鬼神之爲德其盛矣乎視之而 交無或饗之」儒家之言鬼神未嘗

也。 也。 其形象人人病且死甲乙之神至矣」(訂鬼)不能自信其學而逼為之說游移失據非所以釋物類同異之道 釋物類同異 本充語

謂 《漢書以王充王符仲長統三人合傳符字節信安定臨涇人在安順之世後於仲任有潛夫論三十餘篇見存其。 傳姓於五音設五宅符第皆誣妄之甚』(卜列)又謂『人不可多忌多忌妄畏實致妖群』(巫列) 略同

第二編 中古哲學史

之謂 限夫田以断幷兼益君長以與政理去末作以一本業」凡十六事所以為治之理甚具要之節信公理皆多言政治。 於符有昌言三十四篇十餘萬言今已亡其所見於本傳者理亂損益法誠三篇而已而損益言『明版籍以相數閱。 其言尤相類不信巫而信相亦可異矣(荀卿有非相知相之說由來甚久)統字公理山陽高平人生於漢末又後 仲任 也」(論衡骨相)『人 之言而充有骨相、 符有相列謂 身體形貌皆有象類骨法角肉各有分部以著性命之期顯貴賤之表』 人命稟於天則有表族於體察表候以知命猶察斗斛以知容矣表候者背法 (潛夫相列)

學徒 玄因從質諸疑義問畢解歸融喟然謂門人曰『鄭生令去吾道東矣』玄自遊學十餘年乃歸 堂進者五十餘生玄在門下三年不得見融而日夜尋誦未嘗怠倦會融集諸生考論圖緯聞玄善算乃召見於樓上。 祖受周官禮記左氏春秋韓詩古文尚書以山東無足問者乃西入關因涿郡盧植事扶風馬融融門徒四百餘人升 至於綜博萬彙條析物理不如仲任遠矣。 「秋途著公羊墨守左氏膏肓穀梁廢疾玄乃發墨守飯膏肓起廢疾休見而歎曰『康成入吾室操吾矛以伐我乎』 鄭玄字康成北海髙密人也受業太學師事京兆第五元先通京氏易公羊春秋三統曆九章算術又從東郡張恭 相 随、 第七章 已數百千人及鈎 鄭玄 黨事起與同郡孫嵩等四 一十餘 人俱被禁錮遂隱修經業杜門不出。 時任 鄉里家貧客耕 城何休、 好

中占哲學史

學

百

在

方策

腄

測

度

門人 天文七 國 幷。 功。 傳 並 京古學甚盛途又目博士為今學章帝建初八年詔諸儒各選高才生受左氏春秋古文尚書毛詩等古文諸、 羊、 一要玄既舉玄茂才表為左中郎將又公車徵爲 論、稱 相 行 穀梁 是 雖謂之集 後生疑 孔融 相 於 四京以來五 政 與 世然今學古學時有爭論迄於漢末、 「守文之徒 公論角禮 深敬於玄屣履造門告高密縣爲玄特立 依 而莫定玄囊! 醴 漢儒之大成未為 綸 有 藏氏 語撰作鄭志八篇今惟三禮注、 締給 經立於學官者易 滯固 說而易費氏禮 義六 括大典網羅 所 、藝論毛 稟異端紛紜、 過也。 詩譜駁 **飛飛家、** 周官、 有施氏梁丘氏孟氏京氏說尚書有夏侯氏歐陽氏說詩有魯齊韓說。 玄所注有周 互相詭激遂令經有數家家有數說章句多者或乃百餘萬言學徒勞而 · 書孔氏詩毛氏春秋左氏傳於民間謂之古學以別異 **删裁繁蕪刊改漏失自是學** 許慎 無所是正玄既兼通今古學故其注經雜宋衆義不主一家范蔚宗於玄 詩 大司農。 譜箋、 易、 <u>F</u> 尚書、 __ 經 鄉、 尚完餘出後人 異 **入義答**臨 毛詩儀體周 玄以疾自乞還家後紹與曹操持於官渡令其子譚 日 鄭公鄉黃巾之起皆相 奖 存 半者略. 八級輯不) **競**體記、 周 舺 知所歸。 難 能全矣玄旣家 論語、 凡 H 孝經、 約不敢入縣境袁紹總兵冀州遺 餘 ميعية 高言。 蓋漢儒今古文家之說 尚 Ų. 書 答諸 居、 大 傳中 雖 於 博 黨 弟 士 禁解不 候、 子 乾象 朋 所 職。 春 Ŧī. 受辟學。 經、 秋 歷。 至 至 羥 叉著 者、則 玄而 有公 使逼 於 由 是 東 15

使 玄 闸 軍。 不 得已载病到 元城 縣疾篤不進其年六月卒年七十 四。

1 康 成之 學觀禮、 者揣 學記 注可以見之其言有日、 無實之言亦不足謂之學也是故其學雖無常 『所學者聖人之道在方策』 必日 聖人之道者小家雜 說、不 奥。 足 間之

師

而敷宣

珋

道

頗

能

極

其

Ani Ani

固

不僅

精 頪 證 叉 重 云「爲道也 **官禮之精者也六藝論曰、** 其言孝之精者也醴曲禮「 **奠大於孝故爲德本』又「** 猱升木」箋云『以喩人之心皆有仁義教之則進也』此其說心性之精者也中庸「仁者· 醴 在 如 達云、 会、二 句十 者也。 者應徵有道之人若鄭玄之徒」故康成於禮內可踐之躬行外可爲朝廷定制其發揮旁通、 相 運、 易之門戶耶」又云「夫乾確然示人易矣夫坤、 訓 人偶之人以人意相存問之言」此其說仁之精者也孝經「夫孝德之本也。 詁 有餘家覽者益難天子於是下詔(天子者魏明帝)但用鄭氏章句不得雜用餘家」是康成註禮之餘、 天算 一禮是鄭學一 而康成所長尤在於禮袁宏後漢紀謂『 故人 之詳確 屬遷。 地 者 車 天地之心也五行之端也食味別聲被色而生者也」注云、 也 變動不居 乾坤定矣卑髙以陳貴賤位矣動靜有常剛 特散於各審之注不易綜觀其全耳如禮中庸「天命之謂性」 一有由然也: 一易一 死生之義備矣孝子之事親終矣」注云『尋釋天經地義究竟人情也。 周流六虚上下无常剛 毋不敬」注云「禮主於敬」孝經「 又晉書刑法志云『秦漢舊律後人生意各爲章句叔孫宣郭令卿馬融、 名而含三義易簡一也變易二也不變三也故繁辭云「乾坤其易之瘟 鄭玄造次顯沛非禮不動」 柔相 隫然 易不 示人 柔斷矣」 簡 可為典要唯變所適」 矣易則易气 禮者敬而已矣」注云『敬者禮之本也』此其 此言其張設布列 知簡 س 而當其時有修 此言兼氣 則 易從。 注云、 教之所由生也」 此書順 性之效 不易者 孝經 此言其簡易之法 を確之議。 時變易、 人也。 也。 盡在三禮之注唐孔 說云性者生之質。 也。 詩角弓、 出入 注云、 盧 行舉孝成』此 注云、 ۱.... 此 植 耶」又云、 鄭 即云、 移動 其言易之 --- 人之行 玄諸 則 人 也。 者 也. 毋 也。 叉 教 馩

重 法則國 元 又注律夫禮所以爲教也律所以爲戒也禮禁未然之前律禁已然之後皆治國之大經防民之善器荀子曰『 見啓告治亂之道備矣」意康成之所以告昭烈者必有關於治亂之大而惜乎其語之不傳也。 「有常」康成注律亦備不廢法之一證也諸葛武侯常稱昭烈之言「吾周旋陳元方(紀 郷康 成間毎 隆禮

稽六藝粗覺傳記時睹秘書綽術之與』(後漢書玄本傳)於六藝曰博稽於傳記曰粗覽於祕緯則曰 不信律說者如詩良耜「有捄其角」毛傳云『社稷之牛角尺』鄭箋不據禮律稽命徵宗廟社稷角攝之說以易 白帝白招矩黑帝叶光紀」蓋本之春秋緯文耀鉤其名號怪異非儒者所宜稱遞故後人多譏之然康成之注亦有 成為專信緯候則亦太甚矣哉。 而猶 **判然故以緯釋絕則有之舍經而從緯康成亦不爲也要之漢人惑於圖緯術數無有能免者以王仲任之推倒。** 毛傳禮月令「反舌無聲」注云『反舌百舌鳥』不從通卦驗蝦蟇無聲之說似其去取亦自有擇故戒子書言、 温信符瑞、 成之失在於以緯釋經如周禮春官小宗伯「兆五帝於四郊」注云「蒼帝震威仰赤帝赤熛怒黃帝含樞紐。 信骨相況康成不失繩墨者乎至梁許懋云「鄭玄有參集之風不能推轉正經專信緯候之書」態康 一時睹輕重 二 切、 一博

第八章 魏伯陽

魏伯陽作參同契隋唐志皆不載其目惟晉葛稚川(洪)神仙傳云「魏伯陽上虞人通賈詩律文辭腺博修真

文願 作 假 乎。 通 保 逃 像、 挟 袋 、性命之真 通京 俉 物 至 技。 識 嗣。 威 冬 於 之 同 填 象 以 非 父坐 然 約 簱 雖 形似之言譬 避富也。二人皆方術之士而 而 士所 益 觀 氏易好黄老言及父國卒威多藏 周 本 多。 為之 易 云、 後 於 非 漢 作 難 面 -聖王 鄰、 易 說。 叔 書方 信。 無 悐 通 愚 求 同 im 然 以 況之說、 有與 乏所 於其 法下 者 技 受學 契。 如 傳、 不 嵾 桓 外者也。 易 魏 獄 以 帝 同 知 謂、 死服 契文 不同 教 伯 以 契 胖 -----意 陽。 者、 也。 漠 以 者易 逆志 包明 聊以 授同 抉 終 留為萬古 自 <u>_</u> 常漢 गिर्व Ħ 性 上言 命之 **逿意** 言必 歎 或 示 郡 帝, 於 流 末 厚亡之義散 Ħ, 頗 淳 号天道下陳· 時、 平 翻 升 人。 奥示修養之要。 ---1 爲 ዣ 于 若張 心同 老子 老氏 經 日、 方 房 权 Ξ. 1 ----褥。 通 露 死生之。 如此。 有言、 尵 陵于吉左慈之流、 <u>_</u> 天 ___ 云云。 人事。 見枝 後 火之邪見此。 下 金帛資產周 世 則道家與 「名與 懷協 徐隱藏 道 (非孟 域而 幽 考漢 家言 明 逐所謂 無忧 志道家與 E 身 同 修 人之自 熟思。 細、 施親 本 神 挾 5.其迹至怪一 場於胸中 仙 無 煉 根。 所 者、 託 盪意 道 之合久矣班氏之序 疎或諫之像曰、 __ 蓋莫 誤、 不 吾豈爲名乎』 神仙、 號 **藝之士莫不** 赅。 諸 不 平 放日、 不本之 ů. 名覆 然而 得以 而張 本分 同 死生之 --- 繆 為二。 罪 或者專以爲務 陵傳天官章本千有二百 衆文。 於參 魏 盈 負策 遂 君 道 同。 域 神 也。 <u>__</u> 滿之咎道家所 家列 絕 抵 蓋 是惡 宋張 掌、 而 仙 志 理 無忧 曰、 世 順 於 平 有 萴 渚 미 外 風 ---- 惕 以 難 叔 誕 神 專 子。 丽 不 於胸 申 欺 仙 精 屆。 神 過。 伯 ネ 忠。 怪 泚 者、 仙 郲 中者 端 得不 乎。 尤為 迂之 典。 所 我 故 驯 以 75 壓 Œ

萬物 ПП **又**曰、 不 造。 --- ___ 惟告聖賢懷玄抱真合精養 (繋辭) 参同 則 専 以陰陽消 神通總三 息之道發 光津液腠理筋骨緻堅衆邪辟除正氣長存』 朔 長生 久視. 之理。 故曰、 س 將 欲 養 性、 延 命 卻 期。 蓋因 좜 思 易 後 盲 未 當 聖 慮

範

圍

天

(地之化

Im

不

曲

成

生火甚多衆 焚大槐有甚憂兩陷而 晚矣然莊子外物篇言『木與火相壓則然金與火相守則流陰陽錯行則天地大核於是乎有雷有霆水中有火乃。 來言詩易者未有若此者也然言陰陽猶易道之本有也而又雜糅之以五行曰『則水定火五行之初』曰『 蓋同 冽 意不過欲陰陽各安其位、 相尅更爲父母』曰『金水合處木火爲侶』曰『三物一家都歸戊己』(戊己土也)其辭旣隱益以錯互、 不獨處此不孤居玄武龜蛇蟠糾相扶以明牝牡竟當相須し 人之作易也將以順 其條核實可觀』 爲易之一 **八**人焚和。 端也又不特此 倘亦有然者乎。 月固不勝火於是乎有價(同 性命之理」(說卦 無所逃鹽蜳(司馬讀若忡融不安定也)不得成心若縣於天地之間慰醫沈屯利害相摩、 而以互濟爲用。 也契中引關雎之詩、「 推此以論則雖爲文屢變又未始不可解也契曰、)遂取黄老神仙之實比附而爲之說此與西漢京房之徒以易言占驗者、 類)然而道盡」水火金木取寓爲言其來尚亦甚久而 開開 雎 以詩之男女合易之陰陽而 鳩在河之洲窈窕淑女君子好逑」 二文約 並以爲性 易思事省不 勈 情 **EII** 機之日、 魂 7魄之 矕自 要其大 五行 意難 一雄

爲室宅 內韄者不可 卽 莊子所謂 **参**同一 性主處內立置鄞鄂情主營外築完城郭城郭完全人物乃安」卽莊子所謂「 書不獨言陰陽水火與莊子同也其餘亦多同於莊子者如云『在義設刑當仁施德逆之者凶順之者吉』 繆而 「以刑爲體以德爲循」者也(大宗師)云「陰陽爲度魂魄所居陽神日魂陰神月魄魂之與 捉、 將外摙」者也(庚桑楚)云『內以養己安靜虛無原本隱明內照形軀』 外韄者不可繁而捉將內捷 即莊子所謂 魄互 字

所謂「衆雌 命之旨亦儒家存心養性之道故朱子作譽同考異(託名空同道士鄭新) 情合性轉而相與一曰『 秦定 者發乎天光發乎天光者人見其人」者也(同上)云「物無陰陽違天背元牝雞自卵其雛不全」即莊子 而無 、】曰『知白守黑神明自來』曰『神氣滿室英之能留守之者昌失之者亡』不惟老莊《雄而又奚卵焉』者也(應帝王)而其文之光明白易顯者曰『纖芥不正悔吝爲賊』(而總其要曰「陽 即注意運行陰即放 不惟老莊歸 日 根 一推

與以毛鷺之分而刺仲尼皆耽小而忽大者也吾未解佛經之時雖誦五經適以爲華未成實矣吾旣睹佛經之說守 之徒多有非佛者於是著理感論三十九篇曰『至味不合於衆口大音不比於衆耳韓非以管闚之見而 融許之而母病亡遂不果行融念以辯達之故輒見使命方世擾攘非顯己之秋也乃屛棄人事銳志於佛道以 章太守爲中郎將笮融所殺枚遺騎都尉劉彦將兵赴之恐外界相疑兵不得進乃請於融使往零陵桂陽假塗通路。 時位司空爲北海安丘人後漢書有傳謝无量哲學史認爲一人殊失檢點)靈帝末天下擾亂將母避世交趾後、 ,冥寂」夫陰陽卽藥物運行冥寂卽火候金丹大道如是而已然則神仙儒道豈無相契者哉。 康 **蒼梧太守閉其守學謁請署吏融以世亂無仕宦意逐不就旣而州牧以處士辟之融復稱疾不起會牧弟官豫** 集儒術之成伯陽開丹經之祖而當其時復有一牟融以佛教倡於天下融蒼梧人(漢有兩牟融其一在明 第九章 牟融 一誇奏舜接 世俗

第二編 中古哲學史

等西取經像迎攝摩騰竺法蘭同止白馬寺翻譯西域所獲經十地斷結佛本生法海藏佛本行四十二章等五部中, 來如開雲見白日炬火入冥室焉。」其所以褒崇佛道者大抵如此考佛教自西漢末已入中國及明帝遺郎 始故梁時僧祐撰弘明集以融理惑論弁諧首今觀祐後序曰『俗士疑駭覺海鶩同河漢一疑經說迂誕大而 恬澹之性觀無爲之行遠視世事猶臨天井而闚谿谷登嵩岱而見丘垤也五經則五味佛道則五穀矣吾自聞道已 腸大起浮屠。 課人誦經會者至五千人則漢末佛教盛行可見也然若引中國賢聖之言闡西來覺王之教實自 微晉代始盛以此六疑信心不樹」夫理惑論者固爲祛此六疑而作者矣。 二疑人死神滅無有三世三疑莫見真佛無益國治四疑古無法教近出漢世五疑教在戎方化非華俗六疑漢魏法 土乃有佛經譯本釋氏稽古略(元釋覺岸撰)謂『自永平至建安共譯經二百九十三部』而獻帝時符融在丹 中蔡愔 | 牟融

為之要皆對官者 不必 云佛經如江海其文如錦繡何不以佛經答吾問而復引詩書合異為同乎」 牟子曰「涡者不必須江海而: **鞭焉。]** 又曰『兼研老子五千文』故其申述佛法而爲之辨理多假取經傳道德之文論第二十七篇云『問曰「子 於君父修之於閨門接之於朋友何復學經傳讀諸子乎」傘子曰「子未達其源而問 待敖 雖役志於佛而亦兼通儒道各家之言理惑論稱「牟子既修經傳諸子書無大小膽不好之雖不樂兵法然亦 倉而飽道爲智者設辯爲達者通曹爲曉者傳事爲見者明吾以子知其意故引其事若說佛經之語、 說五色爲聾者奏五音也」』第二十篇云『 問日 「若佛經深妙靡麗子胡不談之於朝廷論之 其流也夫陳俎豆於壘門建 飲機者 談無

老子)吾懼 旌 丘學 羲 旣 桧而 耽 族於朝 者 - 老聃四師 詩 蘇張之庭功無分寸過有丈尺矣老子曰上士聞道動而行之中士聞道若存若亡下士聞道大而笑之。 不學乎」 從。 愈病 **曹悅禮樂奚爲復好佛道喜異術豈能踰經傳美聖業哉」** 堂衣狐裘以常裝賓被絲絡以御黃鍾非不麗也乖其處非其時也放持孔子之術入商鞅之門覺派、 大笑故不為談也渴不必待江 者良。 雖聖比之於佛猶白鹿之與麒麟燕鳥之與鳳凰也堯舜周孔且猶與之況佛身相好變化無方爲能 君子博取衆善以輔 觀此融之拿 佛而卑孔老彰彰甚明然而合方內方外之談齊或出或處之義異日三教和同之論、 其身子買云夫子何常師之有乎(見論語)堯事尹壽舜事務成旦學呂望。 河而飲井泉之水何所不飽是以復治經傳耳」 牟子 Ė, 「書不必孔丘之言藥不必扁鵲之方合 第七篇云 ---問、 以上 軻之 一子

融固已開其端矣。

非所 有 滇 道 可 之說大異於中土者首在其言生死道家言生死者多矣然不過日、 行。 生。 指 死 陀 成 按 含斯陀 非所 人繁於妻子舍宅甚於牢獄牢獄有散釋之期妻子無遠離之念情愛於色豈憚驅馳雖有虎口之患心存 阿 者 也。 死。 漢。 III 含者、 阿羅漢者能 佛 | $\overline{}$ M 楊朱 上上 以 (生死) 為輪 飛行 曰、 遠卽得阿羅漢次爲須陀洹須陀洹者七死七生、 -生生 迴。 變化曠劫壽命住動天地次為阿那含阿那含者壽終靈神上十 超出輪迴便無生死四十二章經 者不生殺生者不死』 莊子 間「沙門常行二百五)皆僅以 有生不生有死不死」 便證 理言未告明 间 羅漢。 十戒 又以 示生死去來之迹若 列子 翰 九天證阿 進止清淨 迴之根 <u>;</u> 日、 羅漢。 為四 生 在於

謂無 根 日、 言少私寡欲莊惡多方聯枝(駢拇)未嘗欲舉愛欲而悉斷之此亦其與我不同者也而融之所以爲之說 所謂以子知其意故引其事者凡以爲易起世人之信耳若遂認佛之無殊於孔老亦非融之所以處佛 優。 寨妻子捐財貨或終身不娶何其遠福孝之行也」牟子曰「夫長左者必短右大前者必狹後孟公綽爲趙魏老則 道如金比草殃之與福如白方黑焉得不異而言何異乎」』曰『問曰「夫福莫疏於繼嗣不孝莫過於無後沙門 吾有何患又日功成名途身退天之道也」(以上老子)或曰、「爲道亦死不爲道亦死有何異乎。」牟子曰、 牟子曰、「神還則生不還神何之乎。」曰、「成鬼神」。牟子曰、「是也魂神固不滅矣但身自朽爛耳身譬如 曰、 矣夫於道家之齊生死泯得喪者且有不合則何況於儒之務民之義敬鬼神而遠之者乎是故 上 葉。 ·伏投泥自溺故日凡夫透得此關出塵羅漢』又謂「愛欲斷者如四肢斷不復用之」(皆四十二章經) 夫老 求仁得仁 老子)故前 不可 佛 一日之善而問終身之譽者也有道雖死神歸福堂為惡旣死神當其殃愚夫關於成事賢智預於末萌。 魂神如五穀之種實根葉生必當死種實豈有終亡得道身滅耳老子曰吾所以有大患以吾有身也若吾無身、 |道言人死當復更生僕不信此言之審也」牟子曰「人臨死其家上屋呼之死已呼誰」或曰、「呼 以爲勝肆 者也。 有隨珠後有燒虎見之走而不敢取何也先其命而後其利也許由棲巢木夷齊饑首腸。 大夫(見論語)妻子 見論 語)不聞譏其無後無貨也」」此皆取老子之言以證佛說之無失然與老之本旨、 財物世之餘也情躬無爲道之妙也老子曰名與身孰親身與貨孰多。 **L融以經** 傳道 孔聖 者也。 者、日、 其 (魂魄) 五穀之 亦 稱 道 稍違 寅不 問 其賢、 へ 以 所

廢之。 又曰「問曰、 聖人不重孔子曰天地之性以人爲貴(見孝經)不聞尊蟬蟒也然世人固有啖菖蒲而葉桂實獲甘露而啜酢漿 子曰、「指南爲北自謂不惑以西爲東自謂不聽以鴟梟而笑鳳凰執螻蚓而調龜龍蟬之不食君子不貴蛙蟒穴藏、 胥子之所疑不亦宜乎」。且道之有神仙方技猶儒之有陰陽圖緯也陰陽圖緯出而儒術晦神仙方技盛而道德荒。 者矣毫毛雖小視之可察泰山之大背之不見志有留與不留意有銳與不銳魯尊季氏而卑仲尼吳賢宰嚭不肖子 約之與錦 漢自武帝以來方術之士抵掌而起而以漢末爲尤甚融自謂『未解大道之時嘗學辟穀數千百術行之無效故途 廣求名樂與道乖殊」之言則此號所以誑惑天下者不獨非道亦且非神仙之原來而得融以闢之其功與王仲任 褒佛 比其類獨五霸之與五帝陽貨之與仲尼比其形獨丘垤之與華恆涓濱之與江海比其文猶羊鞹之與 叉謂. 纐 巡 老而 「神仙之術秋冬不食或入室累旬而不出可謂澹泊之至也僕以爲可尊而貴殆佛道之不若乎」牟 也。 神仙之書聽之則洋洋盈耳求其效猶提風而補影是以大道之所不取無爲之所不貴焉得同哉」 所從學師三人或自稱七百五百三百歲而未三載間各自殞歿』即魏君參同契亦有 力距 神仙之說曰「問曰、「王喬赤松八仙之錢神書百七十卷長生之事與 佛經豈同乎』牟子 「不得 虎皮、

第十章 荷怳

之斥災異黜威應又豈相讓哉。

折

乾

舞之前 漢書悅傳)而雜言篇論性則本之劉向向曰『性情相應性不獨善情不獨惡』悅之言曰『或曰「仁義性也好 身善禁之至於不禁」此猶是孔子道之以德齊之以禮正己而正人之意故范蔚宗稱其通見政體非諛言也。 體篇曰『善治民者治其性也縱民之情謂之亂絶民之情謂之荒善禁者先禁其身而後人不善禁者先禁人』 惡情也仁義常善而好惡或有惡故有情惡也」曰「不然好惡者性之取舍也實見於外故謂之情爾必本乎性矣。 好惡喜怒之情矣故人有情由氣之有形也氣有白黑神有善惡形與白黑偕情與善惡偕故氣黑非形之咎情惡非 情之罪也」或曰、「人之於利見而好之能以仁義爲節者是性割其情也性少情多性不能割其情則情獨行」 仁 矣」曰「不然是善惡有多少也非情也有人於此嗜酒嗜肉肉勝則食焉酒勝則。 情欲得酒性欲得肉也有人於此好利好義義勝則義取爲利勝則利取爲此二者相與日 荀 · 義者善之誠者也何嫌其常善好惡者善惡未有所分也何怪其有惡凡言神者莫近於氣有氣斯有形有神斯有。 (得養 用乃作 |字仲豫潁川人性沈靜好著述獻帝時辟曹操府遷黃門侍郎與孔融及弟彧同侍講禁中悅志在獻替而謀 鑒旣明後復申之故古之聖王其於仁義也申重而已篤序無疆謂之申鑒」(政體)要其所學咸本儒 也。 其可 日, 申鑒五篇而自述所以著書之意 兼者則兼取之其不可兼者則隻取重焉者二好鈞平無分輕重則一俯一仰乍進乍退」或曰、 道變化各正性命(易乾卦彖辭)是言萬物各有性也觀其所 「日、「夫道之本仁義而已矣五典以經之奉籍以緯之詠之歌之弦之、 飲焉此二者相與爭勝者行矣非 威而 爭勝者行矣非情欲得利。 天地萬物之情可 M 一後 為惡

分者. 情言 文公性三品之說本之於此然漢 也中心好之(戚 蓋至條 1(繋餅 卦象群 晰。 是言 詩 亦 悦之論性之言斯爲精到 唐 如之凡情意心志者皆性動之別名也情見乎醉(同上)是稱 風) 情者應威 是稱 心也以制 而動者也昆蟲草木皆有性爲不盡善也天地聖人皆稱情爲不主惡也又曰爻象以 人人之論 性若是 矣若或問天命人事曰「有三品焉上下不移其中則人 其志是稱志 者甚 多。 也。 非悦 惟所宜各稱 之獨 見 也。 其名而已情何主惡之有。其所 情也言不盡意((事存 同 爲爾。 以辨 1. \smile 性 是 情之 稱意 韓

變化 長數 者、 得 愛神之謂 息 任焉」(俗》 悦之說 其 人之息以喉 m 也。 以 氣 illi 仙者、 運數 歽 關 舒。 高否則 以養 尙 其 藏 有 非 神 嫌)其不信神仙蓋與 信乎」曰「未之前開 呼 可述 稍 吸之氣以稟 神 人力之爲也。日 **州不宜過則** 專 (莊子大宗師) 也。 2者則主養1 寒暄 至於以 通盈消 **公不濟。** 關 同 性 息 廩 息 (同贍)故君子節宜其氣勿使有所壅閉滯底昏亂百度則生疾故喜怒哀 而 in 必得 亦有仙 此 ,牟融同然或問了有養性乎」日**「養性乗中和守之以生而已愛親愛** 氣 也然則異也非仙 斥 \smile 授四 特以喻重新輕躁之分非果指呼吸而 衎 神 其中所以養體 仙。 矣。 众故道 體也。 或問 人乎』曰『僬僥桂莽產乎異俗就有 者常致 故氣長 神 仙之 心男化爲女者有矣死人復生者有矣夫豈人之性哉。 者以關息 氣於關。 術。日、 也夫善養性者、 _ 是謂 **颟哉末之也已矣聖人弗學非** 氣 短者、 要術。 無 其息 常術。 حييا 言也。 _ 稍 同 得 仙人、 并其 臍關呼吸之說惟神 产 其 和 亦殊 夫 脈 而已矣鄰臍二寸謂之關。 **經子言** 稍 類矣。 促、 其神 惡生 ----9 稍 具 或 也。 終始、 越至 日、 仙家始 人之 --一於以肩 息 德 氣 人 運 义 樂必 愛力 數不 有自 也。 短

存

盛。 可異 **故黄庭外景經日** 儒之雜 也然王充膂有養性之書矣而董仲舒亦言、 神仙、 猶其糅合於陰陽也特羽化飛天化金銷玉說之詭怪違理者或有所不 『上有黄庭下關元後有幽闕前命門呼吸廬問入丹田』今悅不信神仙、 『物生皆貴氣而迎養之養生之大者、 乃在愛氣。 然 耳。 而劉子政漢代 而取神仙關息之術是 حي 蓋漢 世 大儒、 神 仙 方 至

鮻、能 信 推 群 用鴻 穀餌伏苓甘陵甘始亦善行氣老有少容廬正左慈知補導之術並 Ħ 1 翀 仙 使 鬼物質金之術上 書謂黃 金可成(見漢書向傳 為軍 吾觀魏文典論、 **吏初儉之至市伏苓價暴數** 論 郤 儉等 事。 Ė, مم 倍議 潁 川 郎 郤

之過差氣悶不通良久乃蘇左慈到又競受其補導之術至寺人嚴峻往從問受閣豎真無事於斯術也人之逐擊乃 安平李單學其辟穀餐伏苓飲寒水中泄利殆至殞命、 後始來衆人 無不鴟視 狼顧呼吸吐納軍謀 祭酒弘農董芬爲

氣生養陰氣消殺和喜之徒其氣陽也故養性者崇其陽而絀其陰陽極則亢陰極則疑亢則有悔疑則有凶夫物不 至於是一云云則悅之不取黃白不取服樂不取導引蓄氣歷藏內視而獨取關息亦可謂知所揀擇者且曰、 凡陽

能爲素故候天春而生人則不然存吾春而已矣。」(俗嫌)此卽莊子所謂「 和豫通而不失於兒日夜 無郤 而與

以盡 物 爲 春、 者。 俗 見莊子宮 嫌 自信 **徳**充符) 如此倘亦有所受之者 又不獨與參 同 敷。 陰陽屈伸之旨相符而已悅謂、 『學必至聖可以盡性壽必用道所

第十一章 徐幹

號。 作謂其養浩然之氣智羨門之術又謂「譏孟軻不度其量擬聖行道傳食諸侯深美顏淵荀卿之行故絕迹山谷、。 軻之旨述而論之求其辭時若有小失者要其歸不合於道者少矣」(見南豐彙稿)然其書舊有序蓋同 秦城學之餘百氏雜家與聖人之道並傳學者罕能獨觀於道德之要而不牽於俗儒之說幹獨能考六藝推 觀政要載太宗嘗見幹中論復三年喪籍今中論無此則所闕已會子固(鞏)校正幹書答論之曰、 者、 之則 稱、 n 幹字偉長。 有而 幹 **。 題,則幹亦雜糅儒道而於孟子且有所不取矣蓋幹之學以守己為重故其言曰。 人心莫不有理道。** 異矣或用乎己或用乎人用乎己者謂之務本用乎人者謂之近末』(修本)又曰、 **偉長懷文抱質恬淡寡欲有箕山之志可謂彬彬君子者矣』** 懄 閉戶自守不與之鄰魏武爲丞相特加旌命辭疾不就後以爲上艾長又以疾不行故文帝與吳季 思 無也。 北海劇人年未弱冠學五經悉載於口博覽傳記言則成章漢魏之際冠族子弟交接 合易而: 求難也身之與家我之有也治之誠易而不肯爲也人之與國、 〈 見文選 〉 著中論二十餘篇見存二十篇貞 我所 ---1 無也治之誠 人有大怒而 求名競相尚鄙 「漢承周 難、 不 一仲尼孟 時 至乎用 重 能 丽 衰及 自 人 願之 所 知 幽

一智行

末之間。

此幹之所

以處亂世而能不汚者耶。

也。

日

吾有術吾有術誰

信之數故懷疾者人不使爲醫行穢者人不使激法以無驗也」(同上)

皎然於先後本

幹之書多本周禮故言政則稱鄉遂之法(民數)言學則推三物(六德六行六藝)之教(治學)三物六藝

子買曰、 智行。 清、仲 能 荀子 然 輊 此 所 日、 則 吾言 於孝莫顯 脱民 行 볜 未 達 丽 答 不 记未甚 ,次儒之等極於以淺持博以古持今以一持萬苟仁義之類也雖在鳥獸之中若別白黑倚物怪變所 其 不 亦以 幹 阜利使萬物無不盡 或 德首智首禮、 見 服 聞 機。 所 其行、 妆 於清旨參之孝有 也。 得 不 夫 不 卒然起 問 經 歎 明 ·若聞之聞之不若見之見之不若知之知之不若行之』 (儒效) 說。 與 脳 Ħ, 也。 口 聖之 事 服 禍 顏淵 则 其 也 於 又曰、 士或 熟愈」 故有法象之論首智則有智行之篇法象正容貌愼威儀猶賈生容經之佛也茲不其述而、 忽秒、 聞一知十由此 循其常巧言不能推令色不能移動作可觀 智 一方則舉統 達 與一節之行較其長短多少者耳不然幹亦有言『 、明哲窮 求福 於聖人之情故無窮難 其極 夫明哲之士威而不懾困 **、 戊**不能易原**憲之清伯夷不能**間。 對曰「賜也何敢望 於 **别**理或志行: |者心聖人之可及(疑當作不可及) 宋甫、 類而應之無所疑怎。 觀之盛才所以服 見變事 純篤二者不可兼。 則 回。 達其機得經事則 之辭是以能 回 也 人也仲尼亦奇顏淵之有盛才也故曰、 張法而度之則隨然若合符節若是而後謂之大儒(巳見前 而能通決嫌定疑辨物居方禳禍於忽秒。 聞 《聖人將 以知十賜也聞一 然不得與游夏列在四行之科以其才不如 獨獲亹亹之譽爲七十子之冠曾 則。 循 出辭為師 何取。 其 非徒空行也智也」一又曰、 常 心 對 曰、 者比 染不積則 表比諸志行之士不亦 以知二」子貫之行不若 今幹軒智而 類等量豈有異哉然則 「其明 人不 哲乎。 觀 其色行 軽行亦 回 水福 |参雖 夫明哲之爲用 也 黎乎。 質 **—** 不積 異於先儒矣然 於未 非 人之行 幹之 孝、 助 也。仲 萌。 顏淵 原 則 我 且荀子 見變事 軒 客間 人不 者 憲 . 英大 遠 逃 尼 也。 難 其 信 脸 於 矣。 問 乃 त्ता 也。

名 先王之心此無 Įţ. 18 **被大義舉** 驗 異乎 īm ----471 女史 Ħ 名 從 f 恥何 Z 翻 鄙 詩、 其辭而無其行』(藝紀)豈果以行爲無足重乎治學篇曰、 儒之博學也務 內豎傳令 也。 於物名群於器械考於詁訓。 摘其章 句。 而 不 能統 凡學者大義為 其大義之所 先物 以

業豈有華知 賓客為 汲汲 士不 必黜 知富貴可以 韓 己而 由於鄉 好。 者矣幹之說有大可為 相 皇 非 **務冠蓋塡** 皇無 著 不較輕重文書委於官曹繫囚積於囹圄。 商 **途往**。 |春深眡| 以 行 謯 從衆 日以 黨考行不出於閥閥多助者爲賢才寡助者爲不肖序虧聽無證之論班祿采方國之謠民見其 得 方外專治交游以妨生務以亂民 入。 羨慕 自 闸。 爲 言談游學之士以爲國之蠢害。 處。 更相: **矜以下士星言夙駕送往迎來亭傳** 儒服 者、 也知名譽可以虛譁獲也乃離其父兄去其邑里不修道義不治德行諱偶時之說結比。 並 驅 寒道饑不暇餐修不 歎揚迭爲表裏。 後世鑒者故錄之曰『世之衰也上無明天子下無賢諸侯。 IIII 追之悠悠皆是、 構机生 孰 獲已股股沄沄、 聽。 夫以務物名考詁訓 而不遑省也詳察其爲也非欲憂國恤民謀道講德也徒營己治私、 能不然者乎桓顯之 華、 中論有譴交意頗近之蓋皆懲當時數 國家不欲納民 憔 碎布· 常滿。 衣、 E 定卒傳問: 傾夜作 以 軌物 欺 為智智之無 人主惑宰相竊選舉盜榮寵 別已如欲 晝下及小司、 世、 其甚者也。 炬 火夜行。 納 取、 關寺不 自公 列 民 幹固 城 軌 K君不識是非b 卿 俗 墨 物、 知之矣。 閉。 大夫州 綬、 無論 而發然國之四 臂捩 漢 者、 世 不可 郡 縣 至 腕。 臣不 何等是 令 牧 守王 扣 銅章 勝 天 民各 數 辨 黑白。 矢 墨 事 也。 周 如 固 之黨。 綬 不 旣 此 有 在 者、 推 恤。 狻 其

托

可差而 數 懷丈夫之容而襲婢妾之態或奉貨而行賂以自固結求志屬託規圖仕進然擲目指掌高談大語若此之類言之猶懷丈夫之容而襲婢妾之態或奉貨而行賂以自固結求志屬託規圖仕進然擲目指掌高談大語若此之類言之猶 求 兩失實爲亂階吾每讀譴交之文未嘗不爲之扼腕而長太息也。 逐利而已有策名於朝、 行之者不知恥嗟乎王教之敗乃至於斯乎一夫交託之途盛由倖進之門開浮競之士多在節義之風喪政 而稱門生於富貴之家者比屋有之為之師而無以教弟子亦不受業然其於事也、 至乎

第十二章 魏晉談玄之風

有名於時: 子亦 肅善賈 要、則 蓋可見矣而於是時何晏〈字平叔〉王弼〈字輔嗣〉途開談玄之風三國志曹爽傳『 而應普與議者略無幾人又是時朝堂公卿以下四百餘人其能操筆者未有十人多皆相從飽食而退」儒業銷沈、 兩 **が避役竟無** 東平 仍 漢以來儒者 然觀 達) 本之六藝體 螁 魚綠魏 能 馬 成 無不 習學』又謂『正始(齊王芳年號)中有詔議園丘普延學士是時郎官及司徒領吏二萬餘人。 <u>'</u> 有聲名進趣於時明帝以其浮華皆抑黜之及爽秉政乃復進敍任為腹心』又『晏何進孫少以 融 、略謂「太和靑龍(魏明帝年號 用之間未嘗不隱然有判也自漢末天下大亂魏武父子崇獎浮文 兼明道家然第以其清靜寧謐之旨用為養生養性之助若夫言經世體國)之學采會同異爲尙書詩論語三禮左氏解又作聖證論以排康成而)中太學諸生有千數而諸博士率皆麤疎無以教弟子弟。 南陽何晏鄧颺李勝, 無實之士儒 董遇等。 切禮 亦歷 術以 教 注 刑 衰。 經傳、 沛國 雅王

後士夫專 從容戲宴 令 老二家之旨儒道在先本多相契必視以老解經爲非聖無法亦後世儒生一 才秀. Œ 老莊之說释孔聖之經皆可葬案毀之者謂 **两晏之生** 倡 義 聽。 in 行。 清錢大昕 遠佞 淸. 始之人當魏齊王芳時何晏有奏曰『 序)要之漢 辯 知 而反之坦易亦功之不刊者也且孔子問禮於老聃而發猶龍之歎(注 習不正 :尙浮職不復以世務爲事。 兼省文書 人 平者實賴表 易 好老 而 及 作何晏論以爲其奏有大臣之風(見潛硏堂文集)然則前之何王未可與後之王(衍)樂(廣) | 弗近然後邪心不生、 老子。 莊言。 則 人講經守章句爭家法支離嫪毐至說五字之文多至二三萬言(胸 謀 其 作 身不 松之三國 陳 道 政事、 德論、 承 正其 祚 講 及諸文賦著述凡數十篇,又鍾會傳「會弱冠與山陽王 (辭) 分子 稐 志注與劉義慶世 而 經 圳 養為萬世: Ė, 至銅 不 正道可宏也。 厠 為王何立傳僅附於曹爽鍾 雖 善爲國者必先治其 **乾埋於荆** 其罪深桀紂。 **令不從是故為人** 法。 _ __ 說新語等書。 叉日、 棘、 Ξ 胡馬馳於郊壤而猶塵尾唾壺濟談不息末流之弊亦 $\overline{}$ 國志齊王芳傳 晉范寧之言)譽之者謂其獨冠古今。 — 可自今以 君 身治其身者慎其所習所 而晏之論 者所 會傳後且眡晏爲浮華其職至 後御幸 奥遊必擇正 語集解與弼之易注老子注、 孔之見已至若秦始 以此觀之晏雖 見史記老子列傳) 式乾殿及游 人所觀覽必察正象放鄭 見漢書藝文志) 習正則 鄸 好 豫後園皆大 並 (老莊豈欲) 如名啊! (其身正 莊子 (晉武 (唐孔) 淺。 亦 得二子 | 个 獨 一審兼 好 身正、 臣 具存。 遺 年 論 頪 棄 侍 號 備道、 漟 可 難以 則不 者構 從。 世 搫 其引 考知 明 周 以 而 因 務 孔 辭

同

不能 利 之育之亭之審之爲其母也言道以無形無名始成萬物以始以成而不知其所以玄之又玄也」又注「有之以爲 可 是阿雖主於無而 ル 事皆明。 · 畏若斯人者可與言天人之際乎」晏雖不注易然管輅別傳(見三國志管輅傳注) 城輅爲晏所請、 無之以爲用」曰『木埴壁所以成三者而皆以無爲用也言無者有之所以爲利皆賴無以爲用 鍾會 《名天地之始有名萬物之母》,曰『凡有皆始於無故未形無名之時則爲萬物之始及其有形有名之時、 與弼同宗老莊而其所見亦有不同者何劭為王弼作傳(見三國志注)謂「晏以爲聖人無喜怒哀樂其論 無哀樂以應物然則聖人之情應物而無累於物者也令以其無累便謂不復應物失之多矣」。今觀酹注老子 等述之麫與不同以爲「聖人茂於人者神明也同於人者五情也神明茂故能體沖和以通無五 、晏曰『君論陰陽此世無雙』時鄧颺與晏共坐颺言『君見謂善易而語初不及易中鮮義何故也』軫。 亦不廢有以視晏之專於無者說尤圓矣然窮實後於晏窮幼時晏見而奇之歎曰『 也。 仲 一其義正合。 論易九事 尼言後生 則長 同故

疾 **尊學答之曰『夫誊易者不論易也』晏含笑而讚之『可謂要言不煩』晏知輅之精於易晏之精於易亦** 博稱『 氏春秋(見三國志曹與傅注)曰「初夏侯玄何晏等名盛於時司馬景王(師)亦預焉晏皆曰『 通天下之志夏侯泰初(秦初玄字)是也唯幾也故能成天下之務司馬子元(子元師字)是也。 而 速不行 魏正始中 至。 |吾聞其語未見其人] (何晏王弼等祖述老莊立論以爲「天地萬物皆以無爲本無心者開物 唯深唯幾惟神三句皆易繁幹) 則晏之所以自待者豈可 胶 粉無往不存 量 惟 一唯深也故 哉。 可知也。 也 晉

何王並稱問莫之能軒輊也已。

則。 也。 宗、 存 遏。 際、 敢 過 過、 夫 乎 益 少 通。 北 m 吾 天 雕 見 玄 Ľ, 國 下 籍 有 之處 稱 次 也。 毎 縫 不 風 放能 鄉 有 措乎 者名之為 其 慢 師 多 訊 際、 雖 之、 故、 大 於 動 黨。 倡 後 周 弛 是非、 之闕。 人先生 越名 而 名 不 長 於 沉 語 褌 聞 瞻、 1 敦 何 未 中 達變本 能 出 教 丽 Ξ_{\circ} 久與 少 乎。 类 Ŧ. 叉 傳以 澄、 不識 及。 國。 而 行 mi 有 _ 褌 Ŀ 不 任 得 事 檔、 謝 至 全 $\overline{}$ 欲圖三公下 為 自然情不繫 違乎 松 鯤、 接、 物 自以 加 者。 見各 性 厲 胡 疵 情、 過 籍 $\overline{}$ 康 爲 世 道 景 Ы 別 瞛 闇 由 人, 一之所謂 得繩 樂廣 者也。 Ħ 興 是不 字 輔之之徒皆祖 於 集 权 舆。 機 物 $\overline{}$ 亦 蔑名 墨也。 不失 於所 何以言之夫氣靜 夜 雖 與 宜.。 無 **が護之而** 君 欲 無 傷。 世 (九州牧) 元 無 萬 事。 然 子、 欲、 教、 惟 忠其 炎丘 故 へ籍 石之 迻 惟法是修惟禮是克手執 飮 棄 能 E, 述 酣 繩 酒 墨蓋自松 可得乎。 字嗣宗 於籍謂 火流、 審貴賤 愼 過差 飲 獨不見摹蝨之處禪 名教中 爲 $\overline{}$ 萬 耳。 常。 神 焦 邑 虛 得 石 至 而 _ <u>۔۔</u> 諸賢、 À 大道之本乃 爲醴 滅 通 者、 _ 君、 妧 而 都基础 見康 有樂 石 物 康 始 心 矣。 不 法之 情。 互相 奮 與 地。 集 然 物 存 也、 山 远 成 於 種 **主壁**。 標題、 何 士所 。 情 於科 濤 晉 為乃爾。 逃平 是 去 m 睿 順 $\overline{}$ 康籍之 繩族 有好 字 足履 其 41 妧 通、 尚。 中、 深縫、 故 幩 巨 籍 體 流 始 脫 盡 之 原 傅、 而 繩 大 亮 之累。 墨。行 匿乎壞 心 廣。 放 稱、 道 加 不 衣 $\overline{}$ 見世 能出 服、 誕、 仇 曹、 無 達 康 亦言、 者、 欲 遵。 露 原 讎。 黯 _ 也君 絮自以 越名 本 情 說新語 國 -爲 著 醜 有 惡, 又言、 目 不 稈 所 澉 有 **-**任心、 繋 私 同 託 阮 子之處城 子 濟 削 為古宅 嗣 世 檢。 於 綸。 禽 好 而 志屬魏 故 此 言 所 略 歡。 然。 蠢 吾 宗 於嵇 謂、 甚 言 以 欲 是 欲。 m 口 也。 非 矜 内、 爲 者 以 不 不 亦 名之 阮 未 招 論 晉之 行 無 尙 君子 何 無 如 異 不 不 至 人 人

者耶。 望之凡流也何王嵇阮皆稟絕世之姿有拔俗之志而鶩於髙遠遺其卑近其亦曾子所云「堂堂乎張難與並爲仁」 性猶乎水然無以防堰之,則將氾濫而大爲害於天下若夫上智之士雖有為佚不雕於法是則希世而一見未可以 (見論語)而阮瞻王澄又不善學之無賁育之勇而欲舉千鈞之鼎宜其絕臏矣。 而• 況何王乎且漢儒自賈誼董仲舒以至徐幹其為說無不致重於禮者非不知禮之爲人所苦難也誠以人之

桁 那得 載衞 哉然晉書行傳載王敦過江常稱衍曰『夷甫處衆中如珠玉在瓦石間』顧愷之作畫贊稱『衍巖巖清峙壁立千 仞」(見世說新語)卽石勒殺衍者而亦謂其黨孔萇曰『吾行天下多矣未嘗見如此人』(晉書祈傳)廣傳、 至 衎 夫內有所得外則形之莊子所云「畸於人而侔於天」者(大宗師)衎廣亦幾得之矣又衎嘗喪 說時自保莫敢正言追宗社旣傾身亦隨隕老子有言「後其身而身先外其身而身存」若衍與廣豈真知 悲不自勝為 者。 自言【典 抑老莊之學易託者放誕之行而難造者玄遠之詣當時盧無之宗前推何王後稱王樂衍廣在晉皆躋列, 瓘逮與魏正始中諸名士談論見廣而奇之命諸子造爲曰『此人之水鏡見之瑩然若披雲霧而覩靑天也』 去」(世說新語) (公孫 龍之說 節曰、 人語甚簡至而及見廣便覺已之煩』廣論每以約言析理厭(同聲)人之心(廣傳 -)廣亦 **發抱中物何至於此」衍曰『聖人忘情最下不及於情然則** 衞 孙 不復剖析文句直以壓尾柄觸几曰『至不』客曰『至一廣因又舉塵尾曰『 總角時嘗問廣夢廣云『是想』玠曰『神形所不接而夢豈是想耶』廣曰『因也。 情之所鍾正在我 輩。 (幼子山簡弔之 客有問指不 高位。 老莊 衎 傳 丽

士。當 何所 逃則 者哉。 玠思之經 玄自當 書轉通十數家注自小至老手不釋卷尚未敢輕言汝開老子卷頭五尺許未知輔圖 |時豊獨僧虔之子然哉是故玄學雖開於何王而嵇阮一 異指例何所明而 為玄 渡江以後風流益扇元嘉(宋文帝)之間途至專立玄學以相教授以莊老周易總謂三玄談論則爲玄言著 部。 |小差(差猶過也)於史猶未近彷彿曼倩(東方朔)有云「談何容易」見諸玄志爲之逸腸| 月不 微矣。 於是景附草雕天下成風矣然觀王僧虔戒子書言「往年有意於史取三國志聚置牀頭百日許後業 一得遂以 成疾廣聞故命駕爲剖析之玠卽愈(廣傳)辭約而理妙如此斯又豈淺 便盛於塵尾自呼談士此最險焉』(南齊書僧虔傳)夫開老子卷頭五尺許、 變爲王樂一變爲至渡江之後則又變爲及夫天下皆 何所道 人所可剽竊 平叔何所 而 便 為之抽。 自 說. 馬鄭 稱談

於匡孫 談士、 所引、 欲於無欲者聖人之常也有欲於無欲者聖人之分也二欲同無故全空以目聖一有一 想、 何夢之有蓋周德之日衰故寄慨於不夢』吾不試故藝繆協(晉)云『彙愛以忘仁游藝以去藝』顏淵 玄虛之語 而玄學 《綽云】 **繆協云「聖人** 風 盛 時、 兵事險阻常情所畏壓人無心故以物畏為畏也』久矣吾不復夢見周公李充(晉)云『 往往而是如六十而耳順孫綽(晉)云『耳順者廢聽之理也朗然自玄悟不復役而後爲』子畏 說 經者 、體無哀樂而能以哀樂為體不失過也」其尤甚者回 無不難以老莊今六朝經師之說多佚特偶見於唐宋注疏中而梁皇侃論語義疏具存。 也 其庶乎屢空顧歡へ 無故每虛以稱實」 齊 云. " 聖人無 太史权 親其 夫無

康僧淵在豫章去郭敷十里立精舍閒居研講希心理味庾公(亮)諸人多往看之觀其運用吐納風流轉 支道 旋。 眀 如 楯 此。 illi 盡、 林 豊 釋子亦盛治老莊如髙坐道人到江左王導一見奇之曰『此吾徒也』(世 非 梁 在焉孫輿公(卽綽)謂王曰『支道林拔新領異胸懷所及乃自佳卿欲見不』乃與支共載往王(世說) 獨 玄 申之云、 向 m 阿若以 秀郭 象之注莊張湛之注列 -- 被其)聖人驗之聖人忘忘大賢不能忘忘不能忘忘心復爲未! 遺仁義忘禮樂隨支體黜聰明坐忘大通(見莊子人間 為玄言之宗哉又老莊之學多可與釋氏相通故談玄 盡。 世 未一空故屢 **說新語注**) 大宗師) 名生焉。 者往 王逸少作 此忘有之事 件 喜典 會稽 其 釋 也。 佳。 解 初至、 一世 子周 忘有 經 者

詠以寫 支與許 說) 懐 而支公尤深於名理莊子逍遙遊舊是難處諸名賢所共鑽味不能拔理於郭向之外支在白馬寺中將 其懷」許] 共語因及逍遙支卓然標新理於二家之表立異義於衆賢之外皆是諸名賢蕁味之所不得後遂用支理又。 $\overline{}$ 詢 謝 便問主人有莊子不正得漁父 安)盛德共集王(濃)家謝顯謂諸人『今日可謂彥會。 二 篇。 謝看題便各使四座通支先通作七百許語敍致 時 既不 可留此 集固 亦 精 難常。 麗 /湖 太常 當共言 才 藻奇

觀 拔。 聖人 衆咸 此 數 公之才辨理致固不下於曩時之王樂也然始以佛理說老莊繼卽援老莊 如 稱 柱 善义僧意在瓦官寺王茍子(耶。 」王曰『如籌算雖無情運之者有情』僧意云『誰運聖人耶』 脩 一來與 語、 便使其唱理。 意謂王 日『聖人有情不』 荷子不得答而去(以上皆世 入佛故玄學之行而 王曰 無。 ||佛教邃盛。 重 問日、

Ŀ 漢 儒守經之席。 下作齊梁事佛之階在當時則禮法之罪人而在後世亦象教之功 而 臣已。

第十三章 劉劭

所撰 亦頗有與儒合者蓋承漢人之餘緒正自應爾而隋唐志皆列之名家要與古之名家異矣。 四本論今已不傳然世說稱「殷中軍(浩)雖思慮通長然於才性偏精忽言及四本便若湯池鐵城無可攻之勢」 異世說新語鍾會撰四本論始畢甚欲使嵇公一見置懷中旣定畏其難懷不敢出於戶外遙擲便回急走劉孝標注 人物志論才性甚精審劭字孔才邯鄲人仕魏官至散騎常侍與嘏會等同時其說必有與之彷彿者三國志言、 云【四本者言才性同才性異才性合才性難尚書傅嘏論同中書令李豐論異侍郎鍾會論合屯騎校尉王廣論難】 《述法論人物志之類百餘篇』法論已佚人物志亦纔十二篇而已吾舊蕭而究之大抵糅合道德陰陽之說而 般仲堪精聚玄論人謂莫不研究般乃歎曰、「使我解四本談不翅爾」,則晉以來猶多能言之者矣今傳劉劭 何王之時有傅嘏鍾會之論才性三國志嘏傳嘏常論才性同異鍾會集而論之會傳會醬論易無互體才性同 二勋

叡外明聖人淳耀能兼二美知傲知章自非聖人莫能兩途故明白之士達動之機而暗於玄盧玄盧之人臟靜之原 莫不含元一以爲質稟陰陽以立性體五行而著形茍有形質猶可卽而求之凡人之質量中和最貴矣中和之質必 **今人物論首九徽其解曰「蓋人物之本出乎情性情性之理甚微而玄非聖人之察其孰能究之哉凡有血氣者、** ,無味故能調成五材變化應節是故觀人察質必先察其平淡而後求其聰明聰明者陰陽之精陰陽濟和則,無味故能調成五材變化應節是故觀人察質必先察其平淡而後求其聰明聰明者陰陽之精陰陽濟和則 中

道得而 倡 為美號是故 純 **(機態度之動在於容緩急之狀在於言其爲人也質素平澹中叡外朗筋勁植固聲清色悸儀正容直則九徵皆至則** 列 精 弘 亦各著於厥體矣其在體也木骨金筋火氣土肌水血五物之象也五物之實各有所濟是故骨植而柔者謂之宏毅。 而 八為五德是法 材、 者、 (在於神明暗之實在於精勇怯之勢在於筋強弱之植在於骨躁靜之決在於氣慘懌之情在於色衰正之形在於 砭火之德也雖體變無窮猶依乎五質故其剛柔明暢貞固之徵著乎形容見乎聲色發乎情味各如 一於速捷猶火日外照不能內見金水內暎不能外光二者之義蓋陰陽之別也若量其材質稽諸五物五物之徵、 小 謂之勇敢勇敢也者義之決也色平而暢者謂之通微通欲也者智之原也五質恆性故謂之五常矣五常之別、 也者仁之質也氣淸而朗者謂之文理文理也者體之本也體端而質者謂之貞固貞固也者信之基也筋勁 衆 質不可 臣道序故流業為歷數清節法術國體之材而曰「凡此十二材皆人臣之任也主德不預爲主德 雅之質也一 德也九徵有違則偏雜之材也三度不同其德異稱故偏至之材以材自名兼材之人以德爲目彙傳之人更 材 m 兼徳而至謂之中庸中庸也者聖人之目也具體 故温直而授毅木之德也剛塞而弘毅金之德也愿恭而理敬水之德也寬栗而柔立土之德也簡 不以事自任者也主道立則十二材各得其任也。莊子有言『上無爲而用天下下有爲爲天下用』 勝論。本之於陰陽合之以五 **達謂之依似依似亂德之類也一**。 |行||而旁通於詩 至一 **遠**謂之間難。 **書**之說可謂博而能 而微謂之德行德行也者大雅之稱也一至謂之偏材。 間雑無恆之人也無恆 **詳者矣然要其立** L依似皆風· 論之義則 其 **X象平陂之** 人之末流。 者 聰 明平 Æ 暢 Ĩ

而

而

面之術 者哉然則 又 曰、 無為 僅取其辨才性體別猶爲未盡劭意者而惜乎鍾士季(而尊者天道也有爲而累者人道也主者天道也臣者人道也』若劭之論、 會字 之書之不存不能取以 非所 謂 道 相 家 形 君 也。

第 十四 裴 顲

日、

盛、位 者可謂卓然自立不詭於時者矣然觀頗崇有論曰『老子旣著五千之文表摭穢雜之弊甄舉靜一之義有以令人、 於無非無於無非無於有非有是以申縱播之累而著貴無之文將以絕所非之窟謬存大善之中節收 反澄正於胸懷宜其以無爲辭而旨在全有故其辭曰「以爲文不足」若斯則是所寄之途一方之言也若謂 患 類字逸民 。 階以順 高勢重不以物務自嬰遂相倣效風教陵遲」乃著崇有之論以釋其蔽王衍之徒攻難交至並莫能 老子之實雖博有所經而云「有生於無」 自夷合於易之預讓艮節之旨而靜一 鍾 一之言才性。 肼 俗放蕩不尊儒術何晏阮籍素有高名於世口談浮虛不遵禮法尸祿耽龍仕不事事至王衍之徒聲 · 政為務若味近以虧業則沈溺之賢與懷末以忘本則天理之眞滅故動之所交存亡之會也。 弘雅 典 有遠識、 何王之標虛無異矣然二者非正 博學稽古自少知名御史中丞周朔見而歎曰「頗若武庫五兵縱 守本無虚 以處為主偏立一家之辭豈有以而然哉人之旣生以 無之謂也損艮之屬蓋君子之一道非易之所以爲體守本無 相敵難也其起與虛無之說相敵難者則 横、 惟裴頠乎晉書頠傳 時之傑 保生爲全全 流 記風」若願 夫 遁 於 有 也。 譽太 非 頠

也。

第二個 中古哲學史

不

長

而

雖

者、

有無 此 也。 信以 而 是以 而 事 無爲宗則偏而害當矣。又曰「夫至無者無以能生故始生者自生也自生而必體有則有遺而生虧矣生以 雙立立無所以極理立有所以通事裴與王衍之徒皆各見其一端者也。 觀、 濟 谹 必由 有者皆有也虛無奚益於已有之羣生哉」願之所以排 則虛無是有之所遺者也故養既化之有非無用之所能全也理既有之衆非無爲之所能循也心非事也、 收重泉之鱗非偃息之所能獲也隕高墉之禽非靜拱之所能捷也審投弦餌之用非無知之所能覽也由 於心然不可以制事以非事謂心為無也匠非器也而制器必須於匠然不可以制器以非器謂 無而申有其說仍一本之於老莊蓋道家之旨原 匠非 有

游之業卑經實之賢人 ·深列有形之故盛稱空無之美形器之故有徵空無之義難檢辨巧之文可悅似象之言足**惑衆聽**: 頗有異此 幼之序混 不 然。 張 不親所 復張者道也故論 文武 如裴之說實當時之樂石其論曰『夫盈欲可損而 弗為。 漫貴 司、 心者辭不獲濟屈於所狎因謂虛無之理誠不可蓋唱而有和多往弗反遂薄綜世之務賤功烈之用高。 謂之雅遠奉身散其廉操謂之 張一 弛文武之道 日、 情所殉篤夫名利於是文者衍其辭訥者讚其旨染其衆也是以立言藉其虛無謂之玄妙。 -兆 , 庶之情信於所習習則心服其業業服則謂之理然是以君 至於裸程言 也。 _ $\overline{}$ 見禮 笑忘 曠達故砥礪之風彌以陵遲放者或悖吉凶之禮而忽容止之表瀆 雠 宜以不惜爲弘士行又虧矣」夫記曰『 記 漢人惟語 宋可絕有也。 張之太過 過用 可節而未可謂無貴 故魏晉以 來 不 張而 得 人必慎 不弛。 人也蓋有講員 弗弛文武 眩焉溺 一 种 驰 所 教班 之太 言之具 其 其 (成稅) 亦 弛

民耳王衍之將死也數曰『嗚呼吾曹雖不如古人向若不祖尙浮盧戮力以匡天下猶可不至今日』(晉書衍傳) 形外形則必**遺制遺制則必忽防忽防則必忘禮禮制弗存則無以爲政矣」晉人能知儒道相濟之用者則惟裴逸**。 有會観乎往復稽中定務惟夫用天之道分地之利躬其力任勞而後變居以仁順守以恭儉。 切之務分宅百姓各授四職能令稟命之者不肅而安忽然忘異莫有遷志』曰『賢人君子知欲不可絕而 求事無過用乃可濟乎故大建嚴極級理羣生訓物垂範於是乎在斯則聖人爲政之由也」 率以忠信行以敬 日, 朡 有 則 必外 譲志

斯須 若干人為商買足以通貨」頗欲貴農抑末佐益時事後為御史中丞亦多匡諫年六十二卒所撰論經國九 玄字休奕北地泥陽人晉武代魏玄爲散騎常侍上書謂「爲政之要計人而置官分人而受事士農工商之分不可 其亦思及裴之言乎頗又著辨才論古今精義皆辨釋焉未成而爲趙王倫所殺。 得傳子讀之覺其尙公道重虧祿猶有法家之意其書亦稱老子曰「老子不云乎「信不足焉者有不信 老莊之用在於申韓晉人言老莊者多而知申韓者少故吾嘗言晉人未能得老莊之全以是蒙其害而: 廢宜亟定制通 『天下之惡莫大於無欲天下之禍莫大於不知足』則紀然老氏之學然與當時之湛於虛無者異矣傅子名 第十五章 計天下若干人為士足以副 傅玄 在官之東若干人爲農三年足有一年之儲若干人爲工足其器用。 宗獲其用。 也。 流及三

百二十卷而宋志僅 事。 評斷 [得失各為區別名為傅子為內外中篇凡有四部六錄合百四十首數十萬言隋唐兩志並存其目皆一 「有五卷蓋唐五代之凱多亡佚矣今從永樂大典抄出文義完具者十二篇文義不完者亦十二

篇。

者受輕 貴之所 治者莫不欲其吏之清也不知所以致清而求其清此猶渾其源 校 道廢而私道行矣」此韓非「去私曲就公法」之說也曰『聽言不如觀事觀事不如觀行聽言必審其本觀事必道廢而私道行矣』此韓非「去私曲就公法」之說也曰『聽言不如觀事觀事不如觀行聽言必審其本觀事必 晉侯舉之。(並見左傳)是謂公道』曰『上之人或有所好之流獨進而所不好之流退矣通者一而 於天下無所私矣鯀亂政舜殛之禹聖明舉用之戮父而授其子則於天下無所枉矣石厚子也石碏誅之冀缺、 心必有公道有公道必有公制,丹朱商均子也不肖堯舜黜之管叔蔡叔弟也為惡周公誅之茍不善雖、 竭、 其實。 其 知所以致淸則雖 m 尚公道重**爵**祿奈何通志篇曰『夫能通天下之志者莫大乎至公能行至公者莫要乎無忌心』曰『夫 《觀行必考其迹參三者而詳之近少失矣』此韓非「參驗」之說也重餌祿篇曰『餌祿》 Ŀ 舒 曲。 小位簿 獪 不可以不重也然則虧非其德不授祿非 未 供薄其験也、 滁 卑官一日「欲治其民而不省其事則 舉夷权 則吏競背公義(原作利以意校改 必犯其制矣」此韓非「功多位尊力極賞厚而度量信則 其功不與一日「德貴功多者受重虧大位厚祿尊官德淺 事繁而 而望其流之潔也。)而營私利 職 亂知省其職、 也此教之所以必廢 知所以 丽 不知節 (致清)則 伯夷不失是 其利。 厚其 雖 īm 者國柄之本、 學盗 不 塞者萬、 祿 而 行 <u>-</u>F 盗跖? 也則 跖、 也。 弟 凡 不 不得 而富 儲也。 功寡 敢 欲 下力 則公 赦。 有公 爲 爲

往代每期卷未嘗不歎息也」且自漢以來儒道名法人相糅雜問玄存重儒教云云猶不免皮相之談耳。 空王沈沈與玄書曰『省足下所著書言富理濟經綸政體存重儲教足以塞楊墨之流遁齊孫孟(孟子孫卿)於 則修體讓利出於力爭則任力爭修禮讓則上安下順而無侵奪任力爭則父子幾乎相危而況於悠悠者乎。」 利之心獨用也懷好利之心則善端沒矣不濟其善而惟力是恃其不大飢幾希耳人之性避害從利故利出於禮讓、 進而 非」之說他凡此之類皆與法家意合蓋欲經國理民固不能離於此道然亦即有不然於法家者貴數篇曰。因善 「制政以法修教以禮」欲兼禮與法而用之是則又儒者之教也晉書玄傳稱玄魯內篇初成其子成以 不知彙濟其善於是東之以法要之以功使天下惟力是恃惟爭是務恃力務爭至有探湯赴火而忘其身者好 義(原義字不重以意增下可禮字亦然)故而禮行因義立禮禮設而義通若夫商韓孫吳知人性之貪得樂 其意 示司

第十六章 葛洪 附触生

不可畢 浮山煉丹或傳其丹成仙去洪書有論仙篇曰『或問「神仙不死信可得乎」抱朴子答曰「雖有至明、 冰之亂洪募數百人與諸軍破之事平不尸其功後以交趾出丹砂求爲句漏令過廣州刺史鄧嶽留之不聽乃 見爲雖稟至聰而有聲者不可盡聞爲雖有大章豎亥之足而所常履者未若所不履之多雖有禹益齊諧之 一荀悅作書皆譏斥神仙而晉萬洪著書名抱朴子則謂 神仙爲必有洪字稚川丹陽句容人也惠帝太安中石 而有形者 止羅

事、蓋 以 身 丹 所 履 ጙ 識、 抱 其 扞 體。 ぬ 至 必無此 地 mi 焉况乎: 其肉 陰豈不有以哉。 外患不入雖久視 守 見 則 故能令人不老不死此蓋假求於外物以自堅固。 仙 篇曰「余考覽養性乙書鳩聚久視之方。 所 而 īfii 者了、 或莫識 命 立 道之極也。 識 **職者未若所不** 終。 焉。 也金丹入身中沾治榮衞非但銅靑之外傅矣」所言如 事夫目之所會見嘗何足言哉天地之間無外之大其中殊奇豈邈有限詣老戴天而。 有者無之宮也形者神之宅也故響之於隄隄壞則水不留矣方之於燭燭糜則火不居矣身勞則 神仙之遠理 故 根竭枝繁則 致 棄之 其爲下(以意 柔 **叉** 日、 故山 鍞 如 一識之衆也。 忘耳是以 以 不 恬素。 林養性之家遺 青青去木矣氣疲欲勝則 道德之幽玄仗其淺短之耳目以斷徼妙之有無豈不悲哉。 死而舊身不改。 ---夫金丹之爲物燒之愈久 遺歌! 校正)形骸己所自有也而莫知其心志之所以然壽命在我者 萬物云 退 戚之邪情外得失之榮辱割厚生之腊毒謐多言於 棲幽 荷有其 遁韜鱗掩藻遏欲視 俗得志之徒比崇高於贅疣方萬物乎蟬翼豈苟爲大言、 會所披涉篇卷以千數矣莫不皆以 道、 精靈離身矣夫逝者無返期旣朽無生理達道之士良所 無以爲難 有如脂之養火而 變化愈妙黄金入火百餘不 之日、 也而淺識之徒拘俗守常咸 Ü 此殊詭常理 損明之色杜 可不滅銅靑塗 然 人以藥物 至理 思 消埋之畢天 還丹金液爲大要者 音之耳遠亂聽之聲。 其所謂 篇 腳、 樞 入水 機反 云、 二 曰 養 身以 世 夫有! 不 不 樂 也。 或莫知其 間 聽 腐此 朽。 而莫知 術數 物 III 小 III 輕 後 因 補 見 焉然 延 所 數 祺 是借 此二 仙 無 為上。 베 世 而 者、 其 人、 命。 悲矣輕 修 樂 則 生 其 徹。 事 使 銅 便 神散。 焉。 之勁、 載金 內視 此二 終身 內 哉。 鍊人 短之 云天 疾

之道、 凌霄而 者皆治世之聖人非得道之聖人得道之聖人則黃老是也治世之聖人則周孔是也」(辨 於老莊之說之外則非輕卽誕洪文辭驗富而書實無難雖內篇言道外篇言儒意思包 金丹 道之大全者哉。 蓋 外則和 篇 丹其 多假 自漢以來道家與 見 輕 無股養靈根 語既不經 **警職以** 舉者上士也自持才力不能並成則棄智人間專修道德者亦其次也一分得道治世爲兩事洪豈爲能 (法出於元君)元君者老子之師也其丹有九傳一 光於世治身而身長修治國而國太平以六經 為說學者已不能 而又託之老子之師異妄說也是故魏晉以後、 於 神仙旣混 冥鈞除 誘幕於接物削斥淺務御以愉漠為乎無為以全天理」是則老莊之常言無 而爲一希長生者言理則取老莊言術 無疑是後紛紛益為詼詭洪之書言 一訓俗士以方術授知音欲少留則 轉之丹服之三年得 神仙 則有丹 有多家要其 _ **黄帝九鼎神丹經丹名育九」又云、** 仙九 訣。 說可 轉 丹訣隱祕不可言傳。 學儒道、 之丹服 取 公者皆與 且止而佐時欲昇騰則 問)又謂、 然謂、 之三 老莊 日得 **~** 内内 俗 為合若出 放如 所 仙。 實養 爲之要 謂 **L** 二大 聖人 魏 通 生 並

由乎爭彊弱而校愚智彼蒼天果無事也夫役彼黎蒸養此在官貴者祿厚而民亦困矣襲古之世無君無臣穿井 **難鮑**生生平不可詳然其言則 叉洪 者 凌弱則弱者服之矣智者詐愚則愚者事之矣服之故君臣之道起焉事之故力寡之民制焉。 書有話鮑 篇、 稱 鮑生敬言好老莊之書治劇辯之首以爲古者無君勝於今世』 略 具日「儒者日 「天生蒸 民而樹之君」豈有皇天諄諄言亦將欲之者爲辭 因託 於儒者之義以 然則 隸 屬 與之

安出哉 屠割天下由於爲君故得縱意也君臣旣立衆慝日滋而欲攘臂乎桎梏之間愁勞於塗炭之中人主憂慄於廟堂之 利盾恐不厚若無凌暴此皆可棄也故曰「白玉不毀孰爲圭璋道德不廢安取仁義」使夫桀紂之徒得燔人辜諫。 胸機心不生含哺而熙鼓腹而遊其言不華其行不飭安得聚斂以奪民財安得嚴刑以爲坑穽降及叔季智用巧生。 節文)又曰「君臣旣立而變化遂滋夫獺多則魚擾鷹衆則鳥亂有司殼則百姓困率上厚則下民貧壅崇寶貨飾 上百 道 林、 肺諸侯葅方伯剖人心破人脛窮驕淫之惡用炮烙之虐若令斯人並爲匹夫性雖凶奢安得施之使彼肆 貨則盜賊起見可欲則其正之心亂勢利陳則劫奪之途開造剡銳之器長使割之患弩恐不勁甲恐不堅矛恐不 不足以極其變積金成山不足以贍其費澶慢於淫荒之域而叛其大始之本去宗日遠背朴彌增尙賢則民爭名。 德既衰奪卑有序繁升降損益之禮飾級冕玄黃之服起土木於凌霄構丹綠於梦橑傾峻ূ寶泳淵採珠聚玉如。 ·耕田而食日出而作日入而息汎然不繫恢爾自得不說不營無榮無辱山無谿徑澤無舟梁川谷不通則不相幷, 爾食則方丈衣則龍章內聚曠女外多鰥男採難得之貨貴奇怪之物造無益之器恣不已之欲非鬼非神、 录不聚則不相攻伐勢利不萌觸亂不作并戈不用城池不設萬物玄同相忘於道疫癘不流民獲考終純白在 ·姓煎擾乎困苦之中閑之以禮度整之以刑罰是獨關滔天之源激不測之流塞之以撮壞障之以指掌也」(有 夫穀 賦斂重以 則民有饑寒之儉百官備則坐靡供奉之費宿衞有徒食之衆百姓養游手之人民乏衣食自、 苦役下不堪命且凍且機冒法斯濫於是乎在王者憂勞乎上臺鼎顰顧於下臨深履薄懼。 一酷态欲、 財力

攻巧故散鹿臺之金發鉅橋之粟莫不懽然況乎本不聚金而不飲民粟乎休牛桃林放馬華山載戢干戈載爨弓矢、 恐智勇之不用故厚虧重祿以誘之恐姦量之不虞故嚴城深池以備之而不知祿厚則民匱而臣職城嚴則役重而 談所謂盜跖分財取少為讓陸處之魚相喣以沫也夫身無在公之役家無轍調之費安土樂業順天分地, 性而此專貪殘蓋 率物以 內足

為美 之也若人與人爭草萊之利家與家殼巢窟之地上無治枉之官下有重類之黨則私關過於公戰木石銳於干戈交。 **豈徒小小爭奪之患耶**。 偽而邪人因之以爲僞焉大臣所以扶危而姦臣恐主之不危兵革所以靜難而寇者盗之以爲難此皆有君之所致 也民有所利則有爭心富貴之家所利重矣且夫細人之爭不過小小匹夫校力亦何所至無疆土之可貪無。 **館以爲泰況乎本無軍旅而不戰不戍乎茅夾土堦寨織拔麥雜蠹爲幃瀊裘布被妾不衣帛馬不秣栗儉以** · 斥殘暴欲爲禍亂之防固爲有心生民者而不知遠古質樸民尙重蒙響夫嬰兒智慧未萌非爲知而不爲欲。 清靜則民自正下疲怨則智巧生也任之自然猶慮凌暴勞之不休奪之無已田蕪倉盧杼柚乏空食不充口衣不 身欲令無亂其可得乎所以救禍而禍彌深峻禁而禁不止也關梁所以禁非而猾吏因之以爲非焉衡量所以檢。 食之用外無勢利之爭操杖攻劫非人情也象刑之教民奠之犯法令滋彰盗賊多有豈彼無利 國 無金寶之可欲無權柄之可競勢不能以合徒衆威不足以驅異人孰與王赫斯怒陳師翰旅、 僵 則動以萬計 考鮑生之論大抵出於蒙莊之胠篋馬蹄(莊子篇名)而身逢喪亂故益以自堅其信其 流血則 漂櫖丹野無道之君無世不有肆其虐亂天下無邦忠良見害於內黎民暴骨於外、 推無讎之民 城郭之 而忍 攻無

周

可

指

我

衣

乃有取而表章之者何哉。 者學桀紂之虐傷賦飲之重此可爲衰世之罪而不足爲郅治之累吾觀惠君之難而知鮑生之不中於雅論也而今 **裳逢女爲偶不假行媒可乎曰不可也然則有欲之性萌於受氣之初厚己之情著於成形之日而欲去君、**。 威未若庇體廣廈種梁嘉旨黼黻綺紈御冬當暑明辟蒞物良宰匡世設官分職宇宙穆如也今使居則反巢穴之陋。 尸布野流血絳路久而無君噍類盡矣且鳥聚獸散巢棲穴竄毛血是茹結草斯服入無六親之尊卑出無階級之等 **盗跖横行以掠殺良善端拱以待禍無主所訴無彊所憑(以上取抱朴原文)是冀生所謂救禍** 死則捐之中野限水則泳之游之出行則徒步負戴秦鼎鉉而爲生躁之食廢鍼石而任自然之病裸以爲飾不用衣 m 胸彌深 使無 **介者矣**。 所憚。

第十七章 陶淵明

山、 後為鎮軍參軍謂親朋曰「聊欲絃歌以為三徑之資可乎」執事者聞之以為彭澤令歲終會郡遣督郵至、 卷而所爲五柳 與劉程之雷次宗等結白蓮社修習淨土之業淵明每來社中或時纔至便攢眉迴去遠欲其入社竟不 廳東帶見之」淵明歎曰「我豈能爲五斗米折腰向鄉里小兒」即日解授去職居於栗里以終時釋慧 陶潛字淵明或云名淵明字元亮尋陽柴桑人少有高趣家貧起爲州祭酒不堪吏職自解歸躬耕自資途抱羸疾。 先生傳蓋以自況曰『常著文章自娛頗示己志』故每讀其文而想其德信哉昭明所謂 舘 縣吏白、 也有 遠在廬 馳競

之情 遺、鄙 **客之意** 祛貪失可以 **廉懦夫可以立」**(昭 明 、太子陶: 集序) 而世或僅以詩 人視之不亦淺乎。

已由淵 凋明發明聖道之功不亦偉乎真西山 其靜、 暢 **言禮則歸之仲尼言道猶依於李耳而淵明抗志聖** 學者習孔 則又曰『温恭朝夕念茲在茲尙想孔伋庶其企而』(命子) 假遠江陵夜行塗中)曰、 主 商 淵 **)**復 音。重 寤寐 明 之學迹近 明先發之矣然後知聖人之學正有所以達天德 取原憲之從志所謂尋孔顏 交輝。 華 ·氏多滯於章句之末罕窺於精神之表蓋六藝之傳半由子夏斯文學之科非性道之全也是以 去我 但 老莊。 恨殊世邈不可追。 大士世相專品 而實本之孔 「所說聖人篇」(答龐 弊襟不掩 氏故 樂處、 Ħ, (時運)旣取曾點之詠歸曰『榮叟老帶索欣然方彈翠原生納決履淸歌 「淵明之學正自經 其 肘、 $\overline{}$ 辞日、 周子 黎權 _ 語) 常乏虧豈忘襲輕裘苟得非所欽賜也徒能辩、 |門獨有異契日『延目中流悠悠淸沂童冠齊業閑詠以歸。 参軍 遊好 **心者在沈溺**? 咏風弄月以歸、 在六 補 經。 中來放 以伋望子則其以聖賢自期待可 先師遺訓予豈之墜。 **_** 章句、 (飲酒) 形之於詩 固不 有吾與點也之意(免於面牆剽竊 日、 T 的有不可掩, 詩書 敦夙 榮 虛 如榮木之憂逝 程子語)者不待宋儒、 好。 木 無亦 乃不見吾心](詠 知 而 (辛丑歲七月 自忘 也。 所 以 然 / 賈董諸儒 其家 自 戒 水 漢 其 寳。則 之歎 我愛 **学者、** 以欢、 赴

也。 (士之詠簞瓢之樂也」嗚呼若西山者庶幾可謂能 知淵明 者矣。

林。 夾岸 明 數百步中無雜樹芳草鮮美落英繽紛。 理想所託 尤在 桃花源一 記其辭曰『晉太元(孝武)中武陵人捕魚爲業緣溪行忘路之遠近忽逢桃花 漁人甚異之復前行欲窮其林林盡水源便得一山山。 有 小 Ò 髣髴者

犬相 作惟云甲子不瞢年號凡以著恥事二姓之義耳不知淵明慨想大同於詩文屢發之不獨桃花源記云爾也時運曰、 **今是何世乃不知有漢無論魏晉此人一一為具言所聞皆歎惋餘人各復延至其家皆出酒食停數日懈去此中人** 酒穀雞作食村中開有此人咸來問訊自云「先世避秦時亂率妻子邑人來此絕境不復出焉途與外人間隔」 有 至老死而不相往來者老氏之言也淵明亦志存禮運而取鮮道德者與。 花源記明言不知有漢無論魏晉淵明豈區區以晉之臣子自待者哉雖然甘食美服安居樂俗鄰國相望難犬相聞、 民與葛天氏之民與』蓋自孔子作禮運以後儒者言治惟及三代其跨三代而思躋於黃虞者淵明一人而已且桃 等疏曰、『元六月中、北牕下臥遇涼風暫至自謂是羲皇上人』五柳先生傳贊曰、『酣觴賦詩以樂其志』 語云「不足爲外人道也」」後之論者每謂此爲劉宋王業漸隆淵明有避世之意故設爲之說猶是義熙以後所語云「不足爲外人道也」」後之論者每謂此爲劉宋王業漸隆淵明有避世之意故設爲之說猶是義熙以後所 黃唐莫逮慨獨在予』贈羊長史曰「愚生三季後慨然念黃虞」飲酒曰「羲農去我久舉世少復眞」與子嚴 光便捨船從口入初極狹纔通人復行數十步豁然開朗土地平曠屋含儼然有良田美池桑竹之屬阡陌交通雞。 聞。 其中往來種作男女衣著悉如外人黃髮垂髫並怡然自樂見漁人乃大點問所從來具答之便邀還家爲設 無 懐氏之 問

第十八章 南北朝儒釋道三教之爭

佛法 白漢入中 國而 大盛於六朝推厥由來實以老莊之趣言虛言無與法空之旨不遠故淸談行 ൬

第二編 中古哲學史

之力、不 授引者、 於道二何佞於佛」 不全同又不全異。 聞 道 夫事家道教者頗多有之如晉書何充傳稱『都愔與弟曇奉天師道而充與弟準崇信釋氏謝萬譏之曰「二 上 其舊且理之可貴者道也事之可賤者俗也捨華效夷義將安取若以道邪道固符合矣若以俗耶俗則大乖矣屢 必異各成其性不易其事是以端委縉紳諸華之容翦髮曠衣華夷之服擎跽磬折侯甸之恭狐蹲 有佛國師道士無過老莊儒林之宗孰出周孔若孔老非聖誰則當之然二經所說如合符契道則 释 人 道齊乎達化而 一則符其迹則反或和光以明近或瞭靈以示遠道濟天下故無方而不入智周萬物故無物而。 (通公駁之(見南史献傳 棉排 僧愍有戎華論。 可 道經傳記符圖論至六千三百六十三卷(見甄憶笑道論)此皆漢時所無。 終乃不得不以 誣 中夏之風火焚水沈西戎之俗全形守禮繼善之教毀貌易性絕惡之學雖升車均於致遠、 也。 |然漢末道德神仙二家合爲道教既掇拾佛氏之設施以自恢廣北周天和。 下育妻奴。 有夷夏之別若謂 明僧紹、 <u>_</u> 南齊張融作門論亦言「 勢逼 有正二教論(並見樂僧滿宏明集)入主出奴斷斷 而擠排矣當時爭端之烈莫過於宋願歉(兩史隱逸傳)之夷夏論司徒袁粲、 上絕宗配嗜欲之物、)而謝鎮之有折夷夏論朱昭之有難夷夏論朱廣之有諮夷夏論釋 其致旣均其法可換者而 **吾門世恭佛舅氏奉道」信道信佛勢成對立於是向之**以理 皆以 禮 伸孝敬之典獨以法屈悖禮 車可 沙川、 舟可行! 陸乎今以中夏之性效 不已然觀歉論曰、 而歷觀史傳自晉以來賢 犯 順、 **曾莫之覺弱** (武帝) 不爲其入不同其 中玄都以 狗踞荒 佛 慧 丽 _ 通有 有川 也。 五 西 7戎之法。 뚮 佛 帝 道士所 陸之 流之粛。 三王不 駁夷夏 則 既託 歸、 道也。 近而 都諂 士大 為 見

中古哲學史

體、

遺

日、

國

經、

不

三破 生。 亂之本 善則 **小無微中而** 滅 入入 意 **]難見顯則正**; 名則 自然 人 詥 八所! 沙門守株道士交諍小大互相彈射或域道以為兩或混俗以為一 一親孝道 (絶由 校改、 身 释迦 者出第一破臼『 老子入關之天竺維衞國、 也。 **《為高破惡則》** 而 信博非精人所 反。 萃 此 成佛、 所以抑 破 在實則合但無生之交赊無死之化切切法可以進謙弱赊法可以退夸强佛教文而博道。 聖 頓 為失日用損廢無纖毫之益五災之害不復過此」第二破曰「入家」 從 身。 道 誡。 人 絕憂娛各異歌哭不同骨肉生讎服屬永棄悖化犯順無昊天之報五逆不孝不復過此』 有塵劫之數或爲國 一路易遵此二法之辨也聖匠無心方圓有體器旣殊用教亦異施佛是破惡之方道是與善之 雖 生之體一有毀傷之疾二有髠頭之苦三有不孝之逆四有絕種之罪五有亡禮 惟學不孝何故言哉駴合不跪父母便競從之兒先作沙彌其母復作阿尼、 揚其間者則 同 勇猛 而 入國 能佛言華而引道言實而抑抑則明者獨進引則昧者說前。 法有左右始乎無端終乎無末泥洹仙 |為貴佛迹光大宜以化物道迹密微利用為己優劣之分大略在茲』其於佛老異 而破興誑言說偽與造無費苦尅百姓使國空民窮生 因碀妙夫 不過夷夏禮 師 道士儒林之宗」以相佐 人 畫蹇、 俗之隔、 乘日精入其口中剖右腋 未宜改從此 花、 |證誣罔牽合尤授人以柄者也及於梁 何足以關奪事三實者之口哉。 各是一術佛號正 是牽 而生。 異以爲同破同 一人減損。 並引法 真道 而破家使父子殊 佛經繁而顯道經 稱正一一歸 華無 以 況不鑑而 則跪 為異。 《量壽腦》 至者依 (宏明 其 則 事、 教 無 衣、 簡 乖 兌 争之由 據玄 不 世 應 而 死。 第三 弟異法。 H 眞 有 本 幽。 丽 原作 **流食**。 所謂 起、諸 妙內 幽則 精。精 同、 術。 會

抑動。 指所 中國 佛佛亦不能奪道與儒故當時論者騎辯則各有所宗而修習亦三門並涉張融門論謂專遵佛迹而及其臨終左手。 偽可知假使形翻無濟(原作際以意校改)神暗處飛戾天寧免爲鳥夫泥洹妙果道惟常住學死之談豈析 梁有寺舍而 **逮北周衞元嵩作齊三教論七卷其書雖不傳然元嵩本沙門今觀其請造平延大寺書謂『唐虞無** 瑟業始於觀禪褲鎮真識故精妙而泥洹可冀藥駐偽器故精思而翻騰無期若迺寨妙實藏遺智養身據理尋之其 再撫六合之外明者資於無窮教以勝慧鬧者戀其必終誑以仙術仙術(宏明集二字不重以意校補)極於餌樂。 猶是神仙不死之妄見是故劉勰造滅惑論因以破之曰『佛法鍊神道教鍊形形氣必終礙於一垣之裏神識 一原乃佛教東來談老莊者轉而趁佛於是撥有說無賽失君人南面之旨此道與儒遠而與佛近蓋一變也。 絕之何可得 皆已 観之以 妙在三 經老子右手執小品法華〈南齊書融傳〉陶宏景辟穀導引而詣阿育王塔自誓受五大戒〈梁書處 應世斬乎亂(撫教得崖英匪爾極矣。又云『孔老如來雖三訓異路。 道攻佛無猶操戈矛而冒彈石強弱殊矣雖然宗少文 眛 祚失者未合道也但利民益 得從。 (譯言正受) 胂通、 亂治也語見莊子逍遙遊)洙泗所宏應治道 棄變夏之淺談本人倫以立說義較進矣然曰「道家之教妙在 無生可冀詺死為泥洹。 國則會佛心 耳。 一 持論如 (即涅槃譯言滅度) 此、 而習善共轍也」(宏明 也純風彌彫二篇乃作以 (宋書隱逸傳)作論明佛而云『 其 必有融通儒釋之理者矣且 未見學死 精思 息動 得 集)然則道固不能奪 而 不得 一而無死 也。 佛圖 儒以弘仁道在 夫儒之與道 死 者 教化 八聖佛家 也。 而 之發各 理哉。 國安齊 士傳 此 則

明集)顧軟作論亦有佛是老子老子是佛之議然而極理雖一按跡終分故逮於隋唐終成三教鼎立之局而相習 既久跡亦兩忘又一變也此兩晉以來儒釋道三教分合消長之大勢也。 而非儒又一變也明智者出嘗欲通三教而一之故孫綽喻道著周孔卽佛佛卽周孔之言(綽東晉人喻道論見宏 既心翼長生而又依託佛義用相塗飾及其不敵途更據周孔之禮文以攻佛氏之空寂此道假於佛而非佛假於儒、

第十九章 范縝 附蕭琛

合名故宗論謂『事生之神其極雖齊而隨緣遷流成蟲妙之識而與本不滅矣』此言識之不滅也又謂『夫聖神玄 記 贱雖復殊途因果竟在何處。」子良深怪之然竟不能屈也先是宋時宗少文鄭道子並著論明神不滅。(少文所著 盛稱無佛子良問曰『君不信因果世間何得有富貴何得有貧賤』鎮答曰『人之生譬如一樹花同發一枝俱開盛 通經術尤精三禮齊永明(武帝)中竟陵王子良(武帝子)盛招賓客與爲殿中郎亦預爲子良精信釋教而鎮 | 欖弓)或假蒙莊薪火之喩(神不滅論薪火之喻見莊子養生主)然其所謂神者乃流轉之識與虛明之照之 **幕随風而墮自有拂簾幌墜於茵席之上自有關艦牆落於測糞之側墜茵席者殿下是也落糞溷者下官是也貴** 明佛論並見宏明集)以爲神案於形形有銷亡神無滅沒或引延陵嬴博之辭(明性論延陵葬子嬴博事見禮 齊梁之世不信佛者蓋尠矣乃獨有一范緝緝字子獎南鄉舞陰人少孤貧聞沛國劉瓛聚衆講學往從之旣長博齊梁之世不信佛者蓋尠矣乃獨有一范緝緝之子獎南鄉舞陰人少孤貧聞沛國劉瓛聚衆講學往從之旣長博

以桓 縜 巴。 纐 使王融謂之曰 大笑曰、 此旨不存則佛之教義將全隨瓦解縝既不信佛故爲神滅論以申其意(見宏明集)論出子良旣集僧難之又 迴 m 有舊以爲晉安太守遷尚書左丞而竟坐事徙廣州追遠爲中曹郎國子博士卒有文集十五卷今存者艬 | 譚新論| 地獄之報惟照不滅故有泥洹證佛之果是則純然竺氏之談旣非儒者之言神氣亦非道家之謂谷神尤不得 無思營之識者由 使范 形神之篇強相比附也(新論形神見宏明集然後漢書譚傳註舉新論十六篇篇名無形神不知何故) **—** 神滅旣 ,賴賣論取官已至令僕矣何但中書郎哉」守志不移如此、 心與物絕唯神而已故虛明之本終始常住不可雕矣』此言照之不滅也蓋惟 自非理而卿 執之恐傷名數以卿之大美何患不至中當郎而故乖刺爲此可便毀棄之』 亦可謂硜硜君子者矣梁武 識不滅故有 代齊因與 精而

異 奥形理不容一形神相 形 没 EL. 也。 也。 而 神 形即神也是以形存 神之於質猶利之於刃形之於用猶刃之於利利之名非 利 問 存豈容形亡而神在」 滅論解甚繁富要其大旨不過執形神是一而非二故曰「或問「子云神滅何以知其滅也」答曰、 Ħ, 神 故 以非質形故t 刨、 非所聞 則 《神存·形謝則神滅也』 問曰、「形者無知之稱神者有知之名知與無知卽事有 問曰「刃之與利或如來說形之與神其義不然何以言之木之質無知也。 非 角。 也」答曰「形者神之質神者形之用是則形稱其質神言其用形之與。 不得爲異 其義安在」答曰、 刃也刃之名非利 「名殊而體 也。 也。 然 問 日「名既已殊體 無刃捨 刃無利。 何得一」答 人之質有 神不得相 神郎 未 異。 聞刃

知也。 死。則 有如 有異 染 從何而至」答曰「是生者之形骸變爲死者之骨骼也」問曰「生者之形骸雖變爲死者之骨骼豈不從生 之骨骼哉。」問曰、「若生者之形骸非死者之骨骼死者之骨骼則應不由生者之形骸不由生者之形骸則此 果有如木之質而有異木之知矣」答曰「死者有如木之質而無異木之知生者有異木之知而無如木之質」 答曰「皆是神之分也」問曰、 形之 應變 無 生者必漸而 體。 知之質猶木無有知之形」問曰「死者之形骸豈非無知之質耶」答曰「 謝便應豁然都盡何故方受死形綿歷未已耶」答曰「生滅之體要有其次故也夫歘而生者必歘而滅漸而 為 死者之骨骼非生者之形骸耶」答曰「生形之非死形死形之非生形區已革矣安有生人之形骸而有死人 木之質而復有異木之知哉」問曰「人之質所以異木質者以其有知耳人而無知與木何異」答曰、 木之知以為神則可如來論 如 知死體猶生 絲變為 枯木以榮卽是枯無所復變也又榮枯是一何不先枯後榮要先榮後枯何耶。 有 滅歘而 如木之質而有異木之知豈非木有其一人有其二耶」答曰「異哉言乎人若有如木之質以爲形又 極機體 體也」答曰「如因榮木變爲枯木枯木之質寧是榮木之體」問曰「榮體變爲枯體枯。 ...生者飄驟是也漸而生者動植是也有歘有漸物之理也」問曰「形卽是神者手等亦是耶。 。 即是絲體有何咎焉」答曰「若枯即是榮榮卽是枯則 「若皆是神之分神旣能慮手等亦應能慮也」答曰「手等有痛癢之知而 也令人之質質有知也木之質質無知也人之質非木質也木之質非人質 是無知之質也」 應榮時凋零枯時結實又榮木不 絲縷同 時不得爲喻」問曰「生 問曰「若然 他安在 無是非 「人無 體 骨骼 而 者人 即是 問 有

然績 精氣也死而精氣滅能爲精氣者血脈也人死血脈竭竭而精氣滅滅而形體朽朽而成灰土何用爲鬼」鎭之說殆。 氣。 舆 分也」答曰「眼何故有本而慮無本苟無本於我形而可傷寄於異地亦可張甲之情寄王乙之軀李丙之性於 均。 丁之體然乎哉不然也」」夫昔王仲任舊有訂鬼之作矣(晉阮瞻亦有無鬼論惜不傳)以謂、。 中耶」答曰「若慮可寄於眼分眼何故不寄於耳分」問曰、 雖復有異亦總爲一神矣」問曰、「是非之慮不關手足當關何也」答曰、「是非之慮心氣所主」問曰、 五殿之心非耶」答曰、「是也」問曰、「五臟有何殊 之慮」問曰「知之與慮爲一爲異」答曰「知卽是慮淺則爲知深則爲慮」問曰「 石神之質。 陰陽 仲任 [惟一神何得二] 問曰「若不得二安有痛癢之知而復有是非之慮」答曰「如手足雖異; 亦有自亂其例者曹思文舉骨肉歸復於土而魂氣則無不之以相詰難(見宏明集)縝答之曰、【人之生也、 問曰「慮思無方何以知是心器所主」答曰「心病則思乖是以知心爲慮本」 稱 也陰氣逆物 相似然仲任又云「鬼神荒忽不見之名也人死精神升天骸骨歸土故謂之鬼鬼者歸也」又云「鬼神陰 鬼神。 神者 形之用。 入 死 亦 而歸故謂之鬼陽氣導物而生故謂之神神者申也申復無已終而復始人用神氣生死復歸、 稱 鬼神。 專主形質以 則仲任猶認有神於形之外也而緝則謂「 為言雕 形質則更無神。 别、 而心獨有是非之賦乎」答曰「七竅亦復何殊、 斯則大異於仲任而爲前 「處體無本故可寄之於眼分眼自有本不假寄於他 形存 神存形謝神 此 問日「何知不寄在眼等分 若爾應有二乎」答曰「人 儒道 滅。 兩家所絕未嘗 總爲 神即 **【**人之所以生者、 一人是非痛癢、 形形即神形 「心器是 而司用不 道也。 託艦

資氣於天稟形於地是以形銷於下氣滅於上氣滅於上故言無不之。」夫氣資於天形稟於地形氣旣各有所受明 是二本何得言形神一體乎以此見持辯之甚不易也。

為精關也且佛之所阿首為歐滅若經若論開喻實多而諧難者率牽引中夏舊籍罕及經論二藏當時學佛之徒機 斷手足殘肌膚而智思不亂此神與形離形傷神不害之切證也但神任智以役物託器以通照視聽香味各有所憑、 傷病以見神之託體於形曰「當人寢時其形是無知之物而有見焉此神遊之所接也夫人或夢上騰玄虛遠適萬 而思識歸乎心器譬如人之有宅東閣延賢南軒引景北牖招風西欞映月主人端居中醫以收四事之用爲若如 聞撫之無覺旣云神與形均則是表裏俱勸旣不外接聲音寧能內與思想此卽形靜神馳斷可知矣』曰『令人或、 里若非神行便是形住耶形既不往神又不離復焉得如此若謂是想所見者及其安寐身似僵木氣若寒灰呼之不。 非以爲體 論口鼻耳目各有神分一目病卽視神毀二目應俱官矣一耳疾卽聽神傷兩耳應俱聾矣今則不然是知神。 難 《縝之論多家而以肅彥瑜爲最彥瑜名琛蘭陵人縝之外弟也其難縝也一據夢寐以驗形神之不得共體。 也』梁書琛傳謂琛有縱橫才辯而與傳亦稱與外弟蕭琛善琛名曰口辯今觀此之所論辯固有之然未。 以爲器。 觀

第二十章 王通

權作用

一蓋可知耳。

遠方 然注 以甲 作者也迨於隋而有文中子文中子姓王名通字仲淹河東龍門人值隋之飢居河汾之間以著書講學爲業弟子自 宋以 程 記 傳、 卷叉中說十卷 十篇辨正 夫 門 則 伊 他 **四二十篇療** 川曰. 乙冠篇而本文與 入 謂、 至者甚衆唐初開國之佐如房(玄齡)杜(如晦)魏(徽)辞(收)之倫皆其門人也著禮論二十五篇, 取文 老 經之家補苴章句鮮能成一家之言北齊劉畫者著書十卷號爲劉子而多擴舊談文餘於義顏之推撰家 附 粹然儒 释 事. - 會則 年歲與史不合乃直疑其為阮逸僞託然吾觀 世俗之失而自序致其書言『非敢軌物範世業以整齊門內提撕子孫』若斯之類固不得傍 通依 其 『文中子隱德君子也當時少有言語為後人附會不可謂全書若其精粹處殆非荀揚所及』(見語錄) 而 !者仲淹一人而已至近時新會梁氏詆其強攀房魏爲弟子至斥之爲妄人 (中國歷史研究法朱子 八孔子論 Ë 審百五十篇續詩三百六十篇元經五十篇贊易七十篇謂爲王氏六經而多所散佚今存者元經十 儒 或有之矣若其陳王道明禮樂豈可誣乎是雖未必過於荀揚要亦荀揚之傳也吾以 丽 已中說者阮逸序(逸宋人)謂「子之門人對問之書而薛收姚義集 術 雖北 衰。 《分篇始末多與逸本異』 (龍 語揚 南 朝右 史儒 雄 儒燕齊趙魏之間橫經甚衆梁武 林傳序謂「 法 言例爲客主對答之說號曰 江左草創日不暇給以迄宋齊國學時或開置、 泖 陳同 集)是宋時逸本之外明有他本安在其能出於逸之手耶。 中說。 父類次文中子引謂、 (起自諸生亦 閣開五 說既 兩歧洪邁(宋人)容齋隨 館、建 獎鼎臣得唐本 而名之。 立國 而 勸 學、 課 未 時 mî 於齊州 學 博建之不及十 爲 筆又以 者稱 兩 舊 於儒 漢以 唐 李 濟 書 ·冠家。 林之 後兩 ${f \Xi}$ 物

第二編 中古哲學史

門下(見各別 議 亦 氏生千餘年後顧乃以是坐罪仲淹而於其實會不考其足存與否是果仲淹之妄耶抑梁氏之妄耶仲淹既卒弟子 云。 有 清義烏朱一 出於強攀則唐人豈能無言縱李皮司空皆誤信而房魏之後人亦不聞有辨之者何也夫唐人已無異。 此說但謂其子福郊福時之所爲要亦未是)會不知唐人如皮日休如司空圖並存文中子碑皆繫房魏 · 仲尼既沒文不在茲乎易曰、「黃裳元吉文在中也」 (坤六五爻騂)請諡曰文中子。」故至今稱文中子 集) 新無邪堂答問卷一有辨文中子真偽考證甚詳。 而李翺答朱載言書亦稱道中說比之於劉劭人物志(見李智之集)使數公者實非 說。 仲 於其 而梁 門

容貌斯立威嚴矣度其言察其志考其行辨其德志定則發之以審秋於是乎斷而能變德全則導之以樂於是乎和 誻 語 人 命 閕 丽 樂、 後之豈養蒙之具耶」或曰「然則詩書何爲而先也」義曰夫教之以詩則出辭氣斯遠暴慢矣約之以言。 諸 知 iffi 仲 不則喧德敗度。 、節可從事則達之以書於是乎可以立制知命則申之以易於是乎可與盡性若驟而語春。 先濟乎近然後形乎遠亹其深乎亹其深乎」子聞之曰「姚子得之矣」』(立命 後及也故不學春秋無以主斷不學樂無以知 淹 夫子矣春秋 曹之最精者莫過於言六經之次曰「 斷 驟而語書則狎法驟而語易則玩神是以聖人知其必然故立之以宗列之以次先成諸已然後 物 志定而後及也樂以和德德(以意 門人 有問 和不學書無以議制不學易無以通理四。 姚 椾 義「孔庭之法、 全而後及也。 日静日禮 香以 《制法從事 不及四个 [經何也] +而後及· 自 者非具體 禮記 秋則蕩志輕義驟而 《也易以》 經解之後 姚義! 不能及故聖 日「管 窮 醴、 則 理、知 未有 動

談玄之局下開宋儒心學之端而習章句言漢學者所爲聞之而顰眉咋舌者也。 繫)必也傳又不可廢也」」(天地)蓋仲淹之學自以直承孔子故曰『千載而下有申周公之事者吾不 失於齊魯汝知之乎」鬥瓊曰「然則 見也千載而下有紹宜尼之業者吾不得而讓也』(天地)以神契爲自得斯傳記者糟粕視之矣是則上結六朝。 也」子曰「白黑相 斯之凱 著明 《者也抑仲淹雖用經而不取傳曰『子曰「蓋九師』 渝能 無微乎是非相擾能無散乎故齊韓毛鄭詩之末也大戴 無師無傳可乎」子曰「神而明之存乎其人苟非其人道不虛 與而! 易道微三傳作 小戴禮之衰 m 春 秋 心書殘於 行。 買瓊 語 百、何 得而 本 易

知無識言道此得之於老者也惟有得於是故論之也無過鮮曰「詩書盛而 日、 何 非老莊 也」(立命) 以識言心此得之於佛者也『温彦博問知子曰「無知」 『天者統元氣焉非止蕩蕩蒼蒼之謂 仲 「三教於是乎可一矣」」 (問易) 政惡 淹亦 多門久· 日、 一 有得於佛老者曰『氣爲上形爲下識都其中而三才備矣氣爲鬼其天乎識爲神其人乎吾得之理 ,也齋戒修而梁國亡非釋迦之罪也易不云乎苟非其人道不虛行」『或問佛曰「聖人也」曰、。 西方之 矣。 日、「廢之何如」 教也中國則泥」」(周公)雖然子亦嘗欲取三教而一之矣。程元曰、三教何如。 然又豈獨三教而已哉夫通變之謂道執方之謂器通其變天下無弊法執 子曰「非爾所及也」」「子讀洪範讓議(子祖安康獻公撰皇極談議) 也地者統元形焉非止山川邱陵之謂也人者統元識焉非止圓首方足之。 問藏子曰、「無識」 秦世滅非仲尼之罪也盧玄長 』(述史) iffi 子 一其 以 室 無

謂

曰、

数

亂。

以救時死以明道荀氏有二仁焉。」(周公)無適無莫與時爲變嗚呼此中說之所以爲中說也。 有七制高祖孝文孝武孝宣光武孝明孝章也)其以仁義公恕統天下乎」(天地)世儒論人無三代以後之士。 而子謂『諸葛王猛功近而德遠矣』(問易)『或問荀彧荀攸子曰「皆賢者也」曰「生死何如」子曰「生 其方天下無善教(本文中子之言)故曰『安得圓機之士與之共言九流哉安得梟極之主與之共敍 周)世儒言治無三代以後之君而子曰、二帝三王吾不得而見也捨爾漢將安之乎大哉七制之主(九時哉。 綾書

第二十一章 隋唐佛教之宗派

下)曰三論宗羅什又譯阿彌陀經至後魏曇鸞以合康僧鎧(曹魏時人)所譯之無量壽經彊良耶、 佛九百年)曰成實宗以龍樹之中觀論十二門論(龍樹後佛六百餘年)提婆之百論爲依者(提婆出龍 佛 宗之初 所譯之觀無量謀經幷其師留支所譯之往生論名爲淨土三經一齡遂開淨土一宗而梁武時菩提達摩 集沙門八百餘人於洛陽譯出經論三百餘卷門人並講習之其以訶棃跋摩之成實論爲依者〈訶棃跋 教初入中國無所謂宗派也西晉以後譯經日多各有樣依門戶漸立鳩屋羅什當姚秦弘始中(弘始姚教初入中國無所謂宗派也西晉以後譯經日多各有樣依門戶漸立鳩屋羅什當姚秦弘始中(弘始姚 不 祖 立文字以直指本心見性成佛爲教號爲教外別傳此賢教下宗門異趣之始雖其以楞伽 亦有此 經是如來心地要門之語而觀其授受之際乃曰諸佛法印非從人得慧可覚心不得、 舍(劉宋 經 ^华東來、 厥後 樹 與

律 親基 玄奘 說教 傳 同 重 立天台宗(以 乃 亦 自 無 者. 時 僧 譯 並 教、 Ħ, 稱 為四等、 璨 為最上 齟 畏 俱 擷 稱 於是性. 埂 璨 靐 比 卽 舍 Ħ 其 漸 經, 傅 大日經 教四 精 丘戒二比丘尼戒及受戒 三藏 汝安 而 以 華. 道 ン六 利 呼 小乘 餘宗 心竟。 相 奥 糅 智 信、 法 頓 根 密宗以 (菩薩 飆 信 二家 俱 教、 者 成 鼬 **慧能傳之南縣** 傅 含。 凝 爲 五. 住天台山 ---弘忍、 說是為 部、 並見五燈會元菩提達摩大師 西 圓教是爲小 教、 教下蓋以此、 $\overline{}$ 俱 ŷ 專 接 唯 創。 遊、 故 是 舍、 中 識 親 密宗亦曰眞言宗令之喇 (羰通別) 宗一 小機、 (得名) 爲 具云 土所 受學 Ŧi. 於戒賢 青原、 行、 祖) 既分南 、犍度三安居犍度四房舍犍度犍度譯云法聚曹 始 म्म 二通教、 日 _ 終頓 圓四 杜順 然 法 毗 西 達 丛 相宗簡 是時宗 無此 論師。 通前 離俱 教華 南嶽懷讓禪師 圓五 女性 合譯日 11.二派(解相宗 社名法 派雖分 本 歸 殿則 廢教 教天台四教、 也 而 (通後別) 窺 傳 **判爲五数一悬法小** 傳 嘛教其 性宗 基又以 順) 猾 對 成唯 南六 則 未 肯原行 法 起於智 濲、 識 本 盛 如 圓、 知 禪宗 其傳初 流裔 世親所 華 也。 袓 論以 聞於 為聲 悬 思 殿 **西顕華殿** 能、 弘唯 也、 是、 而立 闢 師 開綠覺菩薩共說三大乘別 隋唐之交智顗 北則 師、 著 不在楞伽文字此 者多 叉 而禪宗自 陳興 華 乘教爲小機說二大 識、 西竺口 殿宗。 成 復分潙仰へ 神 五 $\overline{}$ 部論 成唯 秀 諦三 一教起於賢首賢首願再 也當時謂 丰 矣。 一般先 授之 教各殊一 魏 麣 五. 時 論、 亦 蠫 旣 南 有譯 義、 弘忍 稱 曇 而 獨 西竺作者有十家 廖 道宜明 更作 之南 異 嶽傳馬麗 智 後. 本 徃 者 乘始教三大 加 於 世 能 泚 教、 不 大 他 雞 達 記 幕 合。 師 洮 四 親 譯、 宗 道 秀 壁 以释 傳 分 典 者 律宗 天台 律. 見五 傳 訶 也、 本 也。 奘弟子 隆 慧 乘 棃 法 唐與 以完。 說、四 一傳 四 可 禪 燈會 跋 文、 料 華 P 厰 而 家

實在者所欲入至若戒律所以行持與儒者之禮本無攸別然方內方外殊宜異便其不見取自無論耳茲 三者於異日儒者理氣心性之談頗多資益蓋三論唯識苦於繁密非樂簡易者所能窮異言淨土近於神幻又 大乘居八(漢時佛教初來所齎皆小乘經典中土之有大乘以鳩摩羅什爲嚆矢)八者之中亦惟天台華嚴禪宗 斯又一宗之內枝條羅布韓非顯學謂墨分為三儲分為八以彼例此不猶簡乎然綜此十宗小乘居二(成實俱舍) 此 清凉院後周顯德中卒南唐主賜諡大法眼禪師是爲法眼宗)五宗(五宗中雲門法眼爲五代時人餘皆唐人) ¥義存義存傳文偃住韶州雲門山是爲雲門宗) 法眼 (義存傳玄沙師備師備傳羅漢桂琛桂琛傳文益住金陵 山、 住鎮州臨濟院是爲臨濟宗)曹洞 百丈懷海懷海傳靈祐住潭州潙山靈祐傳慧寂住袁州仰山是爲潙仰宗)臨濟(懷海傳黃葉希運希運傳義玄、 觀華嚴之法界玄門禪宗之參究詳其大概餘者七宗則有佛教之專書在不復逃爲。 良价傳本寂住撫州曹山是爲曹洞宗)霎門(希遷傳天皇道悟道悟傳龍潭崇信崇信傳德山宣鑒宣鑒傳書 (靑原傳石頭希遷希遷傳藥山惟儼惟儼傳裳嚴曇晟曇晟傳良价住 舉天台之 一瑞州洞 非求

定慧此 無所忘忘無所忘、 香 天台止觀法門本於佛言定慧(佛以戒定慧為三學)蓋止是定因慧為觀果由定慧而起止觀即以止觀而證 **法爾如然** 法 是謂六廛謂之廛者以染汚義故) 塵遺 ,非由設作也然何者名止夫念非忘廛而不息廛非息念而不忘(眼耳鼻舌身意是謂六根色擊 |非對息無能息念滅非知知滅對遺一向冥寂闃爾無寄妙性天然(永嘉集正修止觀第九) 慶忘則息念而忘念息則忘廛而息忘廛而息息無能息息念而忘忘

於此六 於此 台 則 而 者 IL 齊定慧修 觀 生、 六 略說 具 也。 生 止 事中 於 之大 事 而止 無 也。 有五一對治初 中 能 何 -修是為 心故統曰一心三觀又說之不過止觀二法行之則 槪 修、 jł: 観二 生。 是為 | 觀歷綠對境修者略說有二所言綠者謂六種綠一行二住三坐四臥五作作。 也。 生 一無能生 門析之亦爲空假中三 觀。 歷線 對 夫 境修 境 修 雖 非 心臟亂修止觀二對治心沈 止觀。 Jr. 智而 智 觀。 而 不了智非境 而六綠六境隨所修習一一 所言境者謂六塵境一 非 有了 觀。 無 止 所 **山者觀空觀者朝** 了、 而不生。 雖 境 智生 呼病修止觀三、 īffi 眼對色二耳對聲三鼻對香四舌對味五身對觸六 非 觐 無。 則 假。 皆具上五番之意へ 了境而 無 有 ıĿ 卽 深淺多 不 而 一随便宜 生境了 非 無。 įĖ, 有 門一者 觀 卽 修止 非 則 而 智生 非 有。 - 観四對 有無 於坐 觀、 智者 非 m 雙照、 中 止 了。 小止觀正修行第六 修。 非觀、 智生 冶定 $\widehat{\underline{\mathbf{r}}}$ 炒 中 悟 而了了 gp 者 細心 袓 歷 蕭 止 然。 臥 綠 gp (切) 六言語。 修治 對 無 觀、 所了**。** 同 是 境 意對法。 之謂· 上 觀。 修。 此天 五、爲 丁境 坐 是 中

卽、 故。 大 小 事 者 諸 殿 · 互容重 理事 事 衆生色心等法一一 法界玄門者以一 無礙法界微妙難識故又詳說十門一 無 重 **礙法界謂理** 無盡 故是爲四 其 由事 差別、 法界、 法界。 顯、 各有分齊 萬法緣起於一心、 事攬理成理事互融故四 楊仁 (藏去聲 山 佛 者同時具足相應門如海之一獨具百川味二者廣狹自在 教初 故。 仍 爲 學課本詳見唐淸涼 心所 者事 者理 事 法 統 **泉**謂諸 攝故 無礙 法界謂 日 大師澄觀述華嚴法界玄鏡) 衆生色心等法 其 法界、 切 分齊 ر. 方 事 雖 便 法 有差 區 稱 別 性 别、 爲 融通、 四。 ım 戸 無礙 四 者 法界 多相 體 事 性 法

那二編 中古哲學史

之 内。 為壞總同 道。 初 五 如 學 九 因 者 別三者同相。 尺之鏡見千 者十 (佛 課 PE 秘 本、 密 羅 成三 世隔法 詳 教初學 者謂 隱 見唐 颐 者、 帝 俱 課 是爲圓融門別異壞三者是爲行 五不相 至相 異 释 里影三者一多相容不同門如一室千燈光光涉入四者諸法相卽自在門如金與金色不 娹 成 天、 本 門。 大師 門。 其宮殿寶網 如 因該果海果徹 遠爲同四者異相彼此不濫爲異五者成相一多緣起和合爲 如 秋空片 智儼撰華嚴一 夕之夢、 月、晦 重 期期 明 重 因源一乘之教斯 相 $\overline{1}$ 乘十玄門) 百 照 並。 年。十 六者 如 布門面 者 南 微紭相容安立 鏡互 主 此外又說六相一 伴圓 其至矣。 照. 說行布法圓融卽在行布之中說圓融 (傳耀 明 具 門如珑 相寫。 此 僡 門。如 | 華殿 者總相一即 北辰 者託 璃之瓶盛多芥子。 法界玄門之大概 所 事 顯 居、 法生解 《星皆拱。 成六者壞相。 具多 |為總二者別 門。 七 也。 是為十 者因 如 法、 攀 洰 行 諸法各住本位 布 支門。 豎 耀 臂、 卽 相。 網 境界門。 相 在 多 爓 圓融 卽 佛 月 非 教 皆

覺合塵以 所 法源無二今欲 更 無 禪 槃妙心實 是爲 門 為六度之一 路。 最上 是 然禪 迷惑、 朋 和 乘 有 풽 多種。 (六度者) 流 無門微妙法門不立文字教外別 雕。 蓋自 何 轉 生 以 **元**。 故 有外 修更將何證當知衆生與 如來在靈山 世尊 道禪 布 施二 有 佛有十二 [會上拈 凡 持 夫禪、 戒三 一忍辱、 花示 種稱號如來世尊皆其一也)自云『 有 小 佛原同 傳、 衆。 乘禪、 四 摩訶 付囑摩訶迦葉』(精 進、 有 大乘禪! 此心容寂填常本 迦葉 五 繭定六 見 卽 智慧、 **唐圭峯大師宗密** 西天初祖 見大梵天問)而實萬行之根。 个爾清淨祇! 破顏 我 佛決疑知 微笑。 禪 本意唯為一 以無始以來 源 如來 諸 故 經 學 詮 Ė, 佛 集 為妄想 自是祖 大事 必須 吾有 惟 因綠 達 伛 所 祖 禪。 正 壓 故出 翳背 拾此 相 法 門 傳, 眼

用心除二 **寶** 筏。 以 現 是你 夫郎 迷。 露古德所謂 念 然後 儖 心中自見本は 修 於 靜 佛煩惱即 (其言曰、 世。 念歸 通。 坐蓋 無所 不肯去下 必須一心無二向身命源頭窮取著落更無躱閃更無退轉直待情識俱盡知見不生方得本來 田於 辔 於本 一時粥 相。 謂 見楞嚴等經、 |證無所證(意本宋永明壽禪師宗鏡錄)譬之旅人返其故居但獲舊有更無 灰中 性 - 覺是之謂悟迷迷相續是爲衆生悟悟一如是爲諸佛而佛爲衆生其心不減衆生 融自本心見自本性。一曰『當知愚人智人佛 死 此 清淨、 菩提(菩提此云覺道)前念 飯 志做工 是難用心處。 火爆死後重甦者也(語見五燈會元)此禪宗參究之大概也至若隨濟逢人便加 $\overline{}$ 有參究之功達摩 自修自行自成佛道」 夫。)一大事者欲衆生出生死海登於覺路耳然迷者自迷悟亦自悟一念雕 趙州云【汝但究理坐看三二十年若不會截取老僧 <u>-</u> 趙州從稔出南泉普願門下馬祖再傳也以上並見五燈會元)蓋疑然 東來面壁十有九年已爲後人示之榘矱黃蘗 法。 所謂 迷卽凡夫後念悟 達者知通爲 修證 者、 如是 庶 即佛。 性本 而已雖然悟則不難難 無窓 前念著境即 無差別只綠迷悟 焉。 煩惱。 頭去」又云「老僧 不同、 後念 者不 云一道些 悟是以 維境 餘剩。 所以有愚有 令夫六 關 gp 一成佛、 有坐 菩提。 模子甚是容 於虞心是之謂 智。曰、 禪之 袓 本 四十 棒 面 日, 疉 壇 嶋 Ħ, 後悟寒 法、 經、 不 年 炯 -增。 是 仰 易自 於念 然豁 へ来 不 凡凡 雜 示

亦 · 企曹 上三宗雖門戶不 路(即六重 慧能住韶州曹谿)待其印證主革為華嚴 同 īm 約之法界一 心即 亦 未嘗 分隔。 故永嘉 五. 驒 1組(主峯名宗宏 師 名 玄變、 永嘉 華殿初祖 集、 《其所》 杜順、 著也、 精 膩 智 習 天台止 儼

教惟

作圓

同

E

機用各殊都無

死

賢首大師法藏四祖澄觀主拳師澄觀)而纂集禪源諸詮集融通禪教謂『經是佛語禪是佛意諸祖相承根本是 會乎此斯於如來之教無遺蘊矣又豈特華嚴等三宗而已哉。 佛親付」由是言之禪者諸門之究竟而止觀乃禪之工夫法界乃禪之作用由工夫而得究竟由究竟而起作用能

第二十二章 韓愈 李翱

專其專。 以黜佛老謂「先王之教在仁義道德堯以傳之舜舜以傳之禹禹以傳之湯湯以傳之文武周公文武周公傳之孔 仲 子孔子傳之孟軻自孟軻死不得其傳』後世道統之說蓋自愈發之又謂『。 佛骨貶湖州刺史移袁州萪召遠拜國子祭酒穆宗時以吏部侍郎卒官諡曰文有集四十卷又外集十卷而作原道、 IE. 其國欲治其國者先齊其家欲齊其家者先修其身欲修其身者先正其心欲正其心者先賊其意」 淹數子之傳也愈字退之河內兩陽人(從董逌說)貞元(德宗)中擺進士第累官至刑部侍郎以諫一 有唐 ĮĽ, m 老子以煦煦爲仁孑孑爲義」比於坐井而觀天此豈爲能知老子者不知老子而欲罪之可乎哉蓋愈 誠 一代释宗叠出大師。 以此爲佛氏之罪今以合之六祖「在家亦得修行不由在寺」之言(壞解)則彼何圓融、 意者將以有爲也今也欲治其心而外天下國家滅其天常子焉而不父其父臣焉而不君其君、 而儒徒但有文人更無學者論家好稱韓愈列於荀重揚王號前五子然以予觀之實非 傳曰「古之欲明明德於天下者先治 而此何狹隘乎。 然則古之所 民焉而不 憲宗迎 平生 謂

或在

所 心之所得。 聖 力於交爲 人之道必自孟 多於學則 此乎。 子始。 淺故 **-**又其 以其言矜 讀 荀 子、 氣而不能平 稱 孟氏 情多如 爲 **一个。** 此。 然愈極貸孟子既屢道之而 而 荀與 揚、 別大醇 Mi 小 疵。 亦似 送王塤秀才序、 非漫為 計 下 者。 然則 求

有焉、 焉而 之品 者七。 之要皆本之孔子性近習遠智愚不 者 也 其 混、 P 益 也。 文之言 有三而 百 者 則 已 同 耳然五 喜、日 少反 矣。 也下焉者之於七也亡與 人之所以 時 可 共 也。 詥 焉。 所 怒、 其 性 П 牲 日哀、 以 者、 所 其 於四 常 者有 (於四 統 爲 以 有 於仁。 爲 聖 性 原 日 李 也 懼、 也混。 者 情 性。 混、 人 翺。 者、 五。 耆 將 謂上焉者 日 目, 莊 下焉者 愛日 一性 性也。 日仁、 七。曰、 以 爲 醴 爲 甚、 惡、 何 也 目 人之所 其 乎、 移之 之於五 過 信 主於一而行 直 曰欲上焉者之於七也動 禮、也。 者、 |情而行者也情之於性視 與 Ē, 乎、 日 飲 [性之品] **一說非自**2 Û 信、 生 義平、 遠 怒其 俱生 也、 日 矣。 ,智乎將 翺、 反於一 義、 於四下 字習之。 人性者、 愈而 日 有 书 智。上 也。 上 始發也。 而悖於四性之於情、 情也 情 爲 中 焉 隴 焉者之於五 下三。 也。 非 者、 鸸 者 喜怒哀懼 西 而處其 平. £ 接 成 反 栫 焉者、 非 其品。大性有上中下賈生言之王充言之荀 於物 紀 於 愈. 人。 信 兼 也主於 情 善焉 乎、 而 中,用者之於七也有所甚有所 而生 愛惡欲七 亦 非 貞 侼 性 親其品 者 義 於 以立論又標之以五 丽 元 已矣。 乎、 四、 ---也。 中 性之品 丽 者皆情之所為 進 非 可 士嘗 也謂 智呼。 行。 中 情之品有上 於四。 焉 有三而 中焉者 者、 學文 是 中焉 非 可 於 遺 不 中下三 者之於 常序之以七情、 少有] 其所 也。 愈。 得 而 有復 於 情 上下 以 反於一 辭 旣 亡然 其所 昏、 五 也。 爲 性 톙 也 下 性 性 不 斯 以 焉 叓 者 而 丽 篇。 爲情 悅言 不 於是 求合 於 於 者、 Ŧ. 四 少 情

音

爲

性 Ħ, 源 矣夫阴者所 4 祝 Ħ ጘ 非 Щ 也。 性 矣此 其所以 性 斯 其 沈。 姓 能 性 وبييا ifii 又旧 者豈 矣。 清 đά 之過 生。 1111 知 非自外 者、 故 知 邪 眀 矣。 JĮ. 情 之性、 性之品 情之為 也也 情昏 不 $[\tilde{p}]$ 妄 1¢ ____ 本 不 以對任。 親其 聖人者人之先 **4** 以 也、 者 É 嶌。 得者 性者 鑒 謂 邪 也。 情、 凊 有上中 於天 之猾 敢問 、性者嗜欲好惡之所昏 邪 也。 Ψ. 因 循 也能 昏旣滅 事。 邪 邪 人 環而交來故 性 。 百姓之性 旣 聖人 聖 萸 地。 者世 स्मा 下三情之品 人之 爲 盐 非 妄、 情。 心覺者也覺則 之性. 削明 朋 目 則 |其性而已矣』又曰、 其 性 肵 性 外 無 無 4 一覺矣覺則一 也一日、 復 亦不立 來 性不能充心情不作性斯充矣性與情不相先也雖然無性則情無所生矣是 所因矣妄情 與聖人之性 情 自 為略 也。 邪。 性、因 亦有上中下三而翱則謂 故 聖 明。 **八者寂然** 欲 矣是故誠者聖八性之也。 共 也非性之罪 情以 水之 無邪、 肵 運 渾 也, 波 則 弗 明。 平。 同問日、 感感 性、本 邪 性 性 差 性 E者天之命 何由 清澈。 不動、 本 也。 EI, 弗 也」問曰「人之性猶聖人之性嗜欲愛憎之心何因」 性 則 雖 生 然情之所 清明、 凡 其渾之也沙泥也。 一不 昏。 不往 失。 也。 及 拥 <u>___</u> 復渾 周 其 人之性猶聖人之性歟」 與昏謂之不 也聖人得之而 而 流六 復 人之所以爲聖人者性 到、 5香交相 復其性 矣。 也, 不言而 皆有 虚。 性 本 所以謂之能復其性也」問曰、 亦 節文) 邪 不 方其 者賢 攻伐、 同。 鰰、 生人 也安 明 不 不 未 惑者 渾 入 與 耀 愈言、 他邪妄 (循之而 之 诗、 (香、性 始有 īni 性、 性豈塗無 光。 也。 也。 日, 情者 性之於情 亦 本 窮。 雛 ilii 無因。 翑 不已者 無有。 故 11 水 桀紂之性猶堯舜之性 雖 性之動 情 Ų 有耶。 也。 人 終 也未 训 憨 視 不 也。 同 身 能 其 其 問 **灰**面 答有 不已 阗 也。 丽 性 ը 미미 百姓 復、 曰、 不 不 情之所昏、 情 聖 不 則 同、 自 情 而生也」 之 情 動 能 Λ 溺 覩 也。 也。是 於性 之性 沙泥 既復 然則 之而 情由 歸 者 其 其 鲱 性

憨則香口。 自翺始矣愈曰。「今之言性者雜佛老而言也」 不 其言性情即佛氏填如(本覺)無明(不覺)之變名也無明覺真如故曰情既昏性斯感矣無明無自性。 以 如 也。 自情因 明。 愈言學則愈不如翩翩仕至山南東道節度使檢校戶部尚書其卒也亦諡曰文有集十八卷。 情與性即又未嘗不相應然則愈之為說也執於一而鰯之為說也通乎無方矣雖然翺之說固有所受之者也。 性不 也性本弗失及其復也性亦不生與如起用、 眀 性而 相 者所 應 ·情曰情者妄也邪也邪與妄則無所因矣真如雖爲無明所**覆而其妙明本覺自在故曰人之性**猶. Ti 以對昏昏旣滅則明 性善而情惡此其大相逕處者也然翺又謂無性則情無所生情不自情因性而情性不自性、 亦不 立矣按此以尋其言蓋無一不與 或者以爲即對顯而 無明自滅無明旣滅則亦無真如 發然而翺之所至愈不能知 佛合然而援釋以入 之相可得故曰覺則 儒、 也故言文則 而 不 说。 否 見其 故曰情 囚惰 则感。 迹即 水

第二十三章 柳宗元 劉禹錫

天下而黃者世謂之地渾然而中處者世謂之元氣寒而暑者世謂之陰陽其烏能賞功而罰 再錫召還會昌(解 科。 李 順宗時 論性同時而可傳者則有柳宗元劉禹錫之齡天宗元字子厚河東人禹錫字夢得中山人並以進士登博 武宗)中官至太子賓客卒而 王叔文得幸引宗元及禹錫禁近欲大用及叔文敗皆貶遠州司馬(宗元永) 宗元稍 徙柳州刺史竟卒於柳州宗元天說曰、 B嗣乎功者: __ 州、 上前 禹錫朗州)久之、 玄者世 自 功禍 謂之 者自

轳 天也。 悪或 顏焉 足 婸 道在 本、 也、 故陰 iffi 欲 類授 制 福或可以 貿 駦 |法制其用在是非陽而阜生陰而肅殺水火傷物木堅金利壯而武健老而耗眊氣雄相| 自 乎天者法也法大行則是非爲公天下之人蹈道必賞違之必罰當其賞雖三旌之貴萬鍾之粟處之咸曰、 藝樹陰而擊斂防害用濡立禁用光斬材駁堅液礦硼芒義制強許禮分長幼右賢尙功建極開邪、 而厄」是茫乎無有宰者故自然之說: 隨之說勝焉泥於冥冥者則曰、 天典 몋 余日、 其強。 m 而 然。 時之禮、 善取之 算 然 人實影嚮(同 賞罰者大謬呼而怨欲望其哀且仁者愈大謬」其意大抵若此而吾觀其所爲天傳論終之曰、 以 顯、 也當其罰雖族屬之夷刀鋸之慘處之咸曰宜何也爲惡而然也故其人曰天何預乃人事。 不足以 天常 時 取。 以 日天而 執 不 則其說蓋亦本之道家而爲錫之爲說則頗異。 而禍或可以 肖 其 勝其非人之能勝天之具 所能以臨乎下非有預乎治亂云爾人常執其所能以仰乎天 **参**焉或 已矣福。 讏 $\overline{}$ 嗣 **苟免人道駁故天命之說亦駁焉法大弛、** 過而 兮可以善取禍兮可以惡召奚預乎天 必以 . 「天奥 修辱時以不辜參焉故 罪降福必以善來窮阨而呼必可聞醫痛。 脱腾点。日、 人寶刺異鑑度於畜木未嘗在罪春滋乎堇茶未嘗擇善跖踏焉而 盡喪而名徒存彼昧者方 「天典人交相 其 入日、 其天論曰『世之言天者二道焉拘於昭昭 |彼宜然| 勝耳其說曰、天之道在生植其用在 耶法小弛則是非駁賞不 則是 挈挈然提無 而信然理也彼不當然而 非 而新必可答」 、 易位 賞 非 實之名欲 有預乎 常在 君力 佞。 如有物的然以宰者。 寒暑云 抗 必盡善罰不 雄相 面 ·子言天者; 罰 固 常 人之能 長、 耶。 然、豈 在 雖告虔報 天之 湿 直。 弱。 莊 髄不 理耶。 必盡 宜。何 邃。 孔 也。 數 也。

魁也適有迟而生答曰「若知操命 海之覆也貂伊淄之覆也勢有疾故有不曉耳」問者曰一子之言數存而勢生非天也天果狹於勢耶」答曰、 數。 島司 存、 P 胁 雖 **郛邑然芍由乎匡宋雖郛邑猶** 華次乎邑郭求蔭乎華榱鲍乎饒牢必聖且賢者先焉否則強有力者莫能競也斯非人勝乎苟道乎處芮雖莽蒼獪 曰「者知旅乎夫旅者羣適乎莽蒼求休乎茂木飲乎水泉必強力者先爲否則雖蜜且賢莫能競也斯非天勝乎。 者、 在邦天理 起適有 也吾於一日之途而 亦天 将 人道 數一答日、 隣二 丽 其 心舟中之人未管有言人者何哉强 可威 知 勢耳彼勢之附乎物 迟而安亦人也適有覆而膠亦人也舟中之人永嘗有言天者何哉理明故也彼行乎江河淮· 就皆有所不然蓋與 也。 一勝也然則不 衣 知 「水與舟二物 | 舟乎。夫舟行乎潍淄伊洛者疾徐存乎人次舍存乎人風之怒號不能鼓爲濤也流之泝洄不能蛸| 含不可得而 其 所 自。 天非務 明乎天人取謝近也已」問者曰「若是言之則天之不相去乎人也信矣古之人曷引天爲」 故 德與 必也嗚條之風可以沃日。 \$勝乎人者也 也夫物之合幷必有數 莽蒼然是一日之途天與人交相勝矣吾故曰是非存爲雄在野人理勝也是非亡焉、 荀子爲近者然又曰『 而生猶影嚮也本乎徐者其勢緩故人得以曉焉本乎疾者其勢遽故難 怨不歸乎天生乎亂者人道昧不可知故由人者舉歸乎天非天預乎人爾」」 味效也」 何哉人之宰則歸乎天也人誠務勝乎天者也何哉天無私故 存乎其間焉數存然後勢形乎其閒焉一以沈一 問 車蓋之雲可以見怪恬然濟、 或曰「子之言天與人交相勝其理微庸使戶曉盍取 者 É. 「 吾見 其財爲 而 濟 者風 亦天也黯然沈、 水 等耳。 iffi 有沈 亦天也阽危而 沒有不沈。 以濟、 得以 海者疾徐不 人可務乎 / 曉焉江 適 二天 當其 非天 僅 爲

論、 者、目 能踰。 形常圓而 而 天地之內有 之宗元與 有必依於物 無形 之所 謂 受其 沛乎以舒其所見是故論性則愈不如翺。 元與禹錫書 雖 有所不能燭耳彼狸狌犬鼠之目庸謂晦爲幽耶吾故曰以目而視得形之粗者以智 表之立也有曲直而影不能踰非空之數歟夫目之視非能有光也必因乎日月炎餘、 以為 者子安所 天 形 亦 禹錫皆不信天之能禍 無窮 於髙 色常靑周迴可以度得實 無形 不能 而 者交相 後形焉今爲室廬而高厚之形藏乎內焉爲器用而規矩之形起乎內者也。 寓其數耶」答曰「若所謂無形者非 大面 乃日、 越乎 者耶古所謂無形蓋無常形耳必因物而後見耳焉能逃乎數耶」」推夫理之本以 不 勢而逃乎數蒼蒼之外亦更所謂無形之天是則不獨荀子所不言亦王充所不敢道者 勝而已矣還相用而已矣天與人萬物之元者爾」問者曰「天果以有形而不能逃乎數彼 能自遠於卑 凡子之論乃吾天說注 鬸 人者故禹錫謂『 小乘其氣於動用而不能自休於俄頃又惡能逃乎數 夜可以表候非數之存乎常高而不卑常動而不已非勢之乘乎今夫蒼蒼然者、 **輪天亦宗元不如** 疏耳。 子厚作天說蓋有激而 **-**、空乎空者形之希徵者 世不以是意 八萬錫。 有相同者耶然子厚天說純出於激。 |云非所以盡天人之故』 (見天 也為體也不妨乎物。 而 音之作也有大小。 而後光存焉。 而越乎勢耶吾故曰 視得形之微者也。 丽 爲 歸之數 用 所 而夢得天 謂 也常資乎 īfi 脢 矣。 英典勢、 而 萬物 幽

知架巢空穴挽草木 然宗元之論亦有過 取皮革饑渴牝牡之欲駭其內於是乃知噬禽獸咀果穀合偶而居交焉而 人者宗元作貞符封建論言『 人之初總總 而 生、林 林而 學學和風 雨 争睽焉 常起 计卷气 而 以副力大者 外。

者多並 大者表 以安 **排齒利** 之。 乎匡宋雖郛邑猶莽蒼然」之言正如一揆去彼知有弱肉強食而不知無仁義人類亦滅絕久 道怠者奪。」(貞符)以爲生人之初雖爭以力而其終仍以尙德爲歸此與禹錫「道乎虞芮雖莽蒼 其 連 民字故言人猶言民也)然後天下會於一是故有里胥而後有縣大夫有縣大夫而後有諸侯。 起而 建帥有方: 幽。 女性 以視 如子厚者又豈可僅以文人目之者哉宗元有集四十五卷又外集二卷夢得有集三十卷又外集十卷。 君 一稱韓 臣 、攀之長又就 伯連 商君開塞所稱、 什伍之法立。」(貞符)又言『君長刑政生故近者聚而爲羣羣之分其爭必大大而後有兵有德又有 齧 於是有方伯連 柳。 爪 八剛者決 神而 然如貞符封建論其議論皆韓所無。 後有天子』(封建論)其於生民由野而文以及君長德刑所由發生之故皆能 而聽命焉以安其屬於是有諸侯之列則其爭又有大者焉德又大者諸侯之列、 攀衆者പ兵良者殺披披藉藉草野**遂血然後強有力者出而治之往往爲曹於險阻用號**句 2帥之類則3 「上世親親愛私中世上賢說仁下世貴貴尊官」不尤至明而至確乎又言「 其爭又有大者焉德又大者方伯連帥之類又就而聽命焉以安其 而 |吾觀柳所為六離南岳等碑頗又會通儒釋之理殆似於李智 公有諸侯一 者遠矣世之言唐文 又就而 探其蹟 入。 **殉郛邑然** 丽 「德紹者屬。 後 聽命焉 唐 有 而闡 方伯 曲

中國哲學史卷下目錄

第十章	第九章	第八章 ·	第七章一	附論二	第六章	第五章	第四章	第三章	第二章	第一章	第三編	
呂東萊附陳龍川・・・・・・・・・・・・・・・・・・・・・・・・・・・・・・・・・・・・	張南軒胡五峯附見四七	朱子李延平附見	王荆公附藏東披蘇顯樹二二二	附論二程表章大學中庸	伊川程子一六	明道程子	碨子 ↑八	邵子附司馬温公	周子	宋儒之道學	近古哲學史 一	

B

|--|

目	第五章	第四章	第三章	第二章	第一章	第四編	第三十一章	第三十章	第二十九章	第二十八章	第二十七章	第二十六章	第二十五章	第二十四章
	顧亭林張蘭庵附見	黄梨洲	陸桴亭南陸撃奪	孫夏峯附獨僧座	清儒之標榜漢學	近世哲學史	章 劉蕺山黄石齋	顧涇陽高景逸	章 吕心吾	章 胡廬山附羅念座	章 王龍谿王心齊附續諸山	章	章 羅蝥庵	章 王陽明
=						一大		一〇九			00			八九

中國哲學史卷下

第三編 近古哲學史

第一章 宋儒之道學

川遂有「性卽理也」之言且傳經之與傳心其不能混而一之明矣不特是也宋儒卽言經亦有與漢儒大不同者。 非傳聖人之心也傳已之心也已之心無異聖人之心廣大無限萬善皆備欲傳聖人之道懷充此心爲耳」而至伊非傳聖人之心也傳已之心也已之心無異聖人之心廣大無限萬善皆備欲傳聖人之道懷充此心爲耳。而至伊 例亦有不純耳何以言之考史漢爲儒林傳本爲傳經而設故班氏首言古之儒者博學六藝之文其所敍列但及六 之心傳舍經而言心此門實自宋儒開之故明道告神宗有云『先聖後聖若合符節非傳聖人之道傳聖人之心也。 儒林傳乃有劉歆而無揚雄此無他其例然也夫宋之諸賢固有不能以傳經之儒盡之者矣令人有恆言曰薨舜禹 藝授受本末而止是以買誼董仲舒以傳春秋列名儒林而亦即別爲立傳又是時以儒術稱者應莫過於揚子雲而藝授受本末而止是以買誼董仲舒以傳春秋列名儒林而亦即別爲立傳又是時以儒術稱者應莫過於揚子雲而 儒之行今必別於儒林而謂之道學凱史例而啓爭端甚無謂也」顧吾謂宋史之傳道學無可識其可識者特自於 宋史於儒林之外別立道學一傳議者多皆之以爲「儒之名本不輕周程諸子雖賢要亦服儒之服言屬之言行 然宋儒何以能邁於古人此則大有得於二氏之数不可諱也朱子發(震謝上蔡門人程門再傳)作漢上易、

地五十 傳悟 契詞 之道家非諸子之道家) 即朱子於道家亦不能無關朱子旣為關息箴言動靜噓翕之妙 (見大全 以 郎李 泛言著作不得便執以爲作而非述也且康節受河屬洛書於李之才宋 爲佐 自有 師 麥兩 絕 亦 Ï. 云、 韻奥 無影響之談筆之於書陳之於君前哉。 頂 不 見大全集 。邵授受之非誣則穆周之事非出臆造可知也況漢上受學於上蔡(謝良佐程子門人) 證 等篇」胡五峰 非 篇 ij 者則 陳搏以先天罽傳种放种放傳穆修穆修傳李之才之才傳邵雅放以河罽洛魯傳李溉李溉 其 有五之數(收字先之號長民衞人所作易鉤隱圖在通志堂經解中)敦頤作通書程三 誇昌傳劉牧修以太極圖傳周敦頤敦頤傳程顯程頤時張載講學於程 雅、 至 清世 從而注釋之(雖名考異實注釋但託名於空同道士鄒新)而與蔡季通書亦稱參同契 潘清逸 者 者。 也。 宗收 夫參同調息之說、 故 陳 然亦即未全以爲不實至朱子乃始以爲太極圖通書濂溪自作非有所受之於人而 (宏字仁仲安國之子)通魯序曾為濂溪辨之謂「濂溪非止爲种穆之學者此特甚學之 入御 圖 與嗣濂溪之友)之濂溪墓誌然墓誌言濂溪作太極闔易說易通數十篇此 南 選 **摶、**) 語錄 非道家乎蓋自漢以來老莊與神仙合而爲一其言水火升降金 當宋之初隱居華山、)亦在元豐 (漢上進易說表 (神宗)之年其間致力於斯道者既衆則諸 至屢動天子之徵問(見宋史隱逸傳)而 亦言之)又不獨濂溪之有得於道 史本傳具詳之並謂之才之 不之間。 放雅 著皂極經 其 頤述易傳載造太和 公之必不能不與之 家 去 張平叔 傳遠 作之一 集) 傳許 也。 濂 丹配合之理 溪不 更 世 义以 堅許 此 書。 有 其所據以 字、 (伯端) 遠豈 媏 枚 漢 縫 祭同 亦但 堅傅 以後 陳天 館 4

若是彼始有見於佛老之理旣反索之於六經而亦得之且又應有儘有一無欠缺也於是乃信自有家實、 **言乎朱子曰『道家有老莊** || 水故其關 者、 是 菴 《所盜去卻去收拾破甕破釜』此非爲道家言之蓋爲儒者言之也又不獨朱子之心若是也宋儒之心蓋奠不 非故 四 歌陽修)二公立得定之言今觀龜山之書如云「總老(常總東坡常參之見五燈會元)言經中說 廱 病。 羅識唐官白淨無垢第八阿賴耶識唐首善惡種子白淨無垢卽孟子之言性書」又云『圓覺經言作 作即所 諱之則必其實不 佛關老非以讎之以爲實無需乎爾且釋道與儒言道則一言用則殊矣以中國堯舜以來禮樂刑 謂 助長止 魯卻不知看盡爲稱氏竊而用之卻去做做稱氏經數之屬。 知道與學者也或曰、 即所謂不耘苗任滅卽是無事」 [諸儒 既有得於二氏而又關佛 則是龜山自亦陷入於佛是故當時有謂某 關老何也曰是亦 譬如 **巨室子弟所** 有 故不見朱子之 有 而 無與 九 不 珍 識第 必於 於佛 止任

說

滅

九

歐

他

朝 濓 依 則 守毛萇鄭康 夫豈獨 類、 日、 一 而 泰山 備、 珋 毎 俥 宋 溪 說。 求 而 學、雖 禪學 此正宋儒善用佛老之長而無佛老之弊故明高景逸(攀龍)盛稱『 於空中書一正字云『于安定處得此一字用不盡』由此可推見安定之教朱子謂『安定之傳不出 於大易吾未見其能盡於大易也專守左氏公羊穀梁杜何范氏之說而求於春秋吾未見其能盡於春秋 儒之學要淵 外、 注泰山實先倡之而安定之學傳之者有徐仲車(穬)仲車作荀子辯所以發明性善之說者甚備其教門人、 欲其絕父子黜君臣羣趨於髡髮逃世之教此必不能者也是以取其意而棄其迹斤斤於空實有無之辨如曰。 之門則有徂 释言性異處只是釋言空儒言實釋言無儒言有一曰『吾儒心雖虛而 其餘 明道一人哉宋儒之關佛闢老蓋大抵視此矣豈與昌黎原道之空言攻訐而欲火其書騰其居者同乎。 與辞艮齋書) 至 最害道莊老於義理絕滅猶未盡佛則人倫已壞至禪則又從頭將許多義理構 伊 緖 成之說而求於詩吾未見其能盡於詩也專守孔氏之說而求於書吾未見其能盡於書也』則講 洛 足以 而 徠(石介) 源於濓溪然而風氣之開則亦不自濂溪始棃洲宋元學案首列安定(沾被 精。 實 後學者 自三先生而始。 蓋大有見也三先生中惟徂徠較粗然其力距佛老亦大振當時僑冠之氣故有朱 當時所謂三先生者也吾觀泰山與范希文(仲淹)書謂 無有過於三 見黄氏日鈔)然則論倡導之功三先生者正未可沒也抑宋儒之學、 先生是以晦 翁有伊川不敢忘三先生之語。 明道先生看得禪 理則實若釋氏則一向歸空寂去了。 胡瑗 滅無餘」(並見朱子語 『專守王剪韓康伯之說、 而黄東發 () 泰山。 曹透識

得

弊

孫

復

ご而

也專

經不

(震)且

[於章句

代除

雖以濂洛爲正支而其別派旁流亦難齊以一例故有濂溪康節之太極圖說皇極經世卽有歐公(歐陽修)之以 之文獻再降爲深寧(王應麟)之考證東發之記誦是丹非素浸多爭執所謂源遠而末益分者非耶然而宋當金 河圖洛書爲怪妄斥繋辭非孔子之書有二程之推崇孟子卽有温公(司馬光)之疑孟盱江(李親)之常語辯、 老張目然此猶僅就濂洛初起時言之也至於南渡之後同爲伊洛之傳而有朱陸之異又旁出爲永嘉之事功東萊 |祗孟子爲背於聖人有歐公温公二程之闢佛闢老卽有東坡(蘇軾)之易解子由(蘇轍)之老子解大爲佛

以媚人吾不忍為也」達感悟囚得不死及判合州趙淸獻公(抃)時爲監司中先入語師之甚威先生處之超然、 事簿改南安司理委軍轉運使王逵慮囚失入吏無敢可否獨力爭之不得則置手版歸取告身委之而 元迭盛宗社再獲一時効忠之土猶出講學之徒語武功雖有餘慚言學術亦更無匹敵矣。 年知永州以清獻及呂正獻公(公著)薦轉處部郎中廣東轉運判官提點刑獄逾年以疾乞知南康軍因罷居盧 不爲意也後清獻守虔州先生改判虔清獻視其所爲大服之執手曰『抃幾失君今而後乃知周茂权也』 山連花卷下卷前有溪合於溢江乃取營道故居濂溪以名之清獻再鎮蜀復將蹇用而先生巳卒年五十有七時神 周子道州營道人元名敦實後避英宗舊諱改名敦頤字茂叔仁宗景祐中用舅氏龍圖閣學士鄭珦蔭授洪州分 第二章 周子 13日 7殺人 神宗初

宗熙事六年六月七日也先生之學或謂得之於穆伯長(修)及僧壽涯或謂不由師授獨出神悟惟清孫夏峯作 得於天人性命貞一之統」此言最爲得實而當時黃魯直 理學宗傳稱『先生汲汲於問學一時儒宿名碩雕不咨扣又時時從高人逸士遊故聞道最早而精明徼密、 厚於得民菲於奉身而燕及榮嫠陋於希世而尙友千古胸懷灑落有如光風霽月』(濂溪詩序見山谷全集)後 (亦以爲能形容其氣象云寧宗嘉定中賜詮元公。 (庭堅)謂「 茂叔短於取名而銳於水志薄於徼 超然自 福而

案先通書而後大極圖說未史(黎洲子百家)以爲圖說雜於老釋不若通書之純粹無疵故附之通書之後然吾、 太極動 發此 觀朱子訂正太極通書兩序(朱子全集七十五七十六)皆謂『濂溪之學之與莫備於太極一圓而通書之言皆 五性威動 五氣 一嶷乾道成男坤道成女二氣交威化生萬物萬物生生而變化無窮焉惟人也得其秀而最靈形旣生矣神發。 清逸誌周子慕謂作太極圖易說易通數十篇令易說已佚所傳者太極圖說易通而已易通今曰通審黃氏學 圖之蘊』且潘誌亦首舉太極圖則不先明太極圖說欲求通於通書未爲能知其本也圖說曰、 而生陽動極而靜靜而生陰靜極復動一動一靜互爲其根分陰分陽兩儀立焉陽變陰合而生水火木金土。 而眷惡分萬事出矣聖人定之以中正仁義而主靜(自註云無欲故靜)立人極焉故聖人與天 太極圖說 四時行爲五行一陰陽也陰陽一太極也太極本無極也五行之生也各一其性無極之眞二五之精妙合 「無極而 八地合其 太極。

德、

生

火相 實有 氏之說 於道伯陽則道而入於神 聖人 與萬物天之事 其黑為天下式為天 華 化生 變化 立 太 守 易 者 曰、 嚴 萬物、 極。 也又有佛氏之說存焉曰無極之其二五之精妙合而疑乾道成男坤道成女是男女各一太極 則流又水中有火乃焚大槐) 所 理 奥 天地 事 所 未 言 謂 萬物生生變化無窮。 無 者易 礙之旨 心人之合於道聖人之功也言天之事所以原其始言聖人之功所以反其終是故引易傳以 静互為其 合其德又曰原始反終故知死生之說蓋天人之理盡于此二百餘言中矣然太極圖。 物 言太極三 下式常德不忒復歸於無 太極。 苸。 、根日、 仙。 白、 物物 故陸象山始終疑太極圖說以爲是老氏宗旨不得謂其所疑 無 而 不言 聖人定之以中正仁義而 極 一太極。 是萬物各一太極也然而又曰五行一陰陽也陰陽一 而 無極、 太 合陰陽五行以言易始於揚雄變易而 極。 物物各具之太極 則 一也言陰陽 空而 極)金木水火之名見於莊子(不廢 於有日、 而不言五行二也無極之名見於老子(老子上篇) 主靜立人極此非禪門靜定之功乎然 即是物物共有之太極大海 太極 本 一無極。 則有 《爲金丹大道始於魏 m 莊子外物篇 不礙 攝於一波一 太極也則是男女萬物又共 於盗此非天台雙 無 因 木 也。 典 顧吾以 伯 火 波匝於大海。 陽。 相 說 屯。 雄 凝 雖 爲 提 百、二 日 則 則 知 空有之 其白、 明易 不 然、 終之 儒 氣交 獨老 金典 nn m 雞 守 日、

非

動


而博之以老釋

所以

此

威、

成其廣大也約之以易所以得其精微也周子致廣大而盡精微正以雜於二氏之故雜於二氏於周子何傷乎而疑 者既疑乎其所無庸疑諱者又諱乎其所不必諱以是翼霧旁與轉生障翳嗚呼講學者異端正學之見不除未有不者既疑乎其所無庸疑諱者又諱乎其所不必諱以是翼霧旁與轉生障翳嗚呼講學者異端正學之見不除未有不 而愈紛者也。



二通書

實萬分萬一各正小大有定」然太極圖說所以明易通書又不獨易也凡詩書禮樂春秋之理無不發之故曰「春 時運行萬物終始混兮關兮其無窮兮』第二十二章又曰「二氣五行化生萬物五殊二實二本則一是萬爲一一 萬物資始誠之源也乾道變化各正性命誠斯立焉』第十六章又曰『水陰根陽火陽根陰五行陰陽陰陽太極四萬物資始誠之源也乾道變化各正性命誠斯立焉』第十六章又曰『水陰根陽火陽根陰五行陰陽陰陽太極四 通書四十章所以發太極圖說之蘊故於陰陽五行之變化不啻反復言之第一章曰「鹹者聖人之本大哉乾元、

第三個 近古哲學史

秋正王道、 王制 不淫入其耳莫不淡且和焉淡則欲心平和則躁心釋優柔平中德之盛也天下化中(一作化成)治之至 道配天地古之極也」(第十七章)曰『樂擊淡則聽心平樂辭善則歌者慕故風移而俗易矣』(仝上 窮詩樂之妙也曰『洪範曰「思曰答容作聖」無思本也思通用也幾動於此誠動於彼無思而無不通爲聖人」。 卦不養聖人之精不可得而見微卦聖人之蘊殆不可悉得而聞易何止五經之源其天地鬼神之與乎。」以易爲五 至 經之源故學詩書禮樂而悉貫之於易又以太極爲易之源故學六十四卦三百八十四爻而悉納之於太極太極者、 而妄既發矣賊有虧矣欲復其无妄之誠其道不在誠而在思故曰『誠者聖人之本』又曰『思者聖功之本』(第 心誠者不息不息之道盡於乾故四十章始之以乾又誠者無爲無爲則止止之道盡於艮故四十章終之以艮然 其中而止矣』(第七章)是其機體之要也夫通書固自道之矣曰『聖人之精畫卦以示聖人之蘊因卦 第九章)是其损害之精也日「中也者和也中節也天下之達道也聖人之事也故聖人立教俾人自易其惡自 第九章)夫知幾者莫過顏子孔子之稱顏子曰顏氏之子其殆庶幾乎有不善未嘗不知知之未嘗復行也(見 醴) 我其作聖之思其用又不在思而在幾故曰『誠無爲幾善惡』(第三章)又曰『寂然不動者誠 法修教化三綱正九聯般百姓大和萬物咸若乃作樂以宜八風之氣以平天下之情故樂聲 明大法亂臣賊子誅死者於前所以懼生者於後也」(第三十八章)是其揭春秋之徼也曰『 也。 動而 **未形有無之間者幾也誠精故明神應故妙幾徼故幽」(第四章)** 又日こ 易日 淡而 知幾其 不 古 一也是謂 心或而 傷 以發。 和

聖功之本既聞之矣而第二十章言聖學之要又曰「一為要一者無欲」何也曰圖說不云乎無欲故靜夫惟靜而 易聚)是故曰、『發聖人之蘊改萬世無窮者顏子也』(第二十九章)又曰『顏子亞聖』(第二十三章)又 後能 曰『志伊尹之所志學顏子之所學』(第十章)然則周子之所以告人者其本末次第不旣彰彰矣乎或曰思者 也故曰一數而無靜靜而無動物也動而無動靜而無靜神也動而無動靜而無靜非不動不靜也物則不通神妙萬。 1.鼠天下, 宋有谂憧往來, 肌從爾思而可以極深研幾者無欲者用志之不紛思者與神而爲一思與無欲非有二 第十六章)嗚呼知夫動之無動靜之無靜則四十章之旨如指諸掌矣。

第三章 邵子 所司馬温公

可見而先生淳一不解汪洋浩大乃其所自得者多。今觀物外篇(觀物內篇先生所著之當外篇門人配先生之 於穆伯尼(修)因從受學焉故世傳邵子之學與濂溪同所自出然明道程子誌其嘉謂『穆李之言及其行事概 君臣亂其問有能爲小善者安得不進之也況五霸實有功於天下且五霸固不及於王不猶愈於觀乎安得不與之 也」一夫言意秋旣不必同於穆則其後日所傳象數非盡穆李之舊殆可推而得之蓋在百源數年寒不爐暑不順、 1)亦謂『邵某受春秋於尹師魯師魯受於豫伯長邵後復攻伯長曰「伯長云春秋無褒皆是貶也春秋醴 邵班字堯夫其先范陽人從父徙共城居蘇門山百源之上時北海李挺之(之才)攝共城令得先天聞書之學

日、 潁州團棟推官皆固鮮乃受竟稱疾不之官熙寧十年卒年六十七方疾温公橫渠明道伊川晨夕候之橫渠喜論命、 推爲風流人豪卽其襟度可知也嘉酤中(仁宗)詔求遺逸留守王拱辰以先生應詔授將作監主簿復舉逸士。 公(光)皆退居在洛雅敬先生爲市園宅時相遊從先生歲時耕稼衣食機給而燕笑吟哦未嘗有拂逆之色或 元祐 小車出遊城中一人挽之惟意所適名其居曰安樂窩自號安樂先生每日『學不至於樂不可謂之學』故程子 學旣通以洛陽爲天下之中四方賢士大夫之所輻輳也遷居之當是時文潞公(彥博)富鄭 中賜諡康節所著有先天圖皇極經世觀物篇漁樵問對等晚尤喜為詩詩曰伊川擊壤集而自爲之序。 就 先生 探蹟索隱必有自得於師傳之外者此與濂溪傳种穆之太極圖而其說不必途卽种穆之說正 論 命否當推之。一曰『若天命則已知之矣世俗所謂命則不知也』橫渠曰『先生知命矣載尙何 公(齊、 司 例 馬 也。 補 先

一先天圓

見之說 之名則孔子贊易無有是也然猶可日易有太極是生兩儀兩儀生四象四象生八卦本繁辭之文也至置乾於南、 因對文王後天之卦而言故曰先天卽今朱子易本義列之卷首者也然文王之八卦其次序則乾父坤毋、 氏先天圖有四一八卦次序圖一八卦方位圖一六十四卦次序圖一六十四卦方位圖謂伏羲所費之卦如此。 女坎為中男雛 。桂 m 邵氏八卦 次序圖以一 為中女長爲少男兌爲少女其方位則離南坎北震東兌西巽 分為二三分為四四 「分爲八於是陰陽之中復分太少而有太陽 東 不南乾西北 坤 少陽 西 南、 震爲長男、 太陰 艮東 少陰 北。

六十四 遊。 天 對之本也又曰。『三日出為爽震受庚西方八日兌上丁上弦平如 全 + 本 取 十三。』是八卦方位取篾巽艮兄相對之本也又曰「 相 卦位 北。 昧大道則有不可且參同契曰「牝牡四卦以爲橐籥」四卦者指乾坤坎雕也是康節八卦方位取乾坤坎 北乎火果在東水果在西乎是故黄晦木(宗炎梨洲之弟)作先天卦觸辨略(見宋元學案百源學案) 坎塡 明 又 謂、 游水 白 置離於東坎於西震於東北兌於東南巽於西南艮於西北以爲方位之圖而謂「自震至乾爲順自巽至坤爲 卦方位陰始於姤 | 卦方位: . 圖說) 八卦之中而 (離之法 簡 也。 火不 月窟者 易。 **-**數往者順於 而康節裝淺安排全昧大道」蓋以以圖合易牴牾實多也雖然康節之圖裝淺安排則誠然矣而 医也六十四 陽始於復而 相 時 別言其: 陰之微也天根者陽之發也三十六宮者卦之不易者八(乾坤坎離 觀 **買窟**。 若順天而行是左旋也皆已生之卦也知來者逆若逆天而行是右行也皆未生之卦 而極於坤之本也蓋丹家以乾坤爲爐鼎坎雜爲藥物以六十四卦爲火候八卦 卦方位所以表抽添火候之功也康節所得之於李穆者如是而已矣抑康節之詩嘗有之 地逢雷處見天根天根月窟閒來往三十六宮都是春』夫乾遇巽者姤|||||也地 性情非言其方位 或順! 極於乾之本也又曰「 或逆恐說卦所謂數往 也若 以天地 姤 朔旦爲復陽氣始通乾健盛 始紀緒履霜最先道窮則反歸乎 相對 者順 知來者逆未必若此且說卦言天 而列於南 縄十六轉受統巽辛見平明。 北水 火相對而列 丽、 廣被 坤元。 頤中孚大過小過)反易者 於東 四鄰。 及直於 (地定位、 西則 صا 中 有 天 中 温川 **芮**南、 省文) 果 方位所 有 省文 在. (也)(先 通 育、 逢 下 是六 弦二 雅 謂 地)是 易 果 其 相

於

在

風

為知易 也康節 觀物 天學心法也圖智從中起萬事萬化生于心也。且以心法觀丹歌則丹歌非小術也以心法 二十八合之三十六猶言六十四卦也都是春者火候勻而藥物熟也以詩證圖則 而康節猶慮人之不能通其意而或以京焦(京房焦延壽並見漢書儒林傳) 5日『風難! 孟子之言未皆及易其問易道存 無文語終日言而未嘗離乎是蓋天地萬物之理盡在其中矣』又曰、 爲但人見之者鮮耳人能用易是爲知易如孟子所謂善用易者也」(皆 之數失之也。 其以 『知易者不必引用講解是 丹款言易康節豈自諱乎然 故圖說 觀卦 圖, 則 直 揭之日 卦 副 非 異 光 說

之大剛柔盡之矣陰陽盡而四時成焉剛柔盡而四維成焉天生于動者也地生于靜者也一 日太陰爲月少陽爲星少陰爲辰日月星辰交而天之體盡之矣太柔爲水太剛爲火少柔爲上。 盡之矣動之始則陽生焉動之極則陰生焉一陰一陽交而天之用盡之矣靜之始則柔生焉靜之極、 一柔交而地之用盡之矣動之大者謂之太陽動之小者謂之少陽靜之大者謂之太陰靜之小者謂之少陰太陽爲 丽 五. 觀 地之 行而觀物篇不用五而 外篇)由是論之康節之圖雖不與易合倘亦所謂善用易者 篇者康節推其卦聞之意以觀萬事者也曰「物之大者無若天地然而 體盡之矣。 飘 物 簱 (觀物内篇、 用四官天則四象日月星辰是也言 中有節文)其言陰陽動 靜亦與濂溪太極圖說合然而太極圖說陰陽之下則 地則四體水火土石是也推是以言天變則寒 非耶。 亦有所盡也。 動 天之大陰陽 少剛爲石水火土石 静交而一 則 剛 盡之矣地 生 天地之道 焉。 暑盎 附

有

交、

夜。 之道、 萬物、 管在 則 觀 奎 言 分陽分柔分剛者、 蓋合內外而一之以求無乎不貫是康節之學也然於觀物曰「 之以心 倍法」(語錄 災 者 性 元 為元、 上面 會 言 調其館 則萬物 也、 盡于人矣」(皆觀物 上藏天時下盡 不以我觀物 地 日『性者道之形體也』 運 () 言經、 化、 轉。 世、 也非觀之以 災 則 爲物。 **外之便透想得一** 歲 月日辰。 雨 心觀 빓)則其不取五行亦因於數而然非有他意也抑康節 則詩書易春 風露雷以言動植之感則性情形體。 天地萬物之謂 者以 道觀 地 (一時 萬 心而觀之以 理、 物觀物之謂 天地則天: 心一身觀萬身一世觀萬世者焉其能以心代天意口代天言手代天工身代天事、 中盎物情通照人事 内 ·秋言治則皇帝王霸故朱子曰「康節其初只是看得太極生兩饑兩儀生四象心只。 篇 那 為長十二辰 也。 是以 也一个 撃壌 備天地萬物者、 理 地亦爲萬物道之道盡于天矣天之道盡于地矣天地之道盡于物矣天。 便成四片其法四之外又有四焉」(語類 也聖人之所 其 集自序) 內篇)其又斥以心觀物以我觀物何也。 言太極 為日三十日為 一者焉。 ,其言聖人也に 以能 もこ 其能以獼綸天地出入造化進退古今表裹人物者焉。 人之謂也』又曰「 以言 道為 月十二月為歲三十歲為世十二世為運三十運爲會十 動 萬物之情者謂 植之應則走飛草木言人則耳目 百八人 夫所以謂之觀物者非以目觀之也非觀之以 太極。 即又曰、 道為天地之本天地爲萬物之本以 雖廣說萬事、 也者物之至者也聖也者人之至者 其能 一一心爲太極. 一而 反觀 也。 而仍反之於人 明道亦謂『 Ē, 是固有說矣外 所以謂之反觀 鼻 皆觀 堯 П, 身日『夫分陰 夫之數 整色氣 者 物外 不以我觀 (内篇) 者焉其 /地萬物 天地觀 也。 篇 只 以 人之 自而 是 其 加

觐 此 性 之心 於勞而寡功矣豈其所謂。 盡。 物、 是則 性 與 也。 其合內外之道也雖然康節蓋有志矣而未之速也其皇極經世欲以元會運世之數窮古今治亂之 我 以 者、 私 舰 物、情 心 我 **,見障我與** 也性公而 物理之學或有所不通不可以強通」 明情偏 物 而 **逆之不相見者** 丽 關」又曰『任我則情情則蔽蔽則昏矣因物則性性。 也故不用之不用之而 $\overline{}$ 外篇)者猶 後物 我通物 有 知之而未能 我通、 而 則 後物之理窮我之 神。 蹈之 静則 者平。 明

亦五 有原有委火有熒有焱木有本有末金有丱有刃土有基有冢其生數(一二三四五)五其成數 日經之以 虚 然 【好之矣】 其有得於玄不必言而康節亦稱揚雄不獨知歷法又知歷 冢)居中即河圖之象則其說固有相通者矣且温公旣作潛虛以擬玄又爲太玄作注曰、 有 业生成相公 原) 後情。 擬 則本 邵子之以經世演易同時卽有司馬温公之以潛虛擬玄潛虛之體、 玄而亦有異於玄者玄雖言五行然其首以九九爲數則襲八卦而來五行與八十一首錯綜以爲用故能成 情然後事 五辭以 五行以 六(委)居北二(熒)七(焱)居南 配而爲五十有五之體此潛虛之所以作也其說曰「人之生本于虛虛然後形形然後性。 成 明 其 事然後傳傳然後家家然後國國然後政政然後功功然後業業終則返於虛矣』故自形, 其 **《義變以**句》 說此康節溫公之不同 其占蓋欲舉內而 也然康節先五 情性外 三(本)八(末 天圖謂 而政事盡之於五行變化之中 伏羲依河圖 居 東 四 |理(外篇)意其於玄亦皆有究心者乎又 五十有五而基之以五行。 而作。 丱 J 而温 九 (刃) 公之書、 者也夫經世不 『吾于子雲 有所謂 居 五 (六七八九十) 西五五 行又各分二水 性然後動。 雖 甪 (基 氣 未 圖 Ŧi. 能知、 至業、 者。 行。 十

動

虚

固

不覽而與邵張二程皆相善康節嘗稱之曰『君實腳踏實地人也』卒年六十八所著有文集八十卷他著述二十 之作温公亦必有其所以自得者未可輕也温公名光字君實陝州夏縣人哲宗立公爲相盡除安石新法於學無所 有樂有愛達則有怒有哀有惡此人之常情也愛實生貪惡實生暴貪暴惡之大者也是以聖人除其萌塞其原惡奚有樂有愛達則有怒有哀有惡此人之常情也愛實生貪惡實生暴貪暴惡之大者也是以聖人除其萌塞其原惡奚 自而至哉」(迂衢絕四)知吉凶悔客之由於意欲而以除其萌塞其原即聖人贊易之意亦不過乎是然則潛虛 天下之至隨岩虛則變化極於五行而止雖繁稱博引以為之說而於探贖索隱鉤深致遠之義淺矣然而温公有云、 『吉凶悔吝未有不生乎事者也事之生未有不本乎意者也意必自欲欲既立于此矣于是乎有從有違從則有喜、

氣

餘種五百餘卷而潛虛尤所致力。

¥ E

٤

TA→ +家×基 — 原丁委

圖

叮朱□本

一辆 近古哲學史

十七七

第

远章

必於禮 腐召對問治道對曰『爲治不法三代終苟道也』時荆公行新法爲舉朝所沮欲倚先生以爲助而 王之遺法而有志未就以呂汲公大防薦召同知太常禮院未及养告歸竟卒於道蓋熙寧十年也年五十八嘉定聞 東。 程、 驗之一方。』欲與學者買田一方畫為數井上不失公家之賦役退以其私正經界分宅里立斂法與學校、 志於學己未知所止也求諸釋老者累年乃反求之六經仁宗嘉祐初至京師見二程二程於先生爲外兄弟之子卑 ·既得諸心乃修其僻命命聯無失然後斷事斷事無失吾乃沛然」所著有東銘、 遠朝即移疾屏居南山下終日危坐一室左右簡編俯而讀仰而思有得則識之或中夜起些取燭以 也先生與語道學之要厭服之時方擁皐比講易京邸聽從者甚衆卽撤坐輟講曰「嚮與諸君語皆亂道比見二 湛深於易吾所不及可往師也一舉進士仕爲雲巖仓神宗立遷著作佐郎簽書渭州軍事判官用中丞呂正獻公 孾 | 載字子厚世居不梁以僑寓爲鳳翔郿縣橫渠鎭人少喜談兵至汰結客取洮西(時爲夏有)之地年二十一、 調范文正公仲淹文正異其氣貌而甚少惜之手中庸一編授長曰『儒者自有名教可樂何事於兵』遂翻然 法又以周禮為必可行於世日「仁政必自經界始經界不正卽貧富不均數養無法縱不能行之天下」。 西銘正蒙理窟易說等而數學者、 語不合出按獄浙 書賞日『吾 以推 亦當 朗

諡曰

Ź

籍、 m 根 之用息易繁所謂易不可見則乾坤或幾乎息 日、 陽 第十七)是也是以言陰陽者以著太和 之日 偏爲 一不可見一不可見則 大易篇 於 勝 也。 横 完不息 記 陰日 言鬼 萬物 則 形 故說易者陰陽盡之矣橫渠惟一切推陰陽以爲說是故十七篇言天地、 果之 物 而 1陽合之則1 H 肿 欲 後 神、 學盡 說、 明 化 行。 有氣質之性。 者根 則 說 示之日、 篇 飯 曰、 而不休 任 思 於 ----正蒙十 言聖人、 而 地」(動物篇第五、 鬼神者二氣之良能也」(同上)言人物則曰、 日 全 (兩之用息」(太和篇) 太 者 物物 好 善 和。 也。 七篇。 則 者、 反之、 然觀 其日 而 曰、 其 蓋上 兩體其太極之謂軟陰陽天道象之成也剛柔地道、 則天 必 ---其大體要得之於易爲 大德 由 太和 |則天道下 學平。 地之)言性則曰「性其總合兩也」曰「 敦化、 太虛之實言太和 所謂道」(太和 性 Braza 然後仁 兩不立 $\overline{}$ 存 心然乾坤不離易而易之用惟 ·則人事、 同上 焉。 حصیا 智 誠 $\overline{}$ 則 明 二、而聖 明篇、 誠明結 多故所言 篇第 則品 一不可見易繁所謂 太虚 類幽則 一)是也或 **柳第六)言學**『 工人之事備! **言神化**、 者以見陰陽之根。 小不出! 鬼神大則經訓小則物名無不闡述莊生所謂 則曰、 動 性 物本諸 行太虚。 陰陽變化之理惟陰陽雖二其究則 則日、 知性 性 則日、 在乾 乾坤 —3 氣有 寫 **昭天植物本諸語 轧坤放說易者**於 能 知天則 『真非 其日 『天地變化二端 毀 此其自言之甚 法之效也仁 存 陰陽推行有漸爲化合一 則 神。 無以見易 「太虚者氣之體」(乾 物物 天也陽明 陰陽鬼神皆吾分 為能 地。又曰、 乾坤 錢 明。日、 也。 勝 盡之矣乾量 過 而 化」(同· 則總 巴。 兩 不可見則 有 性 內 不 不測 用。 爾。 上 息者 太和 坤、陰 稱篇 立. 分 鸟 則

濧

於 佛。 來、則 大語小 若謂 威 佛 病之說此道不明正由懵 甘甘 知可乎』(大心篇 客 氏 幺] 形、 轉 兩 』(大心篇第 萬象爲太虛中所見之物則 深於易者 丽 化。 舌身意) 爽 之莫不 出 幽明 力攻佛老則 流遁失中其過 者。 無 如日、 威 不 有 也若謂虛能生氣。 之 無 能 形、 乾坤 微因 畢 太虛 惟盡 與二程同曰『知虛空即 七 其 之道。 要遂蹬 於大 一級天 但不於人倫 其所謂 無形氣之本 性者一之」(太和 者略 心塵芥六合其蔽於 地。 知體虛 其 等妄意 明 說 則虛 客威所謂存象之心亦象非通於佛說心識之分則不能道也抑 不能 物 如 奥 人事之迹蔽其獄而以天道天用之理摧其軍此其文理密察即二 此。 體。 一空為 無窮氣有限。 盡、 丽 虛 其聚其散變化之客形爾。 則宋史本傳稱先生之學以易爲宗以中庸爲體。 示 則 然。 性不 相資。 誣 هجيا 箱) 氣則有無隱顯、 天 $\overline{}$ 太和 地 形自形性自性形性天人不 知本天道為 小 **心體用殊絕入**之 日、 也夢幻 日月為 (篇) 叉日、 由象職心徇象喪心知象者心存象之心亦象 幻妄蔽其用於一 人世謂之窮理、 神化性命通一 用。 老氏有生於 反以人見之小因緣天地。 至靜無威 释氏妄意天性、 可 無二。 性之淵 相待。 乎不知窮理、 無自然之論。 身之小溺其志於虛 顧聚散出入形 丽 而不知範圍 源有識 有陷於浮 即有不 |而謂盡 蓋其信 不識 有 ||天用反 屠 所 知、 矣然而 盛之大此 横渠雖不能 盡則 不 性可乎謂之無不 以 謂 物交之客威 有 形。 山 而已謂 以六 能 程有所不遠。 無混 誣 泂 即亦 推 世 大 界 本 地 所 根 有從 之 常。 之心 乾 爲見 所從 無得 以 馺 坤 語

二西鈴

而

惜

苸

南

渡以

《後洛學傅而關學遂徹也。

分(伊川 横渠 宫 莫不 之教 渠有 從而 子之 濟惡 也。 人。 疲 銘 戲 可見 癃 欈 頭令者伯克 動, 用 굸, 也。 君 顧養育英才類 者 嬘 渠 疾惸獨 過 揧 此 者、 『心大則 極 不 也。 道矣然龜 答龜 關 於窮 才。 言 吾父母宗子其大臣宗子之家相也尊 西 中 其踐 渦 銘曰 既與佛氏異故窮生人之始本諸天 於學 動、 山 奇 膊 **蘇寡皆吾兄弟之顚連** 形惟肖 百 也富貴福澤將 爲 審 知 ·堂雙牖、 物 戒。 山(化事天之功 封 乾稱父坤稱母子茲貌爲乃混然中 J 皆通心· 八之錫類。 所以 **夫明道識** 楊時) 者 開 左曹砭愚右 也知化則善述其事。 警後 小 則 仁亦言仁者渾然與 猾疑 也結以存順 厚吾之生 不弛勞而 百物 學 者 其近於墨子之兼愛故 而 書訂 甚 皆病。(理 無告者也於時保之子之翼也樂且不憂純乎孝者 切。 也。 底豫舜其功 沒寧、 然語氣象之博大解義之深粹則非西銘之匹也後程門專以 貧賤憂: 頑。 因伊川語 **窮神則善繼其志不愧屋漏爲無忝**。 高年所以長其長慈孤弱、 地、 知 īfii 窟) 物 不本 命之學也此 戚、 同 庸 處故天地之塞、 也。 體。 日是當起爭端。 **岩横渠明道** .諸法 玉汝 無 即與 伊 所 於成 性窮生 川 逃而待烹申生其恭 解之以 西 太 獨橫 也。 銘 亦 存吾順 吾其 何 人之終信有委順、 乃改 惟心大故視 爲 渠 所以幼 别。 心凡 艦 西 體。 訂 銘 川 事。 天 頑 沒、 八地之帥、 疑 明 其 儒者之所 心也體 幼业、 日 西 理 吾與也一首以乾坤體 存心養性為匪懈惡旨酒、 西銘, 銘、 物 世 其 受 而 其合德賢 我 而 而 吾其 而 记悉日本 分殊、 持以 不 也。 不 體 疑 遠曰 性。民、 宫 耳西銘 墨氏 自別 歸全 明 有 道之言何 東 悖 涅槃。 其秀 吾同 銷。 於二氏 則二本 懲。 者參乎勇于 原名 東 客仁 胞。 此 也。 西銘教 性、 物 凡 以 者、蓋 訂 也。 率性 崇伯 时贼。 而 天下 吾與 其 戲

故

學

者

亦

逐

多

知

西

銘

丽

不

及東

之廣居者乎」居仁由義自然心和而體正」(理窟氣質)又曰『爲學大益在自能變化氣質不懈卒無所發明。 **侑**莫逕由禮 」 化横渠以形而後有氣質之性故主變化氣質其意一也而横渠即有與荀子甚相似者荀子重禮曰「 不得見聖人之與』(理窟義理)此蓋根其言性有天地之性與氣質之性之分而來荀子以性爲惡故主矯飾擾 荀子爲近而 補後學前此未會說到」(語類)然以今觀之卽未始不由荀子而出安在前此未會說到耶大抵漢儒之學猶與。 也之言) 曰『心能盡性人能弘道也性不能檢其心非道弘人也』(正葉誠明) 曰『 為學從入之途合故有不期同而不得不同者耶然而宋儒之中吾則以橫渠為博大矣。 (理窩義理) 此無他變化氣質之準在禮而變化氣質之柄在心也朱子曰『氣質之說起自張程極有功聖門有 理窟氣質) **填之說於正蒙西銘外。尙有足述者則理窟言變化氣質是曰「變化氣質孟子曰、「居移氣養移體況居天下** :唐宋以來儒者但尊孔孟而以荀子爲悖於聖人故二程皆極証荀子乃橫渠獨取荀子以成其說豈其 荀子重心曰『治亂在於心之所可亡於情之所欲』而横渠亦以心統性情(拾遺有心統 而横渠亦首以禮教學者曰『禮所以持性』(理窟禮樂)曰『 使動作皆中職則氣質自然得好』 變化氣質與虛心相 治氣 表裏。 性情者 養心之

第五章 明道程子

程 題字伯淳世居中山博野後為河南人父琬通判南安軍事時濂溪為司理參軍琬與語知其非常因使顯與弟

時之利 從者甚 時元豐 議事 縣遷晉城令熙寧初元用呂正獻公薦爲太子中允監察御史襄行王安石議行新法言者攻之甚力顯。 颐、 此 往受學爲願當自言。再見周茂叔後吟風弄月以歸有吾與點也之意。」年二十六中進士關鄭縣 ·安石厲色侍之顧徐曰『天下事非一家私議願平氣以聽』安石爲之媿屈後安石逐不附己者獨不及顥曰、 E 1 爲己功』蓋宋儒自濂溪外學德莫有能過之者而弟頤爲先生墓誌至推爲孟子後一人云。 衆而未嘗見其愁厲之容嘗言、 八 信 年 A 也。年 **₺**。 Ħ. 改簽書鎮 十四太師文彦博題 事軍判官遷太常丞知扶溝縣已坐逸獄貴監汝州酒稅哲宗立召爲宗正丞未行而**卒**。 _ **寧學聖人而永至不欲以一** 其墓曰明道先生嘉定中賜諡純公先生學養純粹與弟頤講學於洛門人 善而成名寧以一物不被澤爲己病不欲以! **ベ主簿改** 被旨赴 中書

一識仁說

便 意 用。 有防心苟不懈、 思乃 台 學者須先識仁仁者渾然與物同體義禮知信皆仁也證得此理以誠敬存之而已不須防 孟子言萬物皆備 明 有 道 得蓋良知 備 [教人每單提仁字故語錄中言仁處最多而莫備於呂與叔 (大臨) 東見錄所記後世因號之爲識 言 此 體。 何防之有理有未得故須窮索存久自明安待窮索此道與物無對大不足以名之天地之用皆我之 以此 良能元不喪失以昔日 於我須 意存 :之更有何事必有事焉而 反身而誠乃爲大樂若反身未誠則猶是二物有對以己合彼終未有之又安得樂訂頑 習心未除卻須存腎此心久則可奪舊習此理至 勿正、 心勿忘勿助長末嘗致纖毫之力此其存之之道者存得 約惟患不能守。 檢不須窮索若心 既能體之 仁說。 則 日、

比、無 力於禪 未除、 非得之於外我固有之也故又曰孟子言萬物皆備 足以 焉 तत 萬物皆備於我、 故 樂亦不 im 故、 按 伊 岂。 明之天地之用皆我之用曰以此意存之更有 卻 相 天理 謂]]] 妄 學為 須存 何 心則 待故也(六祖語 作 先生全同 忠不 以 即仁) 明道 孔 習此心久則可 多夫仁者渾然與物同 滅 能守 門勤 反身. 行 也。 狀謂出 孔孟 卻是,自家體 勤 也。 起信 丽 於仁若是 』(見二程 誠、 亦不可本源無二機用則殊是在善學者自辨之。 卽 入於老釋者幾 鮐 天地之用皆我之用卽 **奪舊習此**其剴切 所 謂 以 乩 此意蓋千 若自悟 出來。 彼證 遺 體、 書) 卽 此、 **6**----夫 L者不假外: 示開心佛衆生三無差別 Ŧ $\overline{}$ 間 数百 孔子 見語錄 年、 有 明著謂孔門之教至是復光豈為過乎雖然明道何以悟 反求諸六經 若合符節者 弟子 年 何事。 於我須反身而 丽 汖 所) 然則 問 未 也。 謂三 曉。 然則仁者豈非一 仁者多矣而 一界唯心 至 六祖 矣然得之於禪而 謂先生非禪 īfii 明 後得之而先生亦 道、 語 乃日仁 誠乃爲大樂曰良知良能、 森羅 也。 孔子叉獨許顏 存 此 道典 習此 萬象、 不 貫之道得 者渾 可謂先生是禪亦不可謂先生不同孔孟。 物 心 不 然與 自言、 作禪 法之所 無對大不足以 人 厠 回三 其 物同 可 用、 **『吾學雖有所授受天理二字** 奪舊智 一而萬事 E[] 仍 月不 體。 也。 元不 日、 $\overline{}$ 一遠仁其餘 此 反之於孔孟之家法。 馬 明 ęρ 之。卽 畢 道 喪失以昔日習心 所謂 펦 者耶又是仁者 與 語 物 及於此。 見傳 所 툊 則 無 謂 如 日 對、 法 燈 法 月 大 要得 錄 常薫 無 至 不 有

二定性書

朋 道之學尤見其出於禪者莫如定性一書定性書者所以答橫渠張子之問者也。 其略曰、 **『所謂定者動** 亦

孟子 心聖人之常、 亡出 个以惡外物之心而求照無物之地是反鑑而索照也易曰「艮其背不獲其身行其庭不見其人」(易艮卦象) 何 無將 之情各有所蔽故不能適道大率患在於自私而用智自私則不能以有爲爲應迹用智則不能以明覺 夫古以 應於 ,日「所惡於智者爲其鑿也」與其非外而是內不若內外之兩忘 有意於絕外 入無時莫知 應物之爲累哉聖人之喜以物之當喜聖 心其言心乃 亦不 易成 迎、 物哉。 發而 無內外茍以 外而 善惡言性者、 佳 以 難 鳥得 九四 其 誘而 制 其鄉惟心之謂亦是心而非性也謂心爲性混心性而一之蓋自佛 情 吾儒之意蓋 佛 者惟 所以 爻辭) 以 順 從外者 萬物 不知性之無內 外物爲外、帝己而從之是以己性爲有 告之 有之矣以動靜言性者無有也孟子曾四十不動心是心而非性也引孔子言操 怒為甚第能於怒時邈忘其怒而觀理之是非亦可以見外誘之不足惡而 **荷規規於外誘之除將見滅於東** 丽 有 爲 無 者、 情。 見於此 非 或日 故君 而 1寂常心 外 更水 也今明道: 子之學莫若廓然而 也既以內外為二本則又烏可 在 人之怒 內者 性。 或 論動 為是也令以自私用智之喜怒而 日 以物之當怒是聖人之喜怒不繫於心 性淨 亦定靜亦定無將迎 崩心。 ||大公物來| 而生於西也非惟日亦不足顯其端無窮、 內外 或日 也。 圓 心也兩忘則 逮 Ā m 妙明 語定哉。 以 順 性随 無內外 ŵ, 應易日「貞吉悔亡憧憧往來、 實明 夫天 物於外 澄然無事無事 音始矣楞嚴何 E 妙性。 視聖人喜 地之常以其心普萬 是心 則當 故或 而 而 其在外時 者 怒之 繋於 非 則 性而 謂 經、 正為何 於道 定定則 物 佛之 闽 不可 也。 又多與楞嚴 川存、 亦 是 何 間 得 朋 物 者 爲 思 如 刞 明。 性 垩 自然。 含則 爲 過 哉。 明 而 乃 在 # 則

尙

子言 之旨 天理不欲說 豊不 至 明 **占合然則** 然數。 論性不 初 性 |善是也] (並見語錄 然明 入 綸 築水 氣不備。 性有善而無惡故曰『人生而靜以 道 論 心 性、 論氣 適 固 |有本 頀 不 之於儒 詥)斯則 其攻斥 性不可 老佛 終與禪語爲近耳明道一生學問主腦蓋在識仁定性兩篇。 明二之則不是」 者曰『生之謂 至深而 答張氏 上不容說才說性時便已不是性凡人說性、 性性即氣。 凡此 論定性乃盡用 所謂性皆典孟荀以 氣 即性。 Ħ, 老佛之學 --善固 來諸儒之謂 性 m 也然惡 不 知者、 性同。 只是說機之者善孟 亦 見督學記 故茲特舉而 不 特 可 不謂 既認善惡皆 言)又 之性

是時· 哲宗 職。 道 之嚴視潞 呂希 伊 文潞公彥博以 初司 心。 川 書中 名頤、 蕺 哲、 馬温 第六章 公之恭孰爲得失』先生曰『潞公四朝大臣事幼主禮不得不恭吾以布衣職輔導、 字原 山指定性一書爲發明周子主靜立極之說其合於周子處學者取兩先生之文比觀自明不待贅焉。 自 字正 公呂 明正獻公公著子也與先生鄰齋首以師 沢 諸 叔。 太師平章軍國 葛 正獻公共疏上 明道先生 孔明已游· 伊 川 程子 弟 也幼 太學時胡安定主教事、 「重事侍經筵終日 其行義除秘 有大志年十四五、 書省郎。 1 儼立不解了 尋召爲崇正 禮事之治平(英宗)熙寧 以顏子所 與兄受學於濂溪十八上書闕 而先生在帝前容色莊嚴、 好 何學論 殿說書先生每進譜、 試 學生得先 $\overline{}$ 神宗 下勸仁宗黜 生文大驚. 亦不 所 以 開陳 亦不敢不自重 稍假借或問 間、 大臣屢薦皆 延見即 人主 世 俗之 者、 甚切方 日、 處 論、 一君 不 以 趙。

然以確 從濂 能出 有二氏之痕跡至伊 明 之縱其情而至於邪僻牿其性而亡之故曰情其性。」全本之太極圖說則先生所得於濂溪者實非淺尠故 喜怒哀懼愛惡欲情旣熾而益蕩其性鑿矣是故覺者約其情使合於中正其心養其性故曰 濂 為人其本也貞而靜其未發也五性具焉曰仁義禮智信形旣生矣外物觸其形而動於中矣其中。 日、 以 先生既以天下為己任議論褒貶無規避又與翰林學士蜀人蘇軾不合一時歸先生之門者與蘇氏門下更相攻許。 道、 溪之 邪說惑亂 \$\text{\$\$\text{\$\$\text{\$\$\text{\$\tex 溪遊後靑出於藍居仁謂二程始從茂权後更自光大)然觀顏子所好何學論。 自有別。 門而其後所得實不由於濂溪並引呂原名(希哲)呂居仁(本中原明孫)之言爲證。 溪為二程之所自出且有濂溪以太極圖說通書付之二程之言正不得謂無所見而漫然云爾 蜀黨論起出管勾西京國子監已去官紹聖間削籍竄涪州徽宗立移峽州復其官崇寧二年言 溪之尺寸朱子謂 而 Ü 川 宋 聽有旨追毀出身文字所在監司覺察所著書先生乃避居龍門之南時四方學者猶相從不舍先生 明道不廢觀釋 則 執 守 川則承濂 、甚嚴故論氣象明道與濂 -明 溪明道彌縫之後更不滲漏於儲倍親切耳明道早卒故及門之士多成就 道說話有說 老書與學者言亦往往舉示佛語而伊川 過處。 溪為近而 伊川 較子細說較無過。 所言不必依於濂溪伊川 則一而屏除雖莊列亦不看是明 語類) 蓋明道是 氣象、 稱 『天地儲精得 奥濂溪不似。 性其情愚 曾從釋老 (原明 動 而 而 轉 也。 者則 ||者復 七情 五行之秀者 身故 言語 謂二 道所 於伊川之 顧 朱 証 伊 不 出 主較 則 子確 焉。日 川 **酱**遊 知制 程初 先生 不 奥

ニナス

道而 錄之以為語錄。 道所造伊川自不及也明道不著書而伊川著有易傳四卷又春秋傳有序而書未成其平日講說門人 嘉定中賜諡正公。 合明

一 主 敬

故静」而 特以無: 向即 静即主一矣伊川以主一釋敬則敬又即靜矣且伊川嘗言『養心莫善於寡欲所欲不必沈溺只有所向便是 由濂 敬者主一之謂敬所謂一者無適之謂一。」且有『涵養吾一』之說竊考周子於太極圖說主靜之下註 於恭敬則天地自位萬物自育。」於是後儒多謂伊川改周子主靜爲主敬矣然其所以爲敬之銓釋者乃曰、 静者可以為學』是猶兼言靜敬也至伊川則曰『敬則自虛靜不可把虛靜喚做敬』故平日數人惟以敬爲言曰、 有欲何得言無欲疑之者惟伊川實驗之於身心而知無欲只是無適深慮夫學者不能體會及此或且爲所疑誤是 『入道莫如敬。 周 適 溪主靜而 子太極圖說言主靜立人極。 **、、欲二字** 也有向是欲則無適者無欲矣濂溪謂一者無欲而伊川謂無適之謂一不啻如出一口然則伊川之主敬正。 通賓則曰『聖可學乎曰可曰有要乎曰有請問爲曰一爲要一者無欲也」夫無欲故靜、 ·莊之者意亦謂是特無欲 來。 。 一曰『君子之遇事無巨細一於敬而已』曰『聖人修已以敬以安百姓篇恭而天下平唯上下一 而僅變其名耳蓋靜之一字不易體會不知者往往認作空認作無便不免墮入暗中故周子當時、 |而明道教學者職仁則曰「職得此理以鹹敬存之」即以敬字易卻靜字然曰「性 而已非眞無 也然即此無欲二字仍復體會不易故後儒即 而一 有以惟天生民 者 無欲、 日、 所謂 則主 無 欲

水之太高E 乎伊川知 以毅 哀樂未發之謂中,然以爲有心於敬此敬終爲入道之障失中之根故又有言曰「忘敬而後無不敬」(以上並 與主於敬分明兩事專爲主常人皆有之主於敬則非知學者不能故曰『入道莫如敬』曰『敬而與主於敬分明兩事 **(錄)夫至於忘敬而無不敬則純然濂溪主靜境界此而尙疑濂溪伊川有不同者與皮相之見也。** 事 人心不能不交級萬物亦難爲使之不思慮者欲免此惟是心有主如何爲主敬而已矣大凡人心不可二用用 然以敬易之蓋館得濂溪之意者莫伊川若吾謂伊川不能出濂溪之尺寸者亦正以此 則他事更不能入者事爲之主也事爲之主尙無思慮紛擾之患若主於敬又焉有此患乎』觀此是事爲主 其然 伊川言敬所懼者又求之太卑何也事無巨細 也故言敬必舉敬以直內(本易文言)為說曰「學者須是將敬以直內涵養此意直內爲本」又 一於敬則學者不免將敬字落在事上若是豈合內外之道 也然濂溪言靜所 無失便是喜怒

二窮理

之在 猶窮 事忘為』曰『人惡多事世事雖多盡是人事人事不教人做更教誰做』然所謂格物窮理者又非汎觀物理專求 我謂之性見於事業謂之理」言理未有能與事職者也是以取戴記大學之格物致知而有窮理之說曰、 宋儒得之於佛而 明 道拈出天理二字伊川途有性即理也之言然合而言之曰性即是理分而言之則曰、「天之賦 **看理** 也猶曰窮其理而已矣窮其理然後足以致知不窮則不能致也」曰『 不同於佛氏之爲者實在於此故曰「學佛者多要忘是非是非安可忘得自有許多道理何 窮理即是格物: 與謂之命稟 格物 卽 是致

蓋後 外合之又敬以包義義以包敬說益密矣吾所以謂其承濂溪明道之後而於儒倍親切者此 也。 者為賢稟其濁者爲愚」(以上並語錄)此 無不善也」又曰『性無不善而有不善者才也性卽是理理則自堯舜至於塗人一也才稟於氣氣有淸濁稟其淸 同 是都 無偏廢故問 川嘗言「涵養須用敬進學則在致知」主敬窮理二者並 不道是窮得一理便到只是要積累多後自然見去」此則 之於外 有甚事」是故 於明 道之證、 無事 身之中至萬物之理但理會得多自然豁然有覺處」又曰『 人不知者所删 道者明道言『事有善惡皆天理』伊川 也。 中也」問敬義日 四字故言分殊則日「有物 放日 佛氏之說也 必有事焉(本孟子 格物者非忘事而守心亦非遺內而逐外故曰『今人欲致知須要格物物不必事物然後 觀物 也 何別日、 理以祭己」日、 明道敢言儒者之所不言伊川必求合於孟子伊川之密亦伊川之所以不及明 大乘起信論言一心三大三者用大能生出一 敬只是持己之道義便是有是有非順 語) 必有則。 當用敬否曰「敬以是涵養一事必有事焉須當集義只知用 致知在格物非由外 奥明 一物須有 則 道善固性心惡亦不可不謂之性者異矣夫伊川之說孟子之說 以爲理無不善善惡者是氣故其言性曰、 |提蓋以易言敬以直內卽職之以義以方外內外夾持攻 與明 理」言理一、 一樂我也我固立 時 所務於窮理者非道須盡窮了天地萬物之理又 西士來中國所言格致之學又大不同 則日、 理而行是為義 **山有之也** 切世 天地 間 出 之間 世 蓋伊 也。 間 善惡因 川一 只 也然伊川之 於是分之則 有 **—**1 生把柄全 氣有善有 果 個 故 敬不 威 4 與 ||者也且伊 不善 本 說亦 敬內 知集 謂 在有 應 之物也。 無 也。 而 性以 義、 已更 有不 而 錢 卻

附論二程表章大學中庸

爲則庶乎其不差矣』曰『不偏之謂中不易之謂庸中者天下之正道庸者天下之定理此篇乃孔門傳授心 道必自孟子始而二程出又特表章禮記中之中庸大學二篇朱子爲大學中庸章句首引程子之言曰『大學、 孟子以明事謂之博文』(見孟子注序)則其時孟子亦只六藝之羽翼未嘗重之也至唐韓愈始言求觀聖人之 者孔氏之遺書而初學入德之門心於今可見占人爲學次第者獨賴此篇之存而論孟次之學者必 自漢以來儒者所尊孔子之書而已孝文爲孟子置博士而後旋罷趙邠卿(岐)作孟子注謂『諸經通義得引 莫不原本於此二書而自元以迄有清且以合之論孟號爲四子書與五經同著爲校士之目矣稱當考之二程 則退臟於密其味無窮皆實學也善讀者玩索而有得焉則終身用之有不能盡者矣」蓋自是之後儒者之說, 法子思恐其久而差也故筆之於舊以授孟子其書始言一理中散爲萬事末復合爲一理放之則彌六合卷之 教極盛乃有斯作今曹雖不存而觀顧與梁武皆通於內典其爲糅合儒佛固可想像得之至若李習之作復性 之表章中庸大學亦受佛教之影響蓋佛氏之說不出心性而精微博大於儒書中求是足以相抗者實惟有此 二篇故特表而出之以見吾儒自有家實不必求之異學此與魏晉老莊盛時相率而談易正同一例皆以其理。 近連類而牽及也且中庸說見於漢書藝文志者不可考矣若宋戴顒之中庸傳梁武帝之中庸講 一誠明之旨督之亦有得於禪者則中庸之著於世要與佛教有關尤歷歷足據也大學一篇自唐以 疏、 曲 亦當佛 是而學

爭(王陽明主古本有大學古本序見全集)遂爲後日之一大案飢經文以就己憲二程則不能不尸其過焉。 此實之耳然故以程子之說爲正而明道大學有改本伊川又有改本朱子因之又爲之改訂於是古本改本之 子曾子傳之子思子思傳之孟子曾子無舊(大戴有曾子十篇大戴自漢以後不顯至清人始復校行)欲以子曾子傳之子思子思傳之孟子會子無舊(大戴有曾子十篇大戴自漢以後不顯至清人始復校行)欲以 傳謂經爲孔子之言而曾子述之傳則曾子之意而門人記之不知何所見而云然意者道統之見孔子傳之會。 子思見於康成禮記注當無可疑而大學為何人作前人未言之故程子亦但以為孔氏之遺書至朱子始分經子思見於康成禮記注當無可疑而大學為何人作前人未言之故程子亦但以為孔氏之遺書至朱子始分經 途隱隱爲其瞞過而學庸二篇沈埋於前而忽發露於後亦更無人推其所以然之故是則可情也又中庸作於 二程之益加細密耳顧二程旣以學庸爲轉佛入儒之梯亦卽持學庸爲護儒攻佛之劍其前此藉徑於佛一 心於中甚覺安樂』此卽是禪家伎倆(見程氏外書)以此言之温公之廣義亦必威於佛說而發但或不及心於中甚覺安樂。此卽是禪家伎倆(見程氏外書)以此言之温公之廣義亦必威於佛說而發但或不及 公詆佛爲不免於鹵莽)而語明道謂『近日有個著心處甚安』明道曰『何謂也』曰『只有一個中字著公詆佛爲不免於鹵莽)而語明道謂『近日有個著心處甚安』明道曰『何謂也』曰『只有一個中字著 存)此與范魏公以中庸授橫渠並爲大學中庸不自洛學始重之證然溫公雖詆佛(其門人劉安世即以温存)此與范魏公以中庸授橫渠並爲大學中庸不自洛學始重之證然溫公雖詆佛(其門人劉安世即以温 無專道及之者而前乎二程者有温公之大學廣義見於陳振孫書錄解題(又有中庸廣義皆一卷今並不

第七章 王荆公 附蘇東坡 蘇穎濱

當周程張邵壽學之際而有張島王道見於政事欲致天下於太平顧身被謗躪至於後世而未已者則王安石是。

近古哲學史

莊

著。 用 安石之學略在三經新義。周續義詩義書義)當時所謂王氏新學者也詩書皆其子秀與門人雖承其意旨所籌 法」(並見文集)是於周禮亦非墨守者蓋安石平生爲學無所不涉觀其答會子固書稱『自諸子百家之書至 推服安定者甚至似又瞥從安定遊者故其於性命之微亦時有窺見伊川教學者學易云且須看王弼胡先生荆公 於當時道學之士如橫渠明道皆有往來提點江東刑獄時又得見濂溪相與語連日夜而集中有贈胡先生詩所以 之至在于神耳於是聚德業而不爲夫爲君子者聚德業而不爲則萬物何以得其生乎」言道而必著之於功業, 其所以異於諸賢 惟問 為當在於盛德大業德則所謂聖業則所謂大也世蓋有自為之道而未嘗知此者以爲德業之卑不足以爲道道。 |閉周公為師||而召公為保矣周官則未之事也」||而復離解亦謂『周官凡復**離者書於士殺之無罪非周** 經素問本草諸小說無所不讀農夫女工無所不問然後於經爲能知其大體而無疑」其學之博可以見 而不與聖人同憂盛德大業至矣哉」(本易繫)此言神之所爲也神之所爲雖至而無所見於天下仁而後 則安石之易伊川且深取之矣吾嘗考安石之學蓋視用猶重於體其大人論曰「孔子曰「顯諸仁藏諸用鼓 M 合之與審其 禮則 後功聖人以此洗心退癥於密(亦易繫)及其仁濟萬物而不窮用通萬世而不倦也則所謂聖矣故神之。 親出安石之手世之集矢多在此皆然吾觀其諫官論至周官師氏保氏爲司徒之屬而大夫之秩則曰、 者 ·說之美亦當時所未有日『萬物待是而後存者天也莫不由是而之焉者道也道之在我者傷· 也夫唯如是故有熙豐變法之事而當時儒者且譏其流於申韓然。 九變而賞罰可言一 文本之 公之

逃。

矣. 存墨入之道(論議莊周上以上並見文集)且由其說以上窮聖人之意下推諸子之作吾嘗謂周之學出於孔子、 之 任次之因任巳明而原省次之原省已明而是非次之是非已明而賞罰次之」是說雖徹莊周古之人孰不然堯者、 莊 於窈冥而不可考以至世之有爲者皆不足以爲言形名者守物誦數罷苦以至於老而疑道德彼皆忘其智力之不 不恭此之謂明是非阜陶方祗厥敍方施象刑惟明此之謂明賞罰聖人不作諸子者伺其間而出於是言道: 此之謂明因任三載考續五載一巡狩此之謂明原省命舜曰乃言底可續謂禹曰萬 **次九族**列百姓序萬邦此之謂明分守修五體同 聖人之盛 船 也物此者貴賤各有容矣命此者親疎各有號矣因親疎貴賤任之以其所宜爲此之謂因任因任之以其所宜爲 也。 魁然自以為聖 周 謂物 1日「先明天而道德水之道德已明而仁義次之仁義已明而分守次之分守已明而形名次之形名已明而因、 而不察乎則又將大弛必原其情必省其事此之謂原省原省明而後可以辯是非是非明而後可以施賞問: 有節文 也孔子稱之曰惟天爲大惟堯則之此之謂明天聰明文思安安此之謂明道德尤恭克讓此之謂明仁。 此者何也貴賎親疎所以表飾之其物不同者是也所謂命此 仁也愛而宜者義也仁有先後義有上下謂之分後不擅先下不侵上謂之守形者物此 人 夫莊 者此 周者、 矣悲夫莊周曰「五變而 白漢 以來學者所不取。 律度量衡以一天下此之謂明 形名可舉九變而實罰可言語道而 晉人 雖談之而慶失其旨安石獨以爲周有意於天下之弊而 者何 也貴賤親疎忘 形名棄后 世永 非其序安取道」 賴時乃功盡茲 稷契司徒阜 所以稱號之其 者 也名者、 蜪 有苗、 善乎其言 士垂共 命 僡 命此 不 者至 香迷 同 義。 者、

半固不得以爲安石之學谷。 分守之次於仁義道德則豈不知本末之務者乎至於新法之行天下胥怨坐於用非其人者半坐於勢重難返者亦 矣抑明道謂 面 申 安石言性亦有可得而述者其原性曰「夫太極者五行之所由生而五行非太極也性者五常之太極 ·韓言形名又得周之緒餘蓋道固有相通者卽申韓亦何當盡悖於聖人以今觀之若安石者可關先得我心者 「有關的 :睢麟趾之意然後可以行周官之法度」(見語錄)其意鞿安石有未而無本願安石 也而 知

不可以謂之性韓子以仁義禮智信五者謂之性而曰「天下之性惡焉而巳矣」五者之謂性而惡焉者豈五者之 **善情惡是徒知性情之名而不知性情之實也喜怒哀樂好惡欲未發於外而存於心性也喜怒哀樂好惡欲發於外 怒愛惡欲情者乎喜怒愛惡然而善然後從而命之日仁也義也喜怒愛惡欲而不善然後從而命之日不仁也不** 後善惡形焉而性不可以善惡言也此吾所以異於二子揚子之言爲似矣猶未出乎以習而言性也古者 **爾哉孟子言人之性善荀子言人之性惡夫太極生五行然後利害生焉而太極不可以利害言也性生乎情有情然** 而見於行情也性者情之本情者性之用故吾曰性情一也彼曰性善無他是嘗讀孟子之書而未嘗求孟子意 也故曰有情然後眷惡形焉然則善惡者情之成名而已矣』(有節文)又辨性情曰『性情一也世有論者曰性。 惡無他! 而當於理則 是有見於天下之以此七者而入於惡而不知七者之出於性耳故此七者人生而有之接於物 聖也賢也不當於理則小人也彼徒有見於情之發於外者爲外物之所累而遂入於惡也因曰情 有不謂喜 五常 耳。彼 後

哉。 惡也、 來未有及之故當以與孟子並論以爲其道未當不同而其說非有異(楊孟)則其有取於善惡混之說似又不容 是與 以為 之聖也王赫斯怒當怒而不怒則豈足以爲文王乎畢此二者而明之則其餘可知矣如其廢情則性雖善何以自 情於 疑。 性之惡故 不必入於惡而不入於善其說皆不可易至謂性無善惡頗疑其得之於佛而原性旣推本於太極五行及作洪範 要之其言喜怒哀樂未發而存於心性也發而見於行情也又君子之所以爲君子小人之所以爲小人莫非情也。 害性 猶未出乎以習而言性而辯性情則稱揚子曰人之性善惡混是知性之可以爲惡忽而是之忽而非之安石 夫既曰性不可以善惡言而又曰後性之善故情亦善養性之惡故情亦惡亦幾於矛盾矣且原性非揚子之言、 小人耳自其所謂情者莫非喜怒哀樂好惡欲也舜之聖也象喜亦喜使舜當喜而不喜則豈足以爲舜乎文王 答吳孝宗 ,情亦惡故君子之所以爲君子莫非情也小人之所以爲小人莫非情也彼論之失者以其求性於君子求,情亦惡故君子之所以爲君子莫非情也小人之所以爲小人莫非情也彼論之失者以其求性於君子求 所苟。 悄 (孝宗字子經) 書館秦漢以來儒者唯揚雄爲知言而答龔深之(原)書則 (中述有是言) 寧當若此意者所作非一時始之所謂是而後之所謂 也是包不察於情之發於外而爲外物之所駁而遂入於善者乎蓋君子變性之善故情亦善小人變。 非耶然安石於古人最推 謂 揚雄者自孟軻以 搗

天五生土其於物爲意精神魂魄具而後有意」(以上並見文集)是又道家之常談然則安石之學融躍道佛亦

為神神者有精而後從之者也天三生木其於物爲魂魄從神者也地四生金其於物爲魄魄者有魂而

傳又盛道五行之用以精神魂魄意合水火木金土謂『天一生水其於物爲精。

神者一之所生也地二生火其於物

後從之者

也。

周 見遺書)安石之不能守約安石之短也若博學多聞則固不可誣矣安石字介甫撫州臨川人仁宗時、 程譜儒相似所不及者存養未至耳神宗問安石之學於明道明道對曰『安石博學多聞則有之守約 撒進 士上

作易傳、 於孟子以爲性善以爲至矣讀易而後知其未至也孟子之於性蓋見其機者而已矣(易繫辭職之者善也、 奢日 不能加焉桀紂不能逃焉。是則性之所在也。」夫不善日消而有不可得而消者則孟子所謂仁義禮 不善者日消有不可得而消者焉小人日修其不善以消其善善者日消有不可得而消者爲夫不可得而消者堯舜 善人。修其惡則爲惡人。」 此其所以爲異者唯其不知性之不能有夫善惡而以爲善惡之皆出乎性也而已」 然其 之而非性之所能有也且夫言性者安以其善惡為哉雖然揚雄之論則固已近之曰「人之性善惡混修其善則爲 府封舒國公元豐三年復拜左僕射改封荆哲宗元祐元年卒所著有臨川集一百魯周禮新義等十餘種又百餘卷。 第累官至知制酷以母愛去官英宗屢詔不起及神宗立用韓維薦爲翰林學士兼侍講諡年遂由參知政。 性也)夫善 **曹門下平章事與靑苗保甲諸法熙寧七年罷知江寧府八年復相屢謝病求去以鎮南軍節度使同平章事** 荆 清,而 公以性爲無善惡吾疑其出於佛同時蘇軾亦耽佛者故其說極似之軾集有揚雄論曰「夫善惡者性之所能 則曰『古之君子患性之難見也故以可見者言性以可見者言性皆性之似也君子日修其善以消其不善。 有不可得而 性之效也孟子未及見性而見其性之效因以所見者爲性猶火之能熱物 消者則孟子所謂平旦之氣其好惡與人相近也者幾希也是又孟子性善之旨而又曰、 也吾未見火而指天下之熟 智我固有之也。 事、 7拜同中 判 二十

轍字子由? 之所 知道、 同易曰形而上者謂之進形而下者謂之器孔子之慮後世也深故示人以器而晦其道使中人以下守其器不爲道 流入老佛而不自知子由作老子解以佛解老而不自諱曰『孔子以仁義禮樂治天下老子絕而棄之或者以流入老佛而不自知子由作老子解以佛解老而不自諱曰『孔子以仁義禮樂治天下老子絕而棄之或者以 物以 下之弊而存聚人之道要皆能知道術之原於一者且首所以治人非禮法則飢以及聚人中心行道不毀世法則可、 佛性 者嘗苦其無所從二聖人者皆不得已也全於此必略於彼矣六亂所云不思善不思惡卽喜怒哀樂之未發也中者、 似以陷於偽故 大 八全集 横。 · 之異名而 毀世 中韓 爲火夫熟物、 厠 **眩以不失爲君子而中人以上自是以上達也老子則不然志於明道而急於開人心故示人以道而薄於器以** 者惟器之知則道隱矣故絕仁義棗禮樂以明道夫道不可言可言者皆其似者也達者因似以識具。 世之俗儒 進 【法則可耳。】 夫其謂孔子示人以器而不欲示人以道則非矣然以爲孔老無二道與荆公首莊周 ·致仕後築室於許號潁濱遺老父子皆博學能文章當時號爲蜀學然荆公新學近於申韓· 献字子瞻眉州眉山 刻 嬮、 後世執老子之說以亂天下者有之而學孔子者無大過因老子之言以達道者不少而 和 則 不足貴也居山林木食澗飲而心存至道雖爲人天師可也而以之治世、 者六度萬行之總目也天下固無二道而所以治人則異。 |猶可效用於世若縱橫則無實矣且子膽又不如子由子瞻論性竊佛之說而揚雄論反譏。 火之效也。 人新法之爭以團練副使黃州安置築室東坡居之故自號東 一數易其說而前後轉成齟齬宜乎朱子作雜學辯謂其未嘗見性、 君臣父子之間非禮法 則亂古之聖人中 坡居士父洵字 則亂。 未嘗 蘇氏蜀學近於 知性 知禮 水之於孔子 丽 心行道、 有意天 朗 法 昧 韓 也。 允。 而不 者執 為不 へ 見 弟

蒙頭蓋面拘拘於門戶之見者哉而朱子異學辯,乃斥以爲無忌憚吾謂朱子得之於子瞻而失之於子 云云宋儒之出入老佛取其長而不欲受其弊蓋莫非此意而顧不肯明白以道之惟子由於此無所隱豈不遠愈於

第八章 朱子 李延平附見

出然大抵 生侗 自同安乃不遠數百里徒步往從之後因輯其語為延平答問嘗曰『李先生教人大抵令於靜中體認大本未發時 從父兄子。少學於安國安國皆從楊龜山謝上蔡(良佐字顯道)游馬山(酢字定夫)游楊謝游當時與呂藍田 源吾所敬畏吾死汝往師之而惟其言之聽吾死不恨矣』故朱子始從三先生學籍溪爲武夷先生安國(字康侯) 赐朱子曰『籍溪胡原仲(憲)白水劉致中(勉之)屛山劉彦沖(子翬三人皆崇安人)三人吾友也學有淵 生松為豫章羅氏(從彥字仲素)門人豫章因楊龜山以遊於伊川之門者也章齋先生歷官司勳吏部郎忤秦槍 去官以舊嘗爲閩尤溪縣尉遂居尤溪朱子生焉故世稱朱子爲閩學者以此朱子生十四年而韋齋先生歿當病亟、 大臨字與权)並稱爲程門四先生者也而白水亦師龜山又受温公門人劉元城(安世)之學屏山學不知所 集漢儒經學之大成者康成集宋儒道學之大成者朱子也朱子名熹字元晦一字仲晦世徽州婺源人父章齋先 (字愿中)者與韋齋先生爲同門友而學養深粹豫章教人觀喜怒哀樂未發時氣象惟先生得其傳朱 「亦私淑二程者朱子既稟學於三先生遂有志於聖賢之業年十九登進士第授泉州同安主簿延平李先 子歸

侂胄 守朝 蔡元定 疾吗 經筵 之法上之而豪右以侵漁貧弱為利不便其行宰相留正泉人也其里黨又多因以阻撓者於是有旨需後、 不能用也光宗立知漳州朱子嘗病經界不正不可以爲治會朝廷有行汀漳泉三州經界之議乃具訪事宜及, 鸸。 者 而 規 訓。 艬 居 安希孔孟 陝 大夫致: 明年朱子 亦送道 程、 明。 講 所 四十 中用 而 帝 俾學者守之今所傳白鹿洞 Đị. 兵部侍郎林栗舊皆與朱子論易西銘不合至是途勍之謂「 王 卽 夵 書於易則有 格物 事因上疏斥言左右 日 處 仕。 州 耳侂胄勢既張僉人迎 一胚聘之風邀索髙價不肯供職僞不可掩』云云太常博士葉適疏與果辯帝爲黜果然於朱子、 輟. 事 有以書 年七十一卒嘗謂、 以子喪請嗣。 應物 致 編 管方是時及 知之學並 自然中節此乃龜山門下相傳指訣』蓋平生學力得之於延平者爲尤多孝宗即 本義有啓蒙詩則有集傳大學中庸有章句或問論語孟子有集註書傳有旨屬門人 諫 者答曰『放流 漳州經 言和議之非除武學博士淳熙五年除知南康 門之士或簋伏邱壑或更名他師甚者變易 竊 柄之失侂胄中之遂罷侍壽奉嗣蓋朱子登第五十年仕於外者凡五 「道統之傳 界竟亦報罷改知渾州光宗內禪以趙忠定汝愚薦除煥章閣、 其意競以僞學爲毀。 學規是也十五年以提點江西刑獄人對。 簋 殛、 · 散在方册。 久置度外若仰· 而監察御史沈繼祖至列十罪以劾尊詔落職 聖經之旨不明 人鼻 息 心爲舒修則立 竊張載程頤緒餘調 而道統之傳 衣冠狎遊市肆 窜。 訪廬山白鹿洞 **孝宗欲處以清要除 方寸之間** 始晦。 長戚 **「之道學」** 以自別其非 故講 成矣。 院 說之餘 待制 所至 兵部 遺 **址奏復其當** 久之有旨 黨。 能 任九 即官以足 先行 位應 侍講。 描 而朱子 嗣。 門 考而 時韓 方量 韶上

之爲大全集一百卷又平日所語門人輯爲語類一百四十卷嘉定初賜諡曰文居崇安時嘗榜聽事曰紫陽 石臣言行欽, ,誠意章曰『此人鬼關也』故隱元明及淸數百年學者守其說不敢悖蓋有由然非倖致也所爲詩文子在類次 層門人黃幹而太極關通舊西銘各有解又有楚辭集註辨證韓文考異參同契考異其所編次則有近思錄小學、 伊洛淵源錄通鑑網目皆行於世而學庸論孟四書尤一生精力所萃嘗更定至數四沒前一日、 1層改大

雖不相 物 友)其區別理氣甚明然理與氣未嘗相離故曰「有是理便有是氣」(語類)又曰「理未嘗離乎氣」(同上) 下之器也生物之具也是以入物之生必稟此理然後有性必稟此氣然後有形」(答黃道夫道夫名機仲朱子之 又曰「且 |創草堂於建陽之雲谷榜日晦庵自號晦翁而晚年卜樂於建陽考亭故學者或稱紫陽晦庵考亭云。 也。 理氣之說發於伊川而完於朱子朱子曰『天地之間有理有氣理也者形而上之道也生物之本也氣也者形而 若在 於氣。 雕而自是二物故又曰『所謂理與氣但在物上看則二物渾淪不可分開各在一處然不審二物之各爲一 日, 一 脈。 如 理上看則雖未有物而已有物之理』(答劉叔文)夫旣爲二物卽不能無疑於孰先孰後而朱子則謂 理 或謂 萬 未有天地之先畢竟也只是理有此**理便**有此天地若無此理便亦無天地無人 山 程朱純主理氣二元論者(謝无量哲學史有此說)未爲其知程朱者也雖然以理爲本是矣而 河大地都陷了畢竟理卻只在這裏。 」(以上皆語類) 蓋雖 理氣並言而仍以理 無物都 為本 無 該載 此宋儒 1.

莫不有種。 以用 似。其 以推人物之始則曰、 出、 語類)是皆根氣以爲言者也而有氣斯有質有形故又曰『陰陽是氣五行是質有違 由 以 陰 雖 之萬物 而 太 形化萬物的 是質他又有五行之氣、 便 是以 在萬物只是 《極』不獨 太極 陽之精自 四言則又在氣云 枱 四邊只管層層散出如天地之氣運動無已只管層層生出人物其中有精有細如人物有偏有正一(推天 成 也言氣言質、 統 定不會無 個 脸 地之始、 皆然。 疑結 地 是 在 太極 也天地中之太 中央氣之淸者便爲天爲日月爲星辰只在外常周璟運動地便只在中央不動不是在下。 而不 個 成 -和則日、 兩個。 種子白地生 『畫夜運而 也分而言之一物各具 理 而 在理故曰『氣能凝結造作理卻無情意、 以上 而 理即未嘗不在其中故曰「 做這物事方得然卻是陰 Ë. 蓋 天地初 是氣 語 類、 日『太極只是天地萬物之 極、 田一個 無止便是陰陽之兩端。 化 即萬物中 間只是陰陽之氣。 原朱子之意蓋以理當太極。 丽 生如蝨子自然爆 物 事。 各有之太極 一太極』(朱子學的、 這個都是氣。 協二氣 太極非是別 這一 其四 文非 出 個 截做 若理則只是個 理在天地言、 來。旣 有二也 氣運行磨來 邊散出紛擾者便是游氣以生人物之萬殊如 無計度無造作且如 以氣當陰陽以形質當五行。 有 這 為一物即陰陽 明丘 此 五 個。 兩 枚 個、 溶編) 日、 則天地中 不是陰陽外別 磨 ___ 淨潔空闊底 _ 牝 去磨得急了、 人人 ता 而又爲之譬曰、 在陰陽即一 牲。 有太極在萬物言、 有 天地 後來卻從種 世 質所以做得物 太 有 便掺 界。 間 五 極。 無 人 五行 物 而 行。 許 物草木禽獸、 形迹。 五 <u>_</u> 物 - 多 本只是一 而 衍 子 叉 有 液滓裏 在 Ħ, 卻 漸 則萬物-陰陽 事 太極。 五行。 不 漸 會 出 生 生 以上 太極。 去便 麪 其 來。 造 中 物 面 卽 也、 合 生 各有 陰陽 之時、 五行 磨 由 作。 萬物 而 是 皆 相 是 慮 也、 页 言

闡發 無復餘 取得 ·各有稟受又各自全具一太極爾如月在天只一而已及散在江湖則隨處而見不可謂月分也』 心之全體大用 一杓或 猫っ ifti 華殿 取得一蟾或取得一椀都是這海水』(語 無 理 不 事 明一吾反殺朱子理氣之說、 無 一般之旨亦盡融爲儒說不 而歎其庶幾於斯言 復能明其所自來矣大學補傳 類)蓋至是而周子之太極 也。 Ħ, 一衆 無極程子之理 物之表裏精粗 日, 分 殊、 如 俱 海

天命之性氣 質之性

張

濁。

横渠 在性 其偏 與氣 程。 朱子言性一 如 反 伊川、 之則 某以 rþ 以 語類) 也。 氣 雜 於物、 為極有 关 服門深矣然吾以爲朱子言性之精亦有張程之所不到曰『論天地之性則專 而言之未有此氣已有此性氣有不存而性卻常在雖其方在氣中然氣自是氣性自是性、 之性 此 地之性存 本 故 無 處不 為理 其 :功於聖門有補於後學讀之使人深有威於張程前 以天命之性與氣質之性分言與橫渠伊 卽 八理氣之說 命之性性即氣質之性) 焉故氣質之性君子有弗性者焉。」而朱子亦皆稱之矣然以氣質之性反之而天地之性存。 在則又不論氣之精粗莫不有是理」(語類)夫橫渠嘗有言矣曰『 與 (氣雜即 日, 於氣 『天地間只是一 質之中而 **叉伊川嘗有言矣曰**『 見理之未 個道 **建性便是理** 川、蓋 肾 不 在之尤為 無有異黃道夫問氣 此未 人之所 孟子言性善是極本窮原之性孔子言性相 分明 曾有人說到 以有善有不善只 也。 何 也孟子謂: 質之說始 此。 **守指理言論氣**質 形而 縁氣 性也 於何 語 類 亦不相 後 有 人。目、 質之稟各有清 命焉。 有氣 質之 觀 此、 在則 夾雜。 命 此 知 其於 起於 即 贸

不

近、是 之、謂 不好底揚子又見得半上半下的韓子所言卻是說得稍近蓋荀揚說旣不是韓子看來端的 爲善 别。 品之說然情其言之不 動 性百家紛紛只是不識。 同。 者、 無 理。 言 者 也。 日、 之命。 說與 而性之所以爲性自見故曰「 惡混。 不 雖立 性 也。 知 質之 相 在 (人道性) 其為性 以人 差別 學 近。 心喚做 韓子之言性、 節不 性。 的 性 丽 物所 理 善也。 無 得 ų 又合而論天命性理日「天則就其自然者貫之命則就其流行而賦於物者貫之性則就其全體 性在事 大全 不 礙 有不 朱子亦嘗稱之矣然以氣質之性說性相近不 偏指氣質 稟受於天言之謂之性。 性字。 壶. 二 論心 圓融圓融之中而差別自在是豈非辨之益精而言之益晰者耶。 日、 人 善。 一少得 喚做 無 **【孟子是剔出而言性之本】曰【孟子恐人謂性元來不相似遂於氣** 不 <u>-</u> 《也且朱子一 性之別。 へ 語 知 子思所謂天命之謂 理。 一個氣字耳』(皆語類)於古來論性諸家悉皆窮其說之所由於是由不同 其爲性有三品也曰「 $\hat{}$ 類) 諸儒論性不同非是於眷惡上不明乃性字安頓不着一又曰、 同 Ħ, 蓋與 F 一心是知覺性 面言気自是氣、 $\overline{}$ 知者之言也且性 論性生之別日「 學的) 性也。 是理。 鑰 **荀揚韓諸人雖是論性其實只說得氣』** 性自是性不相 性情 荀子之言性人無不 明矣由 之別。 日「可動處 性者人之所得於天之理也生者人之所得於天之 如以理與氣雜說性相近之尤爲確當 日、 是進論 _ 夾雜。 性者心之所 是心動底是性。 性命之別日 而一 知爲性惡揚子之言性、 面 具之 然又不獨是也孟子之言性、 即言不論 日、 理。情 見有如 「自天 質内 氣之精 日, 語 類 -者、 聖人 此不同。 所 性之威於 人 荀子只見得 挑出天之所 賦 八只是職 粗莫不 也何 無不 鑰 與 故有三 萬 性 也。 物 以求 理之 物 知 得 其 孔 un 官

所之氣者卽吾之血氣而充乎體者也」(以上皆語類)自漢以來學者所愈辨愈紛而浩如墮於雲霧之中者至。 是乃無不渙然以解豁然以明是其所遺於後學者豈曰小補之哉而清人之談漢學者乃故於朱子轉癡索垢不止。 志氣曰『性者即天理也萬物稟而受之無一理之不具心者一身之主宰意者心之所發情者心之所動志者心之。 足於中無少欠缺便是性感物而動便是情』曰『性以浬書情乃發用處心則管臟性情者也』合而論性情心 ता 一萬物所得以爲生者言之理則就其事事物物各有其則者言之。」合而論性情心曰『虛籃不昧便是心此理具

足止、 亦可謂失其是非之心者也。 是要知箇是處千定萬定知得這個徹 言話賽與 共所養之理窮理中自有涵養工夫養其所窮之理兩項都不相離機見成兩處便不得。 (程子曰涵養須用敬故 居敬窮理二事此二事互相發能窮理則居敬工夫日益進能居敬則窮理工夫日益密嘗如人之兩足左足行則右 是格物格物即是致知故言知與言窮理同)此分而官之者也而又曰『人須做工夫方有礙。 朱子為學工夫雙提居敬窮理猶是伊川之桀矱然闡明兩者相發之處又較伊川更為詳盡曰「學者工夫唯在 右足行則左足止又如一物懸室中右抑則左昂左抑則右昂其實只是一事。一日『涵養中自有窮理工夫寫 三居敬窮理 言居敬同) 此合而言之者也曰 『 · 底是那箇徹底不是方是見得徹見得是則選心裏方有所主。 一心具萬理能存心而後可以窮理」 (存心即敬)曰『人爲學須 初做工夫時欲做 (程子日窮理

在 修養 膏、 稱 知 積 積得 丽 館 理雙 理。 此 致 將 卻 其 爲 底 而 豆 **婚善守門戶** 是 家 多後、 息。 知。 歸 提、 窮 令人 此二 人資質不 事 克己則 學 去 學 所 則 者 文 固 者嘗以 推 謂 又反之於自己之身心。 (只管說: 也。 貫通了自然見效不是今日理 未 矣。 者 礙 講、 察 日、 鉛 而 便 彼 **小白家與** 欁 汞 理未 好、 雨 是 觓 如 龍虎皆是我 不言克己為疑朱 義 便 治 者之中 事、 相 服 與 理 明、 都 心 妨。 便 樂 外 拒 修 儘 亦 執 若 沒 來 去病蓋將息 盗 無窮。 有錯認人欲 縛不住了。 身著 則 是 理 便 底 尤以 熟時、 會 身内 是一 事。 前人 處。 不見這箇 伊 Ē, 窮 則 只 等 之 (恁地說· Щ 子 理為 自不 如 不到然後服藥將息則 事。 理不 物、 不 則 作天理處聖賢之 $\overline{}$ 居 以上 亦 言克己蓋敬 會得一 日、 非 理心 運。 相 敬窮 消 在 是在 亦未 日、 礙 4 外 更言 致 語 矣。 是 **—**q 埋 知、 必 也。 件便要做一 Ų 類) 萬事 如 兩 别 盡須 敬克己此三 **-**前 何 F 事 有 勝 爲 別 言之不 此 地 皆 便 百邪、 人是自把立 說如 為一 教 拒 蓋 治、 在 相 盗底。 無此 朱子 身 窮 礙. 物即在 **个足叉反言以** Ħ 件 此、 是 理 居敬是箇收斂執持底道 無病、 者以 事 此 水横 **豈**更有分毫豫漏 用。 法、 所 如 後。 빓 亦 甞 持 何 經 何 **活竪看儘** 溷 伊 云云。 吾心人須是體 以別 不正、 一家醬之敬是守門 如富 地 消服 養對 川 修。 之言 於佛氏 可見也。 入 理不 明之可不謂 若 樂能 克己言之則 積 如 乙 崩、 此 明、 **呼**又伊: 純 便 深儘 之把柄。 積得 然窮 看如 說、 於敬則 察得 白 資 有在。 多了自 有 理又 質 何 詳 理。 川言 此 克。 戶之人克己 各 Ħ 觀 好 地 窮 自 作 如 物 7理是箇 兼 其 底、 持 鲞 無 誠 涃 誠 此 無 便養得 兩 奥 守、 乎。 邪 事 則 實在 餐 也 以 不 意。 項 雖 僻、 亦 深 便 須 平 然、 日、 只 推 如 厠 何 可。 不 用 是空。 朱子 轉究 我 入 父 成 意。 用 方 挻 俏 是 敬、 爲 大 只 克 養 拒 可。 窮 凡 安 進 此 是 居 叉日、 則 関邪 <u>盜</u>。 致 學 戄 敬 者 以 義 世 庇 個 則 如 也。 理 道

語 有邪 之學 類 僻、 · 猶有未達者吾不信也此吾所以推朱子為能集道學之大成也。 是言居敬卽凡 只是敬心不純只可責敬故敬則無己可克乃敬之效若初學則須是工夫都 修養之事無不包猶言窮理即 凡學問之事 無不包學者苟推朱子之說以求之而於濂 到無所不用 其極。 以 上 樹

第九章 張南軒 胡五峰附見

字內贊 為不 長天恤 廣漠 日、 知言朱子嘗與南軒東萊商其疑義 (朱子有知言 疑義)以今觀之如曰『天理人欲同體 知江 南 朱 L陵府安撫· 善 凡 入。 軒學於胡五峯宏五峯武夷之季子而嘗從龜 子 也、 密謀、 遷於衡陽父 天 講 民抑僥倖屛讒諛之事以故不爲近習所喜退而 聖人 學之友得力者有呂東萊陸象山張南 外發無 肵 本路。 不 有、 絕欲。 而 衆人 將有公輔之望而竟以 務雖幕下諸賢皆自以爲 淡故丞相魏 人以 .有之者聖人皆有之人以情爲有累也聖人不 狮 為傷德也聖人不樂術人以憂爲非達也聖人不忘憂人以怨爲非 國公諡忠獻孝宗 病卒年纔四十八嘉泰(寧宗)中賜諡曰宜著 不及 軒。 也忠獻沒歷知撫州、 初立方倚忠獻以 山侯師聖(名仲良亦二程門人)游以 而於南 家居孝宗念之詔除舊職知靜江 軒尤所深服。 收 、嚴州召 去情人以才為有害也聖人 輿 蓋其踐履議論尤相近 **於復之效先**。 爲 東部郎, 生以 兼侍游 府經 少 而異用同行 傳河洛之學者也所著 有文集 车 心啊 略安撫 辟 宏也聖人不釋怨。 所 忠 不病 陳 獻 論語孟子解等。 軒名拭字敬夫 皆 廣 軍 **水才人以欲** 而 南 修 府 . 異 情。 身 西 機 路改 宜文 務 學

爲 然 而六 子 Ċ 以 其 物 實由 愛親敬長有物有則以為言則與天理人欲 也。 邪。 純乎天理則身在六經中飢 Ŧi. 此 必 為 卽 也。 **举辩** 習禪 妄耳。 經達矣』曰『此意 Œ 何 常 五 有 此六 毫釐之間正要辨別得如伯逢病正在此耳』 (以上皆見南軒答問) 者為 指出 心 孝 《然南軒亦有得於五峯者五峯好言心曰『 則 別 故云然)陰稱佛說而又陽斥之此宋人大率類然無足異也然南軒之說則較之五峯爲近於儒問。 以 者人生皆備、 此 而上接伊 善邪 於衆 伯 疾南軒見孫 愛親敬長之端最爲親切於此體認便不差也」又問「程子云、 天也若非天則則是人為凱之妄而已矣只如釋氏揚眉瞬目自以為運用之妙而不知其爲妄而 逢 者為惡一 人乎聖人發而中節、 (名大) 川。 故知均稟於天但順 全謝 雖好然飢食渴飲異 正孺(名蒙正亦五峯門人)告之孫道五峯之言曰『渠家好佛 而世儒乃以善惡言性邀乎遠哉」其意不認性有善惡皆極似釋氏之說。 原五 山 而食涡而飲天理也畫而作夜而 謂南 よ之從子與朱子南軒皆有辨論不以知言疑義爲然〕疑云「既是天安得妄」某 軒似 丽 衆 明 人不中節也中節者爲是不中節者謂非挾是而行則爲正。 其理 同體同行云云亦有異矣蓋南軒之學、 道晦翁似伊 教中 則是真違其理則 **堯舜禹湯文王仲尼六君子先後相韶** 亦有拈出 训。 此 見宋 **意者而其與吾儒** 息天理也自是而上、 元學 是妄卽人爲之私耳如此言之知不鄰否』曰「有 粜 以機食渴飲 「視聽思慮動作皆天也但其中要職 吾則 **興者何哉** 謂 ---秋毫加爲即為 似伊 主居敬窮 心日心 揚眉瞬 加 宏對他說甚」(此又不 者 前 理、 m 軒 丽 目為異學而 人欲矣。 不日性。 可不 而南 急 而 一挾非而 於義 似 深察 軒 明 初 何 道 人 利 蓋因 也孟 見五 之辨。 必取 非異 吾 則

氏外費)遂成程門一段公案亦如禪門祖祖相傳之心印無有節授不能得之者矣相傳南軒旣見五拳五拳不與 再)之女讀出入無時語人曰『孟子不識心心豈有出入』而伊川聞之曰『此女雖不識孟子卻能識 **香僅**合思忠清未得爲仁之理往返數四而後有告夫此豈非禪下教人參悟之大機乎。 寫。 也 (皆見知言) 而南町 者知天地宰萬物以成性者也六君子盡心者也故能立天下之大本。」是以言心無不在言心無生死言 亦曰『心本無出入言心體本如此謂有出入者不識心者也』(答問)蓋自范淳夫(超 成心」へ程

時須常存趨約之意庶不至弱心』(答問)又曰「 厚故省察少力」(與呂伯恭奮)言讀書則曰「讀書欲自碑而趨約、 所謂 合幣頓點檢處尚多。」其不足於南軒者以此而晦點稱『敏夫見職卓然不可及。」其歎服之者亦以此也向使得 玩索處自然有力」(與呂子約子約束萊之弟名祖儉)處處主由體起用東萊與陳同甫書謂「 日、 其年其所造必不在晦獨下情哉情哉。 **「誠能起居食息主一而不舍則其德性之知必有卓然不可掩於體察之際者」(答問)意蓋以居敬實窮理。** 南軒與朱子皆言居敬窮理而朱子重窮理南軒重居敬此朱子南軒之不同也南軒曰『格物有道其惟敬乎』 有體不患無用者也故言存養省察則曰「存養省察固當並進然存養是本覺向來工夫不進蓋存養處不深 理義固須玩索然求之過當反害於心循泳栽培日以深厚則 此固前人規模其序固當爾但旁觀博 張荆 州 使 取之

第十章 呂東萊 附陳龍川

農訓、 **後**、謂 **选**衆
其
作
家
傳
即
有
不
主
一 以 团 世 恭之所以異 晦 而 問 為法。 用 翁與 之子本中(字居仁)又從游定夫楊龜山、 政使之通達治體。 呂祖 本之家學 學於林拙齋(之奇)汪玉山。 亦 故呂氏 或失則教之以爲戒又教之以如何拯救如何措費使之洞曉國家之本末原委然後他日用之皆良公卿也。 講 陸泉山多不合伯恭介朱陸之門 與二氏何 謙字伯恭其先河東人後徙壽春曾祖東萊郡侯好問(希哲子)始徙婺州呂氏自希、 貨 者、 誦 於朱陸 釋為 蓋可見晦翁嘗譏 家教又在多識前言往行以畜其德(本易 别 矣伯恭周 古之公卿皆自幼時便教之以爲異日之用今日之子弟即 兩家 百代爲學通 **%者也且南**; 門不私一說之語。 禮 法學者 伯恭、 說日、 一(應反 渡以 ----3 œ 教國 . 頗多調停然呂氏雖傳洛學而原明所師如定安泰山盱江 (李觀 後、 只 緣此支離泛濫自是)拙齋玉山皆出本中門下又師 學 向 尹和靖、 子以三 雑博處 而居仁亦曰『學問做得主張則諸子百家長處皆爲吾用』(IE 一億三行 心誠意 (焞亦伊 用 功卻 (大畜象鮃) 今觀伯恭與邢邦用(名世材伯恭門人) 為浮談。 入病、 於要約 (師氏之教)立 川 門人) 非是 處 而 不 法祸見此而欲盡廢之正是因曀 視 游故 治國 胡籍溪故奥晦 **骨子細研究**。 一其根本、 他日之公卿故國政之是者、 世 平天下為 傳程 門之學伯英 固 _ 是網 不知中原文獻之傳、 末 庬 務。 為同 舉 好 おかな 門。 目張然又須 攐 師 當時 斥二 事 伊川 氏 廢食。 講 r 學者、 後、 則 其 爲 荆公、 教之 殺以 見童 從 副 不 乃伯 而 初 惟 孫.

間豈可不 自科 ध日 知 處 利 超 語、 世之美器哉。 [等豈鶩外之謂乎伯恭登隆 [邁喜談兵後以豪俠屢遭大獄猛勵志讀曹所學甚博大抵主於致用故自孟子以下惟推王通其與朱子書、 古 矣。 雙行王霸並用之語又曰、『謂之聖人者於人中爲聖謂之大人者於人中爲大機立個儒者名字固 至躬自厚 興媝學相 人所 成。 舉之說與學者視國事如秦越人之視肥瘠漠然不知至有不識前發姓名者一旦委以天下之事都是杜撰豈。 (史工夫 個 者 所 說可謂 人氣 知天 著 以教國子之意然又須知上之人所以教子弟雖將以爲他日之用而子弟之學則 所 有春 只 Ü 近者有永嘉永康之學然永康非永嘉比也永康之學曰陳同甫同甫名亮學者稱龍川先生爲人、 而 如 <u>--</u> 、地間! 薄實於人有省途終身無暴怒其與朱子書亦規以『 共言 是這 學為 無 此然後能可久可大』(秋 體之學矣全谢 事乎』此豈獨當時救弊之言亦儒者明體達用之學道所應稱不然、 亦足 左氏傳說左氏博職呂氏家塾讀書記等又嘗與朱子同輯近思錄少時 個 人 (也而豈必其儒哉) 氣才只是這個才情之金銀銅鐵鍊有多少則器有精 以 破儒者門戶褊隘之見然伯恭有云『靜多於勸踐履多於發用涵養多於講說讀 與(孝宗)元年進士第又中博學宏辭科歷官至著作郎、 山以爲『永康專官事功而無所承其學更粗莽』(宋元學案序錄) 與葉正則當可久則賢人之德可大則賢人之業見易繫)若同 叉曰、 **亮瞥以爲得不傳之絕學者皆耳目不洪見聞** 爭較是非不如斂藏持養」 粗豈其於本質之外換出 主管明 孔門問 非以希用 性極 政之言、 褊後因 即其學養可知也。 道宮卒年四 不慣之辭 也。 有該 夫其粗莽、 病中 其多 蓋生 般 甫、 不 以 也。 則 十五。 典 天 ⁽⁽⁾只有 才氣 有義 盡之 人只 經 地 問

豈非無所承之故哉

第十一章 薛艮齋 附陳止齊

門人也而自六經百氏下至博奕小數方術兵書無所不通士龍得其傳故於學極淹博所著書多佚今存者、 語集其與沈應先(名有開學於艮齋又當從南軒東萊)青謂「道揆法守渾爲一途未明道揆通於法守之務要。 終為無用。一大抵主經制以求事功故當時與永康並目為功利之學然觀其所為克齊記與耳目箴皆以顏子克己 用也卒年四十。 舉皆一持之耍政而宋史本傳謂其於古封建井田鄉遂司馬法之制滕不硏究講畫皆可行於時吾又以情其不盡 此恐至道之不疑」是其自修之密非龍川所可同日語也艮齋起從荆南帥辟書寫機宜文字歷官至知湖州所興 復體爲言而答陳同甫書亦曰『曾子日且三省其身吾曹安可輒廢檢察不識不知順帝之則者古人事業學不至 永嘉之士出於程門者甚衆而稱永嘉之學則自薛季宣始季宜字士龍號艮齋獲事袁道潔概道潔汝陰人伊川 婚有浪

之法原於象數則象數者易之根株也河閩之數四十有五乾元用九之數也洛書之數五十有五大衍五十之數也。 自 康節傳圖書之學而朱子作易本義遂以列於易前艮齋河圖洛香辨則以爲『河出龍馬負圖》 就能龜之說成無 驗之文聖人之道隱巫史之說行」而爲之說曰「夫易之有卦所以縣 (同懸)法 洛出 龜 書、 也。 無所

第三編 近古哲學史

齋嘗問其 自 之說果何稽乎第觀垂象之文可以自見』此其所持亦出臆測然及齋之學之 河則第寫於圖。 直原委之趨向 而 海 上之之名也或曰、 究其始終之數則九實尸之故地有九州天有九野傳稱河洛皆九曲豈取數於是乎春秋命曆序(春秋緯 水之者 帝王之階 經之類。 施 地 政所謂據九鼎按圖籍者也仲尼作於周末病禮樂之廢壞職方之職。 非 師 在夏為禹貢周為職方氏所掌令諸路閏年圖經漢司空輿地圖地理志之比也其曰河洛之所自出、 道 圖 也洛原 深義理之辨道潔曰『 理當然耳昔者周天子之立也河圖與 [載江河山川州界之分野] 饑緯之說雖無足深信其有近正不可棄也信斯言也則 是則 在 然矣圖與書奚辨白圖書者詳略之云也河之原遠中國不得而包之可得而。 九州之内經從之地與 學者當自求之他人之言善非吾有』(沒語集袁先生傳後語) (其所) 大訓 麗名物人得而詳之史闕其所不知古道然也。 並 列(見書顧命) 不舉。 不循磁言而 時九鼎亦寶 所爲發歎鳳圖者、 水課 於周室皆務以 實即此 是放以 開者其 非 河圖) 若此 可以 有他 洛 見也艮 魯言洛。 形之曲 湯乃山 辨 也。)「河 所謂 龜 Щ 龍

必有 到 八 年。 成 長齋之門有陳君 處便 茅夾一間聚 此朱丈之說 足有德。 書手 事 舉傳 也。 到 餘 如 濟 以此則漢組出 處便是有理此老兄之說 卷、日 良瑞安人以乾道 考古咨令於其 唐宗賢於盜賊不遠竊所未安。 八年登進士第仕至寶謨閣 中而於周官左史尤有得。 也。 如 此、 則三代聖賢 有節文) 其調 .待制學者稱止齋先生其始從艮齋者. 枉作 工夫。 停晦翁同 間間 、功有 甫之爭、 適成何必有 兩 平 之 論。 與同甫舊有 吾觀其所 德。 事有 云「功 擬 蓋七 濟何

同前 歷 而 而 X 稱 不敢 止齋與鄭景望(名伯熊永嘉人私淑伊洛之學者止齋亦嘗師之)皆亦有見性之誨敢不從事之語則亦非 孟子荀卿揚雄王通而曰『韓愈曰孟氏之死不得其傳焉自是舉世同聲和之願豈無人哉抑孟氏之名已尊、 異 議也」此與程朱諸儒言治言人必三代以上者固不侔矣然葉水心爲止齋誌墓稱其以克己兢畏爲

壽當時與子靜稱爲三陸弟兄自爲師友而黃東發以爲陸氏之學出於謝上蔡至全謝山則又以兼出於王信伯信 伯名蘋在伊川之門為後進而楊龜山最可許之以為師門後來成就者惟信伯也信伯震澤記善錄曰『人心本伯名蘋在伊川之門為後進而楊龜山最可許之以為師門後來成就者惟信伯也信伯震澤記善錄曰『人心本 孔子孟子不類」 先生之教而究其所自主張者多故在當時如張橫浦(九成龜山門人)林艾軒(光朝學於陸子正子正尹 人)皆與子靜相近而不能謂其出於上蔡信伯子靜嘗言『不可隨人腳跟學人言語』則要以得之自悟爲是不 廊。 オ高氣粗、 』子靜之說大抵與之合則 多是記憶既往與未來事乃知事未嘗累心心自累於事耳」又曰「 九淵字子靜號存齋撫州金溪人父賀有六子九思九敍九龜九韶九齡其季則子靜也九韶字子美九齡字子 第十二章 而不欲致力於性命之際者當時永嘉諸子惟止齋最稱醇恪豈不以此歟有止齋集五十二卷。 蓋宋儒之學自張程之後本有兩種一從師傳入一從自悟入從自悟入者未嘗不參之已往諸老 陸象山 謝山言為 可信然子靜最不喜伊川幼時 聞人關伊川語、 聖人之道無本末無精粗、 即日、日 _ 伊 渆 徹上徹下只是 之言奚爲與 和 靖門 無

思

抵流 至數 不 必定有所 如 品之分 千人光宗即位、 亦 其設施有以致之也年五十四卒於官諡文安嘗有勸其著書者曰『六經註我我註六經』又曰『學茍 師 |承也乾道八年登進士第爲呂東萊所識自敕令所删定官能歸講學象山。 而賢不肖之辨嚴後世有旒品之分而賢不肖之辨略。 一故今所傳文集語錄而已 除 知荆門軍荆門於當時爲次邊嚴保伍築城郭、 』當時稱荆門之政令行俗變以爲躬行之效而 而民以無邊憂薦舉其屬不 自號象山翁學徒之盛 限流 品品 按籍 古 知

立 大

道六經皆我

註腳

此為大人而已矣。子靜之說蓋取諸此故不必明標立大也其曰『上是天下是地人居其間須是做得人方不枉。 時自然羞惡常寬裕 本 么變 日, 物交物則引之而已矣心之官則思思則得之不思則不得也此天之所與我者先立乎其大者則其小者不能奪也。 『今人略有些氣燄者多只是附物原非自立若某則不識一字亦須還我堂堂地 溪之言主靜明道之言識仁也稱孟子曰『從其大體爲大人從其小體爲 **4K** 泉山 欠闕。 小 家 不 相 錄云「近有議吾除先立乎其 必他 者不足以承當一即本從其大體爲大人而言立 求。 在自立 温柔時自然寬裕温柔當發照剛毅時自然發強剛毅」即本天之所奧我而 而 E_o E, 收拾 大者 精神自作主宰萬物皆備 一句無伎倆吾問之曰誠然』是知立大二字為子靜教 大也。 三、 日、 -於我有何欠闕當惻 女耳自聰目自 小人。 日『耳目之官不思而 做 個 明、 人。 事 隱時 父自 曰, 言。 H 能 -然惻 孝事 此 亦立大也要之 是大 人之宗旨猶 隱常羞 兄 自能 、丈夫事。 敝 弟。

三级

卽

爲心學。 則不 極 此、事。 權(有 游 此 自 宙 謂 少如日 此心 不 山 鋏 Щ 非 便 其 佛 理。 得詳其 必 無 卽 貫 書 4 是 節文以 見得 也。 實則朱儒門庭各具未可一概而 混 4 禪 他 心 有 吾 根。 此心性爲一。 看、 見到孟子性善處方是見得盡實亦禪宗明心見性一類說話非孟子之所謂性也)故後 其 亦 丽 本 心 言、 吾心 不 不言 此心本自 人其把柄 不 但 語 领、 **養重在** 過以 可。 獢 -上皆語錄 未 格物者、 便是宇宙。 象 Ě 思。 易 宋儒出於佛氏遂多心性不分而 讀。 則 爲 Ш 卽 ۲ 充滿、 固 理 只是一心見得此心本自具足無待外求故伊川謂「性卽理也」而象山 雖取之孟子而非孟子之本旨矣然則朱子之斥象山為禪、 思而非重 格此者 地 Ü 亦 也 學 是明心之後自有儲者一番致用工夫觀其荆 不明、 如 一語可見蓋言心 有 حت 撫 是耳。 其 言、 有不 本 在 鞭 也伏羲仰象俯 餌、 且象山 心故其言誠者天之道亦曰思誠者人之道言愛身不若 至故橫渠謂『天地之塞吾其體天地之率吾其 **警不得**故曰、 則 - 龤 知之所及 論。 語中 難以 而若象山 則禪言 多有 者及 ~ 直指本心為教 法亦先於此盡力焉耳不然所謂格物末 4 無 **源柄的** ·者須是打疊田 理 者則其可謂心學也已且孟子言心之官則思、 此也仁之所守者守此也。 至象山則直單提心字拋卻性字不說。 則 儒吾當謂一 說話。 而 亦 如 地淨潔田 朱 未嘗不告人博稽之載 知及之仁不能守之之類。 人 取 門之政以及為쀘定官時訪知勇 《禪之伎倆》 ·時習者智此於 地不 亦 (性)而 净潔若 有由 而 爲個 也。 象 而 讀 籍。 (象山 巴矣。 說者、 然 桐 山 書則 梓。 故當 則 則 用。 不 而 ·知所! 從而 說此。 從而易之日「心 謂 象 是假寇 日弗 喜 思則 其非 此 山 人目朱僑之 集中言性之處 樂者樂 易之日 及所 固 亦 為得之不思 此心 束 思 齫 自 二士與 兵資 Ł 與 甚 于 不 可。 也。 心蓋 者何 此。 觀、 而 異。 仐 學

二辨志

是志立 所 先生 似 餐 所 復。 志、 人之所喻由其所習所習由其所志志乎義則所習者必在於義所習在義斯喻於義矣志乎利則所習者必在於利。 習在 為而 其事仍 象 云人心 也然 是本 而皆不甚合而吾觀南軒曰『學者潛心孔孟必求其門而入以爲莫先於明義利之辨蓋聖賢無所爲 「翁與俱 教 山 ep 利斯喻於利矣』(白鹿洞講義)然則辨志之教問與立大並重然象山又云『幾自警策便與天地 人何先」對曰「辨志」正己復問曰「何辨」 於及門之士最稱傳子淵(夢泉建昌人)子淵歸家陳正己(剛後亦師象山又師同甫東萊)問之曰『 省察所 角軒區 然者皆人欲之私而非天理之所存此義利之分也」其致辨於義利之間獨與象山如出一口又南軒言「持 大立日 是一貫故象山嘗云『吾只有此一路』此所以爲簡易之學也且當時如晦翁東萊止齋皆與象)惟危道心惟徼解者多指人心爲人欲道心爲天理此說非是心一也人安有二心自人! 至白鹿書院請得一言以警學者象山爲講君子喻於義小人喻於利一 別天理・ Ü 成其持養之功。 人不辨個小大輕重無鑒識些小事便引得動心』(以上語錄)是大不立卽志不立立大辨 人欲甚嚴而象山 而象山 則謂、 亦 有存養是主人檢斂是奴僕之語則兩軒象山皆有得於禪故宜 『天理人欲之言亦自不是至論若天是理人是欲則是天人不同矣。 對日『義利之辨』而晦翁知南康〈淳熙八年 章。亦曰、 『學者於此當辨 而言則曰惟危自 而 象 山 然 相似。 心有 山 相往 其相 墬

體 道 **盟**現用同 言、則 日惟微。 行製情之論由此可見其持論之高遠平實即視其得於禪者或多或少而定南軒得於禪者少故其言獨 罔 念作狂克念作聖非危乎無聲無臭無形無體非微乎」(語錄)此又同於五峯天理人欲同

齋俱(復齋子壽也)論及教人晦翁意欲令人泛觀博覽而後歸之約二陸則欲先發明人之本心而後使之 異乃與 翁友也)於是羣以朱陸爲異者亦漸以朱陸爲同矣然嘉靖中陳淸瀾(建)著學蔀通辨一 易矣竊朱陸意見之歧始於鵝湖 陳氏之一 為蔀障據其所考陽明指爲晚年定論 胶 而晚同陽明因之而 各尊其師遂相攻訐陸門以朱爲支離朱門以陸爲狂肆逮於有明程簋墩(敏政)作道一編以爲朱陸三 朱陸異同蓋宋以來學術一大爭端也象山先晦翁而卒(象山少朱子九歲卒時朱子年六十三) 五举象山得於禪者多故其言亦高遠若執是以量宋儒之說蓋無有或失之者矣。 歲固已大悟舊學之非痛悔極艾至以爲自誑誑人之罪不可勝贖』(朱子答何叔京書中語叔京名鎬晦 附 陽 綸 味 阴適 朱 排陸然以朱子爲正 陸異同 成一反清道光中夏弢甫 |有朱子晚年定論之說取晦翁所與人書三十餘篇序而行之 (見陽明全集) 日『 學而以陸子為禪則亦與陳氏同蓋至是 (信州鴉湖寺)之會先是朱陸未嘗相見由呂伯恭邀之而來象山 (炘) 翁早年出入禪學與象山未 作述朱質疑考證較陳氏尤宏雖 而朱陸之不能相合已如定案不 會而同之作 有象 山路 其指證朱陸早同 履篤實之論 書斥篁墩 兩家門人 與兄復 朱子 早異 不 陽明 面 可 如 晚

第三器 近古哲學史

與晦翁書論太極圖說謂不當加無極二字於太極之前而晦翁獲謂「不言無極則太極同於一物而不足爲 萬化根本不言太極則無極淪於空寂而不能爲萬化根本』往還兩書之後梭山以爲求勝不求益置不復辨。 似太過然此詩遲至三年晦翁始從而和之則其時之不無芥蔕殆實情也此一事也其後梭山(梭山子美也) 之途異也而晦翁旣以爲「義理天下之公人之所見有未能盡同者當相與熟講以歸於是」(答諸葛誠之 名建先師象山兄弟後從晦窮於南康)亦皆兩家冰炭之由蓋子靜所說是尊德性事晦翁之談則道問 象山乃代為辨之然象山旣護晦翁爲文辭繳繞氣象褊迫而晦翁亦實象山於忽遽急迫之中肆支塵躁率之 **博覽當時賦詩象山有易簡工夫終久大支離事業竟浮沈之句象山語錄云『舉詩至此晦翁爲之失色』語** 此莫若各自著書以待天下後世之自擇」(見象山語錄) 具詰難覚無深 天下後世」(對核山之言即爲太極圖說事也)於是朱必強陸從朱陸必強朱從陸陳君舉樹 書誠之名千能象山門人原書即爲曹立之墓表事欲以解兩家之爭者)象山亦謂『道一而已不可不明於 多此則晦翁自言之(答項平父曹平父名安世晦翁之友)象山自認之(語錄)其持論之異即其所從入 酮以達其忿黙不平之氣反覆辨難相持益苦矣此又一事也他若象山荆公祠堂記晦翁曹立之蔑表、 而不相悖聖人之教也只此一事實餘二郎非異(見楞嚴經)佛氏之指也兩家皆自命爲聖人之徒而其強而不相悖聖人之教也只此一事實餘二郎非異(見楞嚴經)佛氏之指也兩家皆自命爲聖人之徒而其強 益。 (與晦翁曹見止齋集)而晦翁不從包顯道(名揚象山門人)勸象山以 而象山亦不從也夫萬物並育而 不相害道並 矃 翁以爲 為一 () 立之、 勢旣 相 如

從己必欲道之出於一乃深中佛氏之蔽不亦可怪乎且卽以佛論亦有歸源性無二方便有多門之言矣(亦 生之異何傷於雨先生之同乎兩先生惟必不欲人之異於我而必以我之同以律人於是門戶不得不分而是 見楞殿)中庸言誠則明明則誠誠則明先尊德性而後道問學也明則誠先道問學而後尊德性 強使之同且牽朱以上釋迦之筏異端之見不除相勝之心不化吾並未見其有當也 非不得不起。是則兩先生皆不能無過者也而後之人貸朱者必言某異至抑陸不得列於孔孟之門祖陸者又 也。 然 則 兩先

第十三章 葉水心 附唐說齊

敗盟江淮震動規畫防守金人不得逞而去而為言者所中謂其附韓侂胄以起兵端途奪職率祠凡十三年 水心斷斷其間逐稱鼎足蓋亦一時之鉅子矣擢淳熙五年進士歷官至知建康府兼沿江制置使適當開蔣 七十四諡忠定所著有水心文集水心別集習學記言等。 葉適字正則號水心永嘉人其學視艮齋止齋爲晚出而稍益恣肆當乾淳諸老旣沒學術之會總爲朱陸二派而 而卒。 年

聃為 所謂太極 艮齋不信圖書虛誕之說而作儼若思齋記猶稱太極(見浪語集)至水心則幷太極而斥之曰『孔子彖辭無 虚無之亂然猶不敢放言曰無名天地之始有名萬物之母而已莊列始妄名字不勝其多故有太始太素茫昧 者不知傳何以稱之人易有太極見繁辭而水心不認繫辭爲孔子作謂十翼惟象象可信故云然、)自老

稱之老佛 不獨是也。 蓋脚 **萱**之福極之分也。 學記言)亦自有其所見故解洪範九疇以爲卽禹謨六府三事之九功曰『六府卽五行三事則庶 罪及於子思孟子目為新說奇論稱「 微妙無不悉 豈古人所謂道者上下皆通知之但患所行不至邪老聃本周史官而其書盡遺萬事而特言道凡其形貌股兆眇忽 大司 而 廣遠之說傳易者將以本原聖人扶立世教而亦爲太極以駭異後學後學鼓而從之失其會歸而道日以離矣」又 世之成 為得不傳之絕學者幾一舉而顯覆之亦宋人所未有也然其謂『天地陰陽之密理最患於以空言窺測』(場寒燠皆爲之應任 叉 徒)最為要切而未嘗言其所以爲道者雖會變舜時亦已言道及孔子言道尤著明然終不的言明道是何物。 益以莊列西方之學愈乖離矣。於是舉周張二程所謂無極太極動靜男女太和參兩絪縕威通之說皆以爲 武王修禹 法. 而謂「 曰『周官言道則兼藝貴自國子弟賤及民庶皆教之其言儒以道得民(見冢宰)至德以爲道本(見 降為 具予疑非聃所著或隱者之辭也而易傳及子思孟子亦爭言道皆定爲某物故後世之於道始 售 以此與浮屠老子辯猾以病爲樂而與寇盜設郛郭助之扞禦」(以上皆習學記言) 災異陰陽之書可爲痛哭」(智學記書)此與艮齋河圖洛雷辨同一立言必求有據正永嘉之 法乃學者以爲祕傳迷妄臆測相 (參看古文尚書大禹謨 人之實而當天之心出治之效無大於此今必一一 中庸高者極高深者極深非上世所傳」(總述講學大旨)蓋濂溪以 九功九疇名異 奥 串 同 不肯同也。 貫 () 習以 吾一 禹言略箕言詳天之所錫非有甚異 配 身視聽 合牽引已事往證、 言貌之正否 分 뭵 而 附 驗之於外物、 政肇事也戒之 著、 並 而 有異說。 不可 由 使 來所 是上 智 則 知。

吾未見其所謂心果異於周程之云云也然則其詆周程何哉(水心又言古之聖賢無獨指心者孟子始有盡心知 序有節文三人皆葉氏門人)以師心為數則猶是周程心學之矩矱雖有師誤可改心誤不可爲之言(智學記言)、 性心官賤耳目之說蓋辯士索隱之流多論心而孟荀爲甚水心之論多自抵觸蓋如此、 知而師告之師不吾告則反求於心心其能告非其心也信其所自有養而不喪故謂之育德』 不知而師告之師不吾告則反求於心心不能告非其心也得其所當行決而不疑故謂之果行。 之長不如永康專曉曉以事功爲言也雖然水心亦有言矣曰『 力學莫如求師無師莫如師心人必知其所當行。 人必知 送戴許蔡仍王汶 (其所) 自 有。

下無近 之語又當何如。」(有節文)又曰、『四民未有不以世至於烝進髦士則古人蓋曰無類雖工商不敢絕也。 **慢**鴃舌之人非先王之道使見老子至治之俗民各甘其食美其服鄰國相望雞狗之音相聞民至老死而 不 飲食待官而具吉凶生死無不與偕則取之雖或不止於十一固非爲過也後世獨狗百姓不教不養貧富愛樂茫然 **首賢者與民並耕而食甕飧而治雖非中道比於刻薄之政不有間乎孟子力陳堯舜禹稷所以經營天下、** 知。直 書戀遷有無化居周濺而不征春秋通商惠工皆以國家之力扶持商賈流通貨幣漢高帝始行困辱商人之策。 心敢言人之所不言而其論即亦有不可刋者如曰『儒者爭言古稅法必出於十一夫以司徒教養其民起居 因其 一世養兵之衆則雖二十而一可也三十而一可也豈得以孟子貉道之言爲斷耶。 自有而遂取之則就能止於十一而已不勝其過矣況合天下以奉一 君地大稅廣上無前 _ $\overline{}$ 有節文 ン又日 代封建之煩、 至 不 三叉日, 相 謂 ----許行

法者而惜乎其竟以讒廢也。 求無失於古人之意蓋必有說非區區陳迹所能干也」(習學記書)向使水心得竟其施意必有制作可爲檻世 子所述皆四代之舊至孟子時欲行於當世與孔子已稍異不惟孟子雖孔子復出亦不得同然則治後世之天下而 貨財以事其上則誅」而師說至謂『百工之人君子不齒』今水心言然豈非有過人之識者哉抑水心又曰『孔 有士而不知有工商故昌黎原道曰「民者出粟米麻絲作器皿通貨財以事其上者也民不出粟米麻絲作器皿通 厚本而抑末、 武帝始有算船告緡之命極於平準取天下百貨自居之夫四民交致其用而後治化與抑末厚本非正論也果出於 雖偏尚有義若奪之以自利何名爲抑』(以上皆習學記言)夫後世儒者多知有君而不知有民知

查言證制言人事自不得不與荀子爲近說發如是卽永嘉諸子可知也說發著有愚害九經發題文集等而尤著者、 膀則人事怠失之已求之天君子不由也」(愚情)吾嘗謂永嘉之學有似於荀子說齋作性論雖以荀子之言性 州時晦翁為浙東提刑以事劾之遂奉祠說齋素伉直旣遭摧挫途不出益肆力於學其言曰『三代治法悉載於經、 **灼可見諸行事後世以空言視之所以治不如古」又曰「陰陽之說勝則禮經廢形相之說勝則心術**喪祿命之觀 為非然荀卿論則稱。「孟子會七篇荀卿皆二十二篇觀其立言指事根極理要專以明王道黜霸功關異端息邪 當永嘉諸君子講學時最與同調者有唐仲友而與諸君子不相往來則可異也仲友字與政號說齋金華人知台 一書蓋相 表裏一意必有取於荀子者(後雖曾荀卿不過霸者之佐然仍是從性惡善僞上指擴當分別觀之)

惡

日帝王 備六經之指 一經世 圖譜。 趣為百世之軌範者也」而宋史以其忤於朱子至不爲立傳則甚矣其陋也。 取諸 經旁通午貫之以見先王制作之意冀可推之後世見之施行周益公(必大)嘗稱之曰、 此

第十四章 蔡西山蔡九峯 附蔡節齋

陽入父發博覽羣書號牧堂老人幼時以程氏語錄邵氏經世張氏正蒙授之曰『此孔孟正脈也』。 傳焉晦翁南軒東萊泉山講道盛矣因數明理復有一葉西山出焉」則蔡氏之學不可不著也元定字 之吾與季通言而不厭也。」太常少卿尤表秘書少監楊萬里聯疏薦於朝以疾騂樂室西山將爲終焉之計會僞學 列於儒林然蔡氏實傳康節之學故羅大經鶴林玉露謂『濂溪明道伊川橫渠講道盛矣因數明理復 極、 經世太玄潛虛 節學者稱西山先生元定於書無所不讀而尤長於天文地理樂律歷數兵陣之說所著有大行群說律呂新書。 往師之朱子叩其學曰『此吾老友也不當在弟子列』 禁起編管道州不解家而就道杖履同其子沈行三千里腳為流血而無幾微見於言面竟卒於貶所嘉定中賜諡文、 而序之日 宋史道學傳於朱子門人收黃直卿幹李敬子燔張元德洽陳安卿淳李公晦方子黃商伯灝六人而蔡元定不與宋史道學傳於朱子門人收黃直卿幹李敬子燔張元德洽陳安卿淳李公晦方子黃商伯灝六人而蔡元定不與 『天地之所以肇者數也人物之所以生者數也萬事之所以失得者數也數之體著於形數之用、 指要洪範解八陣屬說等洪範之數學者不傳元定獨心得之以傳其季子沈沈字仲默。 與對楊講論每至夜分嘗曰「造化做妙惟深於理者能識 既長聞朱子名 因作洪 季通建之建 有一 邵 妙乎 皇極 範皇

理。 所 鏊 雖 樂 數、 也。 不 其 以 非 然觀 人物古今之變。 見。 機。 當 皆託 知 m Ü B 眀 伽 窮 時 辭 不 用 其 外序 Ž. 有 其 不 呻 其皇極 知理 如 雖 所 世之作。 古以 盛言 善 共 因 知 未 薛 也。 以 著。 謂 則。 化獨立 之數。 艮齋 備、 生 逆o 起 數 不 數 - 誠乎數不 乏用 者。 |内籍日 || 有 知 而 動 義。 亦豈大言欺 洞 匑 所 知理 葉水 羧 是則 極 極 立物表者曷? 蔱 則 天下 來。 用 無不 丽 小心等皆不是 著矣。 死知 一之數、 理之精微究與亡之徵 静。 未 鸖。 誠乎身 之物 淸濁 周 可 、則幾矣動 洞 信耳。 所 理 如 人者蓋以數言 蓋 斯 足以與此哉先君子曰洛書者數之原 則 往。 體 此。 極 有 信圖 自 易曰、 此 也。 也。 II.o 真經、 沈之皇極內篇數以九相 廉節 亦必有 故靜 事 天 氣氣著而 靜 書水心解洪範九 北魏關 有 施 窮 傳 則察乎 其理。 可 神 地生品彙咸 求 圖書之蘊以爲易出於河 ;其所 知 理古來自有此 《其端陰陽》 兆。 理隱有氣斯有 化、 數者盡天下 朗 億之盛也。 數之常而 微顯 見非 著 朝字子明又有易傳文中子亟稱之) 亭各 **僅憑汗漫之詞以騰口** 一時間 幽彝倫 可 之事 正性命、 一家之學。 _ 求 重合八十一 天下之故 **又**曰、 其始。 фp 形形著而氣懸人 攸敍。 **禹謨之九功非有甚異。** 理 也得乎 天地可 以大以定斯數之令既明 ---心余讀洪 圖洪範出於洛書至沈遂專依 真 數 其 無不通動則達乎 有天 謂 始 數。 农其. 數則 英温 冥冥妙於無 得之河圖洛 地 說 範 (知形之) 萬 初。 公潛庫、 物之則 ifn 物各 而有威焉上稽天文下察地 萬物 巳也且子雲太玄温公潛虛皆自 得其所之妙歲 事之 數、 而蔡氏固以 書館 可 形。 合生 數之變而天下 非 求 而 潛虛 理、 不 H 農家 其 數成 體 紀。 知氣 無不 聖。 非 用 是 甪。 鬼 數 言神 圖。 心之 數。 洛 為孤 在 神 日 非 牽 爲 月使 帶 審 聖 合 焉。 知 £ 農 之 人。 傳 其 人 而 非 不明 傅 + 幾 这專机: 之絕 言 所 知 動。 五 會。 又日、 洪 乎數、 氣之 無 理。 動 幽。 自然 言 體、 中 述 範。 賞 不 黄 略

家宜其能傳廉節之舉也沈三十即屏去舉業元定沒徒步護柩以歸隱居九峯故學者稱九峯先生。 香於氣氣格於形耳目口鼻徇而私**盜勝好惡哀樂淫而天理亡。**」於養生之旨言之不已是知蔡氏皆深有得 日「善養生者以氣而理形以理而理氣理順則氣和氣和則形和形和則天地萬物無不和矣不善養生者反是理 之數金晦蝕焉」元定爲潛虛作指要而沈乃貶之不可解矣又晦翁與元定屢談魯同契有疑輒叩之其致元定費、 「有連日體盎同契頗有趣知千周萬徧非虛言之語而沈皇極內篇亦曰「老彭得之以養身君子得之以 養民。 於道

奉乎天故曰後天』皆足以發明康節之說又曰**『易有太極是生兩歲兩儀生四象四象生八卦觀夫子立** 理」又謂伏羲八卦對待者也體靜而生則吉凶悔吝由乎我故曰先天文王八卦流行者也體動而。 解卦爻辭旨論六十四卦大義易象意言等其易象意言謂《伏羲八卦是造化生物之理文王八卦是造化運行之》 立者無與於未生兩儀之太極也但人之爲學苟惟守夫物中之太極則或囿於形而不得其正必須識得未生。 **饑生四象及生四象則太極便在四象中故曰四象生八卦及生八卦則太極便在八卦中以是推之則太極隨生而** 則知所以生者不皆在未生兩饋之太極故先師謂一每生二一者太極也太極生兩饋則太極便在兩饋中故曰 極之本而子思之所謂大本者亦正在乎此學者不可不識也一其述朱子之言以爲『易之太極卽中庸之大本。 太極之本則雖在兩儀在四象在八卦以至在人心皆不失其本然之妙矣此夫子明卦象之所由所以 沈弟兄三人皆隨其父遊於晦爲之門而長兄淵字伯靜號節齋(次兄沆字復之號復齋)尤長於易著有易訓 成則 必原 吉 一此數語、 凶 易有太

有二、其理則一亦可由是推而知之然則淵之有功於師門亦不在沈下。 於以知朱子所得於延平觀喜怒哀樂未發氣象者實濂溪太極圖說一脈之傳而康節先天圖與濂溪太極闘名雖

第十五章 楊慈湖

非敬仲本心而何』慈湖聞之大省即歸拱坐達旦質明北面納弟子禮師事焉毎謂『威陸先生尤是不再答一非敬仲本心而何』慈湖聞之大省即歸拱坐達旦質明北面納弟子禮師事焉毎謂『威陸先生尤是不再答一 適平且有關扇者融於庭慈湖斷其曲直訖退問如初象山揚聲答曰「適來斷扇訟是者知其爲是非者知其爲非 問「如何是本心」象山曰「惻隱仁之端也羞惡義之端也云云此卽是本心」慈湖不會凡數問而象山終不易。 舉進士授富陽簿適象山新第歸過之象山長慈湖稳二歲素相呼以字爲交友留半月將別去夜集雙明閣上慈湖。 公庭顯當命默自反觀慈湖服膺不懈二十八歲居太學循理齎秋夜宴座於牀忽覺天地萬物通爲一體乾道五年、 室傳潤湖上更名慈湖遐方僻嶠婦人孺子亦知有所謂慈湖先生也理宗即位詔入見屢辭以寶謨閣學士致仕卒。 者更云云便支雕去矣。」仕至軍器監將作監兼國史院編修官實錄院檢討官時金境大機來歸者以數千萬計。 慈猢出於象山而壞象山之教者亦自慈湖始則慈湖之於象山亦稍有異矣慈湖名簡字敬仲浙之慈谿人父通奉 史列弓 琴·陶雅水射之使退簡蹙然曰、『得土地易得人心難』即日上奏痛言之會有疾乃請去家食者 陸門之有楊慈湖猶朱門之有蔡西山也西山幼傳家學而後問業於朱慈湖亦夙承庭訓、 而後印證於陸故或 干四

年八十有六諡文元

彼地 見噬 地 易爲己之變化 此不 其能 血氣 也。 以能 非吾之軀 思 步趨在周 博厚而 縱不 也。 處若 思 能 物 周流、 不 萬化 如不 慮 噬者何物鼻能嗅所以能 之學具見所著己易 可見鼻可口 横 不 者不 自 在 不 止於六尺七尺而已也姑即 萬理爲己 一其不可見則 所以能周流 不可也自生 流 髙 可 知 下又名之日 見其可 不下不 其為我之手足、 非周流在思慮非思慮視如此聽如此噬如此嗅如此運用如此步趨。 見、 而 可得 見者、 者不可 者何物心能 惟執耳目鼻口四肢爲己是剖吾之全體而裂取分寸之膚也。 地清明 民以 一篇日『易者已也非有他也以易爲書不以易爲已不可也以易爲天地之變化、 一是不可見者在 有 而 **必來未有能識** 見手足可 大有小 三視 嗅者何物手能運用屈信所以能運用屈信者何物足能步趨所以能步趨者何物。 而 臼彼 者吾之清明、 與 思慮所以能思 聽若不一其不可見則一。 有 手彼足也如不 七尺而細究之目能視所以能視者何物耳能聽所以能聽者何物。 r 見其運動 · 被有此、 [吾之全者惟觀夫蒼蒼 視 **売非視在聽**: 博厚者吾之博厚而 有縱 心慮者何物目可 步越 有横、 自知其為己之耳目鼻 者不 非聽在噬非噬在嗅非嗅在運用風 有高 可見。 可見也 視聽與 |有下不| 人不 而清 血氣可見其使之周 可得而一 自知 明而 **嗌嗅若不一其不可** 其親不可見耳可見也其聽不可 也。 在 口、 上始 人不 而日 其不可見 [彼耳] 自知而 如此周 能言者名之曰天又覩 是格於 泷 者不可 目 見則 流如 血氣、 也彼 信非 相與 者不 見心之臟 此思慮 一運用 722 運用! 鼻 大不小 而 自 П 些不 屈 私 日、 見。 如 也、 彼 信。 步 不 П 百小 夫隤 在步 趨 可見、 能 以天 天也、 彼 可

非

禪。

以是而

爲禪,

抑何其視

凝釋之淺也。

香則二。 思 之夜以攤日風亦何害於吾事 遂己則不學之良能不**厳**之良知我所自有也仁義禮智我所自有也萬善自備也百非自絕也意必固我無自 育 不可得而思也矧可得而言也。 人 而 如 也雖堯舜禹湯文武周公孔子何以異於是雖然思亦何害於事箕子曰思曰睿孔子曰。 出。 者、 腿 也、 此。 不 日吾無 亦如 古 知 故後之攻慈湖爲禪尤甚於象山 坐調 其道也。 則 明 如 ,此今如此前如此後如此彼如此此如此萬如此一如此聖人如此衆人如此自有而不自察,此妻如此夜如此寤如此寐如此生如此死如此天如此地如此日月如此四時如此鬼神如:。。。。。 則 慈湖之所 是即 行而不與二三子而已終不可得而言也曰吾有知乎哉無知也而已實無得以告人 為聖者 因香而立 濉 學之佐證。 造亦自有其踐履非專恃禪家悟入 **ネ加、** 明不有昏者無自而明也昏明 爲 也。 愚 尚不可得而有也矧可得而知也然則昏者亦不思而遂己可乎曰正恐不能遂己誠。 學部通辨後編 者 不損也自明 此 者、 蓋即象山宇宙便是吾心吾心便是宇宙之說特象山 此 也然黃勉齋(也自昏)則伊川見人靜坐便謂善學晦緣欲令半日讀書半日靜 省人· 也。此 路者至 **黄幹號勉齋**) 未嘗明、 也皆名也知之者自知也不可以 陳淸瀾以象山每教 此未當昏也或者蔽之二之自以爲昏 出晦翁之門。 學者閉一 學 ifii 日 而不思則 言之較 不自察也的 目正 語 楊敬 也。 人 坐慈湖 何為其 仲集皆 潭。 問。 也。 此行 周公 所可 慈湖 終 n坐又何 得而 然 如 亦教人 僡 m 身 則 仰 此。 也。 朋 由 而生 人之 而 語 也。 思

界十六章 真西山魏鶴山

粉擾然後有以爲窮理之基本心旣有所主宰矣又須事事物物各窮其理然後能致盡心之功欲窮理而不知持敬 物事而無許多義理以爲之主其於應事接物必不能皆當故必以敬涵養而又博學審問謹思明辨以致其知則 以養心則思慮紛紜精神昏亂於義理必無所得知以養心矣而不知窮理則此心雖清明虛靜又只是個空蕩蕩底 **窮理甚可觀日「程子日涵養須用敬進學在致知蓋窮理以此心為主必須以敬自持使心有主宰無私意邪念之** 則廣與婚其於鶴山蓋友而非師與西山從遊於體仁者不同然要之皆嘗聞文公之緒論者西山集有答問言居敬 廣字漢卿體仁字元善皆朱子門人而鶴山集有跋朱文公與輔漢卿帖云『亡友漢卿端方而沈碩文公深所許與』 言「其樂室白鶴山下以所聞於輔廣李燔者開門授徒士爭負笈從之由是蜀人盡知義理之學」又詹體仁傳言、 **稱鶴山先生西山先死而鶴山爲之誌墓今並有文集行於世而西山著大學行義學者尤稱道之按宋史鶴山本傳、** 知政事體文忠學者稱西山先生了《《字華父邛之補江人與西山同年進士累官至知紹與府安撫使證文靖學者 情明盧靜之中而衆理悉備其靜則祗然寂然而有未發之中其動則泛應曲當而爲中節之和天下義理學者工夫、 都人其德秀早從其遊問居官涖民之法體仁曰「盡心平心而已盡心則無媿平心則無偏」世服其確論云」 **嘉定之後私淑朱子之學者有其德秀與魏丁翁並稱德秀字景元後更希元建之浦城人慶元五年進士官至參**

又謂「方其人欲未萌天理完具方寸之間、盎然如春卽本心之全體推是心以往其事親必敬其事長必順、 **沈煥能傳其學絜齋燮之號也則西山又由朱而涉於陸故西山志道字說(志道西山子)謂『仁者心之生理。 儒只說正心養心不說明心。 (答蔣重珍書重珍鶴山門人)以是論之其亦有不能盡合者矣。** 無以 西山當及楊慈湖袁絜齋之門(西山集有慈湖先生訓語燮齋先生訓語)宋史陸九淵傳言門人 是見得不與。」大抵言居敬言窮理與西山略相似此所以與魏常並稱也然鶴山宗晦翁而實兼有永嘉經制之粹。 之謂一。」而師友雅書亦曰、「講學須一字一義不放過則面前何限合理會處。」曰、「不到地頭親自涉歷一番、 陸以交朋友則信當是時也豈有不仁者哉」卽慈湖本心甚簡甚易感而遂通不假外求之說而鶴山則云『吾 加 於此者。」而鶴山作敬安堂記亦曰、『敬也者所以存此心而根萬善者也』曰、『程子曰主一之謂敬無適 楊簡袁燮舒 以處閨 璘、

序則又使之習容閑禮考德問業以發其德性之知而其間節目之詳則去民愈近者施教愈密州 過四等而下之則黨正七族師十有四而閩胥則無時矣以此知民常在墊而時會於序非若後世違親越鄉發居旅 知先王因民之聚因時之變振飭而開牖之大抵教之於塾旣使之事親從兄親師 者自二十五家之間爲熟有道有德者爲之左右師而閬中之子弟學爲民之朝益莫(同暮)習在於閬塾而庠序云者自二十五家之間爲熟有道有德者爲之左右師而閬中之子弟學爲民之朝益莫(同暮)習在於閬塾而庠序云 鶴山自言『向來多作易與三禮工夫』(師友雅言)故其爲論必本之禮經不爲虛說通泉縣重修學記曰『古 時屬民之所也或飲射之禮或社酺之祭或歲月之吉必示以教法序齒位曹其德行人之良心善性日 取友以行乎孝弟之實。 長 風民讀 而 1用面 法歲不 魔之於 不

熊望於漢盡瓊於典午之亂希號官儀承秦舛矣郊誂廟室踵漢誤矣衣冠樂律雜胡制矣學校養不賓之士科舉取 食比閱無以考其行州黨無以施其教操數寸之管以決一日之長而他不復問焉也。此其言學校之失也洪氏天 目山房記曰、『若夫先王之制又在所當講而風氣旣降名稱亦訛一事而數說一物而數名去籍於周末大壞 之法使其心曉然見之且無所於用也」(有節文)此其言法制之壞也於是慨想於三代思有以大振作之以復 投牒之人資格用自陳之吏刺平人以爲軍而聽其坐食髡農夫以規利(此指鬻度牒言)而縱其自奉授田無限、 而豪奪武斷以相尚出泉(發古字)輸租而重科獲折以相蒙嗚呼生斯世也為斯民也而讀聖賢之書以求帝王 見明王之治之盛詳其變遷舉其章制使窮經不爲無用法古不爲盧文雖永嘉諸先生如止齋水心又何以 亭而鶴山識力橫絕與所謂卓犖觀攀魯者西山則依門傍戶不敢自出一頭地蓋墨守之而已」吾觀鶴山有云「中 西山之大學行義徒以正心誠意爲言而無施張之具蓋不足比矣棃洲之論西山鶴山也曰「兩家學術雖同出考 庸說君子之道本諸身徵諸庶民方說見諸天地質鬼神百世以俟聖人蓋道不信於當世無緣可以信後世」又云、 謂只須祖述朱文公朱文公諸書讀之久矣正緣不欲於寶花擔上看桃李須樹頭枝底方見活精神也」(師友 /加焉者

第十七章 元明諸儒之繼起

雅言)則其識力橫絕不同西山之依門傍戶者豈無道而然哉。

漢 IJ 來學者無不言孔孟宋以後學者無不言程朱蓋自元仁宗詔以周子張子邵子大程二程司馬温公朱子南、 兼用古註

新安之書 五 攻之』云云彝尊雖爲不滿於朱子之辭然其所道固實情矣夫漢武表章孔子而儒術盛元明尊崇朱子而理學行。 敢 M 學蓋自 其 魯 欣然嚮風 故不通故程朱諸儒疊起而其學不及於河朔江漢既至燕樞 道 齊 來從配 宋元以 也以言語 大全遂廢註疏不用而專取宋儒之說故淸朱蘇尊作道傳。 以朱子集傳爲主書以蔡氏傳爲主易以程子傳朱子本義爲主春秋用三傳及胡傳明代因之永樂中 日, 也。 此始及後許魯齋受知於元世 矣靜修雖屢徵 然吾以爲其原因 而傳之江漢之北也以姚樞從中書楊維中南伐而江漢在廣中與語奇之因與俱歸自遼金來 不 孔子廟庭而科舉以經義取士大學論語孟子中庸設問用朱子章句集註詩書禮三經雖 來言道學者必宗朱子」又謂「 禮非朱子之家禮弗敢行 加 此 則 道 不行。 不起與魯齋出處不同然魯齋之初應詔 不必盡在於此當元之初北方學者曰許魯齋衡劉靜修因許劉皆因趙江漢復得伊洛 دعيًا 及至元二十八年靜修以 也。 祖以集賢大學士兼國子祭酒徵其弟子十二人分處各齋爲齋長而 推是 世之治舉業者以四書爲先務視六經可緩以言詩非朱子之傳義弗 而言尚書春秋非朱子所授則朱子所與 集賢學士見詔不赴或問之靜修曰『 錄序(道傳錄華亭張 奥 (楊維 也過與定靜修謂之曰『公一聘 中為建太極書院居之北方之知有 仮北 也言不合朱子率鳴鼓百 山 著雞奪中 不 如 而 此 起無乃速乎」 則 道不算。 表 南 頒四 北分立、 弟 程朱之 也 面

事

見

陶

宗儀

輟

耕

錄.

由是論之其以身任道固無有異也故黃百家謂「魯齋靜修蓋元之所

藉以立國者

叉

程朱之學明矣。曾齋有言曰「綱常不可亡於天下。苟在上者無以任之則在下之任也」,夫程朱之學所以 際為萬松書院作記乃曰「自科學之業盛士皆馳鶩於記誦辭章而功利得喪分惑其心於是師之所教弟子之所 生者爲之續薪火之傳程朱之學能不廢墜乎且元時學校科學之議亦自魯齋而發之而陽明當明時科學正盛之 而傳者,豈非元明諸儒在下在上皆能身自負荷而然哉故吾以爲學之與廢終在師儒氣類之應求而不關朝廷功而傳者,豈非元明諸儒在下在上皆能身自負荷而然哉故吾以爲學之與廢終在師儒氣類之應求而不關朝廷功 學者遂不復知有明倫之意懷世道之憂者思挽而復之卒亦未知所措其力譬之兵事當玩弛偸惰之餘則 関伍更其號分旌旗懸非格之賞以倡敢勇然後士氣可得而 儲首列方正學孝孺正學則潛溪之高弟也夫子貢不云乎。「文武之道未墜於地在人」嚮使自宋以後無是數先 山白雲門人潛溪道傳門人)雖白雲以下不免流爲文章而如長山潛溪明初學術實深賴之梨洲明儒學案於諸 異特不肯為儱侗依達之說正紫陽窮理之教也一傳而得許白雲謙柳道傳貫再傳而得胡長山翰宋潛。 朱子時有牴牾然其言曰「吾儒之學理一而分殊理不患其不一所難者分殊耳」則所以 門北山學於黃勉齋蓋朱門之嫡傳也宋壯旣屋仁山屏居金華山中當時推爲明體達用之學雖其作論孟 『二子之中魯齋之功甚大數十年彬彬號稱名卿材大夫者皆其門人於是國人始知有聖賢之學』此趙江漢 一静修與起北方後學之功不可沒焉者也而在南方則有金仁山履祥仁山由王魯齋柏登何北 振也。 其指摘舉業之弊如此然則科 抵牾朱子者非 舉不能 『溪濂(長 心選將 、必欲立 能 爲盆 考證、 山 基之 與

第十八章 吳草廬鄭師山

闕疑、 事門人至者所居至不能容因相與卽其地構師山書院處焉至正(順)十四年天下已亂朝廷以翰林待制。 心故外之物格則內之知致此儒者內外合一之學固非如記誦之徒博覽於外而無得。 靈而 大夫,遺使者浮海徵之辭疾不起及明兵入徽州守將將要致之不許因被拘囚遂自縊死著有周易纂註、 於語言訓 五經纂言草廬精語道德經註及文集等師山名玉字子美徽州歉縣人覃思六經尤邃於春秋絕意仕進以數學爲、 日 鄉試中選越五年而元革命程鉅夫以侍御史求賢江南起至京師以母老辭歸。 而 多聞 謝去英宗即位遷翰林學士泰定(泰定帝)中爲經筵講官請老元統(顧帝)元年卒年八十五諡文正著有 復合者於元初則有吳草廬於元末則有鄭師 元代朱學盛而陸學衰其傳陸學者惟江右之陳靜明苑浙東之趙寶峯偕二人而已然其和會朱陸使兩草 智之用 師 闕 山集等草廬嘗爲學者言『朱子於道問學之功居多而陸子以貸德性爲主問學不本於德性則其蔽山集等草廬嘗爲學者言『朱子於道問學之功居多而陸子以貸德性爲主問學不本於德性則其蔽 疑。 :釋之末故學必以德性爲本庶幾得之』是以當時議者以草廬爲陸氏之學然草廬精語曰『知者心之 多見闕殆」又曰、 也。 未有出於德性之外者日德性之知日聞見之知然則知有二乎哉夫聞見者所以致 「多聞擇 其善者而從之多見而識之。」蓋聞見雖 山草廬名澄字幼淸撫州崇仁人生於宋理宗淳祉 至大(武宗)元年為國子司 得於外 於內亦非 m 所 驯 如 所 見之理 其知 释氏之徒專求 九年年二十應 春秋 也。 夫子曰、 則 家既分 具 必偏 經傳

誦之徒則 指江 之物 非之極致是以知 仁 者。 道 其 蓋學 致 說、 具 才高 如 愐 於 知 學又 心聖門 格. 之功朱子之學、 西、 道 又有言曰、 青天· mi 性 者之流弊 gp 德豈有不同 分之內。 獨 絕 HI 事 白 鞭 內之知致與 得之妙 日 無淵 Ħ, 有開 於外 此 則 康衢 Í. 怪說之行 源。 不 九也今立 愈博 有見而實未皆有知也昔朱子於大學或問嘗言之矣曰、 日 陸子之質高 在 也二家之說又各不能無弊陸氏之學其流弊也如 m 子其流弊也 [多學二則] 門者同奪周 砥 其欲取朱陸而 高 道千門萬戶無不可見而天地之秘聖賢之妙發揮無餘蘊」(朱子蓋無 送萬子 而 虚廣遠之際而 與知多知之目而外聞見之知於德性之知是欲矯記誦者務外之失而 也江西之指 心 愈 阴、 日多識鄙孤陋寡 ,熙序) 阴。 孔同排佛老大本達道豈有不同者後之學者不求其所 加 **一种毫之不** 彼以 故好簡易朱子之質篇實故好邃密各因其質之所近故所入之途不同及其 俗儒之轉行 合之乃不謀而 **他外** 卽 江東則曰此支離之說也此豈善學者哉朱子之說教人 行乎日用常行之中』(行狀)則依然象山面 於兩家得失皆見之至明又嘗謂 合。師 游多篇 數墨至於頹惰委隨、 聞。 山集謂「 務而 開 見禮學記) 若此且草廬爲程徽庵若庸門人(若庸休寧人、 不覈其表裏真妄之實然是以識 朱子盡取桑賢之書析其異同歸之至當集 而賢以 ų 無以收其力行之效然豈二先生 釋子之談空說妙至於鹵莽滅裂、 多問寡。 __ 學者「斯 此以反身窮理爲主、 (見論 道之懿不在言語文字之間。 以同、 與汪與 目夫師山與草廬生 愈多 語) 惟求其所以異江 **具售不欲多知** 훾 m 為學 不自知 丽 'n 必究 愈 之常 似專拿 其 窒。 垂 而 其流 大 其 教 也。 徽 不 之罪哉。 其 本 成。 陸 庵 能 東之 哉。 至也、 使吾 以 末 入於 子之 學於 间 衋 外 夫 是 而

释之。 饒雙 養其 心 字 論之似草廬能見及向 則 枚 精 朱。 大之大之友吳暾、 曰. 知 靜、 性、 有 卽 非 .用 此 * 語 定所 孟子 此 静 則 無一 力 亦 無以 於靜 於 師 靜 師 以 事 所 字 此。 Ш Ш 成學此 時豈能 謂 雖專 能 則 丽 所 뵥 亦 於 靜 不 難。 不 Ź, 謂 主一則 門名家、 字 黄 也。 動 非 **—**7 高 **、靜字稍易**。 朝陽、 能 程 存其 心 用 勉 旫 一种者雖 齋。 功 子 篤 Ŀ 也孟子之學先窮 一着。 聖寶 應接之處心專無二能 日、 質、 則 心哉」又曰、『古今人言靜字所指 而不足以為學皓首窮經、 師 各因 朱子之四 山皆 應接 學者未之能也。 iffi 夫人皆可勉而 敬者聖學之所以 工工質、 師 瞢 師 萬 山 之、 髮 傳 非草廬匹也惜吾不 者 而 理 歟。 也。 然草 自 此 庻 ग्री 為周子言聖人定之以中 心 言 大 然 終 人學靜 常 先 如 成始 廬 由 學 此、 於錢 朱以 如 集 而 帽 不足以 則事 成 義養 山皆主 止 加 終。 后 入 融 水。 得師 物 陸。 堂 周子 能安之靜正 氣、 宋同、 秦漢 所以 知道。 未接之時把捉得住心能 時。 師 持 敬。 融 Щ 山 肵 周 謂 能 ححا 以 卓 堂 爲 有深淺難易程子言性靜 廬謂、 來、 (王居敬字序 夏 學於楊慈湖。 易 不 動 一與周子节 纂 正仁 非無 自然希 動 m 心大 註っ 無 -欲下 學者。 一義而主 萸 動 學之 賢之 莊子所 草廬易纂言 是也。 īm 功 則 夫惟 一种與莊 再 教、 日孟 陸 $\overline{}$ هك 窮 指 無適 門之 傳。 而草 以 理 軻 敬 (希 無 矣若先: 廬則 死千 之一 讀而 上皆草 子言萬物 者可以為學 流 知 異。 賢、 朱子 商 言 淳 安 載 字 則 更 也。 廬精 校之。 以 於動 無真 由 爲 知 m 敬 人、 ŭ 無 要 終 it, 其子傳、 儒、 處 法。 集義養 與 語、 足 而 不 由 (草 諸葛 何也。 以 妄 不 陸 Ŀ 以 動 能 撓 以

靜。

不

廬

入

第 十九 章 劉 伯 溫

此

氣

氣。 而 之理不無 夢寐之先兆見之同聲之相應吾於琴之弦見之同氣之相求吾於鐵與磁石見之鬼神之變化吾於雷電見之陰陽 **庶人豈有異哉故曰穆穆文王於楫熙敬止又曰昊天曰明及爾出王昊天曰旦及爾游衍敬也者不可須臾離** 不敬敬也者其萬事之根本與故聖人之語君子惟曰修己以敬故禹湯以克敬而王桀紂以不敬而亡自 即失其惠其敵也殘侮則人陵之殘則人疾之』(雜解)曰『先正有言曰經禮三百曲禮三千一言以 而 知之要道也不研 五行之消息人命繫其吉凶吾於介鱗之於月見之祭祀之非虛吾於豺獺見之天樞之中吾於子午之針見之巫祀 其名以幣徵焉。 **挽之或者且儕之風角方技之流競相傳其神異豈知基者哉基以厄於胡惟庸憂憤而卒年六十五所著郁** 敬齋箴序)即謂其非儒者之言不得且基未遇時著郁難子曰『天地之呼吸吾於潮汐見之禍福之素定、 濂 自命儒者」然今觀誠意伯集有曰「君子之所以守其身者禮與樂也禮不及則失其威其敝 經 吾於吹疊見之三晨六氣之變有占而必驗吾於人之脈色見之觀其著以知微察其顯而見隱此格 濟之才日 ,其後削平攀雄得成帝業多出基謀議以功封誠意伯位弘文館學士明史宋濂 其情不索其故格於耳目而止非知天人者矣」則基之學亦幾於綜貫天人者而 劉基宋濂然濂非基之匹也基字伯温青田人元末以進士官高安丞棄官歸里明祖定括蒼聞 傳稱『 或者 基雄 心也侮。 天子 以 蔽之 共 樂不及 邁有奇 吾於 至於 也。 33 曰, 致

基之說可傳者莫過於天說雷說雷說曰『雷者天氣之鬱而激而發也陽氣團於陰必迫迫極而迸迸而聲爲雷、

誠意伯集共二十卷

之廢 矣及此 其負 民 後 如 如 言 死於其所 人。 禍 大率多於木石豊木石亦有罪而震以威之耶』(雷說上)此 猶馬 其可 拂 彊 此。 天 # 無 非 地 謳 也日 梴、 也既牧以安之豆粟以飫之旦而放之莫不振髮而奔風牝鳴而 欲 運行 所 Iffi 車、 者氣爲之比之朝菌得溼而生晞 **殖火之出** 破 調之、 滑無 歷羊腸流汗 謂 不 不 欲 相 格 風雨雷霆之 物之君子哉。 基 間放令不疾 者 其 得 各 以大德戡大亂則可也夫民情久佚則 於古 有 而 也。 不服 半。 也而物之當之者柔必穿剛必碎非天之主以此物聲人而人之死者適逢之也不然雷所震者、 思變有從而倡之亂斯作矣是故老成之人愼紛 一(天說 人函 故以 **踠足飢不得秣倦不得息踰敷百千里** 潜乎。 放、 稱 大 然又不 而行』請問之曰『天下之宴安也人不嘗苦辛不知亂之無所 ٤p 徳戦 是故 伊 往 上有節文)且自 笋、 往 聖 日 大 獨 不中於實而 亂、 ---人與 天 伊 道 則 陽而死靡草得寒而生見暑而死非氣有心於生死之也生於其所相。 尹者古之聖人也思 井 時 也。 偕行。 田 英 亦 言人 朱儒以來不欲汨沒於世俗之說而事事必窮其 伊 時未 川乃 वि 復 事 也。 亦精 至信 至而 思 亂亂 透莫與 風電出 $\overline{}$ 為之謂之躁。 而歸望皂櫪如 郁 天下有一 極 蓋與其天說相一貫天說以爲『天不能降禍 而後願定欲謀治者必 離 比倫。 更焉非爲茍也畏未得其利、 於蜥蜴 子 **| 壮應嘶馳踶突惟意所** 夫不 井 時 ψģ 佛及! 所爲。 至而 問、 \blacksquare 且 被 كحد 其澤、 見圏人 井 勿 論。 $\overline{}$ 不爲謂之陋今 見語 田 可復乎」 剘 夫 八古今治 而歐沫。 其 因 錄)亦可怪矣今基之言 容其 心愧 民之 欲、 日、 良 亂之 理之至然而 則雖鞭之使 不可逐而層 願 身。 而 而 風 先 定 不 乘 可。 賭 易 侕 於 除. 淳而 於怨 其 為之 日、 市。 有 害 也及 爲然 逸否 也。 上。 程朱 得。 鬸 何

者之短矱史稱基師鄭復初復初之學不可詳倘亦有道而隱者數。 馧 明之 我亦 人也。 海 陋 ,其鬼由感而生否則虛矣故廟則人鬼享孝誠之所致也』即又宋儒感應之說要之基之持論終爲不失儒 :惡得專之以爲鬼』其主無鬼蓋與王充訂鬼范縝神滅相似然而又謂『鬼可以有可以無者也子孝] 者、 彼能 則 以明祖非 ďπi 我不能。 其 人 、也情哉又郁雕子謂『人之受氣以爲形猶酌酒於盃及其死而復於氣也猶傾其盃。 寧無悲乎』(郁雕子)吾意基所抱至大使能盡其才設施必不止於有明之陋止 丽 水而 一於有 致

第二十章 方正學 附未潛溪

託日『孝孺』 之心召至孝孺投筆於地哭 帝立、 金華、 召爲翰林侍講。 ·孝孺復從之卒業兩以嶌召見授漢中教授蜀獻王聞其賢聘爲世子師奪以殊禮名其讀· 《孝孺字希直一字希古台之寧海人年二十遊京師從太史宋濂學濂以爲遊其門者未有若方生者 之學略見於其所爲雜誠曰『儒者之學其至聖人也。 必不降幸勿殺 :明年遷侍講學士國家大政事輒咨之靖難兵入京建文遜走成祖欲藉孝孺名草詔以: 心殺之天下讀書種 且闖、 日『死卽死耳詔不可草』遂磔之聚實門外先是成祖發北 子絕矣」然孝孺竟死年纔四十有六有遜志齋集二十四 平姚廣孝以 書之堂日 石也及濂返 Œ 孝孺爲 塞天下 學。 建文

也、

心樂也刑罰

1也今亡其四而存其末欲治功之逮古其能乎哉不復古之道而望古之治獪陶瓦而望其成鼎。

其用王道也」而言王道則曰「古之治具五政也」

矣。 不稽 勝汝。忘彼忘我忘古與今道充天地將在汝心』(學箴辨疑)夫程子教人每令人疑張子亦曰、 婣 故 此耳剽口衒不顧理之是非所以爲學術之實也(語本雜誠 古 有盲從古人而 其文 百 ılii 指 出。 不 小之蓋孝孺言 証訶前 其得失、 亟稱 知 變殆 周禮。 可以為學者乎然當疑而不疑非也不當疑而疑亦非也今之疑古人者多矣疑而能辨者誰乎嗚呼、 : 古撫其遺失學非疑不明而疑惡乎擊疑而能辨斯爲善學勿以古皆然或有非: : 非也抑不獨言治然也卽其言學亦然曰『不善學之人不能有疑謂古皆是曲! 而肆行之則 言治、 以爲、 雖曰 _ 周之成法具在今欲爲此不難 為野時相為 法古亦欲宜令故論 遠 也事. 相懸也不審其當而惟古之拘則爲固」(-為政 《也』(成化)然作周醴辨疑於其制之戾於道者即又一。 有三日知體稽古審時缺一 非政」又謂「先王之治法詳 雜 誠 是勿負 爲之辭。 然則 學則 須疑天 (汝能言· 以孝孺 過乎 智者疑 下世 爲

於世。 雖不幸 居以 無愧 其立 之道焉耳天之全以賦我 水其 世之惑者又 心行已固 孺 m 雖 所 乖於天迕於人死於疾病患難何害其爲君子哉不能盡人之道而欲善其死者此異端之惑也異端之徒、 學於潛溪而 謂 性 已大畔於君子視倫理之失夷然以爲宜爾 命或 從而慕效之不知其所云性命者果何道而預知不困者果何益耶。 餌 ·潛溪雜二氏孝孺黜異端曰『古君子所以汲汲若不及者未嘗以生死入其心惟修其可以· 金石服草木 者吾能全之而弗虧推之俾明養之俾成擴而施之澤於天下後世於人之道無所 丽 庶 幾乎坐化而立亡以預, E而不怪其2 知其死為神以不困 、身雖生其心之亡已久矣而 於疾病 (斥妄) 爲 叉日 高彼 猶務 乎不死, 旣 夫**運**行天 以 此 或尸 眩

丙吉問 偸 之於天道則責成於己吾之所 道行其中亦無窮物之生亦綿綿不息令其言云然是天地之資有限而其氣有盡故必假. 制 知、 特督之又謂地下設爲官府以主之詭證曲陳若有可信而終不可詰此怪妄之甚者也天地亦大矣其氣運行無窮。 尙 莫 地之 於天者 生 机 则 爲足以爲天地哉。」(啓惑)此其辨老佛長生久觀出離生死以及地獄輪迴之說可謂明且力矣而吾觀爲足以爲天地哉。」(啓惑)此其辨老佛長生久觀出離生死以及地獄輪迴之說可謂明且力矣而吾觀 俯齊直躬者曰此 知 **其可平哉其可平哉** 丽 謂 爲 言之鳥獸之形不能 其 間、 四牛喘事、 不嗜學、 不智。 何 非常 Πij 有 生萬 為 先其微 者也非 必 ıfti 至老死而 至。 有曰『君子之於天下盡人事而後徵天道天道至微而難知也人事至著而易爲也舍易爲而 各異 物 而不察修治發戒 者非二氣五行乎。二氣五行精粗粹雜不同而受之者亦異自草木言之草木之形不能 而後其著則爲失序』先人而後天卽其學之所主可知也然孝孺言命以爲『徒言豐嗇』 有他 其宿世有過而然耳見其形或類於禽獸則曰此其宿世爲爲獸而然耳不特言之又爲之書不其宿世爲爲獸而然耳不特言之又爲之書不 也故人而具人之形者常也其或具人之形而 無開 無別 故而然也全佛氏之言以爲輪迴之事見無目者曰此其宿世 與 孝孺 則日 知者如斯而 心自人言之人之形不能無不 我之命當爾也剛愎自任、 更無少異然則 由於人者有未至天人之道離而命之說窮」而潛溪亦有祿命辨曰『 已矣委命而廢人白査擾 孝孺所得於潛溪者其在是乎。 操刀 相似也非二氣五行有心於異而爲之雖二氣五行亦 而殺 不能以全或雜物之形而異常可怪此氣之變而 人之金而陷 人柔暗無識投繯而絕命則又曰我之命當 於秤 ||梧則| 皆得某罪而! 既死之物以爲再生之根。 日 我之命當爾也怠竄 然耳見罅 無別 命 水難 其 則 也自 付 藴

9二十一章 曹月川薛敬軒

暫先 遷灣 P 楊、 御 租、 4-虮 亦 由之路也。父為之改學其門人彭澤、 曹端、 改 史。 間 舊好 程 九初 士 差監 生 部 大 先 歓 先之風 宁正夫號 如。 佛: 斎、 月 罪 人服 月川作 F 卿 榮、 湖]1] Mi 面黄 溥、 得元 ţţ 郎 敬文 唐 - i 轑 軒 鈒 III 頒 翰林 起者 親洲 用。. 損 <u> 15</u> 夜行燭一書呈父以為『 人謝 1 場 矮不忍為屈 一氣之辨 謝 鄉 īΕ 學士入 應芳辨 ioj Iri 統 1 淮 <u>.</u> ي 如 薛瑋字 需學案述劉蕺山之言亦謂。方正學而後斯道之絕而復續者實賴有先生 前。 ΠŢ 英宗 通池 乃典紫陽 刀 大 **沙**整編心 内 用 是 THE र्जी जार जार 閣 者。 三 14 人永樂中以)改元各省設提學憲臣 110 轉左 拔。 儨 楊以 高額 隘路 稍異月川育太極 坐事 號敬 悦而好之故於輪 侍郎、 佛氏以空爲性非天命之性人受之中也老氏以虚 1 ı I **#** F 大声 一有明 一 引族歸。 ili 錦衣 鄉舉授霍州學正丁憂服闕改蒲州考績吏部、 軒 對。 Įų 過 2者敬謁請? 途得 河津 徽 代經濟之學莫盛於劉誠意宋學士至道學之傳則 天順 狱。 **片人生後於** \vec{T} 迎、 圖說辨戾一文日 『周子間 寺 八 放 爲 以 뻬 隔巫覡、 年、卒。 Pot 天連 薦。 输、 為民景 4 敢屬僚 少卿三 月川十三年中永樂十九年進士宣德中、 年七十六益文清。 山東提學食事 風 泰 水、 楊諷就 時日、 畜之宣德(宣宗)九年竟卒於 景帝 世俗通行 振 時中官王振用 \bigcup 初。 太 illi 13 謝。 路之學、 护 敬軒 机 行之說毅然 南京 動 不 蒲 為道、 生湯 Ĵċ 卷二 往。 大 用事振晉人· 抵信 理寺 振以 學爭留之上竟 鄁 非 不 卿。 餉 而生 守紫陽 K 率 來又卻之。 一性之道人 V 英 斷 所 八也問三 授監察 廟 薛 自 動 霍 一則陰 復辟、 文清 **父敬** 永 年五 滙 池

燭外、 明然於理氣爲一之旨則偏而不全矣抑月川曰『事事都於心上做工夫是入孔門底大路』。 陽之生、 讀有得劄記以備 心閒中一樂之語。則兩先生雖不言陸氏,而未嘗不難有陸氏之數不必待白沙始開陽明之學也月川, 難實未當與之俱盡而 而 **愛理爲死理而** 之一出一入而人與之一出一入以喻氣之一 《能疑結造作理卻無情無計度無造作或重理或重氣言問各有所當也令必言氣待理而理不 所役使不知理之與氣以根本言之則理爲氣主以作用言之則又氣爲理主故朱子一面說理先於氣。 動、 爾。 有四書詳說太極關通書西銘釋義等而敬軒以程明道許魯發皆未嘗著作不欲著書惟讀書錄二十卷則師 如 活 運亦. 日光載鳥背而飛鳥飛而 由乎太極之動靜。 然 | 云云而 不足以爲萬物之原理何足尚而人何足貴哉今使活人騎馬則其出入行止疾徐一由乎人馭之如不足以爲萬物之原。 遗忘者其詩文遺稿門人都 有滅 敬軒讀書錄亦謂「 朱子語錄卻謂太極不自會動靜乘陰陽之動靜而動靜耳遂謂理之乘氣由人之乘馬馬 息之時』蓋兩先生之意皆不免認定理善而氣惡故必別 日光雖不離其背實未嘗與之俱往而有間斷之處亦猶氣動而理雖未嘗 動一節、 為之河汾集。 氣有聚散理無聚散以日光飛鳥喻之理如日光氣如飛鳥理乘氣機 而理亦與之一動一靜若然則人爲死人而不足以爲萬物之 理 於氣之外以爲理不能爲 而敬軒 待氣。 其分 所 亦 著書夜行 有靜 而 與之暫 析 坐觀 雖 面 盆 批

第二十二章 吳康齋胡敬齋

一辆字子傅號康齋撫州崇仁人十九歲至京師從洗馬楊文定溥學讀朱子伊洛淵 源錄慨然 有 志於道。 遂

懶 耜、 惰。 賏 門人 業、 ęр 謝人 他 日 並. 何 事。 耕。 從 獨處 歸 到 則 伊 解 小 樓玩 犂飯 川 門 下。 糲. 79 义何 蔬 書、 豆共 Ŧi. 經、 從到孟子 諸儒 食陳白沙自廣 語錄、 門下。上 體貼於身心、 來學晨 一饒婁 光纔辨康齋手自簸穀白沙末起大聲 不下樓者二年旣居 ----齎諒、 素豪邁既從康齋康齋一 鄉、 躬耕食力管 日治 雨 E, 14: 地、 召 被 簽签、 秀才 視。 若爲 負

時 日 亦 [警恐為過時不能學也] 又曰『近日多四五 有為 錄 學 者 一書皆自 學治生最爲先務之語今觀康齋所 須 親 細 記其平生 粉。 <u>_</u> 諒逐 工爲學之功。 由 此 改 節。 有日、 且 自宋 **—** 為、固 儒講 日 梗 足矯 學以 更夢醒痛省身心精 痛 自點 末俗 來、 檢且 學 者 而勵 不 多視生產為 ·暇登 後 學矣康齋歎 察物 有 T 鄙事。 夫點檢 理。 刨 箋 往往未能爲人先以喪己故許 其 他 注之緊無益 省察克治 人 耶。 سے 叉 有害。 勤 日、 語可 ___ 惓 故 見然 臥 不 夢 輕 叉 寐 著 魯齊 有 中、 述。 Ħ. 時

平旦之氣 食後坐東窗 略無 所 四 體 撓。 、綠陰清 舒泰神氣清 E畫薫風徐來 朗。 讀書愈有進益數日 而山林関寂天 地自闆日月自長邵子所謂心靜方能知 趣同此必又透一關矣』 日、 - 南 軒 諵 di. 日 子甚 日, 樂馮 服 明 始 然 俼 卼 明

青天於斯 之而 有 以 自 町 樂、 驗。 則 ب 叉未 叉 不 知 嘗不 足之蹈之 灑 然 自 得。 手之 是舞之。七十. 放劉 蕺 Ш 謂、 年 如 ----7 康齋之學刻苦奮勵多從五更枕 日、 憤樂 相 生可謂 過得聖人之心精者。 上汗流淚 _ F 得來。 明 儒 及夫 學 案師 得

五 年. 卒 年 七十 九門下 能守 其 ß. 者 Ħ 胡居仁。

說

孟

眞

知

康

齌

者

天順

中、

石亨用

事

思

徵

康齊

以

收

人望囑李文達賢薦之徵至授諭德堅鮮

而歸

成

化(憲宗)

也。

近古哲學史

之動。 敬之無 陳公甫 主於敬; 從彭鑫 瞽 伊 而 自 喂 敬齋易 川言 説 虚 陳 公甫 命。 前 也。 串 仁字权)然康齊 釋氏 得不 得 間 氣 因以敬名其 而 老 說 不 云靜 之以 必去 斷 歸。 ・無 象此便差卻。 其 也。 處惺惺 所. 動 所 排之故朱子有調 不 有 有主凡以 非神。 乃動 知朱儒之學 敬以 求 至訪求問學之士學亦益 心餘干人弱冠游康齋之門絕意科舉築室梅溪山中事親壽學之外不干人事旣出游。 中養出端 **取耕李延** 虛 中之靜。 **、齋**嘗日、 道内、 靜。 他只窺測至此不識裏面本 不 既是未 眜、 _ 無義以 ~ 且有自分終身不 爲 **叉**謂 精 |倪叉云藏而後發是將此道理來安排作弄都不是順其自然|| 曰「氣之發用處 學 明 本自佛老悟入無佛老則無宋儒矣敬齋所 <u>____</u> 端非 息 發如何看得。 不 者易於持 蓋敬齋之於康齊、 -=-静中 箴而敬齋以 亂是敬之效 方 整肅、 外。 有物、 而 嚴威 循 進。 敬齋以為 和 而 只 為 已清熊文端 ·能學之語而 是常 驗此。 繼主白鹿書院貴溪桐原 陳白沙言靜 牛體故認氣 獪 恭敬安祥便是存心法豈假調 伊 有個 ها 敬則 又以 川之於濂 操 敬齋曰、 賜履反 持 康務有言 中 為理」是則敬齋異端正學之見太深凡以為近於 中養出端倪亦本之康齋靜中涵養之教。 有主。 主宰。 溪。 提撕 释氏 --7 謂 丽 濂 羅仲素李延平教學者靜 康齋涉於和師不 漢 無 見辭 以排佛老者皆未嘗窺 中 主 **空寂昏塞之**息。 喚醒是敬之接續處。 **曹院成化二十年卒年五十一平生** 靜 無 主、 而 中 意 稩 伊 思此 之敬 息以存 川 易之以 如弟。 涵 可 _ 乎。 **叉謂**、 心以此 養工 主一無法 居敬康齋舊靜 見其所 是非 夫 見佛老之眞際故於 坐中看喜怒哀樂未 -心常 存 也。 心害道 適、 疑 而 閩浙、 敬齋非之曰、 作學 因謂、 湛然 程 有 主、 朱 即是神。 純一是 統 中 乃靜 為學 甚 也。 老佛 涃 敬 其 中 則

集。 有此徹上徹下之見言工夫而不言本體後之墨守程朱者其規模大半若是矣敬齊有居業錄八卷又文集曰敬齊 宋儒之學亦只能升堂而不能入室不獨不及康齋卽薛敬軒以復性教人曰『為學而不知性非學也』 敬齋亦未

第二十三章 陳白沙

辭以釣虛譽或受或不受各有攸宜爾**」**自後屢腐不起弘治(孝宗)十三年卒年七十有三有白沙子集而詩尤 京師 化二年復遊太學祭酒邢讓試和楊龜山此日不再得詩得其作麓日『卽龜山不如也』爲之殿言於朝由是名動 於康齋途絕意科學築陽春臺靜坐其中足不逾閩者數年尋以與門人智射野外流言四起以爲聚兵衆不得已成 翰林院檢討而歸有言其出處與康齋異者曰「先師爲石亨所薦所以不受職某以聽選監生始終願仕故不敢僞 妙門人冼若水取其古詩而爲之註曰白沙子古詩教解。 陳獻章字公甫號石齋新會白沙里人正統十二年舉廣東鄉試明年會試中乙榜入國子監讀書已至崇仁受學 歸 而門人益進十八年以布政使彭韶都御史朱英薦召至京閣大臣尼之令就試吏部辭疾不赴疏乞終養授

歸白沙杜門不出專求所以用力之方旣無師友指引日靠書册轉之忘寐忘食如是者累年而卒未有得所謂 沙雕游康齋之門而其自序為學則云『年二十七從吳聘君學其於古聖賢垂訓之書蓋無所不講然未知入

第三編 近古哲學史

於聲名。 為自創 齋之教蓋學有可得之於人者白沙詩云『孔子萬世師天地共高厚顏淵稱庶幾好學古未有我才雖 弟者白沙何以 云久』(冬夜)是也有不可得之於人者白沙詩云『往古來今幾聖賢都從心上契心傳孟子聰明還孟子。 陽明 且 渙然 末得、 歽 常者 英信 師 雖 自 謂 承、 有 過 丽 門戶全非康齋之面目乃引白沙自言以爲之證毋亦有所未察乎吾以爲康齋之於白沙猶白沙之於陽, 人言」(示張東 即又不可何則白沙固言所謂 物。 吾 信 於白沙、 稱康齊為 曰, H 北 作聖之功 心與 用 得之於康齋乎若其言靜中養出端倪與康齋言靜中涵養言涵養本源、 m 種 此 無白沙、 醇乎 種 理、 其在 未 應 醇。 所東所名郡白 酬、 有湊泊 兹乎。 En 随吾 明儒 無 自 所欲。 脗 學案師 有陽 合處 $\overline{}$ **復趙提** 未 如 明。 得謂 沙門人)是也。 馬之御銜勒 也於是舍彼之繁求吾之約惟在靜坐久之然後見吾此心之體隱然呈露。 說、 白沙 學書) بإد 則專 雖 與 過於 理 就 未 是自得於靜 也。 康齊、 氣象上 而或者因胡敬齋傳康齋之學於白沙多所非議。 體認 有湊泊脗 而 物 擬 無康齋亦無自 理稽諸聖訓、 **心合夫此** 議、 ;坐之功。 以爲優 乃莊子 Mi 劣自 各有 不必 有白沙· 未 所云父 頭緒 由 足 康齋 也。 爲 更 來 **無有二**。 至若劉 也然以 歷。 如 信 不可 論。 以與子、 水之有源委 蕺 卽 此謂 山, 未 ,兄不 謂 嫩 嘗 其於 莽服 白沙 遂以 **示本** 可 康 也。 Á 猶 如今 膺亦 於康 以 齌 明。 沙 激 與

紐、 到、 無 明 齊收拾隨時隨處、 儒 息不運。 之學 至 會此 百秒 川天地 已典 無不是這個 条山為近。 我立萬化我出 英日、 | 充塞色色信他本來何用爾腳勞手讓 | 終日 而宇宙在我矣得此欄 就乾只! 是收 拾 此 心 柄 人手更 而 岂。此 有何事。 理干 奥 林 沙至 緝熙書緝熙名光白 往古來今四 大。 璑 内 外、 方上 無終 下。 始、 沙 都 無 門人、 齊穿 寒 不

學信匪 得其說而以用心失之者多矣。」(復張東白書東白名元顏白沙之友)即象山不用安排之論也然雖近象 豫章延平尤專提此教人學者亦以此得力晦翁恐人差入禪去故少說靜只說敬如伊川晚年之訓此 沙之友)謂『 仍 刨 之道然自學者須自量度如何若不至爲禪所誘仍多著靜方有入處若平生忙者此尤爲對症。 大之旨也其曰『學者以自然爲宗』(與湛甘泉書)曰『戒愼恐懼所以閑之而非以爲害也然而世之學者不 墨六合瞬息千古生不知愛死不知惡尙奚暇銖軒冕而廛金玉耶」(與何時短書時矩亦白沙門人)即象山立 道 教不同而用意則一可謂見之至明故學能鞭辟近惠同時諸儒未有能及白沙者而敬齋乃曰【陳公甫亦窺見些 極 理本原因下面無循序工夫故遂成空見』(居業錄)蓋猾不免歧敬與靜而二之敬齋之不滿白沙卽敬齋之 山宇宙便是吾心吾心便是宇宙之見也其曰、人爭一個覺纔覺便我大而物小物盡而我無盡夫無盡者微 推重 **二難要在用** 肿 **吟翁其和√** 伊川先生每見人靜坐便歎其善學此一 **心滅』曰『樞紐** 龜山此日不再得詩即曰『吾道有宗主千秋朱紫陽說敬不難口示我入德方』不過續曰『聖 在方寸操舍決存亡』終歸於心上做工夫耳而其與羅一拳書(一拳名倫白 靜字自濓溪先生主**靜發源後來程門諸公**遞 之藥。 和傳授。 是防微 其於敬靜立 慮 歪於 Щ. 丽

第二十四章 王陽明

所以不及白沙

陽明 未 指 洗。 加加 格 改 沙、 所 部 免 血 둇 尚 髙 朱子 柳 觑 蘖 其 د...ا 於陸、 44 達 致 部。 之 之 書。 象 必 Ħ 學是 大概 答象 : H3 封新 有 舛 與 []] 知之旨蓋 IE 往 徳(武宗)初 故 I 失 人 來 爲 實。 以啓發 建伯。 得 學, 山 ांधे 者、 否 輿 Ħ 然陸 若有 劐 以 書 學 淵 柩 明 有 嘉靖 發揚 有 其始 者、 源 書、 儒 不同。 者、 闁 Ŧ 义為 邇 É 芥 \smile 光大。 致力 爽 來 枚 以 可 站 1-13 沙、 人 征 程 奄 無疑 3 餸 T 極 要皆不失 [3 無 人劉 思田 蓋確 朱遂 夫頗 於紫陽繼出 沙 從指 木 쓞 力 失 也。 山 表章 門下之湛 覺 陽明名守仁字伯安浙之餘 <u>,</u> 歸、 論 由 瑾、 部。 汇 德洪、 也。劉 是 卒於 有 陸 爲 然 接っ **嬌旨逮商京科道官抗疏** 力、 聖 婸 mi 學。 ΙΠ 無復向 南 琏 抗 其 人 入於佛老至是而乃得 甘泉 11,] 作 既訴、 後序 之徒。 " " 之功、 安。 衡 所編之傳 辥 對 牟 其 問 來支離 五十 壘。或 今晦 後 移 象山 學 婁 迿 白 則 透陵縣 庵之學 智錄。 七。 文 沙 謂、 至 證文成 之病、 华. 從心 齌 前 谏 此 推 臼 姚人也 を宣 既已章 之議、 諸 綸 群 沙 其 ___ 其門 救調 所 儒、 部。 M. 盍 ITTI 著 至 學 뺽 易 卽 典 抬 工明於天下。 **焉**。 貴州 有詩文集五 左 朱 登弘治(明。 是 疽 竣 Ħ 僉 朱 自 丽 截、 沙 至王 完以來: オ不 陸 都 有以 龍 陽 同 合并之證。 陽 御 場驛丞居夷 朋 見費 孝宗) 史、 逮 接 P7 阴 m 孟子之傳 朱學盛 **\$** <u>;;;;</u> 朱、 象山 於 而 人醉 撫 故 胡 始 十二年 天。 終 蔛 雖 猧 敬 中 ごり 處因、 翰。 以 不 按之 而陸 雕。 齋、 蒙無實之誣 出 낈 m 4 學微。 朱子 作朱子 備答 其 進士 侃 儒 15 宸濠 範 陷 - 11 擬苦。 園。 陽 年 第。 則 案 入 功、 易 譜、 晚 莫 明 10 自 授 陽 以 mi 擢 期 年 有為之一 刑 叫 教 20 晚 夕忽悟 足以 為、 Ź 嗣 定 年 南 溜 者 學 一於白 論、 並 京 陸、 案, 主 定 ---1 m 見 lúi 衽 事。 其 而

一知行合一

不 川 朱子 始。 切 夫。 是着 知 不 思 得 見及 不 辨 亦 知 行 便 思 個 陽 之然後 是知之成立 語 是小 實不是行之時、 做 售 不 則 學 實 朋 乏。 文集答 能 日、 罔。 問 濵 知 去 然 病痛 明 所 思 件 做 V能行我如今5 陽 未 覺 以 辨 事、 道 光若會得法 朋 知行 則 有 其來已非 友 的 件 精 必 之說始 所 人問、 知 察。 事。 行 須 事。 只 之而 常 以 不 說 行之 亦 若 要與 是 便 着 異 相 時、 個 且去講 只說一 丽 須。 知之時 日、 是學 不 一日矣某今說個 知。 實 於居貴陽 (切篤 覺精 如 能 做 知 _ 目 行 知之眞 朱 問 而 學 1無足不行 者。謂 習討 實更 只 不能 察處、 思 問 個 者 則以 知、 要 辨 辟、 思 **汽矣若謂學**問 不要明 明覺精 巴自有 知 論、 便是 切 眞 辨 以 Ż 篤 做 Ï 其主張知行 切 品 m 知 足 夫則 提學席 知行合一正 篤 實處便是行。 知。 **涇實便是妄**望 行在。 無目不 的工 覺精 察更不 知之眞切篤實處便是行若行 未 能 問 學問 夫。 只說 行、 察 思 范 見。 合 要具 是 辨 íli. 也。 思 知之未 《想便是思 是 知 之然後 行之明 (名 **-**辨 個行、 根據全在 得真 對病 亦 切篤 $\overline{}$ 致知 同 便是行 書 至 E, 去行、 了、 巴自 的 質也。 覺精 力行、 也。 樂。 方 而 而 文學是學: 心即 察處便 _ 有 <u>---</u> 去 日、 行 卻如 不 **今見於文集傳** (程 之時、 $\overline{}$ 學 用 做 知 -傳 行 Æ, 理 功 知 則 何 也四 是行 不可 今人 是 氏 習 的 殆。 其心不能 而 憵 粹 不能 錄 I 所以 交先 知。 做 偏。 Ē, 夫故途終身 若 字。 言、 卻 的 這件 主意。 故曰、 知時、 去學 偏 將 必須 明 習錄 則 其發 優精 過 知 事、 眀 覺精察、 說個 其心 行 問 者、 知行之不 行 . ---間 邊 有日、 外 分 明 思 是 察 是 不行。 不 行。 便 心 則 可 作 辨 問 知 以 是冥 謂 則 能 **元來** 得。 兩 的 做 邊受病。 亦 其 英 求 可 伴 I 深 凡 行 迈 分程 遂 只是 切 理 切 夫。 去 行 行。 時 件 謂 鮗 矣 終 做。 便 知 便 又 事、 Z 是 朱 是 身 不 知 簿、 顧 思 以 如 不 個 揧 未 而 吾 爲必 能 則 行之 何 辨 者只 答 知。 讲 頂 是 觀 其 I iffi ¥

所以二也求理於吾心此聖門知行合一之數」而孫夏峯理學宗傳乃以陽明之說爲由伊川得來恐猶有所,

二致良知

陽明即亦未嘗自諱曰『不思善不思惡認本來面目(本六祖語見壞經)此佛氏爲未識本來面目者設此方便。 致良知』(與黃勉之奮)此以獨爲良知也然說雖萬變要之不難佛氏之所謂覺性者近是故當時目之爲禪而 合一者也。(一書朱元諧卷)則致良知與知行合一正一貫也然致知見於大學而不言良知良知見於孟子而不 本來面目即吾聖門所謂良知今既認得良知明白已不消如此說矣』(與舒國用書)然又曰「夫良知之於節 良知也曰「先天而天弗違天即良知也後天而奉天時良知即天也」(傳習錄)此以天爲良知也曰「 知爲不善之知而必不爲之則知至矣知猶水也決而行之無有不就下者決而行之者致知之謂也此吾所謂知行 言致知陽明乃兼而取之而其說良知亦至不一曰『孟子云是非之心智也是非之心人皆有之即所謂良知也。 (與陸元靜書)此以是非之心爲良知也曰『未發之中卽良知也無前後內外而渾然一體者也』(答周道通 1)此以未發之中爲良知也曰「夫心之本體卽天理也天理之昭明靈覺所謂良知也」(同上)此以天理爲 明自五十後專以致良知三字教人而曰「知其爲善致其知爲善之知而必爲之則知至矣知其爲不善致其 變獨規矩之於方圓長短也節目事變之不可預定猶方圓長短之不可勝窮也故規矩誠立則不可欺以方圓。 、謹獨即

mi 天下之方圓不可勝用矣尺度誠陳則不可欺以長短而天下之長短不可勝用矣良知誠致則不可欺以 明之同於佛者在心即理也之心而異於佛者又在心即理也之理也抑吾皆謂佛氏雖言世 世之資孔老亦言出世而言出世還以爲濟世之用陸王之援儒入釋援釋入儒蓋亦若是矣然則以陸王之爲 天下之節目事變不可勝應矣」(與黃勉之奮)言良知而不雕節目事變則與禪下之談空說寂、 、陸王一耳。 間、 而言世 jE. 白有別。 間 節目 郎以

禪

排之與必辯陸

王之非禪其爲不知

理 然陽明既去大學 古本序)夫昔人以爲朱陸之分一從尊德性入一從道問學入若陽明與朱子謂之一從致知入一 支不事於格物而徒以誠意者謂之虛不本於致知而徒以格物誠意者謂之妄」曰『 誠意之功格物而已矣誠意之極止至善而已矣止至善之則致知而已矣」曰『 陽 告子義外之 其已知之理而益窮之以求至乎其極」(朱子大學補傳) 「致吾之知在即物 明 最與 朱子不合者在其致知格物之說蓋朱子以格物 說 ·分章而從舊本又力言朱子卽物窮理之非曰「朱子所謂格物云 上 水井 孟子之所深闢 而窮其 所謂 定理 (理)|日【理有未窮、 者也是以吾心而 也。 (有節文)曰『先儒解格物爲格天下之物天下之物如何格得。 故其 水理 でが事 知有不 而致知而 事物物之中析心與 惟以 壶。 (致知而) 陽明 日「大學始教必使學者卽凡天下之物莫 則以致 格物、 不務於誠意而徒以 理 者在即物而 故曰『大學之要誠意 知 **教知爲盡矣』**(तीर 而為二矣夫 格 物 也惟 窮 從格物入可也。 析心 其理 以 格物 格物 也。 陽 痶 明大 且謂 卽 者 im 理 而 已矣。 謂之 īfii 伆 致 ği 知、 爲 將

意在於 工夫日 亦 不 物。 格 截。 錄 川 之念慮之徼 之於念慮之微 草 知可 猫 日, 其意 謂 是 亦 以窮 ネ 是 木、 格 堸 1盆進能 為善 館 以盡冒天下之道夫理一而分殊徇 之物 亦 也。 處 蘉 不 意之所 皆有 理歸 須用 陽 說、 Ē 無 便 明 以 便 四 也 過 **尼敬則** 舉 歸 謂之窮理卻不是居敬了別有個 敬、 句見大學或問) 就 也。抑 此一 格 納居敬之中使後之學者遺棄 理。 在、 於正 進 論 共 道 仐 陽明言 句不 知 準 件 便 加 語之所謂 是物。 之物 也。 事上 窮理工夫日益密未始合窮理於居敬 剘 何 該與 去格縱 任 一去為意 格物 也。 致知此正學者內外 傳 、求之文字之中、 博文約禮中 夫譏 傳 亦有數 格得 $\overline{}$ 習 習録) 録) 答羅整庵書、 在於 草木來、 卽 説日、 去惡、 此 物 分殊 蓋唯 庸之所 窮 驗之事 說 事 理、 如 便 心窮理、 而忘理 物而 是矣。 如 格去 交盡之道也故朱子以居敬窮 也。 就 \smile 何 謂 是、 此 日、 反來: 道 一物之著 叉 物 唯以尸 眀 而 俥 而 後致 欲之 窮理 一不可也守理一而棄分殊、 格 誠 善 事 必以求之事物 說 得 誠 物 Ŀ 私。 知格 居靜 時 索之講 身孟子之所謂 者、其 也。 自家意」曰、 也。 去 別有個心 然 不 而陽明則 物件 所以 此一 為。 坐為務相率入於無 要之其所 去惡 論之 說 也。 日、 為外則 爲 用力日可 日、 居敬名雖不 際、 固 謂物、 文公格 談。 ب 是格 知言 作 - 猌 理 與 而 見之地。 我解 後不言 窮理 爲互 例 集 決 大學 不 亦不可 正以 不 物之 義、 肴。 再一 向、 相 本意、 在 格 用。 是 此心之外。 皆以致 格物、 作正 發亦 則陽 故 歸 無 說. 功夫只是 也若陽 戍 格 於 毋 只 輕 、只言能 字義。 官 明立 說便謂 物 IE. 亦 重 是 知 致 者、 有所 少 為善 也。 明 事。 頂 論 知 故 格 釋之其意 物 سيب 過水 之居 窮 者其於理 作事 未 面 日 其 則 尶. $\overline{}$ 當平。 心之 不 理 傳 格 如 敬。 心 簡 物 字 則 肵 善 習 就居 傳 居敬 外 物 易 且 錄、 謂 正 智 也、 了。 直 伊 察

分殊之間意者猶不能 加無失者乎。

三存天理去人

欲

之良 理之昭 理。 疏不當谷其放恋何者空疏陽明之数之所不免放恋則陽明之教亦不之許也。 專以良知知行合一之說騰爲口論於是王學之弊遂爲世所詬病然豈陽明之意乎故吾以爲咎王學者當咎其室 言知行合一特就存天理去人欲之把柄頭腦處為學者指點耳自後之學陽明者拋卻存天理去 於中字之義未 而陽明亦曰。『必欲此心純乎天理而無一 之講學者未有能外此以爲教者也朱子之注大學止於至善曰、 陽 明言 知 者致知 明靈覺則 只要去人欲存天理方是工夫辩 致 夘 **水明者**已、 也事事物物皆得其理 格物與朱子異而言存天理去人欲則與朱子更無不同蓋自則道拈出天理二字直發人心之崇後 良知 ----1 也。 中只是天理。 』言致知格物則 者格物也。 傳智錄 毫人欲之私此作聖之功也』曰『學者學聖人不過是去人欲 E, ;時念念去欲存理動時念念去欲存理』(傳習錄) 故言 『致吾心良知之天理於事 --- (傳習錄 然則 陽明之學 不特是也問主一日、 『必其有以盡夫天理之極而無 共真切 鄅 物物。 處固 在 存天 事事 --1 Ŧ 理 物 - ---是此 去人 物 皆得其理 **八**欲一 欲 ŧ 良 毫人欲之私。 <u>.</u>ŀ. - --知、 若 個 前日, 段工 ដាំ 天 而存天 理 致 夫 而 吾心 天 Ľ 一有 知、

第二十五章 羅整庵

始了 曆 見傳 整 象 道 性、 本 方。 而 人 之 歌 玩 本 神 相 捐 Ш 壶 人之漸 象山、 然有見乎心性之真、 톙 雕 似 程 燈 六 IJ÷ 性 嘗 永 錄、 命。 面 自 年、 朋 心 籃 赭 伊 趙州 Ź 涠、 慈 嘉 敍 進 也。 實 曰、 卽 相、 王 覺就 # 成之者性日聖人作易以 見二 湖、 禪 爲 凡 不 理 丽 名從說唐 也。 釋 白沙、 師 學 及 同。 有 求 實。 第 守 氏 程 云、 至. 其 蓋 所 陽明、 一當歸 作、 始 _ 授 其 之言性窮其 所 虛 語 「昔官京師: 謂 錄、 知 編 學 靈 讀之若合符節。 末 前 空。 修。 以 胥 丽 一精義 知 $\overline{}$ 日、 時 覺 爲 所 與 確 擢 陽 禪 平 見 人、 ģi M Ľ **—** 無二此 之妙 有以 者乃 逢一 明 吾儒 學。 意意 虛 京 本 末要不 Ė, 國 相 也。 老僧、 自信。 此 難、 順 以 其 子 也。 **—** 旣 性命之理。 聖人 心虚 司 而 精 是則 則 寂 自以爲至奇至妙天下之理莫或加 必 出 有 業。 始 漫 欲 徵 峧 此三 $\overline{}$ 所謂、 終不 髮之妙而非性之理也自 其 言 **本**c 間 嘉 彼 鄉 非 夫。 M 蜻 心。 即 何 ---- ₁ 彼是則 相 者。 性之 爲之精思達旦。 由 中、 相 釋 知 E, 而 然此三 合 窮理 記、 官至 卽 儒 氏 成 空、 氏 本 佛。 者。 其 \smile 渠亦漫學 則 此 心。 一 盡性以至於命。 也。 以 丽 蓋整庵先耽 南 非安可不 契其 羅整庵 者、 釋 寂 京 皆心之 $\overline{}$ 氏 域 吏 所謂 答歐 攬 之學、 爲 部 衣 襌 飮 性。 尙 此 將 順 於禪、 明 妙而豈性之謂 覺。 語 大 _ 陽 書 覺 日、 南 研磨 辨之吾夫子 抵 起、 爲答、 是。 但詳味此 数 焉。 則 欽 有 野 卽 -而 醴 **総官南** 體認積數十年用心甚 恌 佛 順 書、 後 知 釋 見 部。 於心、 氏之 也。 舍 南 然 在 丁 字 一數言性 ·父憂致 庭 九 而 而 覺 野 贊易、 九升吉之秦 明心 名德、 悟不 哉。 性 無 去之者。 雍 前 聖賢之書 柏 جيا 旣 見 言性 覺流 得、 樹 卽 曰, 仕。 見 寨 於 理 故 子。 則 性。 性、 和 年八 也明 故 占 屢 圶 汗 程 奥 人、 和 矣。 子言 木 十三卒 陽 通 人。 相 其 吾 断於儒佛之 未 突於心。 儒 筈。 嘗 整庵 明 體。 趙 爲 洞 門人、 年 州 乾 性 教、 之 旣 徽、 - 垂六 日去手。 道 Éll 始 諡 鰰 盡 ΪŪ 和 其 办 理也。 得 文 號 用 倘 Ľ 則 辨 十、 語 證 語、 欲 知

夫整庵 襌 言之日聖人以此洗心日易其心而後**語日能說諸心夫心而曰洗曰易曰說洗心而曰以此**試詳: 儒。 者、 流、 實 玾 [見但所見有不同是非得失遂於是乎中] | 今困知記所論楞伽華嚴諸經義以及禪宗古德之語句皆能窮。 學但於禪學本末未嘗深究動以想像二字斷之安能得其心服蓋吾儒之有得者固是實見禪學之有得者、 也、 何者宋儒得於佛者 無不關佛然唐人關 析 其同? |其可通乎。| (以上並困知記)其區別心性以爲儒佛不可相混可謂整然有見之言而又謂『 則誠卓然矣然亦豈非時爲之哉。 異則知整庵之主儒黜釋而必與象山陽明立 7份淺而明7 ·佛不若宋儒何者唐人闢佛者無得於佛而宋儒闢佛者則皆有得於佛也而宋儒又不: 儒得於佛者益深也高景逸稱『自唐以來排斥佛氏未有若整庵之明且悉者。 異固非顢頂而爲之也且自唐以來如韓昌黎之徒號 味 此數 胡 敬齋 語調 若明 亦是 其源 心即 力攻

之生長收藏爲斯民之日用弊倫爲八事之成敗得失千條萬緒紛紜轇轕而卒不克亂莫知其所以然而然是即 Ħ 已氣本一也而一動一靜一住一來一闔一闢一升一降循環無已積微而著由著復微爲四時之温涼寒暑爲萬物。 是不然 整庵之必與朱子為近然立論亦有不同於朱子者朱子分理氣為二而整庵則曰『通天地亙古今無非 心。 理 也。 Ħ, 初 矣。 非別 -7 所 覺 有一物依於氣而立附於理以行也或者因易有太極一 者心之理也能覺者氣之靈也」曰「爲知覺爲運動者此氣也爲仁義爲禮智者此理 困 知記)夫朱子之論理 氣蓋與其言心性一 貫理與 言乃疑陰陽之變易類有一物主宰乎其間 氣爲二斯心與性爲二有理則有性有氣 也」日「性 氣 面 所

只是理旨 與宋 解 洲 者。 也已。 而性卽理之聚於人者理氣是一則心性不得是二』(譏 儒天命氣質之說而蔽 其 ·矛盾而: 雖然有晦庵卽不能無象 日『心者氣之精爽』 **嶯山則謂『心** 以理一 性之名其不可混者猶之理與氣而其終不 仙有陽 並見語類、 分殊之一言謂理卽是氣之理是矣獨 明亦即不能無整庵道固有以相 () 今整 庵 於心性之別甚嚴、 阴 **儒學案師說)以子矛攻子盾、** 不可、 濟爲用者若陽明整庵、 可 而於理氣則 得 性卽是心之性乎心卽 面 **分者亦猶之乎理** 混而爲一亦可異矣是放染 **雖整庵復生**、 正亦未可軒輊耳。 與氣 氣之聚 固 整庵 無 以 於 旣 自

欲蓋極相 整庵 十九 銷習心以去其害此 名若 白沙之後有湛甘泉其門 其以正念頭訓 年卒年九十五有廿泉集陽明 水、 所 字元 著有困知記整庵存 近嘗曰『天理是一大頭腦千聖千賢共此頭腦只是此 第二十六章 |明廣東增城人以從白沙學不赴計偕後登弘治十八年進士歷官南京禮| 一者心只是一個好心本來天理完完全全不待外求顧人立 格物之非而謂「 稿。 下之盛殆與陽明相埒故當時多 湛甘泉 在東部講學甘泉首和之其宗旨在體認天理煎銷習心與陽 格 物者至其理 也至其理云者體認天理也」又謂「格物之意以物爲 以王湛並稱。 一大事更無明 又非整庵閉門著書不交徒衆比 立志奥否耳。 別事。 一體認是工 速兵三部⁴ <u>.</u> 一夫以 語 錄、 阴 倘 之存)然與 求 書。 得乎 仕。 天 也甘泉、 嘉靖三 婸 此 理、 老煎 心范 明書、 去人

之意。 之體、 不能 磨 矣。 之所 則 朋 勯 也。 Ü 天 曰、 門 Ħ 在 陽 静。 故 Ŀ 鋉 蓋 # 用。 格 朗 做 執 人、 故 體 著。 即 **灰**故 意 所 事 於 認 内 # 物。 是心 天之 I. I. 外。 夫 整 夫、 敬 曰、 天 泉以 只 不 脸 恐人 體。 然 75 最 理 陽 格 庵 嚭 至 大 - 乏說、 明之所 奥 也。 有 是切 言居 Ľ 471 大 到、 本 M 陽 體 益。 抵 來 則 夫 非 舍心求之於外 天 白沙 要徹 處恭、 萬物 出 通 明 至 在 <u>__</u> 地 一緊要處 未 徹 謂 於呂 外 争、 物、 小 F 故 矣。 但 無 亦 有 瞢 執 'n. 也。 者、 在 事 是以 其 間。 云、 不 徽 延 I صدا 指 下、 物 格 目, 在 4. 主 -敬。 夫當在物 腔 並 故 天地 於 卽 物。 随 -7 執 尤 īmī 有是說不 了百 與 然 離了 子裏 我 我、 時 事 愛舉 甘 敬 爲 者、 随 陽 我 有 泉 ·, 謂之心。 Ê 有限 卽 同 處、 事 了。 轨 與 而 明 致 句。 用。 物、 事 延 為言 無不 物 而 書 肖 若 觀 量 渾 不 爲 知 敬 Zβi 安本欲其 甘泉 則以 老謂 然一 是這 渚 蓋天 同 粤、 涵 能 亦 卻 養、 者。 於 語。 異。 也。 為 自 理 是着 其心 致。 廿 倜 此 此 日、 延 故 人心以 云、 -泉 充 其 得 平 以吾之說 卽 ---- 吾 <u>~~</u>] 通 曰、 寒。 空。 地 力、 體 艮 反成 陽 也。 困 認 知、 人 者、 <u>___</u> 9 如 則世 天 原 洞 知 ıĽ 樹 IJ 朋 天 爲外。 要、只 無 地萬物爲 見天 記) 體 傅 根 理、 賏 二物謂 答那 吾 同 泉之 来 蓋 物 習 Comme 錄 看 其 異。 土。 於 任 地 而 瞻兄 (答楊 随 執 Ľ 但所 之知 則 默 以 不 人 \smile 不 體: 然 物、 Éli 遺。 威 風 事 坐 弟、 同。 心體 體 敬 澄 爭 道可 皆 心 以 雨 吾之所 整 認、 雷 者. 随 用 ŭ 少 卽 在 物 陽 夫 獪 事 霆、 功。 時。 默 乎 吾 物、 庵 莫 是其 書、 明 ī 陽 面 蚊 性 則 目, 易 ---謂 不 有太極! 力、 眀 非 # 以 所 _ 量 - 遺。 斯 發生。 格 師 爲 未 答徐 泉 Ľ Č 之中、 同 物之 之教 者體 鬠 其不 外 徹 刑 也。 得 無 上 不 -是生 ___ 丽 合之 格 败。 徹 曰, 仁 驺 萬 物。 ٠<u>[</u>]، $\overline{}$ 此 答陳 體廣 甘 是 日 物 故 庵 下 ---7 兩 ٢ 仁 故、 須 體 1 泉 m 儀 日, 通 可 7 與 H: 維 名 $\bar{\mathbf{p}}_i^r$ 不 夫 徹 74 Ü 遺 Ш 百了。 愛陽 1 事上 烫、 不 ٨٠ 陽 統 無 範 \$10 分 見 者 Æ 心

體

圍

間

明

泉之學出於白沙而整庵於白沙斯理無一處不到無一處不運繞覺便我大面物小云云皆極譏之則與甘泉復何 之太極乾道變化各正性命則物物各具一太極矣其所爲太極則一而分則殊惟其分殊故其用亦別若謂天地人 而南軒廁其間與朱時有異同然自近朱而非陸今者王羅對立甘泉在其間與王雖有異同亦自近王而非羅夫甘 推本於天或卽推本於心則所異也是故甘泉之說雖非陽明之比而自整庵觀之則皆所謂心學耳昔者朱陸對立、 萬物之中者也」(心性圖說)曰「聖人以天地萬物爲體即以身當天地萬物看」(語錄)其以即心即物或 天人之無二也此並蔽於異說者之所能聽哉」(困知記)而甘泉日『心也者包乎天地萬物之外而實夫天地 物之變化皆吾心之變化而以發育萬物歸之吾心是不知有分之殊矣旣不知有分之殊又惡可語夫理之一哉蓋 發育萬物自是造化之功用人何與爲雖非人所得與其理卽吾心之理故中庸實大哉聖人之道而首以是爲言明

第二十七章 王龍溪王心齋 附錢緒山

先見龍溪與錢緒山緒山名德洪陽明里人也然緒山鷦實而龍溪資悟超絕盛有才辨故龍溪與起尤多陽明教人、 之門如心齋龍溪殆不可不述也龍溪名散字汝中浙之山陰人自弱冠受業陽明陽明門人益進不能偏授則使之 黎洲作明儒學案謂『陽明之學有心齋龍溪而風行天下亦因心齋龍溪而漸失其傳』(秦州學案)則

是天機 苦 動 歷 不 則 無 是接 根 教 슢 也。 力 定 荏 が意 以 處。 主 法 善 本 提 म 應 下之人 顏 後 東 中 得 圓。 原 無惡之心 始有 天動 旬 根 全 子 該 兩 有 無 可 而 集三 有 溝 一發泄 以 更易 此 知之 有 敎 盒 茅 會、 下 未 不 兩 也。 Ш 善。 若 大抵 **皆**悟 意即 時。 人教 知、 法。 善 種。 <u>____</u> m 上 汝中 未 立 四 時 則 龍 日、 是無善 能 法。 得 陽 本此以為言謂、 無之 溪則 體 睯 根、 無善 汝中 此意 未免 本 寂。 鐌 不 在先天心體 明 說、 體。 有 無 嗣、 知、 正好保 所見我 《物之物》 夫陽 有世 須用 兩廣之命 爲上 無惡之意知 立 無惡心之體有善有惡意之動。 知 之未 為善去 教隨 明 情嗜 根 存。不 日、 沓 上立 『正心先天之學 久欲 人立 則 復行、 將 用 時、 -根則意 郇 發恐 宜輕以示人反成漏 教。 四 惡工 發越 神。 謂 大學之要誠意 天命之 是無善 之權 便 夫以漸 「有之說、 中、 是 纔 人信不及徒增躐等之病、 先天 所動 晚 落 法。 坐天泉 無惡之 性、 末 牽 自 也。 復 可 粹然 易 纏、 爲 誠意、 本體。 中根 執定 簡 便費 丽 無 **巴**矣。 知物即1 知善知惡是良知爲學去惡是格物。 之 不 橋 至 善。神 **善**。 。账。 上二人丛 斬 及其 學。 後天之學 體 以下人立 原 截。 -用。 是無善 切世 威 顯 **今龍溪以正** 憲 自是海內傳 成 致 功、一 神應、 知 克伐 微只是一 ·情嗜慾· 功夫、 也。 教。 故含蓄到今此是傳 所 也汝中 無惡之: 吾人一 怨 Ŀ 見請 其機自不 谹 轉 根 機心意 心為簡 自無所 者、 覺 爲天泉證悟之論。 衡。 不 -所見、 物蓋 切世情嗜欲、 繁 gp 行、 陽 下谷已無善] 難。 本 明 便 無 是接. 容致知功夫、 知物只 易 是後 曰、 欲 體 心之心則 復 m 便 _ 誠意 上 Œ 天 先 ŭ 是 可名。 皆從 根 要二子 是 天心 秘 (繁 I 赭 爲聚 藏。 難 夫。 जा 人 八自然易 頓 事。 Ž 陽 仐 教 惡 藏 山以爲 體、 意 生心 若悟 學。 悟之 難 便 明 旣 法。 有 固 密。 不 有 沒 H 本 無 德 此 與 可 艄 後. 說 洪 意之 得 此 本 學 無 許 破、 省力。 問。 明 不 龍 師 肵 也。 鲞 費 亦 阳

溪

亦

吾

中

之本也天地萬物末也身未安本不立也本亂而末治者否矣本亂治末末愈亂 又嘗曰「止至善者安身心安身者立天下之大本心本治面末治正己而物正 用安身又曰身安而天下國家可保(皆繫辭)孟子曰守孰爲大守身爲大同一 學够身爲安身亦陽 沒後心齊皆與同門會於金陵歐陽南野 矣復上坐反覆久之心大服、 知之 稍 異 說、 矣。 心齊名 乃數曰 簡 艮、 易直 字汝止揚之泰州安豐場人三十八歲始謁 明所未言故當時卽有謂心齋自立門戶者非無由也。 截所 竟下拜執弟 不及也因下拜稱弟子辭出就 (徳江 子禮。 陽明謂 西泰 和 門人日『向者吾擒宸濠、 人, 館 講致良知心濫戲之日「 含釋思所聞間有不合悔 陽明於豫章以古衣冠進見據上坐相辨 也易曰君子安其身而 一大人之學也是故身也 ---旨也」(遺集答問補 無所 動
中
御 (之明日人) 某近講良知 為斯 八見曰某 致。 人動 後動。 難。 者 (見年 矣。 遺、 天 昨 文日利 聞 地 輕 صو 易大 萬 陽明 易拜 致良 物

然格式 則方正矣方正 勞更益其病。 人力安排。(潔矩之謂吾身是個矩天下國家是個方絜矩 要之龍溪心齋皆主超悟。 |也||(答聶雙江雙江名豹江西永豐人亦陽明門人)心齋之作樂學歌也曰『 則 (答徐存齋、 語錄、 成格矣』(龍 溪 曰、 其說有極)心齋亦曰、 語錄、 『工夫只 一而 相 和似者龍溪日、 龍 求 _ 旧被。 溪亦有言曰、 人性上不可添一 《不求日增》 則 知方之不正由矩之不 『天機無安排』(水西 格物是致知下手實地。 減 物。 — 得盡、 便是聖人後世 語錄、 Ė)心齋之訓 业是以只 (會語) 心齋亦曰『 學術、 格是天則 去正 正是 格物 人心本自樂自將私欲縛。 良知所 矩。 也、日、 添的 卻 9句當所以2 不 「自然天則」 本 在 格 有。 方上 如 猾 格 所謂天 汞。 式之格 終日 不著 矩正

龍溪之言方改稱門人則與歐陽南野等自不同也念庵名洪先字達夫吉水人嘉靖八年以第一人及第官至左春 坊左贊善以帝不臨朝疏請皇太子元旦御殿受朝賀忤旨黜爲民年六十一卒有集十八卷出其門者有胡鷹山實 其嗳啜以師說鼓動天下者反不與焉然念庵以主靜無欲爲教不盡與陽明合其爲陽明年譜始稱後學後因 集二十卷心齋遺集二卷。 體之亡效天而不法地未有不至於決裂者也龍溪官至武選郎中年八十六卒而心齋終於布衣年五十八龍溪全 及門也)三傳而得何心隱(心隱本梁姓名汝元永豐人從山農學)自任太過不復爲名數之所羈束其後一戍 性和易而心齎言動奇矯雖陽明戒抑之終與狂者爲近故再傳而得顏山農(名鈞吉安人學於徐波石樾樾心齋 學便然後樂樂是學學是樂於乎天下之樂何如此學天下之學何如此樂』而龍溪亦有言曰『樂是心之本體。 私欲一萌時,良知遠自覺一覺更消除人心依舊樂樂是樂此學學是學此樂不樂不是學不學不是樂樂便然後學。 (答汪南明) 故心齋答龍溪書云『諺云相識滿天下知心有幾人非先生而何』即其學之契合可見也然龍溪 一死於獄(見明儒學案泰州學案)而陽明之學遂遭世之詬病然後知易言知崇禮卑崇效天卑效地(易繫) 明之沒言其學者遍天下而棃洲明儒學案獨稱一私淑之羅念庵謂天下學者因念庵之言而後得陽明之真。 第二十八章 胡廬山 附羅念庵

近古哲學史

緒山

散於天 吾心爲之高而覆也地者吾心爲之厚而載也日月吾心爲之明而照也星辰吾心爲之列而燦也兩露者吾心之獨 萬皦日也兮如有夸父焉逐日於谷彼亦惡知皦日之體不在是也知皦日之體之所在則知理之所繇矣是故天考、 其未有皦日也黝墨荒忽未始有天地萬物也已而皦日照之則天地萬物列矣然是皦日也其體在天而其 下察之旨乎今夫鳶飛戾天自人視之鳶在上也而不知斯人與知與能者之上察也魚躍于淵自人視之魚在下也。 於羲之理也故夫子又明言之曰聖人之作易將以順性命之理嗟乎吾夫子固明言性命之理而世必以爲在物何 吾性之義故窮理者窮斯盡性者盡斯以速夫至命者咸繇之矣吾未聞理不在義而在物也亦未聞窮理之理、 理得焉未聞知能之在物也最後曰和順於道德而理於義其下文卽曰窮理盡性以至於命蓋言聖人作易咸理於 陰陽可乎夫子贊易曰黃中通理言至正至中而理通爲未聞中正之在物也曰易簡而天下之理得言易, 能張 而不知斯 說何 塗可乎書曰燮理陰陽(古文尚書周官)釋之者曰燮理和關之也謂人調之也非謂陰陽之自關也然則謂。 始乎詩曰我疆我理(小雅信南山)釋之者曰理定其傳塗也謂人定之也非謂傳遂自定也然則 皇陽明之學當時疑陽明者首在求理於吾心一言以爲理在物不在心而廬山作衡齊力辨之曰「今夫理之皇陽明之學當時疑陽明者首在求理於吾心一言以爲理在物不在心而廬山作衡齊力辨之曰「今夫理之 地萬物之間人之執其光挹其氣者一盤盂一皦日也一甕卷一皦日也一淵谷一皦日也一 衡齊理問上、)又曰「不聞孟子之關告子曰且謂長者義乎長之者義乎知義則知理矣又不聞子思上 人 、奥知與能者之下察也大哉察乎其諸人心神理之昭誠之不可揜夫是故察之外無理也吾請譬之方 江漢、 知簡 謂 河 光與氣 理 非理 能 理在 在

又惡睹夫所謂理哉予故曰察之外無理也」(理問下有節文)又疑陽明者以爲心者知覺而理則性心與 析而廬山辨之曰『心獨之火性猶之明有一星之火卽有一星之明明不在火之表性猶火之明情猶明之光。 雷風者吾心之薄四時者吾心之行鬼神者吾心之幽者也江河山嶽鳥獸草木之流崎繁植也火炎水潤木文石脈、 星之明即有一星之光光不在明之後故謂火與明與光異號則可謂爲異物則不可也謂心與性與情異文則 曰、 一 為異體則不可也性之文從心從生夫人心惟覺則生弗覺則弗生惟生則理弗生則弗理假令捧土揭木儼若其形、 夫廬山之辨晰矣然以心造日月天地萬物而覺即性則全然釋氏三界惟心作用是性之窠臼而廬山即 是故蘊而仁義禮智藏焉始非有物焉以分貯於中也則覺爲之宰也歐而惻隱羞惡解讓是非形焉亦非有物焉以 則 無不虛也故覺即性非覺之外有性也性即理非性之外有理也又烏有夫覺虛理實心虛性實之謂哉」(六鋰) 也吾心者所以造日月與天地萬物者也其惟察乎匪是則亦黝墨荒忽而日月天地萬物熄矣日月天物萬。 非吾心也螻蟻虎狼鴻雁雎鳩疇非吾心也一身而異竅百物而殊用疇非吾心也是故皦日者所以造天地萬物 |傅||而告之曰是爲父子之親君臣之義蓋塊如也何哉以土木無覺故也是以舍人心之覺則無性矣又焉有理哉。 乖擬心則差非釋家語乎紫陽夫子作關息箴曰守一處和千二百歲非老家語乎君子之學奠病泥文尤莫病執 於外也則覺爲之運也方其宰也而無不運雖天下之至盧而無不實也方其運也而無不宰雖天下之至實而 或者曰个之儒者之語學獨喜拨二家言者何也曰是亦所謂不執一廢百也程伯子訓孟子之勿正 亦不自諱。 心白、 物熄、 可謂 有一 性宜 動意

立

物之不 見性、 吾儒 阴 迹。 足與 被 Ľ 夫辨 一整庵 亦 與 則 執 非 释 外平 雖 同 相 K 照乎 廢 相 心。 異 遠 異 抗 Ħ (**者**、 辨 也然 (者、) 天 衡 者、 Mi 卒 者 地 則 、盡心與 萬物、 **壬** 異於異易辨異於同 執 也。 一則以是盡己與天 (廬山之言大抵 於 迹之為害 丽 逃 終歸 偷 不盡心之分 楽 於 物。 也。 無有。 若是異· ب 為整庵 心所 吾儒 難若廬山之辨儒 地萬物之性一 申 者、 言 謂 主在 非 下、 毫釐千 有節 而 心之 一發觀衡 經 不 交、 世。 則以 荲 |故其學| 實 雖 也。 齊可 释既認其同、 者 然廬 是而 則 此 見、 貴 也。 不 盡心。 出離 츒 Ш -心之 $\overline{}$ 亦 六蠅) 有 盡 而 一己之生死則 心、 過 仍指 持 以 萴 也。 其異可 叉 曰、 蓋 別 能 察屮 釋 於釋 氏 ---謂辨異 亦公與 天地 心性 氏 主 任 者。 萬 出 非 日、 於同 私之分 巽 物、 # 也。 im 枚 釋 者 存 富 氏 其 其在 也。 心養 處 學 雏 艺 止 知 有。 富 性、 於 \star 1)] 盽 眀 時、 則 心 Ü. [t]言 حرام 是

文也。 卷二世 者懷多欲之私 蓋 首 道。 指王 知 抑 心 弗靈 則 麿 丽 心務 過 莫不有吾心 山 遗 心良言. 焉 弗 雖 刖 者 主 而 故 也。 陽 知 言、 而 也。 欲 其 明、 而 遺良則 是故 ず 明 流 而 可損 明 執 於 物 朋 其 德 其 就易 於天 未流 於心卽理也之言全失矣廬山易之以靈則 理 中 益 Ŀ 之靈則以 而 之失、 良 下。 疑 夫陽 知 未 心 卽 有 丽 性。 明言 不理 行乎 為靈 亦 今儒 未 欲 致 其 懲 嘗不 則。 交雑、 間 世 良 日, 痛之曰、 者、 知、 -儒 醴 弟 mi 顶 過 是 子 終 其 焉 追。(-失 曰, 鼀 者 也。 學有 昔之 於 也。 但 霸 其 博辨 至乎。 麲 言 流 也。 良 執 良 淮之南之 者靈則 下 知 曰, 知 心 有之。 者、 丽 U 性 曰、 致 遺 而 以之个之 觀良 致能溪心 心則 靈則 學 貌 -批 則 物 则 儒 是 左 則。 之爲 理 也。 矣。 <u>-</u> 獬 蓋網是即 $\overline{}$ <u>___</u> <u>__</u> 言 當 知 北 艮 也、 明 者、 癵 明 元之。 知、 弗 뱀 中 中 心即 究 下 m 上 下、 於 其 淮 理之旨 之南 日, 失 性、 曰, 日、 也、 弗 ___ ---7 又 莫非 之 仐 世 由 學、 然 但 於 學 儒

稱道。

於所 和八 īfi: 足 嘉靖 以事空疏放恋者之口而使之不復能有所假籍是則廬山有功於王學者也廬山名直字正甫廬山其號也秦 15. [+] 別記。 三十五年進士官 一見藏 稿 11) 至按察使卒於萬歷十三年年六十九所著衡齊外有衡盧精舍藏稿其平生進學略見 儒學案載之し 利事歐陽南野三十後始從羅念庵游而於陽明門下 如錢絡山唐荆川、

順之)皆臂見之。

71 XX III 自識嘉 云、 1 子作 此自 科院一五年登進士第萬歷中官至刑部 當王 心體認經旨不了悟不休久之我入於書叉久之書歸於我過目卽得一得久不忘非誦讀之力也』 少年只 學之盛有一不由師傳而從艱難困苦中自得之者曰呂心吾心吾名坤字叔簡亦號新吾河南寧陵人隆慶] 說稱「質困鈍讀兩葉書旦夜不成誦看書亦不甚解博涉坊刻訓詁家言益亂益不解乃一切樂置之默坐、 人不長進只是不用心不著力其所以不用心不 1 第二十九章 學致 要想我見在幹些甚麼事、 力之動苦可見也所著書有四禮翼四禮疑問範實政錄呻吟語去偽齋文集而 呂心吾 到頭 成個甚麼人是 方侍郎立朝持正以是爲小人所中致仕去家居四十年年八十三卒其。 著力者只是不愧不奮能愧能衝聖人 這便有多少恨心多少愧汗如 何放得自家過。 ij Ŧ. 呻吟語尤為世所 --(---而呻吟語 又云「士 並 修身) 有

道家以 悟 吾與 外 當 所以 赤必 子以 之白 在談 為 故 Č 惡當去 /勉進後 性天講理氣矣。 索絲絡而應之曰無此 陽 道。 也。 吾之學從默坐澄心入依然陽明家法故其論格物曰「格物二字聖學入門第 不理 綸 見泰 四 首不 格物 明門下實有大不同者曰『才貴通不貴一事貴習不貴料故問不厭迂緩考不厭厖雜學不厭居積夏索 格物 性 亥子之中為口 旃 一會前言的 透 凡 山, 能 之外 其龍 書有 則知 情 盡。 而 人 能圖 也」弟竊笑之夫氣質清明、 土 故 無學是物 自 不 節 期月 俗 識 知而竟不為善不去惡者、 夫理可心悟、 交、 痛切痛切則 萬古因 商 /而可三· 訣、 羊、 景象生不見墳 雖 _ 辨 工其謂陽. 也爲 良賈之恥也由斯以觀博學審問愼思明辨不專在方寸間筆楮上矣儒者之急務不專 然以物爲帝降之夷爲先天純粹之理吾未見其有異於陽明之所謂良知者 萍實必先聞 革損益必不能 年有: 意念自興。 上帝所降之衷是先天純粹之理。 而事難心悟理可一貫而 c成必有經 阴 說良 [重子之謠] (典而) 臆對。 意 則 知 乃在 念旣 意不奧誠故也意不眞誠者何知不痛 濟弘術、 義理昭著道與身 能 誦 若 獎則 情 谹 防風 墳 周 典 下了 必有區畫長策而 知豈得一 好善自然 骨、 故實聖人能之乎夫古今事變名物 跟腳認端緒作根本又謂 事難一貫朱儒有言「孔子生而知之者言亦由 肅 愼 不 矢必先讀夏周 一則由仁義行。 物格 無以 學。 以 是實 尚之惡惡自然不 是 點靈 知 見得。 發憤忘 光特 之典。 所謂性爲安焉聖 知至 陽 切飲 食. $\overline{}$ 一是實信得。 要散聖經不言力行 好 四 明見子而 觸卽透默運不勞斡旋 ス古敏水 使 也。 事 知不 加乎 宇宙、 並 見家 · 其 身。 痛切者 不 未必 |人誠若 人情 見亥。 語 並 _ 不 物 文集 是 叉 何。 也。 (並 假介 涉 理、 雖然心 矣乃 學 日、 性 者 歷 董 不 何。 答 同 問 世 而 丽 上、 採 物 透 狐 岩 孔 至、 習

第三編 近古哲學史

作敗局。 滿天下何資實用』(同上)嗚呼其如言而天下不聽何哉。 有言矣曰『國莫病於畏言兵士莫忌於疲虛文』(衡齊談言下)曰『區區弊精故紙奔走一世以趨駭言雖 攻明儒者謂其事空談而無實學耽心性而遺國家而如先生所言則明儒何嘗不自爭之又不獨先生也胡廬 姜養沖)又曰『不當事不 不能可乎夫任 政顏淵問為邦何嘗以用世爲諱哉目前是何光景般浩以蒼生自負(晉曹)房琯以經武知名(唐、 鑿之痕轉移有俄頃之妙耳』(別鄒爾贍書爾瞻名元標號南阜吉水人京師首善書院之設即 少墟倡之)又曰、『吾人講學須知所學何事自十五時便入大學所講者聖經一章耳蓋儒者教門以天下國家爲 一身其格致誠正也欲端一身以爲國家天下非萃野磻石專言耕釣阿衡尙父方講治平作兩截學問也諸子。 有如緩急之際艱難如足食足兵重大如安邊治河種種不可悉數當事者問 聰明不可以當盤錯旋安排不可以應倉皇此周孔所以必寢食俱忘夜以繼日且思且 知自家不濟才隨遇長識以窮精坐談先生只好說理耳」(我委曰不知柄人者用人、 呻吟語品藻 由爾瞻與馮從吾 書)一 學. 也。 夫清儒之 へ 答 問 出 山 亦

第三十章 顧涇陽高景逸

鸝 與 自王 國 學之盛、 相 終始 則 m 立 東 會 林 你實倡之東: 講學遂成風尙然但及身心不與 林者顧涇陽高景逸爲之魁涇陽名憲成字叔明景逸名攀龍字存之皆常之無錫 、政事也 講學 前 · 兼議國政· 《主持請議以左右一世卒之以

名蓋由 **憲**。 所 三卒後十五年魏忠賢 第 問 鼠逐以至於死皆泰然處之而曾不絲毫動於其中則豈意氣所能爲哉景逸有云 『 逸又發御史崔呈秀貪穢狀呈秀遂合華小附魏閣以 皆 疏指摘貴戚鄭氏及舊輔方從哲方鄭之黨懼因摹以東林爲言思以中之旣講學之禁起講學: 上 稿、 進 緹 去位。 而不 退人 疏 小 騎 著有遗 論之謫揭陽尉越二年假差歸自是林居垂三十年天啓(熹宗) 心齋劄記大學通考還經錄證性編等景逸較幼於涇陽萬歷十七年進士出趙南星之門授行人以銓閣 逮繆昌期 撥吏部考功 一景逸詩 氣節者者學問而不氣節為世數之害不淺」(遺書會語)嗚呼意氣氣節之亂久矣自非知學之士其熟 才 於此涇陽中萬歷(神宗)八年進士授戶部主事調吏部以作關臣王錫爵蘭判桂陽已司理處 益 夷 移 政 周 書院宋楊龜山先生講學處也已廢爲僧含顧高請於當道葺而復之會吳越士友講習其中東林之 順 疾不允明年乞差還里四年起刑部右侍郎遷左都御史會副都楊連疏論魏閣二十四大罪而! 府 主事時趙南星主計典盡黜諸宵小不勝政府之忌降調去涇陽請與並罷不報邏文選司郎 昌等時景逸已先罷歸知不免繕遺表 相 抵牾途以會推 大黎東林黨人涇陽亦以御史石三畏言奪官崇顏初贈吏部右侍郎諡端文所著有涇臯藏 家宰關臣事削籍歸三十六年以南京光祿寺少卿召不起四十年卒年六 傾正 摘發奸宄一無假籍。 投池水死年六十五崇禎初贈太子 類旣矯詔殺 楊遵等又盡毀天下書院東林 初語光祿寺丞晉少卿博太常又轉 未嘗無疑其獨落於 氣節而不學問者有之未 少保、 諸臣鄒元標馮從吾、 兵部 意 亦 氣 潛焉六 者。 尚書。 大理。 三州。 然 有學 中。 觀 齟 遭 齬、 + m

以隨 後 乱 君 łE .\$ 含糊 初 続 不 H 無 足 4子之大道: 心之本 善念 Fa. 解 iĿ 11 也。 r in 景逸日 為不動 無復 先生 放曰 亂 值 4 脫 तिर्वि 尺為 省察 久 無 教 流於 皆深下陽明無善無惡之論涇陽曰。管東溟(東溟名志道字登之太倉人與涇陽同時)曰, 復罣礙 帽 非 树 揀 善、 一欲置而 原是 為 心者矣由前之說何善非惡由後之說何惡非菩是故欲就 捨其身濟天下以委曲 所 撑っ 吾 陽明 Ш. 逐 謂 [6] ìm 所 者、 融者 境以以 無善、 無 謂 已矣 先生 ķ 朋 不問彼其所握之機緘非活下之可以投小人之私心即孔孟 必其投小人之私 性 **#**; 訟悔 転 者入而悦之於是將 第日 便 心是也合 之而 所謂善非性善之善也。 之善也吾听 而趨之於是將有 無 遷改為輪 杰念云爾。 1 元萬之而萬行萬物不二 遷就 便 通以下 吾以善 謂善 成一 心。 為無可 而又可以附於君子之大道者也」愚驕謂 個宏見以 如所 有 π Βi 爲性 如 也。 云以 上達 何 萬 無不可以狷狂無忌爲不好名以臨難茍安爲聖人 所 Z 彼以善 也彼所謂有善有惡者意之動 物之所資始 以仁 任情爲率性以隨俗襲非爲中庸 為落階級以 為無善無惡只是心之不著於有 義為桎梏以 者也天下無無念之心患其不 爲念也吾以 m 砒節 資生 八禮法爲 一也爲得一 ·礪行獨· 善自 而詰之彼其所占之地步甚高上之可以 入生 工 土苴以 而 不罹 無之故 則是以善屬之意也。 復作竟奈之何哉。(小 m 無善無 静以 也究竟 災 日 為意氣用 (閣然媚: 用 無 上。 於善耳 、善之說、 一彼以善 爲 惡四字當之何。 Ī. 緣 世 塵、 成 事 高萬物 者 豆 自吾は 無 不 於善 其所 操持 死 矣。 足以 個 _____ 混 性 地、 F 者 刨 謂善 心齊劄 IJ 则 爲 Ż. 成 見以 池 體以 把捉 性 動 頑 <u>则</u> 性、 附 切 也。 而 第 鈍 面

之道 故聖 心有 流 江 性。 旣 通 能 答方本 念耳。 右 脱 爲 弊言之切 無 思勉是 明。 念於善 宗不以 八之教、 善有惡 諸賢 之矣又 也。 更分 王 舉 人 庵 日、 出 Ľ 明是禪家悟徹 偧 面 知爲 者意。 道。 書 於陽 使 足以 必 im 而 H 目。 辨之明 為之是 使 念 夜 况 識 **叉**謂、 於 景。 亂 明 人 縏 不得 與 景 門 格 無。 縛 譝 教古之聖賢日 逸 (語 溪 無 殆 下 物。 無、 \equiv 在 時、 ---不 談良知 光景以: 物 亦念 未有過於兩先生者兩先生之學、 食而 念上。 天泉證道記 者、 時 格 錄、 如 思 記、 羅念庵 也若日 而 使 自敍 不勉 凡凡 故 者致知不 食 善 此 本 此皆針 是忘思 止 明、 也。 為學 m 體 |患其著焉; (則有善) 善 不合柳且其言出於 攻陽 鄒 **-**不 東 日 現。 $\overline{}$ 次 廓、 方 明 勉是 第。 在格物故虛靈之用、 明 對致知之學 眷、 本 而 攻 切 至 守盆) 著 庵 觶 放 日 無 助。 擇善、 於善著於 性善 著。 念概 下、分 總 毋 今懼 與 亦 聶 繹 E ·而發。 所謂 心與 綿 自 序有 雙江、 皆以 緒山。 其著、 **積善蓋怨怨焉今以** 性 斬 無、 然涇陽 陰用之而陽距之者耶。 然 念 無 皆管辨之 節文本 多為 格物 非陽 至 雛、 遂 干。 著 夷善 絕 便 <u>۔</u> 別之教矣。 為重。 可 有言、 也。 悄 忽 | | | | | | 庬 小 著 識 見 如 名 而 善 心療 百斤 而景逸指陽明於朱子 性。 丽 學漸 則 喫 若 而 非天 -東廓 無之人遂 擔子頓 無之一 拘。 劄 $\overline{}$ 見東廓 蓍 示 記 則之自然吾輩 桐 無則 城 在 學 記 字 然 景 靑 人、 譒 者 拵 將 蕩 落 集) 原 逸 性。 夫自 贈處、 視善 拘興蕩之患倍 曰 繬 地。 亦 伙 叉 言 得 識 格物 且謂 格物 四 如 如 時、 m 性、 無之說 不 窮 惡 電 凡 曰 不 思不 未 格 無 至 而 光 見 V 至善 去之。 之所 睯 粪 善 教爲 性 蓰 閃透體 涉 無 出、 勉 無 則 大亂 善也。 心以 其藩。 無 是 終 謂 胼 不 質。

第三十一章 劉蕺山黃石齋

學龍 爲民崇 用。 宣大總督方一藻以遼撫與淸議和道周具三疏幷劾之召對平臺又力爭謫江西布政司知事十三年江西巡撫解 又上書語侵首輔温體仁斥爲民九年起右中允進少詹事彙翰林院侍講學士旣楊嗣昌奪情入閣陳新甲奪 生黃道周字幼玄(明史作幼平此從明儒學案)一字螭若號石齋天啓二年進士補編修崇禎初以疏救鏡。 二十三日而卒年六十八所著有古易鈔義聖學宗要學言人譜文集等嘗樂體人書院講學蕺山學者因稱蕺山先 宏光立於南都起原官陳興復之策請都鳳陽又動馬士英爭阮大铖必不可用皆不納再疏請告歸杭州失守絕食 起授吏部左侍郎擢左都御史會給事中姜埰行人司副熊開元以言得罪下詔獄宗周因召對論敕觸帝怒復削職。 未上、 執。 劉宗周字起東號念臺浙之山陰人萬曆二十九年進士天啓初爲禮部主事歷右通政以疏劾魏忠賢客氏削籍 絶粒十 疏薦地方人才稱道周堪任輔導帝疑其朋比更逮道周學龍按治之卒繭戍辰州衞越年以周延儒言原官起 而 旗二年起順天府尹時帝方以刻深繩下宗周以仁義之說進又請除詔獄免新餉。 京師 179 [陷矣南都建官禮部 日、 不死引磬又不殊途遇害年六十二所著有易象正 尚書專奉唐王入閩 **遂首政府視鄭氏無經略志自請率師出關至婺源爲清兵** 義三 易洞璣洪範 明義春 帝不省謝病歸十五 秋揆、 石 齌 巢 起

石

齊兩先:

生其以身殉國

【旣同而言學亦極相近明儒學案稱念臺之學以愼獨爲宗令觀嶯

山文集日

一、大

之謂 及 不 臣 心 Ħ, 獨 11 物 無 謂 #: 知之 看 致 1 物 4 所 鑩 言之若合 15 意 U χ'n. 狐 到 11 獨 (EX 此 뮟 知 7 17 Pm 地 百 HE: 57 胍 ن نړ ا 胩 **7**5° w· - • 萬 2 巍 īfii 猫 Iffi 13 符 物 夫 虚 杏 13 É 17 榕 扭 11 013 1 3 <u>_</u> _ 現 7/4 則 殏 礩 是 格 堧 似. 11 **f** (11 文解 也然兩 矣城 從 存 來承受具 H 物 4 同 П 間 15 養之 鼹 致 Ĥ 業、 <u></u> 也 性 義 知 意之功 履之 **7**(7) 無 標 _ 棩 ---_ 张 子 之 註 、 要有 防治 聖 先生之所 穏 其宗旨 目、 此 看 帵 # 如 來、 門 爲 共 而 太 好 喫 質 # 詉 慎 桁 則 知 日 物、即 色惡 緊 圈 日 此 Ĕ 獨、 極獨之體 IN 獨 **.....** 莫見 入 事 [7] 謂 愼 mi 者 賏 m 手 當 臭、 祁 而 獨、 設。 凡 耳 該 愼 矣意 载 莫 如 獨與 觸 處只 即是省 亦 此 巴。 萬。 家 也。 是 總 頭。 知 如、 稱 知 日 威鼻 也 大學 在 环 為 也 <u>-</u> 誠 翦 萬 本 是 殊 則 愼 此 察之 傾 者、 者 來 丽 E. 念臺則 白然晓 語 本旨蓋有違矣朱子註 獨 者、 獨 ţ I 選 慮 面 本之 錄、 謂 功 Ę 未 1 獨。 E seen mi 目、 鑆 杰 起、 榎 設 1 ر<u>۔۔۔</u>، <... ≥ 會 _ 以 石 17 Λ FI, 性 外 也 n 鬼 無 乏學 خ 體用 齋集榕 [1] 為朱子之慎 不假推求所。 無 修 11 神 -----د___ 巽 7/2 所 理 扡 Ł, 莫 **;**/: 謂 窮 大學 石 Įţ, 知 (Lange K 原之 未 壇 此 Zļi 孟 濟 也 , man 之 從 *** 來 物 Ji. 自 亦 問 雑 不武、 謂 謂 獨專 大學中華 格物 以 業、) 騏 辨。 بولا 陽 然。 心 阴 日、 體 萷 知 間 窮 誠 枚 答答門· 又 躢 故 單 氣 至。 理。 意、 也. 奶 看 -省察 念堂 象、 日 明言 提 性 來、 腈 知 丽 又 則日 即 也、 至 馥 溫。 良 涵 ----必事。 是獨 便是 誠意 以以 日、 Λ, EI, 纹 書以 1 知 動 知 爲 靜、 ----←¬ ·--/ 严 物不式、 圈 未 阴 其 體 君 釆 敎 只 H 中 尺 是愼 免歧 者、 誠。 於慎 子之 真消 傾 **AL** 以 是 + 驗之 丰: 獨 來、 # 人 格 **—** 學 息。 所 獨 刨 物 是 動 獨。 獨之要蓋 而 和。 靜 不 愼 外 愼 4 時 思 同 A. 皷 中 _ 獨 物 格 意 講 丽 知 上 無 獨 和 慮 同 二之而 Æ mi 者 身 而 不 學 藏 旣 已矣。 則 自 不 修 心以 者吳 遬 起、 <u></u> 己 此 听 只 所 何 雷 细、 吾

未有不以分別爲夾雜支離者也觀此而宋明儒者爲學之不同亦可以略睹矣。 不聞處見睹聞着不得概毫氣質」(榕塘問業)意似不合然其不認性有義理氣質之別正歸一致蓋主簡易者、 問吾身有心有意有知夢覺形神可是一物兩物自然谺然摸索未明只此是萬物同原推格不透戲格得透時瞬風 意好善惡惡之意即是無善無惡之體」(同上)石齋曰「試問諸賢家國天下與吾一身可是一物可是兩物又 已又念臺謂「心只有人心而道心者人之所以爲心也性只有氣質之性而義理之性者氣質之所以爲性也」(會 蟲魚一齊拜舞格不透時四面牆壁無處藏身」(榕壇問業)提一髮而卽全身明備之所謂簡易直截者如是而 II. 心以及修齊治平皆愼獨也故念臺曰『心意知物是一路』(語錄)又曰『知善知惡之知即是好善惡惡之 而石齋則謂「氣有清濁質有敏鈍自是氣質何關性上事性則通天徹地只此一物於動極處見不動於不睹 第三編完)

第四編 近世哲學史

第一章 清儒之標榜漢學

至矣然猶未至罪及宋之程朱也故其爲下學指兩序(專林文集)曰「別其源流而衷諸朱子之學」曰「蘇朱 下猶可不至今日今之君子得不有悅乎其言。(日知錄卷七夫子之酉性與天道錄)又云、『以一人而易天下、 下之生久矣一治一凱撥亂世反諸正豈不在後賢乎」〈日知錄卷十八朱子晚年定論錄」此其指斥陽明可謂下之生久矣。 其流風至於百有餘年之久者古有之矣王夷甫之淸談王介甫之新說其在於今則王伯安之良知是也孟子曰天 **赴丘墟昔王衍妙善玄貫自此子貫及爲石勒所殺將死顧而莒日吾曹쁉不如古人向若不避尙浮儘戮力以匡天** 切不問而曰一貫日無言以明心見性之姿言代修己治人之實學股肱惰而萬事荒爪牙亡而四國亂神州萬稜宗 其精而已遺其粗未究其本而先鮮其末不習六茲之文不考百王之典不綜當代之務舉夫子論學論政之大端, 入主中夏士大夫前仆後繼斷照捐踵而會無枚於滅亡於是當時有職之士至以亡國之罪歸之講學者顧亭林云、 劉石亂華本於清談之流稱人人知之孰知个日之清談有甚於前代者昔之清談談老莊今之清談談孔孟未得 自王學之衰專事浮談人鮮實學雖得東林諸君子振之而亦氣節之士多經濟之士少故及流寇之起滿濟秉之

之是故訓 可以 漢學師] 授經圖、 子語類評)同於程朱諸儒詆毀不遺餘力然顏李之學當時傳者不廣及惠氏(士奇字天牧子棟字定字)戴氏、 用之學閉門誦讀」(恕谷年譜卷上)與習濟謂『朱子之道千年大行使天下無一儒無一才無一苟定時』(朱 言 溪(苞)書乃謂『宋後二氏學與儒者浸淫其說靜坐內視論性談天與夫子之言,一乖反』(見恕谷集)又 子之言以達夫聖人下學之旨。」蓋亭林立身行己極服膺紫陽是故江藩(甘泉人號鄭堂少嘗及惠棟之門)作 . 圖 病 以其多騎 震)出一意訓詁之學以爲了由文字以通乎語言由語言以通乎古聖賢之心志譬之適堂壇之必循其階而不 「宋儒內外精粗皆與聖道相反養心必養爲無用之心致虛守寂修身必修爲無用之身徐言緩步爲學必爲無 說中庸說論語稽求篇皆攻擊宋儒、 **、選等」(東原集古經解鈎沈序)於是謂『故訓明則古經明古經明則賢人聖人之理義明歧故訓理義二** 於訓 〕李(顒) 承記推木本水源之意以亭林附於卷末以爲有淸諸儒深究經旨與兩漢同風實由亭林啓之而猶不 非以 蓋至是而所謂漢學者始奪宋學之席而後生 詁 牆之見依違之言者此也專攻程朱始於毛大可奇齡(蕭山人生於明死於清康熙間所著有大學 者據名物象數之誼固多發明至其能成一家之言冒天下之理而不失矩矱若顧若黃(宗義) 朔 理義、 若張 而故訓胡爲理義不存乎典章制度勢必流入異學曲說而不自知』(東原集題惠定宇先生 (履 (詳)陸(世儀)皆承朱學之流風而所謂漢學家者自東原戴氏一二人外鮮能似 而四書改錯詆朱子尤甚)而李恕谷學於顏習齋兼出大可之門。 一小子稍智章句即莫不以詬病理學爲能 事矣然吾觀 其與 方望 知本 若孫 能無 有淸

議 践 及 恥 也。 業其道未光 之學之不可 之生於乾隆三十七年卒於 之灰以爲是與歐 道 躬 履 一之長技一 未 百 行之不 漢 其 咸 始有 災 學大 見。 視宋 後、 間言也。 誣然雖 政 速。 師、 眀 於天下先時漢學之徒斥宋明諸儒 而 如 首推 旣 氣 髙 願 明 學 李之徒又非漢學所可範圍故或謂漢學盛而宋學衰宋學衰而中國 西科學 鄮 不 入於辟 者求 即江 網士習亦壞樂漢學 惠戴而惠天牧手書楹帖、 之盛相去乃更不知道里幾許。 脈斷其間 其放 藩 精神相吻合含本逐末氾濫無歸吾不知所謂科學者其果如是否 成豐元年嘗從學 作漢學師承記極力標榜漢學亦 邪中庸流爲 心、 而學力不逮卒亦無所 反躬律 行己庶幾可與8 **開**靠。 之不及身心、 於姚 至是宋學既不復存。 **殖云『六經算** 舍一死報國更無表見而自清末以迄今日、 姬 然則學術之消息不 可以縱 **(為善**。 樹立。 傳 <u>___</u> 至若畸 一服鄭百行: 恣 取孫李諸儒纂為宋學淵源一 (宋學淵 面 終、 而漢 人異士埋迹蒿萊閉門講習雖有其 無忌遂窟穴 源記序) 著漢 法程朱」病程朱之空疏 學亦卽全非矣是故 亦大可知哉。 學商兌力辨訓 (其中專) 其欲 丽 無識 調停 以撏摭宋儒 無復有自 記。 謂 之士 也然而欲恃 方東 士夫之寡 詁考證之破 兩家之意 有之哲學古 酒欲 樹 則 有之於程 懼斯道之將 之小 $\overline{}$ 桐 掦 廉 委 人。 曲 疵 此以 漢學 喪恥 碎、 城 亦 未 潛 m 焪 人、 可 莧。 朱之 爲過 **芍**発 效忠 爲立 E 程 醀 字 死 植 降 墜。 之 朱

頗 多典 儒、 其徒交游者。 有 m 而 由 明 速清、 儒者之書鮮道及之以吾所 見陸桴亭思辨錄有日、 天地間只 (有陰陽) 陰陽

之本則吾有所不忍言

者矣。

明

雖

異

同。

其

源

要出

於 佛

氏,

蓋風

之所

被、

未

有

不

與

俱化

者 也。

獨

怪基

督

敦

自

眀 萬

歷

間

入

中

國、

胡

獨名撝謙浙江仁和人生於明卒於清康熙二十六年)於論天地氣候之變頗稱西士熊氏之說(卽熊三拔)推 只有五行釋氏之地水火風邵子之水火土石西教之天地氣火(本地水氣火桴亭誤作天地氣火想係得之傳聞、 故有此舛不然則刑其曹者失之)總欠自然」(思辨錄輯要後集卷二天道類)次則應潛齋作性理大中 (潛

生心化被區域天下之簡能誠無如此者然而其爲道不易從事於此必至於滅神天主罹患於西北則是 形之變天下之易知誠無如此者然而其爲道不簡從事於此必至於殺精吾觀金剛一書(亞國起匹夫其國徒衆翕然從之化被遠近歿後千幾百年而西北諸國盡從其敎吾觀幾何一書用點記 其道相反者聞歐羅巴人在中國西北尊天而賤地殆卽此乎及詢之西人果得所謂天主者蓋生於漢哀帝時其道相反者聞歐羅巴人在中國西北尊天而賤地殆卽此乎及詢之西人果得所謂天主者蓋生於漢哀帝時 爲精當、性理大中卷二十一二十二)又爲天教論謂『嘗念佛生於中國之坤方則西北乾方必有偏陽之教與爲精當、性理大中卷二十一二十二)又爲天教論謂『嘗念佛生於中國之坤方則西北乾方必有偏陽之敎與 於西南則陰亢故也西北之人以無不知爲貴故樂於用心從事於此則自生神西南之人以無 此指 金剛 (知爲貴) 湯亢故 畫曲 經 以 直、 也。釋 故樂 如德 無 盡萬 住

乎』本易理以論釋迦基督之教以爲各有所取亦儒者之所罕見然亦卽自謂未多見其書其道不能詳故所言全。 出之揣度至以幾何之書與基督之教幷爲一談是可哂也竊皆推究其故蓋明時西來之士如利瑪資熊三拔之輩、 其所持以炫吾國 之藥浙江仁和 息心從事於此則自生精極其數則陽過者殺陰過者滅矣西北者其天道之失中者乎西南者其地道之失中者。 人萬騰進士官至太僕寺少卿其所譯名理探爲名學最初之譯本)謂其『 人者在其技巧而不在其宗教即言事天愛物與中土舊談初無所異故李之藥序利 氏 天 八主釋義、

小心昭事大旨與經

傳所 序(明遇江西進賢人萬歷進士官至兵部尚書東林黨人也)亦曰『遏欲存理歸本事天不意西方之士亦我素 王功臣』云云是故當時學士大夫之於彼教樂道其曆數星象之學者多而嚮往其深身修釀之術者少入其笠以 之佛氏我所屡聞糟粕之談不當一盼況自千七百四年羅馬教廷有不認奉祀祖先之合與中土之俗更生扞格於 招之者多聚其學而學焉者少彼之不能益於我由我之無所取於彼非必深閉而固拒之也至若天堂地獄之 是康熙四十六年途幽禁教皇使臣於澳門而各地教士亦遭驅逐舉曆數星象幾何製造之學嚮所震驚以爲窮神 致化者視如毒螫而况其教乎哉故明清之基督教不能與齊梁以來之佛教比者教有不同亦勢有不同 紀如券斯台。而體迪我七克一費以貪傲饕淫怠妒忿謂之七賊欲以施含謙讓克之其文絕美熊明遇為之 說紅

第一章 孫夏峯 附湯潛庵

京師、 **强果中稱為范陽三烈士正忠節公蔣繼之父也夏峯與善繼友善而夏峯家貧嘗與論學自辰至日昃始得荳麪作** 奠夏峯怡然無不足之色及明之亡夏峯已六十清順治康熙中屢歡不起晚歲渡河暮蘇門百泉之勝且康節魯齋。 遠夏峯百計營救不得卒經紀其喪以各歸於其鄉以故義聲震一時當時與營救之役者夏峯外爲定與鹿。 奥左 初諸儒以孫夏峯最爲老師夏峯名奇逢字啓泰一字鍾元直隸容城人生於明萬騰十二年。 忠毅公光斗魏忠節公大中周忠介公順昌以氣節相尙當魏闍亂政東林黨獄起忠毅忠節忠介 年十七舉 鄉 先 E. 武居 新 後被

作詩寄羲勉以蕺山薪傳讀而愧之』即其傾倒可知矣。 以性之所近使 拳巴先死故收而傳之而謂『北方學者大概出於其門使喪**亂之餘猶知有講學一脈要不可沒』又謂『歲癸丑** 静學之地也乃移家輝縣夏峯村築堂日兼山讀易其中而率子弟躬耕以自給四方來問學者隨其**淺深高下必開** 自力於庸行有願留者亦授田使耕所居遂成聚焉康熙十四年卒年九十二黎洲纂明儒學案時夏

所謂 派別之中自有統宗會元之地(四書近指序中語)故曰『朱則成其爲朱陸則成其爲陸學人不必有心立異亦 諸儒 王陽明羅整庵顧涇陽十一人者爲正宗而自薰仲舒以至金忠節鉉陳幾亭龍正凡若干人則撰爲漢隋唐宋 學宗傳自稱坐臥其中出入與偕者逾二十年蓋一生精力全在此書以周子兩程子張子邵子朱子陸象山薛敬軒、 喜之其自言如此謝无量哲學史乃謂夏峯以陽明爲宗晚始和通朱子之學蓋未讀夏峯集以意爲之者)其言 其所 答常二河書)其理學宗傳以陸次朱以羅顧次王合二派而一之者古此意也抑夏孝之學一以自得爲主 夏峯之學得力陽明爲多而更和通朱子之學 (夏峯集寄張蓬軒書稱幼而讀書謹守程朱之訓然於陸王亦甚 :程朱之學陸王之學壁壘盆嚴畛域益深主陸王者誑程朱爲支離祖程朱者斥陸王爲橫決夏峯則以爲支分 考若宋之楊慈湖明之王龍谿等其學稍異於正者又別爲附錄焉自元以來朱陸異同時有諍言及陽明。 見而已矣」(寄張蓬軒齊中有節文)又曰『朱王入門原有不同及其歸也、 同若先儒無同 異後儒何處着眼試看從古帝王賢聖放伐不同於揖讓清不同於任任不同於和。 一總不 外 知之明 處之當而 Ë. 出而 元明

獲便是其聞道恍惚疑似據不定如何得聞從來大賢大儒各人有各人之體貼是在深造自得之耳』、 紫陽陽明 從自心自性上打起全副精神隨各人之時勢做得滿足無遺憾方無愧紫陽與陽明』由此觀之則夏峯所得、 者豈遂爲紫陽須行紫陽之行心紫陽之心始成其爲紫陽我輩今日要異實爲紫陽爲陽明非求之紫陽、 申 不 所著 述纂輯宗傳之旨即日 學 可是孔子自己體貼出來主靜無欲是周子自己體貼出來良知是陽明自己體 道 一無自得 百、 書理學宗傳外有四書近指讀易大指理學傳心纂要等而詩文雜著語錄則合幷爲夏峯集共十六 而實非得之紫陽陽明仍得之於己耳(夏峯集有識吾說可見)唯然斯其所以能和 「天理二字是自己體貼出來」是無時無處莫非天理之流行也精一執中是堯舜自己體 剽竊 他人一知年解強謂了然如此之病最難醫治」(同上)故其與魏蓮陸(名一整保定人) 「言陽明之言者豈遂爲陽 明須行陽明之行心陽明之心始成其爲陽明。 **丛贴出來能**一 有此 通紫陽 櫎 言紫陽之言 貼 貼 語錄 陽 陽 出 便 阴 明 是 來。 也 也。各 卷。 得之 其創 叉 歟。

於自立 操經 立漢 夏 術。 儒 無荷簡之心孝弟廉讓之行更衰亂而不變重經之效也』又曰「宋史道學儒林釐爲二傳而道學 依 핂 漢 考、 儒 同一 隱遯終。 夏峯於朱陸不執 車 意。 菛 名家師說 蓋不獨欲調 而其弟子湯 同異所著洛學編、 相承當詩書煨燼之餘儀文器數之月、 斌、 和 朱陸、 則以理學仕清爲名臣官至兵部尚書。 最欲調 和 雖限於洛中 漢宋其蘇 州 一隅。 府 儒 學碑記曰、 首 删定傳授之旨猶存什一 列 **高斌河南睢州** 杜子 春鍾 ---國家與 舆。 八字孔伯一 (皆漢儒 治化在正· 一於千百其 與夏 字荆 人 Ľ, c 华 峴晚號潛庵。 時 而 士大 理 正 人 學自 心年 夫 勇

此分夫所謂道學者六經四書之旨體驗於心躬行而有得之謂也非經書之外更有不傳之遺學也故雕經書而言 又勸盡發忌者陰私以紆禍曰『吾不屑爲也』觀此潛庵之學力可以見矣潛庵生明天啓七年卒於清康熙二十 魔去敝簏數屑,一物不增於來時嘗言「宋以前儒者患不知道今諸儒之學備矣苟好學深思人人可得第患不力 以爲攻擊宋儒之賤者而不知潛庵已先發之蓋風氣之變至此已見其端〈夏峯題費此度中傳論亦云宋儒尋求 道此異端之所謂道也外身心而言經此俗儒之所謂經也」(潛庵遺稿有節文)凡此皆異日漢學之士所喋喋 六年年六十一所著書日洛學編潛庵遺稿潛庵語錄蘇州奏疏乾隆元年賜諡文正。 行耳』(潛庵語錄)及居尚書為忌者所中禍不測或勸委曲權要以自解曰「六十老翁尙何求吾安之矣」或 墜緒皆賴漢儒之力)然而潛庵宅心之平其過漢學家遠矣潛庵巡撫江蘇時輿學校廢淫祀所請蠲免賦額甚巨。

第二章 陸村 亭 附陸稼

生於明萬歷三十九年少有概世之志南都之建當上書言事又當參人軍幕旣解乃鑿地寬可十畝築亭其中高臥 閉關謝客其自號桴亭者以此初講學東林已講於毘陵復歸講於里中當事屢欲薦之力虧而免清康熙十一年卒。 年六十二所著有思辨錄思辨錄後集性書圖說詩文集儒宗理耍治通治鄉三約禮衡易窺詩鑑書鑑春秋討論讀 夏峯以陽明和通程朱講學於北而陸桴亭亦以紫陽和通陸王講學於南桴亭名世儀字道威蘇之太倉人。

四字一曰、 者、此 惜又 故 動 又有異趨者焉自孔子秉鐸於上顏曾游夏皆出其門已不能 歎 吾嘗讀 坦 建 其 然傾 於致知之中增 息. 以上皆思 7力各有所見: 八論學教 迫 日 是 也然先生即 記、 加 ~掉痛 在明 城守 **、桴亭詩文集矣其與張受先論學書** 大丈 上是天下 竭而不敢少秘 鏡中。 **人**一 君子尊 要略 辨 大事。 其開千古辨爭之門也蓋自世遠言湮天下萬世之望孔氏門牆 錄、 /其稍 是地、 么麼 本朱子居敬窮 ف 八陣 亦 良 德性 --Ĥ, 則於象山陽明皆極傾倒其稍稍有不足之辭者以欲防末學橫流之失不得不言之益愼 敬如日月 字極有功於後學」 人居 洪 稍 其 小家相者不足以 **─** 門等而 陸象 私如或不然則亦欲然不自滿退然不自勝各尊 不同、 而道 其 又何 簡 中須是做得人方不枉讀以上數語皆可令人感發興起志於聖人之道』 山 人物 學、 在胸、 思辨錄爲先生自紀所得之書尤足覘其學力有云『只 理之旨日「居敬窮 怪焉。 即大居敬而貴窮理」 だ 基 偉。 萬 [物無不] 承 故愚謂友朋 調、 . 其語 當又曰大世界不享卻要占個 口了陽明先生社學 錄議 畢照。 嘗讀先儒語錄至鵝湖一會未嘗不踴躍思慕咤爲絕盛又未 論甚 _ 理四字是學者 相 - 遇當各言其 陸稼 能觀 高氣象甚闆初 必其一 ·法最好欲教童子歌詩習禮以發其志意、 音為 物理便見得虛空劈塞都 思辨 í所得。 志 學聖人第一工夫徹 而 小蹊徑。 · 綠作序稱: 所聞各行所知以俟諸天下萬世之公評 茍 學者讀之可以 同 其 科 而趨者蓋無 矣。 所 志同、 大人 而 況數 其 不 辨 所 無空隙處。 作卻 學同、 上徹 提一敬字 開 同 千百年之遠 幾矣其不幸 異、 拓 下微首 要為 心 晰 所 疑似、 胸。 師 便 傳 小 سيا 其自得· 學 徶 覺 兒 日、 得 而 蕭 態。 此 E, 準 尾 力又同 問 同 其 搬之中、 身舉止 總只此 於 陸 膩 師 (威儀) 耳。 且 王新 是可 象山 傳、 程 朱 則 此。 入

尊 陸 而 先生謂: Ī. 已矣彼此互辨兩 此 Œ 先 其謹守程朱家 生之所以成 賢相 法。 其為 厄豈所望於有道者邪」 廣大而 孔之見真不足與 唐鏡海 (名 語大儒之事 鑑湖 知入門得力各有所見而不同為不足怪故雖主程 南善化 也。 人嘉慶進士官至太常 卿、 作學案小 朱而 識、 乃 必欲 亦兼用

者用之著· 朝典禮、 皆其 言質 不講俗儒不 末世、 故 翻讀十年講 冤 桴亭鑒於明儒空疏之失故 八職也』 (過乎 日 **真是任大賣重使達而在** 思 本朝 辨錄) 文。 學問 也。 律令。 外王之所由 貫十年涉獵自經史詩文諸儒語錄以至天文地理農田水利、 知內聖外王之學徒高談性命無補於世此當世所以來迁拙之謂也」今思辨錄有讀 又曰『六藝古法雖不傳然今日所當學者正不止六藝如天文地理》 從致 是故桴亭之學既殊腐儒之空疏 思辨 註曰此三書最爲知今之要者先王之學眞無愧於經世致用者矣然博學之功仍須一反之篇行。 知得者較淺從力行得者較深所謂躬行心得 後 錄) 成 也。 蓋以 以其學凡? Ŀ, **!** $\overline{}$ 則 文集講學紀事 凡 體用言即 井田 象緯律歷兵農 學校前 兩 不可 丽 序、 人已壞之法皆其事 亦不同俗學之氾濫荀子以以淺持博以一 ت 廢。 禮樂以及當代刑政河漕鹽屯諸務無不窮究嘗 以 故曰、 本 宋言卽本: **—**3 君子 也。 進 <u>_</u> · 尤 重 德 (以上皆思辨錄、 也窮 兵法之實皆煽而 修 業德者 於末。 而 在 故 河渠兵法之類皆切於用 下, 日、 體 則凡理學 之立 - 道之: 日, 一 也內 尤致意於 外 經 無學道 儒者 聖之所 持萬謂之大儒。 濟. 書 削 《本朝事實》 目錄、 寧可行過乎 贀 曰、 學 曲 未 ---- 之外 備之書、 積 分十年 世。 聖 不可 也。 人生 若

生者蓋可以當

之弊耳。 之者性 諸 奎 性、草 明之爲害更大學者不可不知』(思辨錄後集)觀此意固可見然而 知 實見得此理則天命之性固是至善氣質之性亦是至善學問之功愈不可少何以言之天命之性渾然至善固不須 同 學、 問 儒皆作不 其為鄭似乎有二性一 於草木之性人得其全物得其偏人得其靈物得其蠢人得其通物得其塞。 天更無氣除了地更無質是氣質卽天地所命惟天賦以如是之氣質故有如是之理但聖人則能踐形而、 不能學則終不能善故曰人爲萬物之靈人之氣質之性亦至善也」(文集)桴亭自言從易緊機之者善成 而亦着不得學問氣質之性幸不同於草木鳥獸矣然不學則善者亦歸於不善且看禽獸草木同是氣質惟不 則人 ·木有性若在天命上看未著於人未著於物人之性即物之性物之性即人之性無所。 L. 悟入吾則: 其 心。日 性有 言曰 至善物亦至善何以見得至善必當歸之於人惟就氣質之性上看、 好的 與前 -近來 以為 說以後遞相傳習人但一說着氣質便道是不好的物只要雕 人性之善不必在天命上 儒 有 不同者 論性只是二 則離卻 歐於明 其絆 氣質全說本然極是高明。 儒自龍谿心齋以後言性者墮入渺茫故轉從氣質有形處尋一着落以救其 種。 在性善圖說而大略則具於論高顯兩公(卽景逸涇陽)語錄 一種是遵程朱之言眭 看正要在氣質上看何以言之性字是公共的。 而 其下稍全是打合釋老雕 步不失說義理、 曰『氣質二字因張子與天地之性分 則人之性不同於物之性禽獸之 說氣質只在文義上依樣葫 其爲至善必斷斷屬之於 强去他不. 經 知氣只是天氣質只是 叛道二者之失惟 分別 人 有性、 也無 铷 **所分別**、 亦有 大旨蓋其東林 人 **蘆**未 無疑。 性。 均。 而 別後、 一个工程, 性不 地質。 然高 見真 謂之 人苟 X 時

則不能踐形耳豈可以形色爲非天性乎。 有確庵文或幷桴亭文錄而 請 學者 有盛聖傳敬陳言夏瑚江虞九士韶當 刻之曰陸陳兩先生文鈔。 此則足以箝自來言理氣者歧而二之之口大有功於理學者也 時稱日 四 先生聖傳奧九瞥取桴亭思辨錄分類彙纂以爲 **海要** 與桴亭

者、 寓 辨、 育 謂 知陽 所著 疾歸屏居華亭泖上茅屋數椽布衣蔬食足跡不入城市康熙三十一年威末疾卒年六十有三乾隆元。 熙九年成進士授江南嘉定令轉直隸靈壽令皆有治迹徵入都授四 心。 日佛氏本來面目卽我門所謂良知又曰良知卽天理又曰無善無惡乃所謂至善雖其縱橫變幻不 Ħ, 清初儒者二陸並稱一桴亭一則陸稼奮也然稼奮實非桴亭比稼奮名隴其浙之平湖人生明崇禎三年以清康 明矣程 亦可睹矣充其說則人倫 則吾之所謂意也陽明言性無善無惡蓋亦指知覺爲性其所謂良知所謂天理所謂至善莫非指此而 能 於心而非卽心也若夫禪者則以知覺爲性而以知覺之發動者爲心故彼之所謂性則吾之所謂心也。 「陽明以禪之實而託於儒其流害固不可勝言矣然其所以爲禪者如之何曰 有三魚堂文集而官靈壽時與諸生朔望講論輯之以爲松陽講義稼書之學一主程朱而力攻陽明嘗爲 酬 酢萬變。 子曰性卽理也邵子曰心者性之郛郭朱子曰靈處是心不是性是心也者性之所寫。 非若禪家之遺棄事物也其爲說則然然學者苟無格物窮理之功而欲持此心之知 | 廉物固於我何有而特以束縛於聖人之教不敢肆然決裂也則又爲之說曰、 川道監察御史以爭捐納事爲政府所 明乎心性之辨則 而 非 可究語。 人覺以 即性 知禪。 年賜諡淸獻。 已故其 齡蛇移 彼之所 自試於 良 也。 知 羅則 性也 學術 而其 知 茍

萬變其所 稍假以年果有所見然後徐出數言以就正海內君子未晚此時正未敢漫然附和『潛庵遺稿有節文》若潛庵者、 尺而先生已成古人潛庵得師夏峯而清獻不得師桴亭其果清獻之不幸也。 其意 謂、 然間陽明 直 加 |以禪自任不復有所忌憚此陽明之學所以爲嗣於天下也』(三魚堂文集) 其於心性儒釋之分可 應之心而處夫未嘗窮究之事其不至於顚倒錯醪者幾希其倡之者雖不敢自居於禪陰合 氣之平殆猶勝於淸獻也淸獻敍桴亭思辨錄稱家居時聞先生之學而未獲親炙及承乏嘉定去先生之郷咫 不敢翫斥姚江非篇信姚江之學也非博長厚之譽也以爲欲明程朱之道者當心程朱之心學程朱之學或天 視人偏庶物爲無有而特以束縛於聖人之教未敢肆然決裂則無乃過甚矣乎當時湯潛庵有答清獻書、 見為是者果 是而所見為非者界非平久況其心本以為人倫熊物初無與於我不得已而 而陽 應之以不過 離。 謂辨之明矣。 其 糍 起 者則 得已

以忠端遺命受學於蕺山先生之門蕺山專言心性而黃石齋則彙及象數當時比之程邵兩家因 並旁及於經史諸子之學凡江浙藏書之家無所不造明亡魯王立於紹與糾合里中子弟數百人從之號世忠營旣 即位先生年十九釉長錐入都訟冤至則魏璫已磔死乃偕諸忠子弟殼祭獄門而錐殺獄卒之致忠端於死者。 黄宗羲字太沖號棃洲又號南雷浙江餘姚人生明萬歷三十七年父忠端公尊素以御史劾魏瑞、 第四章 黃棃洲 更就石齋 死駋獄莊烈帝 相 質證。 及歸、

水諸心則爲俗學」說者推黎洲之學以濂洛之統綜會諸家若橫渠之禮教康節之象數東萊之文獻艮齋 當道名捕先生屢瀕於險而卒得股免亦天幸也事定返里一意著述舉證人實院申載山之緒當謂「明人講學襲 語錄之糟粕不以六經爲根柢。數學者必先窮經而求事實於諸史又謂「讀書不多無以證斯理之變化多而不 源侍郎京第詣日本乞援事不成而魯王亦覆然先生興復之志未已東西奔走與故將遺臣相要結冀有所就。 止確之

完編後鄞縣全謝山祖望爲卒成之宗羲弟宗炎宗會皆有學行世稱三黃宗炎字晦木著有圖書辨惑力斥先天太 之盛可以 極圖說之出於道家淸儒多有稱之者。 著述甚富其大者有明儒學案易象數論明史案明夷待訪錄律呂新義南雷文定等又與子百家輯宋元儒學案末 經術水心之文章莫不旁推交通爲自來儒林所未有亦實錄也清世屢徵不起以康熙三十四年卒年八十六平生 播而不下者尤莫如原君原法之籍原君曰『有生之初人各自私也人各自利也天下有公理而莫或與之有公害、 **侍訪錄自比於王冕(明初人)之著書謂待遇明主不難致伊呂之業而顧亭林亦稱爲百王之敞可以復起三代** 而莫或除之有人者出不以一己之利為利而使天下受其利不以一己之害為害而使天下釋其害此其人之勤勞、 **棃洲守其師蕺山之學以愼獨爲入德之要而要之不出陽明良知一脈其平生得力仍偏於經世爲多所作明夷** 原君 徐還(亭林與棃洲書)即其書可知也然吾以爲其能言人之所不敢言而足令當時硜硜之儒爲之舌

界四篇 近世哲學史

使天下之人不敢自私不敢自利以我之大私為天下之公始而慙爲久而安爲視天下爲莫大之產業傳之子孫受 孟子曰「民爲貴君爲輕」又曰、「有事君人者事是君則爲容悅者也有安社稷臣者以安社稷爲悅者 位去留猶夫宰相也其後天子傳子宰相不傳子天子之子不皆賢尚賴宰相傳賢足相補救則天子亦不失傳賢之 之說日、「我之出 享無窮漢高帝所謂某業孰與衆多者其逐利之情不覺溢之於辭矣此無他古者以天下爲主君爲客凡君之所舉 目私 必千萬倍於天下之人夫以千萬倍之勤勞而己又不享其利必非天下之人情所欲居也故古不人量而 意宰相旣罷天子之子一不實更無與爲賢者矣」(置相明太祖以胡惟庸之變定制不置宰相故棃洲云然)且 肚腦離散天下之子女以博我一人之產業會不慘然曰我固為子孫創業也其旣得之也敵剣天下之骨體離散天 世而經營者為天下也今也以君爲主天下爲客凡天下之無地而得安寧者爲君也是以其未得之也屠毒天下之 者達可行於天下而後行之者也有大人者正己而物正者也」自民貴君輕之義不顯天民大人之迹遂絕於後世。 下之子女以奉我一人之淫樂視爲當然日此我產業之花息也然則爲天下之大害者君而已矣向使**,** 也後之爲人君者不然以爲天下利害之權皆出於我我以天下之利盡歸於己以天下之害盡歸於人 他人各得自利也嗚呼豈設君之道固如是乎。一个下略、抑不獨原君而已其原臣置相卽皆推本 光是也入而又去之者堯舜是也初不欲入而不得去者禹是也豈古之人有所異哉好逸惡勞亦猶夫 而仕也為天下非為君也為萬民非為一姓也」(原臣)曰『古者不傳子而傳賢其視天子之 無 八亦無不可。 不欲入者、 此 也。 君、 有天民 人 以 谷得 爲

二原注

以下無法何以言之二帝三王知天下之不可無養也爲之授田以耕之。知天下之不可無衣也爲之授地以桑麻之。 所謂法者一家之法而非天下之法也是故秦變封建而爲郡縣以郡縣得私於我也漢建庶孽以其可以藩屛於我 未嘗爲一己而立也後之人主旣得天下唯恐其祚命之不長也子孫之不能保有也思患於未然以爲之法然則 耳故前漢有政後漢無政」頗以其見爲不猶人然未若棃洲原法之論之快也棃洲原法曰『三代以上有法三代。 知天下之不可無數也爲之學校以與之爲之婚姻之禮以防其淫爲之卒乘之賦以防其飢此三代以上之法也固 也宋解方鎮之兵以方鎮之不利於我也此其法何曾有一毫爲天下之心哉而亦可謂之法乎三代之法藏天下於。 下之人不見上之可欲不見下之可惡法愈疎而飢愈不作所謂無法之法也後世之法藏天下於筺篋者也利不欲 天下者也山澤之利不必其盡取刑賞之權不疑其旁落貴不在朝廷也賤不在草莽也在後世方議其法之疎而天 之中所謂非法之法也。又曰「論者謂有治人無治法吾以爲有治法而後有治人自非法之法桎梏天下人之手。 其遗於下福必欲其斂於上用一人焉則疑其自私而又用一人以制其私行一事焉則慮其可欺而又設一事以防 其欺天下之人共知其筐篋之所在吾亦總總然日推簠篋之是處故其法不得不密法愈密而天下之亂卽生於法 吾嘗讀呂伯恭論語說謂「總統一代謂之政隨事設施謂之事前漢之政尚有三代遺意光武所設施則皆是事 其

足。 卽 而 治 法 獨不為法所囿使得有所藉手其散施必有可觀者而惜乎其僅以空言而終也。 有能治之人終不勝其牽挽嫌疑之顧盼有所設施亦就其分之所得安於荷簡而不能有度外之功名使先王 而 而在莫不有法外之意存乎其間其人是也則可以無不行之意其人非也亦不至深刻羅網文害天下故曰有、 :後有治人。] 夫古命之論法者多矣其見即罔不囿於法之中若黎洲者上明立法之本下究用法之意言法

病書文集詩集等而日知錄尤爲一生經意之作其與人書曰「日知錄上篇經佈中篇治道下篇博聞共三十餘卷。 供晨夕徐立齋(元文)相國弟兄先生甥也買田宅迎之南歸卒不返詞科史館之薦並以死拒以康熙二十年卒 伏波田疇從塞上立業曰『使吾澤中有牛羊千江南不足懷也』已苦其地寒去之晚年卜居華陰、 先生旣與同志舉義兵不成屢爲怨家所構乃漫游南北關塞險阻之處無不至嘗墾田雁門之北五臺之東欲效馬 於華陰距生於明萬歷四十一年年六十九學者稱亭林先生所著有左傳杜解補正音學五書日知錄天下郡國利 如桴亭棃洲皆郵致其書求爲訂正其虛懷納善之心亦自未可及也。 有王者起將以見諸行 顧炎武字寧人江蘇崑山人本名終乙酉後改名炎武幼出後世父母王氏聞國變不食而卒戒後人不得事二姓, 第五章 事以蹐斯世於治古之隆而未敢爲今人道也』 顧亭林 張蒿庵附見 (亭林文集)蓋自許如此然於當世賢達、 置田五十畝以

論學書

爲是故 之說、 之君子所罕言 之賢於子貢祕東魯而直接二帝之心傳者也我弗敢知也孟子一事言心言性亦諄諄矣乃至萬章公孫丑陳之賢於子貢祕東魯而直接二帝之心傳者也我弗敢知也孟子一事言心言性亦諄諄矣乃至萬章公孫丑陳 不知終身於忮且 臻周霄彭更之所問與孟子之所答者常在乎出處去就辭受取與之間以伊尹之元聖堯舜其君其民之盛德大功、 **言性舍多學而識以求一貫之方置四海之困窮不言而終日講危徼精一之說是必其道之過於夫子而** 達顏子之幾乎聖也猶曰博我以文其告哀公也明善之功先之以博學自曾子而下篤實無若子夏而 易傳 而其本乃在乎千駟一介之不視不取伯夷伊尹之不同於孔子也而其同者則以行一不義殺一不辜而得天下不 日博學而篤志切問而近思今之君子則不然聚賓客門人之學者數十百人嘗諸草木區以別矣而一 身以至於天下國家皆學之事也自子臣弟友以至出入往來辭受取典之間皆有恥之事也恥之於人大矣不恥 未嘗數以語人其答問士也則曰行己有恥其爲學則曰好古敏求其與門弟子言舉堯舜相傳所謂危徼 切不道而 為學宗旨具見與人論學一書曰「命與仁夫子之所罕言也性與天道子貢之所未得聞也性命之理著之 也命 也。謂 也天也夫子之所罕言而今之君子之所恆言也出處去就辭受取與之辨孔子孟子之所恆言 求 但 忠與清之未至於仁而不知不忠與清而可以言仁者未之有也謂不忮不求之不足以 而可以言道者未之有也我弗敢 日尤執其中四海困窮天祿永終嗚呼聖人之所以爲學者何其平易而可循 知也愚所謂於聖人之道者如之何曰、 博學 於文行 也故曰下學而上 其言仁· 皆與之言心 己有恥。 **其門弟子** 八代陳 道。 而今 也、 厠

症之藥。 者 蒿 當時 所 也未始不可優裕漸 寓而 群言而辞復者何一 而 惠 |文集)蒿庵名爾岐字稷若山東濟陽人亭林作廣師(見文集)所謂獨精三禮卓然經師吾不如張 未至、 庵之言亭林固 [廉幾一遇者故性命之理騰說不可也未始不可默喻侈於人不可也未始不可驗諸己強探力索於 好高無實之病故言之切近如此然張蒿庵與先生實即謂「 駲 靐 則行亦有所未盡將令異學之直指本體反得誇耀所長誘吾黨以去此又留心世教者之所當慮 而乃認爲萬世不易之方則非獨不知宋儒抑亦未爲能知亭林 則 食 為空虛之學以無本之人而講空虛之學吾見其日從事於聖人而去之彌遠也」(文集)蓋先生力矯 而 恥 匹 大匹 無以難之也後之漢學家每好舉亭林此文以爲攻擊宋儒言心言性之利器不知是特一 演以俟自悟如謂於學人分上了無交涉是將格盡天下之理而反遺身以內之理也。 非性命之顯設散見者苟於博學有恥眞實踐履自當因標見本合散知總心性天命將有 婦之不被 | 其澤故曰萬物皆備於我矣反身而誠嗚呼士而不先言恥則爲無 性命之理夫子固未嘗輕以示人其所與門弟子 也。 本之人非好古 **规若者也。** 恐 也。 其 日, 時對 不可 不特 知 蕉 有

一郡縣論

又曰、 來 封建之失其專在下郡縣之失其專在上。故以爲有聖人起寓封建之意於郡縣之中而, 儒者好言封建。 封建之制雖足以維持永久然其主僅存而中原之民無日不爭地爭城肝腦塗地郡縣之制雖足以苟安 而亭林郡縣論(見文集)則曰「封建之廢非一日之故 |也雖聖人起亦將| 天下 變 治。當 而 爲 郡 辟 陸桴 縣。

家各私其子其常情也為天子為百姓之心必不如其自為此在三代之上已然矣聖人因而用之用天下之私以成、 封建郡 親子人之子公也然而親人之親子人之子則必是親其親子其子始今亭林曰「用天下之私以成一人之公」又 天下之公也」(郡縣論五魯看郡縣論二)夫公私之說難言之矣任天下之自私乎其勢則至於相爭絕天下之 自天子言之所求乎治天下者如是焉止矣一旦有不虞之變必不如劉淵石勒王仙芝黃巢之輩橫行千里如入無 之倉廩皆其困笷爲子姓則必愛之而勿傷爲田疇則必治之而勿棄爲審垣困窌則必繕之而勿損自合言之私也 太平然寇賊一訌而天下瓦解故莫若有封建之實無封建之名存郡縣之利去郡縣之弊』(桴亭文集答王登書 者得此言固足以箝其口矣吾是以特表而出之。 日「天下之私天下之公也」世有慮張高論以爲至治有公而無私而日日實人之公適乃以成其一人一黨之私 親不獨子其子而已若欲不親其親而親人之親不子其子而子人之子則不可得也夫親其親子其子私也親人之 人之所不知也有私無公專制之所以傾覆也無私無公共產之所以不可行也夫孔子之言大同人之所不知也。 自私乎其勢必至於相棄相爭則亂相棄則窮窮也亂也皆公之賊也是故有私則無公人之所知自私乎其勢必至於相棄相爭則亂相棄則窮窮也亂也皆公之賊也是故有私則無公人之所知 人之境也於是有效死勿去之守於是有合從稱交之拒非為天子也為其私也爲其私所以爲天子也故天下之私、 一人之公而天下治。夫使縣令得私其百里之地則縣之人民皆其子姓縣之土地皆其田疇縣之城郭皆其藩垣。 縣間、)所見正自相同然是特言其制而已而吾有取於亭林之說者尙不在此亭林曰『天下之人各懷其 **也亦曰不獨** 也。 無 **私則亦無公**。

第六章 張楊園

耳其後在 以 做 卽 辨 爲 全集 往。 備 弟子然雖出 得、 以 碨 初學備忘錄)又謂 卽 其不滿於黎洲 怒哀 履 語孟子諭之曰『孔子孟子亦是無父兒只爲肯學好便 士之來 申 方是實功。(錄) 日 深悔 黎洲以 祥字考夫號念芝浙江桐 肦 | 明之意 樂未發以 學者 削 一 截山 紹 糖任 時 楊園 逃遊 所 乾初知有不能盡同於蕺山者也然吾讀其初學備忘錄備忘錄謂『爲學最喜是實最忌是浮 《見之失》 以友道 萷 之門而所學不必與師合當輯劉子 以 近之學者輕於自大動以昌黎抗顏伊川尊嚴爲比不知昌黎已自失之伊 Ĺ 既馳曹爭之而與 山、 『心要實用力要實用』又謂『道理須是舉目可見舉足可行方是實理功夫須 段疑義初於 ·備忘錄) : 鼓動天下楊園即 處之而 楊園 鄉人所居曰楊園里故學者稱楊園先生生明萬歷三十九年九歲 蓋見時 於先師 不 文稿 敢 他人費尤咨嗟太息於乾初之獨於姚江而 受其 日、 語錄 流 \smile 則楊園之學實得力於紫陽其時 『此名士非儒者 講 聞 拜。 學之風始於浮濫 其 日、 說 ---0 粹言一書專錄 ٨ III 脱之已而 入聲氣 做到 也。 聖賢 終於 陳乾初 便長 證之朱夫子 蕺山 也」及長從黄石齋問 潰 ___ 败、 思 確、 燆 傲 字。 欲 (海 亦稱道蕺山者 正 典 陽 便 以 不復反。 寧人) 明 熟 篤 湖 之語。 南 實 (嬌之故閉) 諸 僞字。 **蕺山之高弟** (並見楊園文稿)夫 公 丽 |特不肯 加 學。 作 百 之德 暋 機認 曹與 惡 吸喪父母沈氏 門 都 從 頣 書 御 沈 何可 暑 背其 上襄、 也。 蕺 是當 見 此 修、 朱子 及 作 山, 起 屛 受業 氏、 大 師 絶交 直 下便 串 大 首、 授

於高 無 **抑其學又非僅以躬行而止也其與王寅旭書曰『今日言學者往往有人約而言之兩種而已重致知者薄躬** 躬行窮理兼提並顧言體而必及於用楊園之在當時與桴亭亭林諸先生亦不能有異焉耳特其指斥陽明太過謂 錯不得於此一錯終身受病賢者悔而知返不肖者執而彌堅悔而知返枉卻前功執而彌堅害己及物』(以上皆 自主張太過」以爲平恕可破紛紛同異之論今於陽明如此無亦有慚於平恕乎雖然其曰『學者始初一步路頭 文稿與凌渝安書渝安名克貞烏程人楊園講學之友也)觀此楊園持躬之謹存心之虛固足爲一世之模楷矣, 吾人平日為學大指專守孔門博文約禮之訓以終身而已讀書窮理博文之事也切實踐履約禮之事也」是則 足 觀其言無非自欺欺人之語。又謂『一部傳習錄客騷二字足以蔽之』楊園管稱康節之言『凡人爲學失於 明之城 取。 此則 者也』(文稿寅旭名錫闌吳江人亭林廣師謂學究天人確乎不拔吾不如王寅旭)而備忘錄 所謂窮深極微而不可以入堯舜之道者也尊踐履者忽窮理爲不足事此則所謂淺陋固滯, 而 不 亦言、 能進 行 為

嗣亂 備忘錄)後之學者正又不得不深念此言也。 錄) 月八章只 :相尋未知何已』(農酱)吾觀文稿與吳仲木書與許大辛書與吳汝典書與顏孝嘉書皆以坐食爲戒而深 故本 亟稱許魯齊學者以治生為急之語曰『能治生則能無求於人無求於人則廉恥可立禮義可行』(曲 ·諸身武著爲農會曰『農事不理則不知稼穡之艱難休其蠶織則不知衣服之所自豳 詳 衣食二字孟子七篇言王政之要莫先於田里樹畜今日言及輒笑爲鄙陋是以廉恥不立 風陳王業之本七 一格不長厚。 備忘

以治生爲急語學者也楊閱之教蓋猶此用心而已楊園所著有經正錄願學記問目初學備忘錄備忘錄訓子語言 懼以不能自立之故累其志氣蓋先生嘗言「人知作家計須苦吃苦掙不知讀嘗學問與夫立身行己俱不可不苦 行見聞錄近鑑農書文稿等門入輯之以爲楊園全書甲申之變楊園當稿素不食入清竟以布衣終年六十四。 於後世乎是故陸梭山之居家制用(見象山全集)吳廉齊之躬耕力食皆欲反浮惰之風歸之本務正不獨魯齊 吃苦掙」(備忘錄)此苦吃苦掙四字其先生吃緊為人處也且自士與農分學者視仰食於人爲當然而談勞力 爲賤人之事於是莊生有詩禮發家之饑(莊子外物)荀卿有呼先王求衣食之刺(荀子儒效)古昔且然而況

年十五家貧無力就師母彰氏教之識字中孚心自開悟從人借書觀之恐通經史百家二氏之學旣棄去從事靜坐李顯字中孚陝西整匡人家在二曲之間人稱二曲先生父可從崇正十四年以應募從軍死於襄城之役時中孚 之中爭稱疾不起大吏強异至省中爭絕粒以死自誓乃得放歸由是閉居土室不與人接唯顧亭林至一 門箭學既駱遷常州守迎中学南下講於東林機講於江陰靖江宜輿及歸關中陝督部臣迭薦於朝荷聖祖門請學既駱遷常州守迎中学南下講於東林機講於江陰靖江宜輿及歸關中陝督部臣迭薦於朝荷聖祖 觀心大有所得故顧亭林謂堅苦力學無師而成吾不如李中孚(廣師)蓋的評也盩厔仓駱鍾縣聞中孚之賢題 晚年移居富平年七十五卒門人王心敬輯其著述幷壽學之語爲二曲全集二十六卷又四書反身錄十四卷則清 第七章 李二曲 一款之而已。 心欲致

西巡時中孚命其子進呈者而早年所著易說象數畫測十三經糾繆二十一史糾繆帝學宏網經世蠢測等皆

必及用此 救正如人之患病受症不同放投樂亦異孟氏而後學術墮於訓詁詞章故宋儒出而救之以主敬窮理晦庵。 富平或問良知之說何如曰「良知卽良心也一點良心便是性不失良心便是聖若以良知爲非則是以良心爲非 於起心動念處潛體密察正致良知之數也故在常州府學博問陽明良知之說曰『此千載絕學也』(彙語)在 起心動念處潛體密驗苟有一念未純於理即是過卽當悔而去之苟有一息稍涉於解卽非新卽當振而 鹽於支離萬藤故陽明 致良知明 所指為王 中学之學得自心悟故純然陸王家法其平生所持以教人者曰悔過自新說而曰『同志者苟留心此學必須於中学之學得自心悟故純然陸王家法其平生所持以教人者曰悔過自新說而曰『同志者苟留心此學必須於 M (富平答問)不獨是也中孚亟稱王龍谿羅近溪(近溪名汝芳江西南城人其學出於顏山農)此皆當時 明道 必及工夫此其彌縫王學者一曰『明體而不適於用便是腐儒適用而不本明體便是霸儒』(本 其綱縫王學者二而吾以爲其言之是平亦最實者莫如平停程朱與陸王之爭曰「先覺倡道皆隨時補 存心以爲體經世率物以爲用』(答顧寧人書)曰『理學經濟原相表裏』(答許學憲書) 事之末流以禪習儒之罪人而獨有心契卽其門戶可見也然中乎亦自有其彌縫王學之失之處。 體以主敬窮理存養省察爲工夫』(富平問答)曰『最上道理只在最下修能』(出而救之以致良知」(南行述)又曰「陸之教人一洗支雑錮蔽之陋在儲中最爲醫切。 傳心錄 整屋答問 起之』夫 言)言本 日 『以 而

養是 頭 統馭識主人則僕隸供其役使』(授受紀要)又問學問之道全在涵養省察當如何曰『 過考夫之入主出奴遠矣抑中孚講學以識頭腦爲先嘗曰「學問貴知頭腦自身要識主人。 世教人心不可以輕低昂者也若中先入之言抑彼取此亦未可謂善學也」(靖江語)觀此則中孚之會合朱陸、 令人於言下爽暢醒豁有以自得朱之教人循循有序恪守洙泗家法中正平實極便初學要之二先生均**大有功於** 也。 涵 養個 楊園全書文稿)是又張李二先生入手之異而亦卽朱陸兩家之分歧學者所宜着 甚麽省察是省察個甚麽」 (彙語) 而考夫與何商際審則曰『論語一書謹 也須 誠知頭腦 言慎行爲多不亟 [服者 先識 則其餘 頭 也。 腦。 皆所 則 亟 油

屬爲名教優孟。 直透性靈脫脫灑灑作世間快活大自在人方一了百了若不窺性靈自成自證徒摹倣成迹依樣畫葫蘆飾聖賢 病之所在知有某病即思自醫某病即此便是入門便是下手』(彙語)曰『學須剝皮見骨劍骨見髓洞本徹病之所在知有某病即思自醫某病即此便是入門便是下手』(彙語)曰『學須剝皮見骨劍骨見髓洞本徹 中孚頗近夏峯而較夏峯尤爲俊快直截曰『我這裏論學卻不欲人閒講泛論只要各人迴光返照自覓各人受中孚頗近夏峯而較夏峯尤爲俊快直截曰『我這裏論學卻不欲人閒講泛論只要各人迴光返照自覓各人受 乃必為中孚塗飾稱其篤守程朱護之而適以誣之是亦不可以巳乎。 |後世有述焉吾弗爲之矣。| (答王心敬魯)嗚呼自象山陽明而外蓋鮮有能爲是語者矣而 學案 皮

第八章 王船山

王夫之字而農號襄齋湖南衡陽人生明萬曆四十七年中崇禎十五年鄉試明亡從大學士瞿公式耜於桂林時

詩春秋稗疏四種 春 周 齿 ·外篇俟解驅夢黃書識小錄畫齋文集畫齋詩集等又管注釋老莊呂覽淮南並及於瞿曇之相宗而 秋 王監國授而農行 **香康熙三十一年卒年七十四自題其墓碣曰明遺臣王某之墓卒後四十年子敔抱其遺書上之督學於是易書。** 家說、 、易大象解周易稗 猺 處終不薙髮易服晚乃歸、 春秋世齡續春秋左氏博議四書訓義四書稗疏四書考異讀四書大全說張子正蒙註近思 易詩考異兩種得因緣著錄四庫然當世知而農者甚鮮故其學竟不彰道光間族孫世佺刻其遺 八尋以母病歸而瞿公殉節桂林桂王亦覆沒而農 、疎周易考異周易外傳書經稗疏尚書引義詩廣傳詩經稗疏詩經考異、 衡陽之石 船山。 築土室曰觀生居晨夕杜門學 知事不可為遂晦迹不出 者因稱 船 山 (禮記章 先 生所 展 轉郴 錄 著 句、 為相宗絡索 有周 釋、 春 水 思 秋 漣 稗疏、 問錄 郘

見思問 舆 問 乃 者。 来 錄 而 八漸有道之者。 召其道之行公 張子 農著 俟 錄 解矣是故其所常言曰清虛 解、 曹雖多而 内篇) 為近而農旣取張子正蒙而為之注而謂「張子之學上承孔孟如皎日 則 、理氣之談儲釋之辯以及爲學之序修齊治平之方天地日月升降消息之故、 曾不速 皆述張子之說而作大學補傳衍日「今使絕物而始靜焉舍天下之惡而不取天下之善墮其志、 其學略具於噩夢黃書俟解思問錄內外篇噩夢黃書多言經 即康節之數學是以不百年而異說與」(張子正蒙注序)斯其有意於上繼張子之絕學。 二大曰二氣之良能曰言幽明而 不言有無日心能檢性性不知自 制、 麗天無幽不燭惜其門· 蓋 日知錄 帰不 明 逃竊 夷待 一檢其心、 皆考之 防錄之 未 流。 其說 ~ 並 有殆

之關 像因緣天地明不能盡則誣天地日月爲幻妄蔽其用於一身之小溺其志於虛空之大者當時李二曲: 下無當也行焉而不得處焉而不宜則固然矣』其於釋老之數之蔽可謂直窮本源然卽張子正裝所謂以六根之。 矜其大斯二者乍若有所睹而可謂之**覺**則莊周瞿曇氏之所謂知盡此矣然而求之於身身無 息其意外 意念求吾心之所憐 學復興。 其身於是 實則二曲之學非關學而得關學之精髓者乃在船山也。 而 而 不可得於是棄 洞 洞焉、 晃晃焉若有一 其 本有疑其本無則有如 澄澈之境置吾心而渝以安又使解析萬物、 去重 而 輕去拘而曠將與 無形之虛 求物之始 當也。 求 同 而 詩學整层 之於天下天 體 不 可得、 m 可 以 窮測

至於 所 穆不 曰. 惡從 知之爲知之不知爲不知知有其不知者存則 其 聞、 船 生哉。 命至於命而後知性之善也天下之疑皆允乎人心者也天下之變皆順乎物則者也何善如。 成个使言者立 有 已何靜之有」言有 山之說可述者言動靜則 則不聞之聲著。 也天下果何者而可謂之無哉言龜無毛官犬也非言龜也言冤無角言麋也非言冤也言者必有 動 静闔闢 一無於前博求之上下四維古今存亡而不可得窮矣」言性則推之命而 盡其所言則不言之義立」又曰『言無 之謂 無、 則 也由圖 主有有而無無日『 主有動而無靜曰『太極動而生陽動 而關、 由闢 而圖者動力 既知有之矣是知 目所 不見非無色也耳所不聞、 也廢 者激於言有者而 然之動則是息矣至誠無 心也因此 之動 也靜而生陰動之靜 而求之者鲞其所見則不見之色章。 破除之也就言有者之所謂 非無聲 也言 息況天地乎維天之命 市也廢然無動 别 所 於習日、 不通非無義 之哉測性於一區、 所 Í, 而 有 盡 静、 性以 也。 而後 盡 丽 謂 其 故 陰

楚楚也、 古之肌 之光、 生而 者、 言 婦皆氣化之良能也能合古今人物爲一體者知見之所得皆天理之來復而非外至矣故知見不可不立 也」(思問錄內篇)夫行己有恥亭林言之矣以難自處楊園言之矣(見備忘錄)若夫日新之化言之若是其。 知見之自生資於見聞之所得見聞之所得因於天地之所昭著與人心之所先得人心之所先得自聖人以至 睢 其 舊 者消 規 厠 肉惡足以語 楢 非 模 也、 同 也。 儀 人所 胩 而 象 非昨火之卽今火水火近 諸賢所能 未 非謂質也質日代 日新之化哉 」 知也人見形之不變而不 及 也。 然而 *-*~ 思問錄外篇) 船 ilii 形如一無恆器而有恆道也江河之水今猶古也。 山固得之於正蒙者試取船山正蒙注 ıllı 易知日月遠而不察耳。 知其質之已遷則疑今茲之日月爲邃古之日月今茲之肌 日『知見之所自生非固有非固有而自生者日新之命、 爪髮之日生而 而讀之可以覆 篇者消也 而非今水之 桉 人 歽 也。 知 也。 卽. 也。立 古水。 肌 肉 肉 其誠 之日 鐙燭 也原

用五洪範皇極用 三百六十九也十雖不用而一卽十 而 奇偶二也三畫 叉 為之象數 多爽 船 山 頗 、他」又曰『乾坤之策三百六十當期之數夫氣盈朔虛不入數中亦言其大概耳當者髣髴之辭。 。 心於理 不然於象數之 艽。 而 而立之象數、 固不可謂三四五九非天地之數然用其一廢其餘致之也固而太過廢之也曠 小 成三也揲以四、 學。 則 _ (有天道) ·也不倚於一數而無不用斯以範圍天地 任 天 四也大衍之數五十五也六位六也其用四十有九七也八卦八 丽 而 爲 象在物 無人道。 11(思 तित 育數在 一問錄內篇)又曰。 人心而爲理古之聖人於象數 而不過太玄用三皇極經 **—** 准易兼十數 丽 m 参差 得 而 理 不及宜 也。 用 世 也。 用四。 之太 未聞 乾坤之策 也。 潛處 極、 其 乍

以下亦皆撮其理而略其數者此也。 天地積微成章之化其足憑乎。(以上外篇)觀此則自來言數者紛紛皆可以關其口矣故吾之爲此當自 則其積之所差必甚。自四千三百二十以放於坤數之至蹟其所差者以十萬計是市獪家收七去三之術也而以限 稍矣經世數十二之又三十之。但據一年之月,一月之日以爲之母月之有閏日之有氣盈朔虛俱割棄之其母不**與** 萬一千五百二十當萬物之數非必物之數恰如此而無餘欠也旣然則數非一定固不可奉爲一定之母以相乘相

第九章 唐鑄萬 附胡石莊

之言良知出於孟子故欲由陽明而上達之孟子卽其書尊孟宗孟之後難以法王可見也(尊孟宗孟法王皆篤名) 之序其書稱其遠追古人曰『不名潛書直名唐子可矣』然魏潘耍取其文若其者書之意未能及之今觀潛書盛 名衡書復更名潛書事都魏叔子謀見之曰「是周秦之書也今猶有此人乎」吳江潘次耕耒顧亭林之門人也爲 縣知縣十月而去職內不復仕僦居吳市炊煙嘗絕而著書不輟成書九十七篇上篇五十言學下篇四十七言治始 上篇法王)而其自方於古之人則曰『甄不敏願學孟子焉』(下篇潛存)蓋鑄萬之學自陽明而入而陽明紀陽明曰『仲尼以忠恕立教如關茅成路陽明子以良知輔教如引迷就路若仲尼復起必不易陽明子之言矣』 唐甄字鑄萬原名大陶夔州人生於明崇顧三年隨父宦吳以寇亂不得歸遂家於吳焉入清以舉人仕山西長子 而入而陽明

綴之不稱一 似 抑 城滅國屠市殷聚不得其生不得其死性何以通但明己性無捄於世可為舉人不可為大人可爲一職官、 **豈為一治父子相殘兄弟相讎夫婦相反性何以通天災傷稼人禍傷財凍餒離散不相保守性何以通盜賊忽** 利 不成孝悌忠信若續所割二尺五寸之帶還為五尺之帶可圍可結可綴兩端 左右 下官」(性功)而更從而爲之喻曰『方今之制度朝賓之服必束絲帶絲帶之長五尺綴以錦包綴以 功。 成 天下故作爲性才性功之篇(皆上篇)曰『世知性德不知性才』曰『 歸 修 有 故卽性之無 既裂身自為 水萬器萬水器雖有萬水則爲一於己必盡於彼必通是故道無二治又非一治以性通性豈有二治通所 仁不成天下歸仁亦不成克己孝悌忠信制梃撻秦楚爲一 疊 外 身致中和育萬物爲一帶取致中和、 /見正以 巾, 《尊宗孟子者尤在孟子言王政言以齊王猶反手蓋深痛於世儒之學精內而遺外可以治一身、 市 繞後結前 人 八必笑而 窮 身世自爲世此不質於彼彼不根於此強合爲一雖或 不 能者別謂爲才別謂爲才似有歧見正以窮天下之理盡天下之事莫尙之才惟 天下之理盡天下之事皆在一性之內更別 丽 |不取然則| 莚 其殘斯爲有用之帶若有愚者割 雖 爲美帶割之遂不成帶修身治天下爲一 割育萬物不成育萬物亦不成致中和克己天下歸仁爲一帶取克己割天 五尺爲二尺五寸者二持以關於市圍之不周、 無才。 帶取孝悌忠信割制挺撻秦楚不成制梃撻秦楚亦 小康終不成治」($\overline{}$ 以上性才)日『一 道惟一 帶取修身割治天下不成治天下。 之殘鞋然然而 性豈有二名人人言 同 形一 中在 上) 含心性言學 性萬形 此 續 脊 ___ 性。 終不 / 結之不得、 萬性。 性不 不可 而 佩 別謂 刀、 難通、 至破 足以 如一 為才、 為天 綴 大 以

郭四朝

必極之於事功此鑄萬之意也且其論儒釋老三教之別曰「老養生釋明死儒治世三者各異不可相通合之者誣 非者愚。 』(性功)以治世者謂之儒其意不亦彰明較著矣乎。

校

矣緡饑錙銀、 之一室喪其 **擾之**而財不可 也海內之財無土不產無人不生歲月不計而自足貧富不謀而相資是故聖人無生財之術因其自然。 食之者常百 之理即亦未嘗不言之曰『潞之西山之中有苗氏者富於鐵冶業之數世矣多致四方之賈椎鑿鼓瀉搚輓所之理即亦未嘗不言之曰『潞之西山之中有苗氏者富於鐵冶業之數世矣多致四方之賈椎鑿鼓瀉搚輓所 篇大命)是以室語篇(下篇)直斥自秦以來凡為帝王皆賊而省官篇(下篇)亦云多官害民然於貧富相 於後則傾不平故也是以舜禹之有天下也惡衣菲食不敢自恣豈所嗜之異於人哉懼其不平以傾天下也」(上 之灰無食者見之以爲是天下之美味也人之生也無不同也今若此不平甚矣提衡者權重於物心。 垮池爲安乘者必有酶足王公之家,一宴之味費上農 一 萬言治歸於上下均平曰天地之道故平平則各得其所及其不平也此厚則彼薄此樂則彼憂爲高臺者、 市 百室者也里有千金之家嫁女娶婦、 餘 勝用矣』(下篇富民有節文)夫孔子曰不患寡而患不均不患貧而患不安不均飢 販貸之石麥斛米佃農貸之匹布 人或誣其主盜上獵其一下攘其十其冶遂廢向之藉而食之者無所得食皆流亡於河獐之上。 也 治者陳義可高而不可不本於人情準於事理者鑄萬者其能知此 尺帛鄰里黨戚貸之所賴之者衆 死喪生慶疾病醫體燕飮廚饒魚肉果 歲之穫猶食之而 不甘臭 沒此藉一室之富可 (西之民) 蔬 者平 非凶歲為麲粥難以 椒桂之物與之為市 则壓負擔者的 為百室 之利 也以不安面 丽 養者 必有 者 此 藉 萷 荍稈 取 乘 而

有歸 逝也、 皆有 其一 鹡鸰日鹡鸰與 陽 至老矣而死 絶為 B 自 一卒年七十 為陽 有 明。 形 日月迭行、 形而 也。 精、 穳 天 八個之母 無精 故 得 不逝。 者在 地、 雖 為 以其言生 易其 長 卽 陽 ·五叉其 有 至、 其 **外乎。」又曰「天地之混闢大矣必有爲混爲闢者在其中而後不窮於混** 明 無 不 然古今無往っ Ź 養夜相 中而後不窮於絕續也人之死生多矣必有非生非死者在其中而後不窮於死, 形 者死何其速化之可哀乎察其形爲精精爲形萬億 是果 生。 天 陽 如 明 過風 既生 死之故純然 學 m 地 嬴門 長 (破祟へ 而 者、 爲萬億職鴿寅萬億職 然此聖· 檵、 旣 亦即因之兼通佛氏之學當日、 **久也天地不知終始而** 更 來。 鵒 莊、 如馳馬然世之逝也自皇以至於帝王自帝王以至於今茲如披籍然。 無 上篇) 以至於今人之所知限於其 練 不 無 **、製自佛** 辨 死生。 人與 而 聚之復傳爲形。 其 除黨 非佛。 |其斯為| 衆 人同 說曰『唐子見果贏曰果贏與 鑄萬持佛 下篇) 确而 者也聖 至矣乎。 此三三 形 一身也果鳥其短忽乎天地其長久乎果鳥其易形為短忽乎天地 指摘 之說、 非 」(以上上篇博 人之所以 異、 額 大目今年 甄也生為東方聖人之徒死從西方聖人之後矣」(血氣 卽 者見數不越歲 而又不自諱、 精之 朋 異 成 黨之害亦多有可取者以文冗不錄。 於衆 年之間、 泉赢生、 也精 天地長 觀、且 如此。 人者有形則 **質之間。** 非 是亦可 雖 來 異、 當鑄 年一 久也。 易其形而爲萬億 gp 形之初也。 丽 見桃李曰 謂 萬之時 裐 果 逝、 嬴死、 之同長 無 卓 阚 闡 形 者矣。 今日 收 也物之絕續衆 爲儒 則 於實、 桃 不 丽 八鑄萬以 逝順 者之 人之逝焉少焉 生也。又曰「 果赢實萬 並 李 為鸚鵡之子 (結於彈 與 久。 其有 於形 天 舉 地 者 矣必 億果 長 幾 禪 說 者 者生、 久 IL 於 逝 代 JE. 有爲 也。見 時之 不 百 必斥 辛 而 老 來 而

道弗從也。 淑愼 事功獨言道德。 千百年之後制 銖 之極至於反悖猶復雜糅其學卑隘其志盈滿其氣堅僻其心膠固其識俶詭其辯不得乎體之一而欲其用之通。 而別言理故處事不以理所行無當乎道之事又所言之理皆不足處事亦無當乎道之理卒疎之極必生迷惑迷 為依 相 讀 者人心不正爲之人心不正不可教誨而返於正也往往大殺戮而後轉聖賢不忍其至此、 書 薄 近 鉄 以其身、 利 事功而尊 歸。 校寸寸 萬同 病 四 歸、 而 日、 册、 訓 依五經法言同先賢是非奇僻之曹異端之學黜而不入諸子百家之文非至精粹者不稱引也。 閉戶不出著釋志六十篇又自敍一篇共三十餘萬言道光中武進李申耆兆洛 相 為友 一時能著書成一家言者尚有一胡石莊石莊名承諾字君信湖北天門人崇禎舉人入淸、 迪 因 其子 道德非以道德阻塞事功之途而専美三代以上之數人也以爲天下撥亂之時少釀亂之時多釀亂 度不 盡洗一 爲文之指三一 者損益用爲已爾」 而度終必有差也」 人借觀亡之深以爲恨則石 相近也雖有漢 孫 至於數 世之利、 日務實務實者欲事事可行也二日務平務平者欲人人能行 百年不見兵革之慘是為車為航以濟窮途也此聖賢之 欲以從事 唐之良法不可行於今者千百年之後利 吾觀其古制篇言古封建井田之與廢、 有節文) 於高明 莊著述固甸 則信乎其所謂務實務平不離事 不爲邪慝所塗婉而 有在釋志以外 五於陷獨信 者石莊之學大略 有云「雖有三代之良法 病不相因也居今而 使各安 而言理 至仁 其君 也、 者也至若雜說篇謂、 刊 其書而 臣之義の 見其自 也。 也三日從道。 故嚴於王伯之辨略 :(欲善治亦) 石 门關壓部 7父子之恩? 莊之書、 敍蓋 序謂 不可行 老 道 舊藏 :於今者、 以 夫 則 如 取 便以 制 雛 從非 可 成 共 聖 度 加 怒 事: 儘

下千 功 载、 古之識 皆未 常 而其真能通乎聖人之用心者不能道也故以石莊 非 事 功。 而 兵略軍政亦且兼及於武事(成務功載兵略軍政皆篇名)然而 與錳萬較以才則鑄 萬過於石莊以識則石莊 乃持論如 **刘是者是非** 有 於 Ŀ

第 顏習齊李恕谷

程朱之學 卒、遂歸 院爲立規制甚宏中曰習講堂東一 不講堂上琴竿弓矢攤管森列焉嘗書與夏峯桴亭並力斥宋學之失(見習齋餘記)晚年被 藝曰禮樂射御書數見周官大司徒)名其齋日習齋教弟子以習禮習樂習射御習書數凡兵農水火諸、 顏 攻守 等 元、 科。 字易直又字渾 顏 門內 鹙 月、 **空談心性** 氏走塞外尋父父已亡得其慕於瀋陽。 陣水 直 陸諸 束 至堂舍悉沒於水因辭歸歸後八年而卒年七十時淸康熙四十三年, 日 而 理 戰法射御技聲等科東二 然。 不切於實用欲復古三物之教(三物一六億日知仁聖義忠和二六行、 學濟。 直隸博野人。 西 日 帖 齋日文事課禮樂 括齋皆北向。 生明崇禎 齊日 **於八年幼隨**2 乃招 則 經史。 凡 魂題主奉之而 書數天文地理 習 一課十三 程 父寄養於蠡朱翁。 朱陸王及制 經歷 等科。 .歸元少好陸王之學繼又從事程朱終 代史詩文等科西二齋 舉 業者居之意 西 而父被兵掠至遼東朱翁妾又生子翁 齊日 武 備。 也元在朱翁家時、 在 課黃帝 羅致 日 欧聘教於肥富 藝能。 日孝友睦婣 而 太公孫 以 漸 課 引 水 進之也會 吳諸 鄉 火、 **厚**、 任 乃 潼 工 郇、三 學、象 雅所 以 子兵 南 杏

數

大

雨

叡

漳水

盛

管入

塚王源、 洲之門 潴 滁 學 辭雅正十一年卒於家年七十五智齋不著書今傳者惟四 年、 同 注、 舉於 生及歸宗遂乘去故以布 治中、 年恕谷乃去。 施 稐 於 語 民物在 為輯年 德清戴子高望撮取顏李之說爲顏氏學記一書近東海徐氏彙刻顏李遺書又命其門客爲顏李語要各 傳 人 鄉。 八也尤篇服物 注孟 已入京時三烯平後清聖祖 既謁選得知縣以母年高改選通州學正 譜二卷鍾鑁追記所聞為言行錄二卷闢異錄二 子傳注周易傳 人猶在己也恕谷應之往勤用恕谷言百廢具舉富平稱大治而關西學者聞恕谷之教競來問 恕谷恕谷嘗著大學辨業季野爲作序以張之恕谷有故。 衣 A終門人傳: 注表 秋傳注詩傳注學禮錄學射錄像忘編擬太平策聖經學規纂論 方留 其學 意文學。 者曰李璟塨字剛主別字恕谷蠢人。 四 方名士醫集輦下見恕谷莫不納交者鄞處士萬季 旋告歸遷居博野修葺習齋學舍以教學者朝貴聘薦皆力 會正誤習濟除記、 卷恕谷所著大學辨業外、 并存學存性存治存人、 人 日楊勤作介陝 奉父命 韴 有 事習 小學 西富平請恕谷往。 齋以 一豬業大 學恕谷文集等。 四編。 康 學 野 熙三十九 而 中 斯 門 同、 庸 居 傳

龍 · 堯舜周孔之道 途毁井田 禮用 綸 學大旨具 逐 封 建焚書 《缺莫振浸淫於魏晉隋唐訓詁日繁佛老 更孰 (見其為恕谷所作大學辨業序曰、 坑儒。 從而問 使吾僑經世之大法大學之制淪胥以亡。 之乎宋代當舉世憤憤罔知所向之時而周子突出以 **普青孔子沒而** 互易淸談詞章譁然四 兩漢 諸 E子分傳楊 B 起 m 起觸 治 尚 積而 墨莊 其傳於禪僧壽 雑 黯 至五 儒 列 者 乘 徒拾 季百氏 間 而 涯道士陳摶者、 遺 起、 舉 經 鼓 爲 其 訓 詖 灀 傳、 說。 兵 齟

卷、

顏李師承記

九卷。

習齋以爲學之不必知之知之不必能之謝上蔡謂 學 又何 與弟子今日 人亦 世 智 肆 湮、 尙 丽 雛 中無 講 而 實 行 其 人 $\overline{\lambda}$ 趨。 不能 巴。即 儒道、 讀 得。 禹 粉 才 詭、 丽 止 多落莫謂為 所 故 儒 益 飾。 古大 至善之可言乎以 im 詩 聽 Ħ, 矣』(習齋記餘)蓋習齋之學微獨不取宋儒之空談心性。 竟若左右虞周、 可 孔 明 緰 習禮 閪 青六 也。 混。 學 颜之實事否徒空言相 明 ---y 徳之實 孔門之博學、 雖 教 譄 著書 樂射 明 藝 聽、 人之 亦 日習 人 創 功 非 亦 御 法、 開 射。 徒列 ネ 書數、 秦人 頢 故於堯舜三事之事、 溷 周之文物盡滅 一宗程朱陸王召奉之相率靜坐順悟驗喜怒良樂未發時氣象曰以不 **医頂孔盂** 間 能 學禮 矣。 有可 、坐講 亦 醒 強使之亡而不能盡 相 李讀講 也。 非 學樂學射 與言性 雖 稜、 聽。 後 者。 要惟 一醒人亦不知 日試 観後 紙上加 世章 其迹雖 莊釋、 命者亦因 句所 鏎 講即 御 紙。 世之國 合清 學 能 而靜 可 兩 教習。 託。 著潛好! -筕 談訓 書 漢英雄之幹濟賢守令之政務 事 横渠以禮教 其自悟 數。以 坐 學 者, 也。 <u>~</u> 2 所 語錄中 鄉 ≇I nn E 德利 至 至易書莫不 學、 暗易、 可 存 爲一堂而習行禮樂兵農之功廢所 已深方與言。 得 難處 単 尙 有學。 編 而消亡 用厚生見古文尚書大禹謨) 丽 有 公人其門-來問、 共 古大學學習之物否 性理 講 小學大學 日學 方再 之、共 評、 亦不取漢唐之訓詁 遂不知所 人下稍頭底只溺於形名度數之間。 Ū 與講講 日、 醒 也。 泛、共 存 中 周 亦莫及焉。 無學矣。 學 底 僕妄謂性 南召南日 (行之者) 之功 編 矣生民之禍、 試觀 總 綸 有 書卷兩 爲也。 性命之 命之 注疏。 蔏 限。 兩宋 而 (智之功 儒辭學 周孔三物之物 謂 嚭 及今五 「觀觀之」 其所 親民 理不 青岛 麎 錄 倍甚 作 念其 1 ·言為既非治 為學者 晉 無 用、 可 有 者 不 色。孔 (張皇) 講 腊 如 儒。 百 唐。 無 道 मुंग 特 詩 也。 小學 其 华 行 此 人具矣。 子 事 膏 在 傳 法 偭 得 也。 後 IJ. 惟 講、 實 大 À 贊 遙 矩

教人

明理。

讀書、

師即

知射

佑、 之、以 極 無 者。 不 也。 免於衰絕 有精 有 Ť 餘 嫻 佑字 於極皆格義 (恕谷大學 其 熟恕谷學 事而 代求 也。 介 麒、 學 孫夏峯 其 醴 其 學能上掩宋明而卓然自成一 於習齋學琴於張而素學射御 辨業)通採各書之說而蓄成其義凡以見格物之不離身智而已當時習齎於兵法技學、 事皆有其物周醴醴樂等皆謂之物是也格物者謂大學中之物如學禮學樂 也 物物有本末之物也即明德親民也郎意心身家國天下也然而謂之物者、 門人)學者於彭通學數於劉 宗惟習齋恕谷足以當之獨情乎訓詁考據之盛而顏李之 於趙錫之郭金城(金城字子堅亦智齋門人)問兵法 見田後聞蕭 Щ 毛奇齡齊樂乃從學於浙江蓋集 類必舉 則以 誠 所 其 Æ 修齊治 於 謂 事、 傳乃 馳射、 能 \pm 造 其

私 者、 羞 Ħ, 大 一小據於己引而之右則蔽其當愛而不見愛其所不當愛而鄙客之柔惡出焉以至羞惡被引而爲侮辱殘忍餠 能 齌 至正 此。 也。 中 (雖不主) 見當辨之物 直及之是性之義其能羞惡以及物者才也見當敬之物而情之辭讓能直及之是性之禮。 渾然一性善也見當愛之物而情之惻隱能直及之是性之仁其能惻隱以及物者才也見當斷之物而 更無惡之可言故孟子曰乃若 順 應而 玩言性道而論性則有不同於宋明諸儒者亟稱孟子爲不善非才之罪之言而重複爲圖以說明之。 不失 而 其則下此者才色誘於外引而之左則蔽其當愛而不 恃之是非 能直 其情, 及之是性之智其能是非以及物者才 可以爲善若爲不善非才之罪及 世味 見愛其所不當愛而貪營之剛 也不惟聖賢 粉乘貞邪不一惟聖人 人與道為 二難常 其能解 稟 人 譲以 恶出 有 率 全德、 及 情之 性、 譲 物

横渠爲近孔門學數」(存學編性理評)然至横渠變化氣質之說則力非之曰『人之質性各異當就 即命之曰惡是指刀而坐以殺人也庸知刀之能利用殺賊乎』(同上)督齋於宋備之中獨許胡安定張: 者可以爲偏至之聖賢朱儲乃以偏爲惡不知偏不引敵偏亦善也』 意蓋不認氣質之惡以惡皆由外之引蔽習染而然此與陸桴亭論性相合故其與桴亭齒有喜先得我心之語(見、 之身竟呼之曰禽獸猶幣帛素色而旣汚之後遂呼之曰赤帛黑帛也而豈其材之本然哉」(存性編性說)智齋之、 之情與奸雄小巧之性之情而本來之禮智俱不可知矣嗚呼禍始引蔽成於習染以耳目鼻口四肢百骸可爲聖人 成貪營鄙吝之性之情而本來之仁不可知矣染成侮辱殘忍之性之情而本來之義不可知矣染成偽飾諂娟 師友提撕知過而善反其天又下此者賦稟偏駁引之旣易而反之甚難引急頻而蔽愈遠智漸久而染澌深以 所近心志之所顧才力之所能以為學則無齟齬扞格終身不就之息故孟子於夷惠曰不問道惟願學孔子非止以 孔子獨上也非謂 **僕學之宋儒中止許胡安定張橫渠為有孔門之百一。(習濟記餘寄李復元處士書)又曰『宋儒胡子** 紀記餘)然智齋更有視桴亭爲進者習齋不獨謂氣質之偏無害於善且以爲氣質之偏正可爲善故曰「 而 為偽飾諂媚是非被引而為奸雄小巧種種之惡所從來也然種種之惡非其不學之能不慮之知必且 時見不純爲貪營鄙吝諸惡也猶未與財色等相習而染也斯時也惟賢士豪傑稟有大力或自性意 演惠不可學也人之質性近夷者自宜學夷近惠者自宜學惠令變化氣質之說是必平丘陵以爲 (存性編性理評有節文) 又曰、 - 其質 氣稟 | 覺悟或 外惟 溴。日、 偏至 偏而 之性 至染

若夫存: 川澤塡川 之化者也而人則獨得天地之全爲萬物之秀也」(習齊記餘)即本之濂溪太極圖說然此猶可曰早年所作也。 習濟於宋儒之書亦有取有含如近人專取習齋攻擊宋儒之言論爲之標榜一若顏李之學與程朱之學不能並存 地之自然也凡主生者皆曰男主成者皆曰女妙合而疑則又生生不已爲天地者萬物之大父母也父母者傳天地 爲者形也氣皆天也形皆地也天地交通變化而生萬物飛潛動植之族不可勝辨形象運用之功不可勝窮莫非天 徒失其為包爲龐而已矣。」(四書正語)夫孟子主性善則日擴充荀子主性惡則曰矯飾變化氣質荀子矯飾之 於變化氣質者蓋不足異且習齋護濂溪而所作人論有云『太極聲陰陽陰陽生五行陰陽五行之清焉者氣 說也宋儒分理義之性氣質之性固調停孟荀而象用之者特未肯明言之耳今習務一以孟子性善爲歸則其不然 性編 者殆未之深考 澤以為丘陵也不亦愚乎且使包孝肅必變化而爲臘德公雕德公必變化而爲包孝肅必不可得之數亦。 固恕谷所謂先生悟聖學後著者(見恕谷存治篇書後)而如剛惡柔惡云云亦濂溪通書中語。 也。 從知 也。

文忠公居正也見恕谷文集)懲忘編者恕谷自稱因習濟存治編而作以廣其條件者也(見存治篇書後)而其 ·刑名也其道如何日六府三事(六府水火金木土敷亦見大禹謨)教養兼舉可以光四表格上下者王道也清· 習齋恕谷論治不諱功利習齋著宋史評辨王安石之被誣(見習齋記餘)而恕谷則力稱江陵之功(江陵明張 记「治有道乎日有其道一乎日不一敢問其不一何也日有全道有偏道何全何偏日全者王道偏者清淨、

唯敬服 三者固各分乎日分之中亦有合焉王道豫清淨刑名者也至於清淨未始不附王道以行也不附之不治而 姜 道無弊行王道者弊也清淨之弊爲虛談虛談而廢弛刑名之弊爲苛酷苛酷而乖離然亦有似弊而實非者牽制文。 亦有刑名刑名未始不附王道以行也不附之不治而刑名中亦有清淨但其握要者各有所在耳曰亦有弊乎曰王 淨 交往故能成其廣大不獨方望溪(苞)與恕谷易子而教爲世稱道已也(望溪集有恕谷遵志敍其與恕谷崑繩 崑 教人為大學之道後世但有大學之道而無所謂大學之法之言卽恕谷之於桴亭亦可知矣抑習齋門下有大與王 非流弊也」(並廖忘編續論)以黃老申韓之用爲不背於王道此後儘硜硜所萬不敢言者也習裔於當時學者、 論學同異甚詳惟謂恕谷因己言改其師法則恕谷門人劉調贊嘗辨之見恕谷年譜) 則 如漢元紛更制度如王莽賊王道者也怠棄萬機如明神宗賊淸淨者也殺人若刈草菅如高洋苻生賊刑名者也。 . 繩源著平衡十卷與恕谷商訂之而亦管與唐鑄萬游鑄萬稱其敏達 (見潛管勸學篇)則其時志學之士多有 体養元氣護惜民物不妄生一事是謂黃老之學刑名則強公室杜私門因名核實命行禁止是謂申韓之學曰 陸桴亭而恕谷瘳忘編旣成撮錄桴亭思辨錄附於其後又大學辨業題餅首稱引思辨錄大學之法所以 清淨中

第十一章 戴東原

清代漢學大師首推東原東原師婺源江愼修永永有朱子近思錄注蓋猶彙爲宋儒性理之學者而東原則舉宋

料孟子正義要皆根據東原以爲說。 本文又見東原集其後阮文達公元作性命古訓論語論仁篇(見研經室文集)焦里堂循(甘泉人)著論 原善論性諸篇旣又取原善而授據經義爲之疏通證明焉今孟子字義疏證原善並收入戴氏遺書而論性及原善 以宋儒言性言理言道言才言仁義禮智言誠言權皆與孔孟之旨不合類糅雜二氏之言於是作孟子字義疏證及 修官四十年會試不第被命一體與殿試賜同進士出身授庶吉士越二年竟卒於官年五十有五平生著述甚富而 自幼即如此長通訓詁考證之學中乾隆二十七年鄉試四庫全書館開因于文襄公(敏中)萬特召以舉人充纂 以知爲曾子之意而 僑 東周。 之學盡推翻之東原名震安徽休寧人始就塾塾師授大學章句問曰『此何以知爲孔子之言而 『周宋相去幾何時』曰『幾二千年』曰『然則朱子何以知其然』師不能答其讀書必窮究實在蓋 門人記之』師曰『此朱子云爾』問『朱子何時人』曰『南宋』又問『曾子何時人』曰、 曾子述之又何 硬器

務作四方 切廢棄 子言條理未有過懸一物以爲之理者今雖至愚之人處斷一事實詰一人莫不曰理蓋自宋以來始相習成俗夫以 理爲如有物爲得於天而具於心未有不以意見當之者也」(見孟子字義疏證本文甚長摄其意如此)且顏習 東原 **瞥正誤亦舊有是說矣曰『理者木中紋理也指條理言』又曰『前聖鮮有說理者孟子忽發出宋** 所最指斥宋儒者為程子性即理也之言而朱子中庸註引之東原以爲『理者分理故中庸言文理密察孟 而倡為明理之學不知孟子所謂理義悅心有自己註腳曰仁義忠信樂馨不倦仁義等又有許多註腳」故 人逐一

第四届 近世哲學史

神明 然習齋東原亦有爲而發之者也東原之言曰「理也者情之不爽失也未有情不得而理得者也」又曰、 道對言漢人卽已有之夫曰理曰道皆虛爲之象者也今謂宋人始言理而以理爲如有物失之鑿殆爲不深考矣雖 而曰、 心深涮斯民也大而終奠之或寤」(孟子字義疏證序)爲意不可見乎。 理之說盛而天下有外情以言理者矣有外事以言理者矣外情以言理外事以言理則 言非事物之外別有理義也有物必有則以其則正其物如是而已矣就人心言非別有理以予之而具於心也心之 藏子高即謂東原作孟子緒言本於習齋之說 (見顏氏學記) 夫東原是否本之習齋不可知若其說則固 人以意見為理 於事物成足以知其不易之則醫有光皆能照而中理者乃其光盛其照不認也』 『彼目之曰小人之害天下後世也顯而共見目之曰賢智君子之害天下後世也相率趨之以爲美言其入人 曹朱裔傅其崇厚論曰「行違於道則愧生於心非畏義也事違於理則負結於意非憚 也而後之人以意見為理者則未售不 藉口於程朱之言是以東原從而辨之觀其反覆於意見之害、 所謂意見是也程 (並孟子字義疏證) 失自 醴 机。 一一就 朱 相合矣 以 未 嘗教 事物 理 奥

質之性耳。 感乎所行 朱言性有義理之性有氣質之性義理之性所謂理也氣質之性所謂氣也在天曰理氣在人則曰義理之性氣 血氣則所資以養其血氣者聲色臭味是也有心知則知有父子有昆弟有夫婦而不止於一家之親也於是又血氣則所資以養其血氣者聲色臭味是也有心知則知有父子有昆弟有夫婦而不止於一家之親也於是又 也。又曰、 而東 (原日) 人物分於陰陽五行以成 性者血氣心知本乎陰陽五行人物莫不區以別焉是也而理義者人之心知有思 性含氣類更無性之名。又曰『 人之血氣心知原於天地之化者 類通,

理其能憐之嗚呼離乎老釋以爲言其禍甚於申韓如是也』(同上)夫理欲之說即宋儒有疑之者矣陸象山曰、 不能以天下之同情天下所同欲達之於上上以理實其下而在下之罪人人不勝指數人死於法猶有憐之者死於 罪之尊者以理責卑長者以理責幼貴者以理責賤雖失謂之順卑者幼者賤者以理爭之雖得謂之逆於是下之人 莊釋氏異於聖人聞其無欲之說猶未之信也於宋儒則信以爲同於聖人理欲之分人人能言之故今之治人者視 日, 古賢聖體民之情遂民之欲多出於鄙細隱曲不措諸意不足爲怪而及其實以理也不難舉曠世之高節著於義而 促亦將漠然視之己不必遂其生而遂人之生無是情也欲其物理其則也」(孟子字義疏證有節文)又曰「詩、 之生而不 之分則亦不認有理與欲之分曰『人之生也莫病於無以遂其生欲遂其生亦遂人之生仁也欲遂其生至於戕人 惟不離材質以爲言始確然可以斷人之性善』(東原集蘭孟子論性有節文)東原不認有義理之性氣質之性 孟子字 而不遺理義孟子曰「非天之降才爾殊」曰「乃若其情則可以爲善矣乃所謂善也若夫爲不善非才之罪也」 類也則天下何喘皆從易牙之於味也孟子矢口目之無非血氣心知之性」(同上)又曰「古人言性不離乎材質、 知有君 「民之質矣日用飲食」記曰「飲食男女人之大欲存焉」聖人治天下體民之情遂民之欲而王道備人 臣有朋友五者之倫相親相爲治則隨威而應爲喜怒哀樂合聲色臭味之欲喜怒哀樂之情。 ·顧者不仁也不仁實始於欲遂其生之心使其無此欲必無不仁矣然使其無此欲則於天下之人生道窮 **疏**瞪、 蓋其意以爲含氣質之外更無所謂性故曰「孟子曰如使口之於味其性與人殊若犬馬之不同 而 人道 備一、並 知老

待首而可知也至孟子時異說紛起以理義爲聖人治天下具改此一法以強之從害道之言皆由外理義而生人徒。 語錄)特是象山未如東原申欲而罪理官之之益痛耳東原曰『古人言性但以氣稟言未嘗明言理義爲性蓋不 多指人心為人欲道心為天理此說非是心一也人安有二心自人而言則曰惟危自道而言則曰惟徼】(並象山多指人心為人欲道心為天理此說非是心一也人安有二心自人而言則曰惟危自道而言則曰惟徼】(並象山 知耳之於聲目之於色鼻之於臭口之於味之爲性而不知心之於理義亦猶耳目鼻口之於聲色臭味也故曰「至 非外也比而合之以解天下之惡俾曉然無疑於理義之爲性害道之言庶幾可以息矣』(孟子字義疏證)夫程非外也比而合之以解天下之惡俾曉然無疑於理義之爲性害道之言庶幾可以息矣』(孟子字義疏證)夫程 於心獨無所同然乎」蓋就其所知以證明其所不知舉聲色臭味之欲歸之耳目鼻口舉理義之好歸之心皆內也。 辯而不及而知出乎爭者耶(首辯而不及莊子齊物論語知出乎爭人間世語) 之友亦治漢學者)作正學論乃謂『近代一二儒家以爲人之爲人情而已矣聖人之敎人也順乎情而已宋儒尊 不知性爲何物其弊蓋可睹矣是故桴亭論之習齋論之今東原又論之而程魚門(名晉芳江都人乾隆進士東原 朱之分義理之性氣質之性其意亦何嘗不同於孟子然而末流之失高者空言性而忽於氣質卑者溺於氣質而茫 者徒以便己之私而不知其大涮仁義又在釋老楊墨上矣」(見魚門勉行齋集)意蓋以諷東原者此倘所謂言 性而卑情即二氏之術其理愈高其論愈嚴而其不近人情愈甚雖日攻二氏而實則身陷其中而不覺嗟乎爲斯說 天理人欲之言亦自不是至論若天是理人是欲則是天人不同矣。又曰「書云「人中惟危道心惟徼」解者 既以氣質即性而欲與理爲非二則人何以有私有蔽而私蔽又何由生東原曰『私生於欲之失蔽生於知

於仁智而約不私不蔽之功始於忠恕東原之說於是乎爲切近矣此則其於饑眡宋儒之外能自樹立者也。 在乎慎獨致中和在乎達禮精義至仁盡天下之人倫同然歸之於善可謂至善矣』(原善)極不私不蔽之量至 事也敬而不肆以虞其疏至而動正而不邪以虞其僞必敬必正以致中和以虞其偏以奠其醪戒疏 心知是以自得爲貴血氣得其養雖弱必強心知得其養雖愚必明是以擴充爲貴君子獨居思仁公言言義動止應 之自治也情與欲使一於道義夫遏欲之害甚於防川絕情去智仁義充塞人之飮食也養其血氣而其問學也養其 私通天下之情遂天下之欲者也」(同上)又曰『君子之治天下也使人各得其情各遂其欲勿悖於道 為仁去心知以爲智也是故聖賢之道無私而非無欲老莊釋氏無欲而非無私彼以無欲而成其自私者也。 之失。(孟子字義疏證)是故強恕以去私間學以去蔽東原之所可也因私而咎欲因欲而咎血氣因蔽而咎知、 與其所能謂之忠明其所履謂之信施其所平謂之恕馴而致之謂之仁且智仁且智者不私不蔽者也君子未應 而谷心東原之所非也其言曰「人之息有私有蔽私出於情欲蔽出於心知無私仁也不蔽智也非絕情 机在乎 戒懼。 義君子 此以無 去偽

第十二章 彭允初汪大紳羅臺山

土叉號知歸子江南吳縣人祖定求世所稱南昀先生者也允初以乾隆三十四年成進士選知縣不就而歸大紳名 當天下馳騖漢學之日而有和會儒釋明揭宗旨自樹一幟者則彭尤初汪大紳羅臺山也尤初名紹升號尺木居

爲創獲一以爲固然其不合者則希矣持以示人人莫測其所謂獨羅子臺山見而識之曰是無師智之所流也汪子 之門尤初敍汪子文錄謂『予年二十餘始有志於學其端實自汪子大紳發之』又謂『予之於汪子之言也一以 終歸於易之觀盟(奪聞居士集)則信乎能華梵交融者矣然不獨臺山也允初曰「吾於觀艮二卦見聖人之心 之爭也以我其忘爭也以無我我也者器之景味性而妄有執者也」實驗取釋氏身器之說而言命言性言才言性、 山皆先允初卒而大紳年六十八臺山年纔四十六(大胂卒於乾隆五十七年臺山卒於乾隆四十四年)尤初撰 於予也亦然時或與臺山言予祗訶笑謔無弗有也」(二林居集)觀此三先生論學之相契可以見矣然大神臺 既樂與予言及見臺山而大樂途樂與臺山言又樂與予言臺山其言臺山也不獨贊歎而已詆訶笑譴無弗有也其 **铅號愛廬休寧人居吳終於諸生臺山名有高號奪聞居士江西蜀金人乾隆三十年舉人出允初父芝庭(名啓覺)** 殺於物是謂身修家齊國治天下平」(二林居集讀古本大學)非即華嚴之言理事無礙乎然則所謂華梵交融 是故觀艮者乾坤之門戶也論語體之爲學識(默而識之之識)中庸標之爲明誠千聖復生無以易此矣」(二 法焉詩曰穆穆文王於緝熙敬止緝熙者觀也敬止者艮也乾知大始其觀之所從出乎坤作成物其艮之所自成乎。 次臺山生平以爲羅臺山述稱其所論說華梵交融奏刀譽然關節開解(二林居集)今觀臺山觀生之文有日「物 是謂意誠進觀其心心無其心是謂正心由是以身還身以家還家以國還國以天下還天下不役其心不動於意不 林居集讀易)非即天台之言止觀乎曰『知至云者外觀其物物無其物物無其物是謂物格內觀其意意無其意、

袁中郎集 師 之鄭空言為悟而不事行持特其狂聽往往隨塹陷坑喪失身命於是彼數古德思以淨土拯之有明萬歷 心見性之談以爲明善誠身之助至若發願往生莊嚴極樂未當有道之者豈非以其誕而不切於人事耶然 生也身土交融衆生之所以去凡入聖也』夫自唐宋以來儒者講學殆無不糅雜佛說者然半皆曹谿法乳用其 以阿彌陀佛為萬佛之師易所謂大哉乾元。年土爲阿彌陀所攝易所謂至哉坤元也乾坤合撰萬物之所以資始贅 **論敍(見尊聞居士集)皆張皇淨土功德而大紳且以易理融通之謂『衆生本來成 壯實淨土開宗之祖此允初所以託意於此也大紳有讀淨土三書私記敍(見汪子文錄)臺山** 者尤初又不啻自道之者也抑三先生之於佛也不獨究心宗(禪)教(天台華殿)而更歸依淨土尤初名其居 兩門不能偏廢三先生由儒歸禪由禪歸淨、 (祩宏)住持雲棲力弘淨土之教緇素從化盛極一時故冀中郎(名宏道公安人萬歷進士官終稽動郎中有 一梁谿之東林高忠憲壽學之所一廬山之東林劉遺民與遠公結白蓮社者也(二林居集有二林居說)蓮 **秘程朱也**)撰西方合論(見淨土十要)即謂『禪宗密修不難淨土』由是彼教禪淨並行亦如吾儒之有朱陸頓 (東原集有答彭進士允初書) :固亦機緣使然然而其去儒益遠矣此戴東原答允初 佛必以淨土爲歸 有無量毒經 書所以謂 中蓮池大 者何 而 其誣 羅宗 也。則 朋

心齋作二通未就內篇曰經世通外篇曰出世通見明儒學案)著二錄三錄以明經世之道著讀四十偈私記以通 三先生始皆有用世之意而大紳尤為該博允初之述大紳日『慕大洲二通之作(大洲趙貞吉也: 其學出 於王

孔盂

亦象

原

或半失或十失八九而少數賭矣故日少之原緣於爭而愈爭則愈見少也且說之以愈少愈爭者彼微特不明。 老送終嫁娶之事寬然足給。而且里黨敦睦通有無以義資數不見謂少貪黷者出視所有飲然不厭負強挾詐使冒 者且未必得食織而衣織者且未必得衣衣食之涂隘故爭心起利事愈多爭心愈少利事愈少爭心愈多凡今之爭、 內王附陳) 夫龍 兼幷以自益智力等者利其然而效之朴儒積憤不平激發相助勝負反覆互傾奪不可遽已奇零斷割、 世之脈。 其 於爭愈爭愈少之分而實未明於不爭不患其少之分也今置田百畝十人食之不可謂不少然 也其說曰「民命衣食者也古者取之草木而有餘食取之毛羽而有餘衣衣食之涂寬故爭心伏今者耕而食耕 必少故愈多不爭是無以爲命也然則上之人所由制民命者在利之涂矣」屈之曰「說之以利事愈少則」 也吾不謂不然抑知少之原之緣於爭乎抑知愈爭則利事且愈少乎今置田萬畝十人均之人千畝仰事俯畜養 也。 鄉鄉 外尤好陳龍 又非夫人之功利之見也大紳說格物引易繫近取諸身遠取諸物通神明之德類萬物之情以爲格物之體而 食時而用節即遇凶歲何至為講中帶矣故曰不爭不患其少也爭則將並無以有其少也且將並無以有 (二林居集汪大紳述) 今二錄三錄具存自孟子荀子以及兵刑家言皆取而論之而於宋之諸儒則 (汪子遺書三錄)反覆於爭利之害而以仁義爲公說以爲公說之行則利澤薄害端絕是則 川後儒所斥之為功利之士者也而大紳取之即共意可知矣然作準孟則曰『利害者私」、 川皇帝王霸之學謂其得文中子之麤而以見之卓論之已爲漢唐諸儒所不到(汪子遺書二 人受十畝 而千畝之業、 大种之 終其身 說之所 於少

明

以

固

出

林居集、 允 初 爲文非之謂 夫以 格物為開物成務大神之說格物則戾矣然其主開物成務之意則大紳所以過於尤初 是乃聖人開 物 成務之功用非下學所有事(大紳格物說見汪子遺書尤初有書格: 者 坳 70說後見二 也。 允初所

可徑 性惡善 多詩文集六十四卷有意言二十篇而異僞篇意謂與未必可爲僞未必不可爲與世之言異僞者大異蓋頗。 著有二林居集一行居集大紳所著有汪子文錄汪子遺書臺山所著有尊聞居士集尤初卒於嘉慶元年、 不知 力 後、 ル也嘉慶初ず 知 修。 知 識之時與而有知識之時僞也吾以爲聖人設禮雖不導人之僞實亦禁人之率其何則上古之時臥倨倨與眄 情直 家 有父然不可謂: 學家中尙有一能爲深湛之思者曰洪稚存稚存名亮吉號北江蘇之陽湖人乾隆五十五年以第二人及第授 偽之說其辭曰、「今世之取人也莫不喜人之眞厭人之偽是則偽不可爲矣而亦不然襁褓之時知有母而 年拜視學貴州之命黔中故僻遠無書籍稚存為購經史通典文選諸書置各府書院黔人爭知好古蓋君之、 人有嚴君之義焉其率父也有當重於母者矣飲食之道有三揖百拜之儀焉酒清 行 者矣將爲孩提襁褓之時真乎抑有知識之時真乎必將曰孩提襁褓之時雖真、 教習庶古士坐上書指斥乘輿謁戍伊犂旣赦還自號更生居士十四年病卒於家年六十四所 十三章 非 被褓時之具性也孩提之時知飲食 洪北江 而不知禮讓然不可謂 非孩提時之興性也。 而 《然苦其 不飮、 肉乾 無 知 而 重 **一年五十七**。 不食、 痲 有 **院**矣是則 近荀子 著 知 有非 識 會甚 而

鰛

之時固已眞僞命半矣而必總總焉以眞僞律人是又有所不可行也」(北江文集有節文)然形質篇又謂「嗜 欲益開形質益脆知巧益出性情益漓」(同上)則又似以僞道不可久而欲人之復歸於其者其有調停之意乎。 朝會之禮無死罪而必自稱死罪非皆禁人之率其乎總之上古之時其聖人不欲過於率其而必制爲委曲煩重之 當體從者矣亦必一請再請至固以請乃克就席鄉射禮知不能射矣而必託辭以疾以至聘禮不辱命而自以爲辱。 之則是真亦有所不可行必參之以僞而後可也且士相見之禮當見矣而必一請再請至固以請乃克見士昏之禮、 禮以苦之弦提襁褓之時真聖人又以爲其不可以徑行而必多方誘掖獎勸以挽之則是禮數旣與之後知識漸啓 眄一自以為馬一自以為牛其行践踐其視瞑瞑可謂其矣而聖人必制為尊卑上下寢與坐作委曲煩重之禮以苦

之時有屋十間有田一頃身一人娶婦後不過二人以二人居屋十間食田一頃寬然有餘矣以一人生三子計之至 則視三十年以前增五倍焉視六十年以前增十倍焉視百年百數十年以前不價增二十倍焉試以一家計之高會 數之日「人未有不樂爲治平之民者也人未有不樂爲治平旣久之民者也治平至百餘年可謂久矣然言其戶口、 子之世而 業者日若干人因之受飢者歲又若干人**無嘗服其精審而意言**治平篇謂戶口之增與田屋之增不相比亦累率以 |論生死禍福不信有鬼神之賞罰頗似論衡而論治平生計則又似潛夫論潛夫愛日篇陳鮮ట累民計其廢 **||父子四**| 《人各娶娣即有八人八人即不能無傭作之助是不下十人矣以十人而居屋十間食田一頃吾知。

抑前後不自覺其矛盾也未可知矣。

間食田一 是田奥 其居僅僅足食亦僅僅足也子又生孫孫又娶婦其間衰老者或有代謝然巳不下二十餘人以二十餘人、 是高骨時爲一戶者至會玄時不分至十戶不止其間有戶口消落之家即有丁男繁衍之族勢亦足以相 的个昔而滅之禁其浮腺抑其彙幷遇有水旱疾疫則開倉廩悉府庫以賑之如是 高骨之時隙地未 治平之久天地不能不生人而天地之所以養人者原不過此數也治平之久君相亦不能使人不生而 而不幸者不過十之一二矣日君相有法乎曰使野無閑田民無剩力疆土之新闢者移種民以居之賦稅之繁重者、 以爲治平之民獻也」昔荀子以昭昭然爲天下憂不足爲墨子之私憂過計(見荀子富國篇)若稚存之論、 學者苦思焦心而無有善法以處之者稚存於百數十年之前不知有所謂經濟學統計學乃思慮緩密如此尤不得 民計者亦不過前此數法也然一家之中有子弟十人其不率教者常有一二又況天下之廣其遊惰不事 遵上之約束乎。一人之居以供十人巳不足何况供百人乎,一人之食以供十人巳不足何况供百人乎此吾所 憂過計者矣然稚存生清乾嘉極盛之時而安能處危治能慮亂非有過人之見不及此且其所慮固令世哲人 風雨霜露飢寒頓踣而死者之比比乎曰天地有法乎曰水旱疾疫即天地調劑之法也然民之遭水旱疾疫 屋之數常處其不足而戶與口之數常處其有餘也又況有彙倂之家一人據百人之屋一戶占百戶之田何 頃即 量腹而食度足而居吾以知其必不敷矣又自此而會焉自此而玄焉視高 整關閉塵未盡居也然亦不過增一倍而止矣或增三倍五倍而止矣而戶口則增至十倍二十倍。 而已是亦君相調劑之法 **曾時口已不下五六** 君 改成者日、 面 相 心要之 者、 Ż 居 十倍。 所以 屋 亦所 何能

不爲之歎異也

第十四章 襲定庵

著定庵集沈博與衍固足當一家之言其取公羊家三世之說通之攀經略見所謂五經大義終始答問問『三世之 而作配也司徒司寇司空也治升平之事资師乃文致太平之事孔子之法、箕子之法也。間『太平大一統何謂也』 法推法也」答『三世非徒春秋法也洪範八政配三世八政又各有三世』『顧問八政配三世』曰『食貨者據亂 **境段懋堂王裁受經懋堂東原戴氏之門人也故定庵於經學遠有師承而又出入於周秦諸子之皆晚尤好佛乘所** 有公羊何氏釋例公羊何氏解詁箋等書繼之者有龔定庵定庵名自珍原名翠祚字璱人浙之仁和人幼從外 官體部主事道光中卒)傳其外雕莊存與之學(存與字方耕乾隆進士官至體部左侍郎)表章何休公羊春秋著 於節目也詳尤群於賓夫賓師八政之最後者也士體十七篇純太平之言也」且漢學家之於經致力可謂 曰無此弱爾界陳常于時夏(周頌思文后稷)聖無外天亦無外者也」問「孰為純太平之書」答「禮古經之 大抵疏通訓詁者多而發明大義者尠發明大義惟今文家談公羊者有之此吾所以有取於定庵也抑定庵之言尤 漢學之盛也與宋學爭而其後也漢學中今文派又與古文派爭今文派之魁曰劉申受逢祿(武進人嘉慶進土、 了宋明山林偏僻士多言夷夏之防比附春秋不知春秋者也春秋至所見世吳楚進矣伐我不言鄙我無外矣**詩** 勤矣然 祖金

憂才而 之十年而僇之百年而僇之。才者自度將見僇則蚤夜號以求治求治而不得誇悍者則蚤夜號以求亂夫誖且悍且 **睊然嗣然以思世之一便己才不可問矣是故智者受三千年史氏之書則能以良史之憂憂天下憂不才而** 徒僇其心僇其能憂心能憤心能思慮心能作爲心能有廉恥心能無渣滓心又非一日而僇之乃以漸或三歲 亦僇之名亦僇之聲音笑貌亦僇之僇之權不告於君不告於大夫不宣於司市君大夫亦不任受其法亦不及 有棖 慘於槁木三代神聖不忍薄譎士勇夫而厚豢駑羸探世變也聖之至也』(乙丙之際著議第九)嗚呼可不謂 但尠君子也抑小人甚尠當彼其世也而才士與才民出則百不才督之縛之以至於伊之堡之非刀非鋸非水火文 左 羽 無才 《世爲一等衰世別爲一等衰世者文類治世名類治世聲音笑貌類治世黑白雜而五色可廢也似治世之太素宮 淆 《觸於余心者曰『吾聞深於春秋者其論史也曰書契以降世有三等三等之世皆觀其才才之差治世爲一等、 而五聲可樂也似治世之希聲道路荒而畔岸聽也似治世之蕩蕩便便人心混混而無口過也似治世之不識。 で相右無さ ;詩憂不才而衆憐如其憂才而衆畏履霜之曆寒於堅冰未雨之鳥戚於漂搖痹殤之疾殆於癰疽將麥之華、 《才史闡》 無才將庠序無才士隨無才民廛無才工獨無才商抑卷無才偸市無才駔藪澤無才盜則非 要領、 如其 而像

有閨闥之蔽房帷之設枕席之匿賴瀕之拒矣禽之相交徑直何私孰疏孰親一親無差尙不知父子何有朋友若人 定庵之學又不僅在公羊春秋也其言公私與北江之虞偽相類曰『貍交禽媾不避人於白畫無私也若人則必

月終、 有五氣] 蘋之詩人日 相 委蛇委蛇公私互舉之也」(論私) 育 則 性之堯不亡走不 相 富不相齊之爲之爾。 至極不祥之氣鬱於天地之間鬱之久必發爲兵燹爲疫癘生民噍類靡有孑遺人畜悲痛鬼神思 耀貧者阽富者安貧者日癥傾富者日癥壅或以羨慕或以憤怨或以 必有孰 私 善 天下之積重輕者而變易之。」(平均篇)而以禮徵之則其深於禮也而言性取告子曰『襲氏之言性 其稅 [無不善]而已矣善惡皆後起者夫無善也則可以爲桀矣無不善也、 曰東有階水西有賭財南有階栗北有階土南有階民北有階風王心則不平聽傾樂乘欹車、 太史候望而告氣東無賭水西無賭財南無諸粟北無賭土南無賭民北無諸風王心則 下有五行民有 起矣知桀之本不異堯孟氏之辭興矣爲堯矣性不加菀爲桀矣性不加枯爲堯矣性之桀不亡走爲桀矣、 薄孰厚之氣誼因有過從讌游相援相引款曲燕私之事矣今日大公無私則 獻 被之僮僮夙夜在公被之祁、 豣 於公先私而後公也大田之詩 加菀不加枯亦不亡以走是故堯與桀互爲主客互相伏也而莫相偏絕古聖帝明王立 小不相齊漸 五醜物有五才消焉息焉渟焉決焉王心而已矣是故古者天子之禮、 至大不相齊大不相齊而至喪天下嗚呼此貴乎操其本原與隨其 而以詩徵之則其深於詩也其言均平與鑄萬之大命相類曰、 入日、 雨我公田途及我私楚茨之詩人曰備言)則可以爲堯矣知堯之本不異桀郇(同 屬汰或以嗇客澆瀉詭異之俗百出不可止。 人耶則禽耶。 | 燕私先公 平、聽 握偏衡百僚受戒。 平樂百僚受福太 變置其始不過貧 ·—-有如 時而 五純退食自公、 七月之詩 執 du 潮調之上 貧 律 後 他則宗 相 私 而 制五 告聲。 軋富 也。

校讎 柘棬杞柳义何知焉是故性不可以爲名可以勉強名不可似可以形容似也揚雄不能引而申之乃勉強名之曰善 平然支離怪挺有識之儒所不道矣。 離 子之淵源判百家之流別(見古史鈎沈論)有清一代前則章實濟(名學誠會稽人乾隆進士所著有文史通 惡混雄也竊言未湮其原盜言者雄未雕其宗告子知性發端未竟」(闡告子)斯則又其得之於佛乘者至若窮諸 以杞柳爲虎子威俞杞柳何知焉又闡之曰以杞柳爲桮椿無數於其爲虎子威兪以杞柳爲虎子威俞無傷乎其爲 也仁義桮棬也以性爲仁義猶以杞柳爲桮棬闡之曰浸假而以杞柳爲門戶藩杝浸假而以杞柳爲桎拲梏浸。 之性有功於數耳無功於性進退卑亢百姓萬邦之醜類會不能進退卑亢性告子曰性無善無 武定庵生乾隆 敝 .通義等)後則襲定庵他尤未見其匹也今時學士大夫道定庵之皆不去口然特以其文而已能表章其 **微然欲民之背不善而鬱善攻劘彼爲不善者耳會不能攻劘性崇爲善者耳會不能崇性治人耳曾** 五十七年道光中進士官體部主事卒於道光二十一年年五十定庵後習公羊之學者有蜀 不善 也。 义 不能 曰、 性、 便而 杞柳 治人

第十五章 曾文正公

之然而士習日偸上者徒動破碎之功下者轉便空疏之遁一時賢達遂欲和會漢宋矯其敝風其尤著者則湘鄉會。 漢 學之盛、 力攻程朱以辨物析名為能而視躬行實踐迂繆無當於世用於是浮薄之士樂其 無所 拘礙、 譁然和

第四編 近世哲學史

宗隆。 弢 文正公國藩是也文正公當成豐洪楊之亂以禮部侍郎在 桱 以爲破碎害道齲斷焉而未有已吾觀五子立言其大者多合於洙泗何可議也其訓釋諸經小有不當固當取近世 中閎儒輩起訓 為聖哲費 實並茂之學故不欲左祖以附一鬨也然不獨於漢宋之爭然於程朱陸王之爭亦然文正嘗從唐鏡海 類州 莊 說以輔翼之又可屏棄摹言以自陰乎」(文集)而致劉孟容書(孟容名蓉亦湘郷人官至陝西巡撫)覆夏 ·甫書(弢甫名炘安徽當塗人著有述朱質疑等書)亦皆反覆此意(並見書札)蓋欲兼綜漢宋之長以 子之道 兩得之矣。 **哈當湖宗朱**。 雖無嶄然特出之詣然皇皇學問終身以之近百年來其知名於世者亦一 小識拿程朱 教 至大學士爵爲毅勇侯言清史者或矜其 像 授書、 自 記。 怡。 見書札、 [詁博辨度越昔賢別立徽志號曰漢學擯有宋五子之術以爲不得獨奪而篤信五子者亦屏 又曰 以 (當湖謂陸清獻) 日『自朱子表章周子二程子張子以爲上接孔孟之傳後有君相師儒篤守其說奠之或易乾隆 而 荀子之道 排陸王而文正 周末諸子各有極至之詣其所以不及孔子者此有所偏至即彼有所獨缺亦猶夷惠之不及 有節文夏教授即弢甫 自克其 則曰『朱子主道問學何嘗不洞達本源陸子主尊德性何嘗不實徵 無為 而當湖排擊 聞道之君子乎』又曰、 也、 姚江、)此其視鏡海拘墟之見相去何 、功烈或稱為 不 遺餘力當湖學派極正象山 籍督辦圍練創立湘軍十餘年間崎嶇戎馬卒成 **『其文章而**』 ---以禹墨之勤儉兼老莊之靜 不知其論學之餘風蓋支持 人而 如 已文正學問宗旨大略 姚江、 矣又吾觀文正 亦江 虚。 河不廢之 **庶於修己治人之** 凊 日 末 記、 問 數 踐履。 流。 學。 有日、 乗漢學、 見 + 鏡 成文 其 年之 室 姚江 後 海 コ以 所 著

孔氏耳。 文正門下才學之士靡所不攬嗚呼平時治學臨事用人固有其途徑相合者矣。 |補之。則 若游心能 諸 子皆可師 如老莊之虛 不可 ·秦也。 一靜治身能如墨翟之勤儉齊民能如管商之嚴整而又持之以不自是之心偏 _ 合衆冶於 爐納百川於一海文正之得成其爲廣大者豈不在 是 嫩 時

之學有詞章之學有經濟之學有考據之學義理之學即宋史所謂道學也在孔門爲德行之科詞章之學在孔門爲 之赴 則 嵞 言語之科經濟之學在孔門爲政事之科考據之學即今世所謂漢學也在孔門爲文學之科 王念孫父子也姬傳謂學問之途有三日義理曰詞章曰考據義理宋學當之考據漢學當之而文正則謂『有義 華者莫如質積翫之後據之以猛意在斯乎』(書札)然原才有曰『民之生庸弱者戢戢皆是也。 糊庚名長齡湖南善化人仕至雲貴總督文正日記言經濟之學吾從事者二書曰**會典**曰皇朝經世文編經世文 記 秾 文正於文極服 利 犐 人 文正 然論學不以義理考據為足而別列經濟一目此則有似於顏李者矣文正言治不尙高論。 衆人所趨勢之所歸雖有 庚所輯也)惟云『今日而言治術則莫若綜名覈實今日而言學術則莫若取篤實踐履之士物窮則 君之而受命焉尤智者所君 管論 顏 層桐城姚姬傳郵故聖哲畫像記贊稱顧秦姚王顧則顧亭林秦則無錫秦文恭公蕙田、 習齋字恕谷之學頗譏 大力莫之敢逆故曰撓萬物者莫疾乎風風俗之於人心始乎微而終乎不可禦者 尤衆焉此一二人者之心向義則 其忍嗜欲苦筋骨力勤見迩至比之於許行之並耕へ見文集 衆 人與之赴義。 一二人者之心向 此四者闕 故其覆賀耦庚書、 有 一二寶 利 三則高 、書學案 不 剘 可一見 變數浮 且 人 與 理

正公全集。 嘉慶 幸以 極、 識 俗而風俗之成由於一二人言若迂闊然而振古至今殆未有能脫此者也夫識者察於幾先衆人慮於事後弊之未 之者易靡及其既成發大木拔大屋一動而萬里應窮天人之力而莫之能禦」(同上)推天下治亂之原 」(文集)而箴言書院記亦曰『由一二人以達於通都漸流漸廣而成風俗風之爲物控之若無有鮨 7 初 者 定。 六年卒於同治十一年年六十二所爲詩文奏議書札日記及經史百家雜鈔等門下士輯而 論之而衆人不爲意也患之既見衆人知之而識者無可爲也殆其駕縫補苴精竭力窮機運幸以漸。 ,曠日持久蒙其禍者已不知幾何人矣此吾所以念文正之言未嘗不爲之發憤太息者也文正 刻之名曰 轉局勢 生於清 由 (同蹴)

第四編完) (下卷終)